

ՆԱՍԼԵՑ ՆԱՐՈՒԹՅՈՒՆՅԱՆ

**ԵՐԵՎԱՆԻ ՆԱԿԱՆՈՒ
ՎԱՐՉԱԺՈՂՈՎՐԴԱԳՐԱԿԱՆ ԴԱՏԱԿԵՐԸ,
ԱՐԿԵՍՏՆԵՐՆ ՈՒ ԱՌԵՎՏՈՒՐԸ**





ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ
ՊԱՏՄՈՒԹՅԱՆ ԻՆՍՏԻՏՈՒՏ

ՀԱՄԼԵՏ ՀԱՐՈՒԹՅՈՒՆՅԱՆ

ԵՐԵՎԱՆԻ ՆԱՀԱՆԳԻ
ՎԱՐՉԱԺՈՂՈՎՐԴԱԳՐԱԿԱՆ ՊԱՏԿԵՐԸ,
ԱՐՀԵՍՏՆԵՐՆ ՈՒ ԱՌԵՎՏՈՒՐԸ

ՄԵՍՐՈՊ ԱՐՔ. ԱՇԻԱՆ
ՄԱՏԵՆԱՇԱՐ
204



ARCH. MESROB ASHJIAN
BOOK SERIES
204

ԵՐԵՎԱՆ - 2020

ՀՏԴ 94(479.25)

ԳՄԴ 63.3(5Ը)

Հ 422

**Հրատարակության է երաշխավորել ՀՀ ԳԱԱ պատմության
ինստիտուտի գիտական խորհուրդը**

Խմբագիր՝ ՀՀ ԳԱԱ ակադեմիկոս Ա.Ա. Մելքոնյան

**Գրախոսներ՝ պ.գ.դ., պրոֆեսոր Ա.Մ. Հակոբյան,
պ.գ.թ., դոցենտ Հ.Կ. Սուքիասյան**

Հարությունյան Համլետ Մալխասի

Հ 422 Երևանի նահանգի վարչաժողովրդագրական պատկերը, ար-
հեստներն ու առևտուրը / Հ. Հարությունյան.- Եր.: ՀՀ ԳԱԱ
պատմության ինստիտուտ, 2020.- 241 էջ:

*Աշխարհությունում արխիվային վավերագրերի, փիճակագրական
տվյալների, մամուլի և գիտական գրականության հիման վրա քննարկ-
վում են Երևանի նահանգի վարչաժողովրդագրական նկարագրին,
իրերեսական կյանքին վերաբերող խնդիրները:*

*Նախատեսված է Հայաստանի նոր ժամանակների պատմությ-
յամբ զբաղվող մասնագետների և ընթերցող լայն շրջանների համար:*

ՀՏԴ 94(479.25)

ԳՄԴ 63.3(5Ը)

ISBN 978-9939-860-95-4

© ՀՀ ԳԱԱ պատմության ինստիտուտ, 2020

ԽՄԲԱԳՐԻ ԿՈՂՄԻՑ

Վերջին տասնամյակներին հայ պատմագիտությունը լուրջ հաջողություններ է արձանագրել Հայաստանի պատմական ժողովրդագրության ինդիքների ուսումնասիրության բնագավառում: Լույս են տեսել բազմաթիվ աշխատություններ, որոնք լույս են սփռում ինչպես Արևմտյան Հայաստանի, այնպես էլ Արևելյան Հայաստանի տարբեր նահանգների ու գավառների պատմաժողովրդագրական պատկերի վրա և ունեն ոչ միայն գիտական, այլ նաև ճանաչողական ու քաղաքական մեծ նշանակություն: Այդ հետազոտությունները կարևոր են հարկապես թուրք-ադրբեջանական կեղծարարության դեմ պայքարի տեսանկյունից:

Այդ իմաստով հույժ արդիական է պատմագիտության դոկտոր, պրոֆեսոր Հակեպ Մայխասի Հարությունյանի սույն աշխատությունը՝ նվիրված Երևանի նահանգի պատմաժողովրդագրական հիմնահարցերին: Գաղտնիք չէ, որ այսօր Ադրբեջանի իշխող վարչակարգը, գործի դնելով ահռելի ֆինանսական միջոցներ, պեղական մակարդակով կեղծում է ոչ միայն Արցախի, այլ նաև Հայաստանի Հանրապետության տարբեր տարածաշրջանների՝ Սյունիքի, Վայքի, Տավուշի, ինչպես և Այրարատ աշխարհի պատմությունը: Ադրբեջանական կեղծարարությունը հասել է այնպեղ, որ անգամ մայրաքաղաք Երևանը ներկայացվում է որպես ադրբեջանական քաղաք, իսկ Մայր Աթոռ Սուրբ Էջմիածինը՝ աղվանական-ադրբեջանական հոգևոր-եկեղեցական կենտրոն:

Արցախի 1918–1921 թթ. պայտնության վերաբերյալ հայերեն և անգլերեն լեզուներով ծանրակշիռ աշխատությունների հրատարակումից հետո ներկա հեղափոխությանը Համկեր Հարությունյանը շարունակեց ադրբեջանական կեղծարարության բացահայտումները:

Մենագրության մեջ հեղինակը հանգամանորեն անդրադառնում է 1828 թ. Երևանի և Նախիջևանի խանությունները Ռուսաստանին միացնելուց հետո ռուսական իշխանությունների վարած վարչատարածքային վերափոխումների քաղաքականությանը, 1849–1850 թթ. Երևանի նահանգի ձևավորման գործընթացին:

Գիրաքաղաքական նշանակությամբ առանձնանում է աշխատության երկրորդ գլուխը, որն ամբողջապես նվիրված է նահանգի ժողովրդագրական պատկերի վերլուծությանը: Հարությունյանը հարուստ աղբյուրագիրական նյութի քննությամբ ներկայացնում է ուսումնասիրվող նահանգի բնակչության տեղաբաշխումը, տեղաշարժերը, դրանց սոցիալ-քաղաքական դրդապատճառները, ազգային, սեռատարիքային կազմը XIX դարի երկրորդ կեսին և XX դարի սկզբին: Հայրուկ ուշադրություն է հարկացվում Օսմանյան կայսրությունում հայերի նկատմամբ իրականացվող ցեղասպան քաղաքականության հետևանքով դեպի Երևանի նահանգ արևմտահայ զանգվածների տեղաշարժի հարցերին:

Աշխատության երրորդ գլուխը ներկայացնում է նահանգի տնտեսական կյանքը՝ արհեստները, առևտուրը, արդյունագործությունը, Արևելյան Հայաստանում ազատ շուկայական հարաբերությունների ձևավորման գործընթացը և այլն:

Ավաղ, փորձառու պատմաբանին, մեր երկրի իսկական հայրենասեր քաղաքացուն և թանկագին գործընկերոջը բախտ չվիճակվեց տեսնել սույն աշխատության հրատարակությունը: Դաժան մահը կորեց նրա կյանքի թելը՝ անավարտ թողնելով

Համկեր Հարությունյանի հեղինակությամբ լույսընծայվելիք նորանոր աշխատություններ: Տպագրության հանձնելով սույն մեկնագրությունը՝ ինստիտուտի գիտական անձնակազմն իր համապետ ներդրումն է բնեկնում գիտնական-գործընկերոջ մտքի արգասիք՝ Երևանի նահանգի պատմաժողովրդագրական ինստիտուտի ուսումնասիրությունը հետազոտողների ու ընթերցող լայն հանրության սեփականությունը դարձնելու և հեղինակի պայծառ հիշատակը վառ պահելու գործում:

Աշոտ Մելքոնյան

ՀՀ ԳԱԱ պատմության ինստիտուտի տնօրեն,
ՀՀ ԳԱԱ ակադեմիկոս

ԳԼՈՒԽ ԱՌԱՋԻՆ

ԵՐԵՎԱՆԻ ՆԱՀԱՆԳԻ ԿԱԶՄԱՎՈՐՈՒՄԸ: ՆԱՀԱՆԳՆ ԱՆԳՐԿՈՎԿԱՍԻ ՎԱՐՉԱՏԱՐԱԾ-ՔԱՅԻՆ ԲԱԺԱՆՈՒՄՆԵՐԻ ՀՈԼՈՎՈՒՅԹՈՒՄ ԵՎ ՎԱՐՉԱԿԱՐԳԸ (1827–1917 ԹԹ.)

1. Երևանի և Նախիջևանի խանությունների վարչական կառուցվածքը և կառավարումը Ռուսաստանին միանալուց մինչև 1849 թ.

Անդրկովկասի և Արևելյան Հայաստանի¹ միացումով Ռուսաստանի արտաքին քաղաքականությունը բովանդակային առումով թեևակոխեց որակական նոր փուլ:

Տարածքային նվաճումների հետ մեկտեղ կայսրության զարգացման շահերը պահանջում էին ձեռնարկել և իրականացնել պետության քաղաքական և տնտեսական հիմքերի ամրապնդման միջոցառումներ, որոնք արմատական փոփոխություններ պիտի

¹ Արևելյան Հայաստանը վարչաաշխարհագրական առումով ընդգրկել է Երևանի նահանգը, Արցախը, Սյունիքը, Լեռնային Գանձակը, Լոռին, Փամբակը, հայկական Բորչալուն, Ջավախքը, իսկ 1878 թ. հետո նաև՝ Կարսի մարզը: Սույն աշխատանքում մենք ուսումնասիրության նյութ ենք դարձրել միայն Երևանի նահանգը: Արևելյան Հայաստանի հիմնական տարածքն ընդգրկված էր Երևանի, Նախիջևանի և Ղարաբաղի խանություններում, իսկ Լոռին, Փամբակը, Բորչալուն և Ճամշադինը Զարթի-Կախեթի միացյալ թագավորության մեջ: Արևելյան Հայաստանի և Անդրկովկասի մյուս բոլոր խանությունները ենթակա էին շահնշահի գերագույն իշխանությանը: Տե՛ս Հայոց պատմություն, հ. III, գիրք առաջին, Երևան, 2010, էջ 179:

մտցնեին նորագրավյալ տարածքների վարչատարածքային կառուցվածքում և բնակչության սոցիալ-տնտեսական և մյուս հարաբերություններում:

Դրանք նորանվաճված երկրամասում ամրապնդվելու և այն ամբողջովին յուրացնելու ուղիների հարցում Ռուսաստանի կառավարության ունեցած պատկերացումներն էին, նրա որդեգրած քաղաքականությունը:

Անդրկովկասի երկրամասում այդ խնդիրների լուծումն ուներ առանձնահատուկ բնույթ: Նախ, անհրաժեշտ էր վերջ տալ հավատակից և ցեղակից տիրապետողներին փոխարինելու եկած քրիստոնյա Ռուսաստանի հանդեպ տեղի մահմեդական բնակչության թշնամանքին ու ատելությանը: Կար ևս մեկ բացասական գործոն: Պարսկա-թուրքական դարավոր տիրապետությունը Անդրկովկասի ժողովուրդներին, այդ թվում և արևելահայությանը տնտեսապես շահագործելուց, կեղեքելուց, ազգային ու կրոնական բռնաճնշումներից և ստորացումներից բացի, նրանց վարժեցրել էր այնպիսի ապրելակերպի, երբ պետաիրավական և տնտեսական հարաբերություններում օրենքի իշխանության փոխարեն գործում էին հիմնականում մուսուլման ժողովուրդների ազգային կենսակերպին և գոյածնին հարիր հոռի բարքերն ու սովորույթները: Այդ վիճակը շարունակվում էր նաև երկրամասը Ռուսաստանին անցնելուց հետո: Երևույթների նման ընթացքը, անշուշտ, իր հետ բերում էր անկայունություն ու խառնաշփոթ, պետականության հասկացության թերի ըմբռնում, ինչը կարող էր վտանգել երկրի կայունությանը և կայսրության հարավային սահմանները հեշտ խոցելի դարձնել արտաքին թշնամիների համար:

Տնտեսական տեսանկյունից ևս խնդիրն ուներ արդիական հնչեղություն: Նվաճված տարածքներում տեղական ժողովուրդների վարչական և օրենսդրական հնացած համակառուցի փոխարեն

ռուսական վարչաձևեր և օրենքներ մտցնելով, գործի էին դրվում հաստատուն օրենքներ հարկային դաշտում:

Ռուսական իշխանությունները գիտակցում էին ստեղծված վիճակն արագ հաղթահարելու անհրաժեշտությունը: Գեներալ Իվան Պասկևիչը, որին հանձնարարված էր Անդրկովկասում, ինչպես նաև Արևելյան Հայաստանում բարեփոխումներ անցկացնելու իրավասությունը, 1830 թ. ապրիլին Նիկոլայ Ա-ին գրած նամակում նշում էր, որ Անդրկովկասում ռուսական վարչաձևերի և օրենքների տարօրինակ խառնուրդ է ստեղծվել վրացականի և մուսուլմանականի հետ, հարկերի գանձման սիստեմն անկանոն է, պաշտոնատար անձանց իրավունքների ու պարտականությունների մեջ գոյություն ունի անորոշություն¹: Միասնություն չկա ո՛չ կառավարման ձևի, ո՛չ օրենքների և ո՛չ էլ ֆինանսական սիստեմի մեջ: «Չարիքի արմատը,- գրում է նա,- գտնվում է հենց քաղաքացիական մասի կառավարչության մեջ»²:

Ռուսաստանի պաշտոնական շրջանակների տեսակետն էր. «Անդրկովկասը կապել Ռուսաստանի հետ քաղաքացիական և քաղաքական կապերով իբրև մեկ մարմին և ստիպել տեղի բնակիչներին խոսել, մտածել և զգալ ռուսաբար»³:

Այսպիսով, Անդրկովկասում վարչատարածքային փոփոխություններ անցկացնելու խնդիրը կայսրության շահերից բխող կենսական անհրաժեշտություն էր: Հարց է ծագում. Ռուսաստանի կառավարությունը ինչպես էր պատկերացնում այս գործընթացը և մաս-

¹ Պարսկաստանում կառավարման տիրող վարչաձևը ռազմական բռնապետությունն էր: Պետության մեջ շահի, իսկ խանություններում խաների իրավունքներն անասհմանափակ էին: Նրանց քմահաճույքից էր կախված հայատակների կյանքի ու գույքի ապահովությունը: Տե՛ս *Հայոց պատմություն*, հ. III, գիրք առաջին, էջ 180:

² Վ. Պարսամյան, *Հայ ժողովրդի պատմություն*, Երևան, 1979, էջ 67-68:

³ *Колониальная политика Российского царизма в Азербайджане в 20-60-х гг. XIX в.*, ч. I, М.-Л., 1936, с. 21.

նավորապես ի՛նչ ռազմավարություն էր վարում այդ ուղղությամբ, այսինքն՝ խոսքը վերաբերում է ինչից պետք է սկսեր հարցին: «Ենց սկզբից նշենք, որ երկրի ղեկավարությունը փաստորեն նոր՝ եղանակներ չկիրառեց խնդիրը լուծելու համար, այլ կենսագործեց նախկինում փորձարկված և բազմիցս կենսունակությունը ապացուցած ուղին, որն էր՝ Անդրկովկասը տարածքային վերածնման ենթարկելով ստեղծեց վարչատարածքային նոր համակարգ: Ընտրված ուղին դարձավ այետական քաղաքականություն, որն իր արտահայտությունը գտավ XIX դ. 30–40-ական թվականներին Անդրկովկասում և Արևելյան Հայաստանում մեկը մյուսին հաջորդող վարչատարածքային փոփոխությունների ծրագրերի փնջում: Տարածքային վերածնունդները և ըստ այդմ վարչակառավարման նոր համակարգի ստեղծումը ներկայացնում էին որպես մեկ ընդհանուր ռազմավարական ուղղություն, որն, ինչպես ենթադրում էին Ռուսաստանի իշխանությունները, թույլ կտար Նորագրավյալ տարածքներն առանց ցնցումների և այլևայլ բարդությունների «ներծծել» կայսրության մեջ:

Հատկանշական է, որ Երևանի և Նախիջևանի խանություններում՝ ռուսական իշխանությունները մասնակի վարչական փոփոխություններ սկսում են տակավին այս խանությունների ռազմակավման հետ միաժամանակ: Արևելյան Հայաստանում Ռուսաստանը, առաջին անգամ, իշխանության մարմնի տեսքով ներկայացել է 1827 թ. հոկտեմբերի 6-ից, երբ գեներալ Ի. Պասկևիչի հրամանով ստեղծվեց Երևանի ժամանակավոր վարչությունը: Ռազմավարական բնույթի սույն վարչությունը, որը կոչված էր իշխանություն իրա-

¹ Երևանի խանությունը բաժանված էր 15 մահալների՝ Կրիստուպոլի, Չանգիբասարի, Գառնիբասարի, Վեդիբասարի, Շարուրի, Սուրմալուի, Դարաբենդ – Փարչենիսի, Սահաթլուի, Թալինի, Սեիդլի-Ախսախլիի, Սարդարաբադի, Կարբիբասարի, Ապարանի, Դարաչխակի և Գյուլջայի: Նախիջևանի խանությունն Օրդուբադի շրջանի հետ միասին կազմված էր 10 մահալից: Տե՛ս Հայոց պատմություն, հ. III, գիրք առաջին, էջ 179:

կանացնել գրավյալ ժողովուրդների նկատմամբ, ընդամենը կես տարվա կյանք ունեցավ: 1828 թ. մարտի 21-ին կայսր Նիկոլայ Ա-ն Սենատի անունից հրովարտակ արձակեց, որով Երևանի և Նախիջևանի խանություններից և Օրդուբադի օկրուգից ստեղծվեց Հայկական մարզը: Նրանում մասնավորաբար ասված է. «...Պարսկաստանից Ռուսաստանին միացված Երևանի և Նախիջևանի խանություններն այսուհետև բոլոր գործերում անվանել Հայկական մարզ և մտցնել մեր տիտղոսի մեջ»¹: Այս հրամանագրի հետ աղերս ուներ Պասկևիչի կողմից ժամանակավոր վարչությունը լուծարելու մասին հրամանի արձակումը: Մարզը բաժանվում էր երկու՝ Երևանի և Նախիջևանի գավառների և Օրդուբադի օկրուգի: Հայկական մարզի տարածքի փաստացի մակերևույթը կազմում էր 30 հազար քառ. վերստ, որից 1.200 քառ. վերստը բաժին էր ընկնում Սևանա լճին, 500 քառ. վերստը՝ գետեր, առուներ, ջրմուղներ, 500 քառ. վերստը՝ ճահիճներ, 200 քառ. վերստը՝ ճանապարհներ, 1.000 քառ. վերստը՝ քաղաքներ, գյուղեր, ճմեռանոցներ և այլ շինություններ և 250 քառ. վերստը՝ գերեզմաններ, դրանցից բացի. ա) 5.000 քառ. վերստը՝ պիտանի հող մերձարևադարձային բույսերի մշակման համար, 9.000 քառ. վերստը՝ հացաբույսերի մշակման համար, խոտհարք՝ 5.000 քառ. վերստ, անպիտանի հողեր և լեռնագագաթներ՝ 3.000 քառ. վերստ, աղուտներ՝ 200 քառ. վերստ, անտառներ՝ 1.000 քառ. վերստ, այգիներ՝ 125 քառ. վերստ և հացահատիկի մշակման համար 3.025 քառ. վերստ անջրդի հողերը: Մարզը հարավից սահմանակից էր Պարսկաստանին (250 վերստ երկարությամբ), իսկ արևմուտքից՝ Թուրքիային (230 վերստ երկարությամբ)²:

¹ *Собрание актов, относящихся к: обзору истории армянского народа*, т. 1. М., 1833, с. 278; *Присоединение Восточной Армении к России*, т. 2, с. 566–568; *Полное собрание законов Российской империи*, II собр., т. III, 1828, № 1888.

² *Տճու Ըոկումենտի և մատերիալի ու պատմիկի Արմյանկոց ժողովուրդի. Սոցիալ-քոլիտիկոս և էքոնոմիկոս թոլոճիմենի Վոստոչնոյ Արմենի յոսլե յոսիւմիմենի կ*

Նորաստեղծ մարզի կառավարումը հանձնարարվեց բարձրաստիճան գինվորականներից կազմված մարզային վարչությանը¹, որի ղեկը ստանձնեց գեներալ Ճավճավաճեն, իսկ 1830 թ. մինչև 1838 թ. այդ պնշտոնը վարեց իշխան Վ. Բեհբուխովը:

«Հայկական մարզի կառավարման կանոնների մասին» 1833 թ. հունիսի 23-ին Պետական խորհրդի ընդունած որոշման համաձայն մարզում անցկացվեց վարչատարածքային նոր բաժանում՝ ձևափոխվեց նրա վարչական քարտեզը՝ Երևանի գավառը բաժանվեց չորս օկրուգների (շրջանների)՝ Երևանի², Շարուրի, Սարդարաբադի և Սուրմալուի: Իսկ Նախիջևանի գավառը՝ Նախիջևանի և Շարուր-Դարալագյազի³: Յուրաքանչյուր օկրուգ բաժանվեց ավելի փոքր վարչական միավորների՝ մահալների և գյուղերի: Վերը նշված որոշման կիրարկման առաջին քայլերից մեկը եղավ այն, որ վարչական պաշտոններից հեռացվեցին խանական շրջանի նախկին պաշտոնյաները՝ խաները, բեկերը, մելիքները և աղաները⁴:

Որպես կանոն՝ նորաստեղծ վարչական կառույցներում ղեկավար պաշտոններ էին զբաղեցնում ուսական քաղաքացիական կամ գինվորական աստիճանավորները, թեև առանձին դեպքերում նշանակվել են նաև հայեր:

Նախիջևանի և Օրդուբադի վարչական կառույցները պահպանվեցին: Հունիսի 23-ի որոշմամբ Նախիջևանի պրովինցիան և

России (1830–1870), под редакцией Н.А. Тавакаляна, Эрсван, 1993, էջ 334 (այսուհետև՝ Документы и материалы):

¹ Վարչության կազմում ընդգրկվեցին երկու ռուս բարձրաստիճան գինվորականներ. մեկ հայ և մեկ մահմեդական՝ տեղական ընտրյալ դասի ներկայացուցիչներից: Կոլեգիայի հայ ներկայացուցիչը եղել է Ներսես Աշտարակեցին: Տե՛ս *Н. Тавакалян, Документы и материалы*, էջ 334:

² 1833 թ. Երևանը համարվեց Հայկական մարզի վարչական կենտրոն: Տե՛ս *Памятная книжка Эриванской губернии на 1906 г.*, Эриван, 1905, էջ 135 (այսուհետև՝ ПКЭГ):

³ Տե՛ս *И. Шопен, Исторический памятник состояния Армянской области в эпоху ее присоединения к Российской империи*, СПб., 1852, էջ 448:

⁴ Տե՛ս *Հայ ժողովրդի պատմություն*, հ. V, Երևան, 1974, էջ 215:

Օրդուբադի օկրուզը թողնվեցին նայիբների կառավարման ներքո. «Նախիջևանի և Օրդուբադի... նայիբներին՝ էսքան խանին և Շխալի-բեկին, որոնց այդ վայրերում զեմստվային իշխանություն է տրված, թողնել իրենց կոչման ու պաշտոնի մեջ...»¹:

Ուղղորդվելով նշված օկրուզներում հին վարչակարգերը պահպանելու և մահմեդական բնակչության երբեմնի ազդեցիկ և թելադրող կարգավիճակը չխախտելու Ռուսաստանի շովինիստ ղեկավարության քաղաքականությամբ, տեղերում այդ քաղաքականությունը կոտորեն իրականացնող պաշտոնյաներն առանձին դեպքերում շատավելի հեռուն գնացին: Այսպես, տվյալ ժամանակաշրջանի իրադարձությունների անմիջական և ակտիվ մասնակից Ա. Գրիբոյեդովը², որին խնդրո առարկա հիմնահարցը ուսումնասիրող խորհրդային բոլոր պատմաբանները, չնչին բացառությամբ, համարել են հայ ժողովրդի շահերի պաշտպան, Ի. Պասկևիչին հորդորում էր Նախիջևանի 500 ընտանիք (այդ թվում ներգաղթողներից) կամովին կամ հարկադրաբար տեղափոխել այլ վայրեր և նրանց տեղը բնակեցնել մահմեդականներով³:

Այս ամենից հետևում է, որ Ռուսաստանին անցած Արևելյան Հայաստանի պարսկական մասում, մասնավորապես Նախիջևանում և Օրդուբադում անցկացվող ինչպես ընդհանուր, այնպես էլ մասնակի վարչատարածքային բաժանումներն ու վերաբաժանումներն ուղեկցվում էին նախկին վարչամիավորների լրիվ կամ մասնակի պահամանմամբ: Փաստորեն, Անդրկովկասի նորագրավյալ մյուս տարածքների օրինակով Հայկական մարզում ևս վարչական

¹ Полное собрание законов Российской империи, т. VIII, 1833, № 62, 82.

² Ա. Գրիբոյեդովը մեծ մասնակցություն է ունեցել ինչպես Թուրքմենչայի պայմանագրի կնքման, այնպես էլ պարսկահայերի վերաբնակեցման աշխատանքներին: Տե՛ս А. Берге, А. Грибоедов. Деятельность его как дипломата (1827–1829 гг.), Русская старина, СПб., 1874, էջ 747–748:

³ Տե՛ս նույն տեղում:

նոր վերաբաժանումների ժամանակ հին բոլոր վարչական կառույցները չլուծարվեցին, և ստեղծվել էր մի իրավիճակ, երբ դեռ ուսական կայսրության իշխանության նոր կառույցները չէին ամրապնդվել, իսկ օրենքների կիրառկման համար համապատասխան օրենսդրական դաշտ չկար, հինն ու նորը դեռ զուգորդված էին և ներկայացնում էին հնի ու նորի հակադրությունների միասնություն:

Հարց է ծագում, ինչու այնպես եղավ, որ քրիստոնյա Ռուսաստանը հավատակից հայերից առավել վստահում էր մահմեդականներին:

Նախ՝ հենց սկզբից նշենք, որ գաղութատեր Ռուսաստանի դեկալարությունը չէր վստահում, թե՛ հայերին և թե՛, առավել ևս, մուսուլմաններին: Այդ քաղաքականության պատճառները շատ ավելի բազմաշերտ են ու խորը, քան կարող է թվալ առաջին հայացքից: Առաջին, ուսական պետության համար քաղաքական առումով շահեկան չէր, որ իր հարավային նորահաստատված և «փխրուն» սահմանը բնակեցված լիներ էթնիկական միատարր կազմ ունեցող մեծաթիվ բնակչությամբ, որն, անշուշտ, հակառուսական անջատողական տրամադրություն սնուցող գործոն էր: Երկրորդ, երկու ժողովուրդներից որևէ մեկի անհնազանդության և ապակենտրոն ձգտումների դեպքում, մյուսին հակակշռելու համար: Երրորդ, տեղի մուսուլման բնակչության համակրանքին արժանանալու, նրա վերնախավին սիրաշահելու և իր կողմը գրավելու համար: Չորրորդ, հաշվի էր առնվում նաև այն հանգամանքը, որ մուսուլման ժողովուրդները, որպես կանոն, շատ ավելի առաջնորդվում էին ավանդույթների ու սովորույթների ուժով, քան օրենքներով:

Այսուհանդերձ, Հայկական մարզում «Կյրարկված վարչական բարեփոխումները,- գրում է Գ. Գալոյանը,- աւառարկելի դրական նշանակություն ունեցան: Բնակչության լայն զանգվածները ազատագրվեցին պարսկական խաների թալանից ու բռնադատումնե-

րից: Հայկական մարզում սկսեցին գործել ռուսական կայսրության օրենքները, որոնք սակայն գաղութային հնազանդության մեջ էին պահում նվաճված երկրամասերի ժողովուրդներին»¹:

Անցել էր բավականին երկար ժամանակ: Ռուսաստանը հասցրել էր իր տիրապետող ներկայությունը ապահովել Անդրկովկասի երկրամասի տնտեսական և քաղաքական կյանքի կարևորագույն բնագավառներում և ուսումնասիրել նրա բնակլիմայական պայմանները, հաղորդակցության ուղիները, տնտեսական կապերը և հետաքրքրություն ներկայացնող այլ խնդիրներ:

Այս ամենը դեռ բավարար չէր երկրամասը կայսրության ամբողջական մարմնի կարկատանամաս դարձնելու, կարգ ու կանոն հաստատելու, նվաճված ժողովուրդներին հնազանդության մեջ պահելու, նրանց անջատողական տրամադրություններին վերջ տալու, ակնկալվող օգուտներ ստանալու և տերության ամբողջականությունը հավերժացնելու համար: Ռուսական իշխանությունները պետք է, որ անհրաժեշտ եզրակացություն անեին այդպիսի իրավիճակից:

Անդրկովկասում, հատկապես Արևելյան Հայաստանում սկսված գյուղացիական հակացարական զանգվածային ելույթները և շարժումները նոր սրությամբ դրեցին ոչ վաղ անցյալում նվաճված տարածքներում հրատապ բարեփոխումներ անցկացնելու անհրաժեշտությունը:

Երկրամասում վարչատարածքային վերաձևումներ կատարելու գաղափարն անմիջական արձագանք ստացավ ռուսական կառավարության կողմից, երբ 1837 թ. Նիկոլայ Ա-ն այցելելով Անդրկովկաս և Արևելյան Հայաստան, արժանացավ տեղի բնակչության, այսպես կոչված, անհյուրընկալ վերաբերմունքին:

¹ Գ. Գալոյան, *Հայաստանը մեծ տերությունների աշխարհակալ առնակատումներում (XVI դարից – 1917 թ.)*, Երևան, 2004, էջ 183:

Ռուսական կառավարությունը 1830-ական թթ. սկսեց ակտիվացնել Անդրկովկասում բարեփոխումներ անցկացնելու իր քաղաքականությունը և դիմեց գործնական քայլերի:

Մի այդպիսի քայլ էր ցարական կառավարության կողմից ստեղծված հատուկ հանձնաժողովը սենատոր Հանի գլխավորությամբ, որն Անդրկովկասում վարչատարածքային փոփոխությունների հարցն ուսումնասիրելու և ըստ այդմ կառավարությանը եզրակացություն ներկայացնելու համար 1837 թ. ուղարկվեց Անդրկովկաս: Մեկ տարի անց՝ 1838 թ., հանձնաժողովի կողմից կառավարությանը ներկայացված զեկուցագիրը բովանդակում էր նախատեսվող վարչատարածքային փոփոխությունների ամբողջ շրջանակը: 1840 թ. ապրիլի 10-ին կայսրը վավերացրեց «Անդրկովկասի կառավարման կանոնադրությունը»¹: Կառավարությունն իսկույն ևեթ ձեռնամուխ եղավ դրա կենսագործմանը: Անդրկովկասը ենթարկվեց վարչական նոր բաժանման: Առաջին քայլերից մեկն այն եղավ, որ ցրվեցին նախկին բոլոր վարչամիավորները, այդ թվում տասներկու տարվա կենսագրություն ունեցող Հայկական մարզը:

1840 թ. Հայկական մարզի տարածքի վրա ստեղծվեց երկու վարչական միավոր՝ Երևանի և Նախիջևանի գավառները, իսկ Օրդուբադը ստացավ գավառային ենթակայության՝ քաղաքի կարգավիճակ: Նույն տարում Անդրկովկասի երկրամասում ստեղծվեց երկու խոշոր վարչատարածքային միավոր՝ Կասպիական մարզը՝ Շամախի կենտրոնով և Վրաց-Իմերեթական նահանգը՝ Թիֆլիս կենտրոնով: 11 գավառից բաղկացած Վրաց-Իմերեթական նահանգի մեջ մտցվեց նաև Արևելյան Հայաստանի երեք՝ Երևանի, Նախիջևանի և Ալեքսանդրապոլի (վերջինն իր մեջ ընդգրկում էր նաև

¹ Ապրիլի 10-ի օրենքով Կովկասում տեղական կառավարումը եռաստիճան էր. տեղամաս՝ տեղամասային ատենակալ, գավառ՝ գավառապետ, նահանգ՝ նահանգապետ: Տե՛ս Գ. Евангулов, *Местная реформа на Кавказе*, СПб., 1914, էջ 18–19:

Բորչալուի շրջանի հարավային մասը և Շորագյալ-Փամբակի ամբողջ շրջանը, իսկ 1840 թ.՝ նաև Ախալքալաքի շրջանը) գանձառները՝:

Ընդ որում, ինչպես այս, այնպես էլ հաջորդ վարչատարածքային բաժանումների հիմքում ընկած էր քաղաքական գործոնը՝ Ռուսաստանի կառավարությունը Արևելյան Հայաստանը դիտում էր որպես գրավված տարածք, որի հետ կարող էր վարվել ինչպես ցանկանար, միայն թե հավերժացներ կայսրության ամբողջականությունը՝ ի շահ նրա հետագա ընդարձակմանն ու հզորացմանը:

Այլ խոսքով՝ ազգային առանձնահատկությունների, էթնոգրավանաբանական, տնտեսական և ժողովրդագրական գործոնների հետ իշխանությունները հաշվի չէին նստում: Ըստ էության, դա կայսերապաշտական քաղաքականություն էր, որի կենսագործման ճանապարհին ամենաբիրտ կերպով ոտնահարվեցին արևելահայերի և Անդրկովկասի հայության ազգային արժանապատվությունը, կրոնաբարոյական զգացմունքները, խաթարվեց նրա ազգային-մշակութային ժառանգության շարունակականությունը: Սա դեռ ամենը չէ: Արևելյան Հայաստանը բաժան-բաժան արվեց: Արևելահայությունը և կովկասահայությունը զոհաբերվեցին այդ վարչատարածքային փոփոխություններին: Վերը ասվեց, որ հայկական տարածքների մեծ մասը մտվեց Վրաց-Իմերեթական նահանգի մեջ: Այս

1801 թ. Ռուսաստանին անցած Փամբակի շրջանից ստեղծվեց Լոռիի գավառը: Երևանի սարդարից կախվածության մեջ գտնվող Շորագյալի սուլթանության բնակչությունը 1815 թ. կամուլին անցավ Ռուսաստանի տիրապետության տակ: Այս երկու շրջանների միավորումից ստեղծվեց մեկ վարչական միավոր՝ Փամբակ-Շորագյալի դիստանցիա (աստիճանակարգ – Հ.Հ.) անունով: 1840 թ. այս դիստանցիային միացվեց Ախալքալաքի շրջանը և, դրանց հիմքի վրա էլ ստեղծվեց Ալեքսանդրապոլի գավառը, որը սկզբից անցավ Վրաց-Իմերեթական նահանգին, իսկ 1846 թ.՝ Թիֆլիսի նահանգին: Տե՛ս Հայաստանի ազգային արխիվ, ֆ. 94, ց. 1, գ. 3151, թ. 68 (այսուհետև՝ ՀԱԱ), *ПКЭГ на 1892-й г.*, Эриван, 1891, էջ 105: *ПКЭГ на 1906 г.*, էջ 133-134: *Обзор Эриванской губернии за 1886 г.*, Тифлис, 1885, էջ 1, 3 (այսուհետև՝ ՕՅԴ): Գ. Եвангулов, նշվ. աշխ., էջ 11-13:

վարչատարածքային վերաձևումներից դժգոհելու արդի չունեցան և Կովկասի թաթարները: Կասպիական մարզին բռնակցվեցին Սյունիքն ու Արցախը:

Այս բաժանմանն արժե անդրադառնալ, քանզի այն շոշափում է Անդրկովկասի ժողովուրդների ազգամիջյան հարաբերություններին վերաբերող հարցեր: Երկրամասի ժողովուրդները ռուսական իշխանությունների կողմից դիտվում էին որպես անջատողական տարրեր: Դրանց դեմ պայքարելու միջոցը հայտնի էր՝ փորձված ու արդյունավետ՝ որպիսին էր, բաժանիր, որ տիրես: Անդրկովկասի երկրամասը կամայականորեն վերաձևելով ցարական կառավարությունը հաշվի չէր առնում տեղական բնակչության ոչ մի սովորույթ, բորբոքում էր նրանց կրոնական զգացմունքները, բթացնում ազգային ինքնագիտակցությունը, աշխատում էր մի ժողովրդին մյուսի դեմ լարել, որպեսզի հեշտ լիներ նրանց վրա իշխելը:

Բայցևայնպես, այդ ամենը շատ հաճախ հանգեցնում էին տնտեսական ու քաղաքական լուրջ խնդիրների, որոնք անհապաղ լուծում էին պահանջում:

Վարչատարածքային նոր համակարգից Անդրկովկասի երեք հիմնական ազգությունները՝ հայերը, վրացիները և թաթարները, խոր տազնապի մեջ էին: Ծայրահեղորեն գրգռված էին հայերը: Արհեստածին այս համակարգը երկրամասի ժողովուրդներին հարուցել էր այլ կարգի անհարմարություններ ևս: Այն երկրամասի տնտեսության զարգացման համար նոր հնարավորություններ չստեղծեց, եթե չասենք, որ լուրջ դժվարություններ ու բարդություններ հարուցեց:

Անդրկովկասը՝ որպես լեռնային և տարածքով խիստ մասնատված տարածաշրջան, ռուսական կայսրության ամենադժվարամատչելի երկրամասերից մեկն էր: Ճանապարհների ցանցը չափազանց փոքր էր և խիստ անբարվոք: Եթե սրան ավելացնենք, որ

ձմռան ամիսներին դրանց մեծ մասը փակվում էր, ապա պատկերն ավելի պարզ ու հասկանալի կդառնա: Ճանապարհատրանսպորտային միջոցների բացակայության հետևանքով անհնարին էր դարձել աշխույժ կապ հաստատել նահանգային կենտրոնների և գավառների, ինչպես նաև վերջինների միջև: Երկրամասն առանձնանում էր յուրահատուկ բնակլիմայական պայմաններով, գյուղատնտեսական մասնագիտացման բնույթով, բնակչության խտությամբ, աշխատուժի և աշխատանքային ռեսուրսների թերօգտագործմամբ:

Այս ամենը վարչատարածքային այդ կատույցների մեջ պարտադրված ընդգրկված ժողովուրդներից յուրաքանչյուրի տնտեսական զարգացման, հոգևոր-մշակութային սեփական նկարագրիը կերտելու և ազգային ինքնությունը պահպանելու համար անշրջելի վտանգ էր սպառնում:

Ի դեպ, ստեղծված տնտեսական և քաղաքական կացությունը օբյեկտիվորեն չէր բխում նաև Ռուսական կայսրության շահերից, որովհետև մի կողմից ակնկալվող օգուտները չէին ստացվում, մյուս կողմից էլ ժողովրդական զանգվածների հակապետական կրքերն ու տրամադրություններն էին բորբոքվում: Փաստորեն, Ռուսաստանի կառավարության սպասումները հետագայում չարդարացան, ուստի և նրա իշխանությունների կողմից այլևս չէր խրախուսվում ստեղծված կացությունը: Հենց դա է վկայում այն փաստը, որ Անդրկովկասը կայսրության համար էլ ավելի շահավետ դարձնելու և նրանից առավելագույնը ստանալու ընչաքաղցությամբ ցարական կառավարությունը ձեռնամուխ եղավ երկրամասը նոր վարչական վերածնման ենթարկելու փորձված մեթոդին:

Անդրկովկասի վարչատարածքային նոր բաժանման և կառավարման համակարգի վերափոխման անհրաժեշտության մասին 1845 թ. փոխարքա Միխայիլ Վորոնցովն իր հաշվետվության մեջ

նշել է. «Ես զարմացած եմ, որ զգալի թվով պետական պաշտոնյաներ զանազան գերատեսչություններից աշխատատեղ ու պաշտոններ են փնտրում»: Նա նշում է նաև, որ «1840 թ., երբ կազմավորվեց Անդրկովկասի երկրամասը և բացվեցին նահանգային և գավառային զանազան աշխատատեղեր, Ռուսաստանից հրավիրվեցին շատ պաշտոնյաներ: Կարճ ժամանակամիջոցում վիճակը փոխվեց: Նրանցից ոմանք հայտնվել են ծանր դրության մեջ: Բացի դա, ամեն տարի ավելանում է Ռուսաստանի գիմնագիաներ և մյուս հաստատություններ ավարտած տեղացի մասնագետների թիվը, որոնք ձգտում են աշխատել»: Նկատի ունենալով այդ ամենը, գրում է փոխարքան, «ես կարգադրություն եմ արել Ռուսաստանից չհրավիրել պաշտոնյաներ ծառայության համար առանց բացառիկ անհրաժեշտության և առանց իմ թույլտվության»¹: Հավելենք, որ Կովկասի նոր փոխարքա Մխիթայիլ Վորոնցովը պաշտոնների նշանակում էր առավելապես տեղական կադրերին:

Անդրկովկասի վարչական բաժանումներն ուսումնասիրող Ա. Օհանյանը ևս անդրադառնալով այդ փոփոխությունների պատճառներին գրում է. «Լյս վերջին բաժանման (1846 թ. – Հ.Հ.) նպատակն էր ուժեղացնել վարչական, դատական ու ոստիկանական ապարատի ճնշումը, ինչպես մասամբ նաև «մխիթարել» Իմերեթիայի ազնվականներին, վերջ տալ նրանց տրտունջներին այն մասին, որ իրենց ամբողջ թագավորությունը (Իմերեթիան) դարձրել են Թիֆլիսի նահանգի մի գավառը: Կովկասի փոխարքա Մ. Վորոնցովն այդպիսով ընդառաջեց Իմերեթիայի ազնվականությանը՝ ստեղծելով Քուբայիսի նահանգը»²:

¹ ՀԱԱ, ֆ. 91, ց. 1, գ. 3151, թ. 4:

² Ա. Օհանյան, *Վարչա-տնտեսական բաժանումները նախասովետական Հայաստանում*, Գիտական աշխատություններ, հ. 51, *Աշխարհագրական գիտությունների սերիա*, պրակ 2. Երևան, 1955, էջ 86–87:

Այսպիսով, կենտրոնական և երկրամասային իշխանություններն առաջացած խնդիրների լուծումը կապում էին գավառների և նահանգների թվի ավելացման հետ: 1846 թ. նոյեմբերի 14-ին Կովկասյան կոմիտեն ընդունեց «Կանոնադրություն Անդրկովկասի երկրամասը չորս նահանգների բաժանելու մասին»¹:

Երկրամասում առաջին անգամ նոր վարչամիավորներ ստեղծելուց յոթ տարի անց՝ 1846 թ. դեկտեմբերի 14-ին Վրացախմբեթական նահանգը բաժանվեց երկու նահանգի՝ Թիֆլիսի և Քուրթայիսի, որոնցից յուրաքանչյուրն ունե՛ր հինգ գավառ: Ընդ որում՝ Ախալցխայի գավառն անցավ Քուրթայիսի նահանգին: Կասպիական մարզը նույնպես բաժանվեց ե՛րկու նահանգի՝ Շամախիի և Դերբենդի²: Փաստորեն, երկրամասի ողջ տարածքի վրա ստեղծվեցին չորս նահանգներ: Արևելյան Հայաստանի մեծ մասը՝ Երևանի, Նախիջևանի և Ալեքսանդրապոլի (վերջինիս կազմում նաև Ախալքալաքի շրջանը) գավառները, ինչպես նաև Ղազախի և Շամշադինի շրջանները, որոնք գտնվում էին Շամախիի նահանգի³ Ելիզավետպոլի գավառի՝ կազմում, միացվեցին Թիֆլիսի նահանգին⁴:

Երևանի գավառապետ նշանակվեց Նիկոֆոր Բլավատսկին, Նախիջևանի գավառապետ՝ Իեսսեյ Սուլխանովը, իսկ Ալեքսանդրապոլի գավառապետ՝ Ռոբերտ Բինեմանը⁵:

Անդրկովկասի երկրամասի վարչական սահմանաբաժան այս քարտեզն անփոփոխ մնաց մինչև XIX դ. 40-ական թվականների

¹ Տե՛ս В. Туляп, *Политика самодержавия России в Закавказье XIX – нач. XX вв.*, часть четвертая 1845–1876 гг., Ереван, 2007, էջ 17–18:

² Տե՛ս ՀԱԱ, ֆ. 91, ց. 1, գ. 3151, թ. 6:

³ Շամախի նահանգի (Շամախի վարչական կենտրոնով) կազմում էին Բարվի, Լենորանի, Շամախիի, Նուխիի և Շուշիի գավառները: Տե՛ս А. Шахатунян, *Административный передель Закавказского края*, Тифлис, 1918, էջ 88–92:

⁴ Տե՛ս ПКЭГ на 1906 г., էջ 134: ОЭГ за 1886 г., էջ 1: А. Шахатунян, նշվ. աշխ., էջ 88–92: Ա. Օհանյան, նշվ. աշխ., էջ 87:

⁵ Տե՛ս *Кавказский календарь на 1846 г.*, Тифлис, 1845, էջ 173–174 (այսուհետև՝ КК):

վերջը: Այս վերածնունդը, սակայն, չուներ եղանակ իր դրական հետևանքները: Տարիներ պետք է անցնեին, որպեսզի ակնհայտ այդ իրողությունն ընկալեին և անհրաժեշտ հետևության հանգեին ռուսական իշխանությունները՝ գործնական քայլեր կատարելու, կայսրության մեջ գոծող օրենքներն երկրամասի վրա տարածելու, նրա վարչական կառուցվածքը ըստ հիմնական ազգությունների տեղաբաշխվածությանն ու խտությանը համապատասխան փոփոխության ենթարկելու համար:

Այսպիսով, Ռուսաստանի իշխանություններն Արևելյան Հայաստանը կայսրությանը կցեցին նրա տարածքային ամբողջականությունն անդամահատելով: Ոտնահարվեցին հայ ժողովրդի ազգային շահերը: Նրան չտրվեց անգամ առանձին վարչական միավոր ունենալու հնարավորություն: Հաշվի առնելով այս ամենը Ռուսաստանի կառավարությունը Թիֆլիսի նահանգի կազմից հանեց Երևանի, Նախիջևանի, Ալեքսանդրապոլի գավառները և 1849 թ. հիմնեց Երևանի նահանգը:

Փաստորեն, XIX դարի առաջին 30-ամյակում ցարական Ռուսաստանը նվաճեց և կայսրությանը միացրեց Անդրկովկասն ու Արևելյան Հայաստանը, որն իբրև չարյաց փոքրագույն ունեցավ առաջադիմական նշանակություն: Սակայն, ռուսական կառավարությունը այնտեղ վարչատարածքային բաժանումներ անցկացնելիս և սոցիալ-տնտեսական քաղաքականություն վարելիս առաջնորդվել է գերազանցապես մեծապետական շահերով, որպես կանոն, հաշվի չի առել այնտեղ ապրող բնիկ ժողովրդների պատմական, տարածքային, քաղաքական, էթնիկ իրավունքները, հոգևորմշակութային առանձնահատկությունները, խնդիրներ, որոնք հետագայում ազգամիջյան ընդհարումների պատճառ դարձան և դրա արձագանքները, ցավոք, շարունակվում են մինչ օրս: Ընդ որում,

հարկ է ընդգծել, որ այդ վարչատարածքային բաժանումներից ամենաշատը տուժել է Հայաստանը և հայ ժողովուրդը:

**2. Երևանի նահանգի կազմավորումը,
վարչատարածքային փոփոխությունները և
կառավարման համակարգը XIX դ. 40-ական
թվականների վերջից – 1917 թ.**

Անդրկովկասի վարչատարածքային կառուցվածքը նոր վերածնման ենթարկելու խնդիրը դարձել էր օրակարգային անհրաժեշտություն և հրատապ լուծում էր պահանջում:

Այդ փոփոխությունների հիմքի վրա ստեղծվեց Երևանի նահանգը: Վերջինիս ստեղծման ակտիվ շահառուներից մեկը՝ Կովկասի փոխարքա, գեներալ համահարզ Միխայիլ Վորոնցովն էր, իհարկե, ոչ առանց հիմքի: Պատճառները բազում էին: Նշենք դրանցից առավել կարևորները.

ա) նախ՝ որոշիչ է եղել ապագա նահանգի տարածքի վրա բնիկ ժողովրդի՝ հայության սովոր զանգվածով սեփական հայրենիքում, ինքնակալության հանդեպ անխոռվ ապրելու համար նվազագույն պայմաններ ստեղծելը: Ասվածին ավելացնենք ևս մեկը: Ռուսաստանը բազմաէթնիկ Արևելյան Հայաստանը հայ բնակչությամբ ամրապնդելու նպատակ էր հետապնդում: Բանն այն է, որ ռուսական իշխանություններին մեծ անհանգստություն էր պատճառում Արևելյան Հայաստանում մեծաթիվ մահմեդական բնակչության առկայությունը: Նրանք իրապես վախենում էին, որ Պարսկաստանում և Օսմանյան կայսրությունում հակառուսական տրամադրությունների վերելքը կարող է համակել նաև սահմանակից Հայաստանի մահ-

մեղական բնակչությանը: Կենտրոնական և կովկասյան իշխանությունները գիտակցում էին, որ հայ բնակչության քաղաքացիական և կառավարման իրավունքների որոշակի ընդլայնումը և գործնականում օրինականացումը, հակառակորդ երկրներին, հասկանալի պատճառներով, կզրկեր հինգերորդ շարասյան օգնությունից:

Հատկանշական է, որ ցարական կառավարությունն այս քաղաքականությունը որդեգրել էր դեռ Երևանի և Նախիջևանի խանությունները կայսրության մաս կազմելու առաջին իսկ օրից: Այսպես, գեներալ Իվան Պասկևիչը ռուսական բանակի գլխավոր շտաբի պետ Դիբիչին ուղարկած զեկուցագրում հետևյալ կերպ է բացատրում նորագրավյալ տարածքները պարսկահայ գաղթականներով բնակեցնելու անհրաժեշտությունը. «Մեր սահմանի ամայի հողերի բնակեցումը հնազանդ, աշխատասեր և հավատով մեզ նվիրված ժողովրդով կարող է մեծ օգուտ բերել»¹:

բ) Անդրկովկասի երկրամասի սոցիալ-տնտեսական, մշակութային և հասարակական-քաղաքական կյանքում էապես թուլացնել Թիֆլիսի նահանգի չափազանց գերիշխող և ահազնացող ազդեցությունը, որը հղի էր թե՛ ազգամիջյան հարաբերությունների սրացման, և, թե՛ կենտրոնական իշխանությանը սպառնացող վտանգներով:

գ) Երկրամասի արդյունաբերության մեջ, բանկային համակարգում և առևտրի ասպարեզում վճռորոշ դեր խաղացող հայությանը և նրա մտավորականությանն իր շուրջը համախմբելու համար: Իբրև դրա ապացույց հարկ ենք համարում բերել հետևյալ փաստը: 1847 թ. նոյեմբերի 8-ին փոխարքա Մ. Վորոնցովը հայազգի գեներալ Վ. Բեիբութովին վստահում է Անդրկովկասի քաղաքացիական կառավարման վարչության պետի պատասխանատու

¹ Հ. Հարությունյան, *Նոր Բայազետի գաղափար 1828–1913 թթ.*, Երևան, 2008, էջ 50:

պաշտոնը՝ նկատի ունենալով նրա մեծ հեղինակությունը հայերի և վրացիների շրջանում¹:

դ) Հայաստանը սահմանակից լինելով Օսմանյան կայսրությանը և Պարսկաստանին, որպես առանձին վարչական միավոր կրթառնար ավելի վստահելի գործընկեր արտաքին աշխարհի համար, ուստի և կարող էր մեծապես նպաստել ինչպես նշված պետությունների, այնպես էլ Մերձավոր Արևելքի մյուս երկրների հետ Ռուսաստանի առևտրատնտեսական կապերի ընդլայնմանն ու խորացմանը: Նշված և համանման այլ հանգամանքները նկատի ունենալով Կովկասի տնտեսարքա Մ. Վորոնցովը Թիֆլիսից Նիկոլայ Ա կայսրին 1849 թ. փետրվարի 5-ին ուղարկած զեկուցագրում առաջարկում է նախկին Հայկական մարզի հենքի վրա ստեղծել Երևանի առանձին նահանգ: «Անցած հոկտեմբերին, - գրել է նա, - Երևանում գտնվելու ժամանակ, մաքսատան բնակիչներն ինձ խնդրեցին Ձեր առջև հարց բարձրացնեմ Երևանին նահանգի քաղաքի կարգավիճակ շնորհելու համար»²: Այնուհետև փոխարքան ընդգծել է. «Չպետք է աչքաթող անել, որ Երևանը ժամանակին եղել է Սարդարի նստավայրը, իսկ այնուհետև ռուսական կայսրության մարզային ղեկավարության կացավայրը»: Մ. Վորոնցովը շարունակում է, որ «Ներկայիս Թիֆլիսի նահանգի տարածքը շատ մեծ է, իսկ աշխատակազմը՝ չափազանց շատ, որոնք օբյեկտիվորեն խանգարում են նահանգի ղեկավարությանն օպերատիվ և արդյունավետ կերպով կազմակերպելու նահանգի անխափան կենսագործունեությունը»³: Ձեկուցագրում փոխարքան իր տեսակետը հիմնավորում է ավելի կոնկրետ փաստարկներով: Երևանի գավառը երկրամասի ամե-

¹ Տե՛ս В. Туляп, *Политика самодержавия России в Закавказье XIX – нач. XX вв.*, Часть четвертая, 1845–1876 гг., էջ 15:

² Н. Тавакалин, *Документы и материалы*, էջ 197:

³ Տե՛ս նույն տեղում, էջ 197–199:

նաընդարձակ գավառներից մեկն է, սահմանակից է Թուրքիային, հարուստ է հացահատիկի արտադրությամբ, ունի մեծ թվով բնակչություն և ամենագլխավորը՝ ձգտում է անկախանալ Թիֆլիսի նահանգից: Ըստ կարելիության գնահատելով հայկական նաև մյուս գավառների հնարավորությունները՝ Մ. Վորոնցովը վստահեցնում է, որ Երևանի և Ալեքսանդրապոլի գավառների հետ Նախիջևանի, Օրդուբադի և Նոր Բայազետի վերամիավորումը կստեղծի բոլոր հարմարությունները ստեղծելու առանձնահատուկ բարեբեր ու ծաղկող նահանգ¹: «Բնակչությունը,- գրում է նա,- որ մեծամասամբ կազմված է հայերից և անմիջականորեն կապված են նույն շահերով, մեծ էներգիայով կձգտեն զարգացնել արդյունաբերությունն ու առևտուրը և մեծացնել երկրամասի հարստությունը»²: Նա կայսրին հավաստում է, որ Երևանի նահանգի հիմնարկությունները չեն պահանջի պետական գանձարանից ոչ մի գումար և պաշտոնյաներին պահելու բոլոր ծախսերը կծածկեն պետական գույքի և արքունական պալատները մեկ կառավարման մեջ միավորելու արդյունքում՝ միջոցներ խնայելու հաշվին³:

Զեկուցագրին կցված տեղեկագիրը բովանդակում էր փոխարքայի տեսլականը ապագա Երևանի նահանգ ստեղծելու վերաբերյալ: Ըստ այդմ՝ §¹ Երևանի նահանգը կազմել ներկայիս Թիֆլիսի նահանգի կազմից հանելով. ա) նախկին Հայկական մարզից (կամ որ նույնն է Երևանի և Նախիջևանի գավառները - Հ.Հ.), բ) Ալեքսանդրապոլի գավառից, գ) Մեղրիի շրջանից և Կապան գյուղից, հանելով Շուշիի գավառի կամ Շամախիի նահանգի կազմից: §² Երևանի նահանգը բաժանել հինգ գավառների՝ Երևանի, Նախիջևանի, Օրդուբադի, Նոր Բայազետի և Ալեքսանդրապոլի: §³ Գա-

¹ Տե՛ս նույն տեղում:

² Տե՛ս նույն տեղում:

³ Տե՛ս նույն տեղում:

վառները կազմել հետևյալ մասերից՝ 1. Երևանի գավառը՝ ներկա Երևանի շրջանից, անջատելով Գյոկչայի տեղամասը¹, քանի որ այն անցնելու է Նոր Բայազետի գավառին: 2. Նախիջևանի գավառը՝ ներկա Նախիջևանի տեղամասից: 3. Օրդուբադին՝ ներկա Օրդուբադի և Մեղրիի տեղամասերից և Կապան գյուղից, անջատելով Շուշիի գավառից: 4. Նոր Բայազետինը՝ Գյոկչայի տեղամասից և Գյոկչա լճի (Սևանա – Հ.Հ.) շրջակա գյուղերից: 5. Ալեքսանդրապոլինը՝ Շորազյալի և Փամբակի տեղամասերից:

Մյուս երկու (4 և 5) պարագրաֆներում նշվում է այն մասին, որ փոխարքային իրավունք վերապահվի անհրաժեշտության դեպքում փոփոխություններ անել Երևանի նահանգի վարչատարածքային կառուցվածքում՝ մի գավառից մյուսին հողամաս հատկացնել, գավառները միացնել, կամ բաժանել:

Հատկանշական է, որ փոխարքան առաջարկում էր Ալեքսանդրապոլի գավառի կազմից հանել Ախալքալաքի տեղամասը և միացնել Քութայիսի նահանգին²:

§⁶ Երևանի նահանգի կառավարումը սահմանել երկաստիճան՝ ա) ընդհանուր նահանգային և բ) տեղական՝ գավառային, քաղաքային և գյուղական:

§⁷ Նահանգի վարչական կենտրոնն դարձնել Երևան քաղաքը³: Գավառային վարչական կենտրոններ դարձնել Երևանին՝ Երևան քաղաքը, Նախիջևանին՝ Նախիջևան քաղաքը⁴, Օրդուբադին՝ Օրդուբադ քաղաքը⁵, Նոր Բայազետին՝ Գավառ քաղաքը (անվանա-

¹ Ընդգրկում էր ներկայիս Գեղարքունիքի մարզի Վարդենիսի, Մարտունիի և Գավառի ենթաշրջանների տարածքները:

² Տե՛ս Н. Тавакалян, *Документы и материалы*, էջ 199–200:

³ Երևանը ընկած էր Թիֆլիսից 273¹/₂ վերստ հեռավորության վրա: Տե՛ս *Статистических данных о населении Кавказского края, извлеченных из посемейных списков 1886 г.*, Тифлис, 1893, էջակալում չունի:

⁴ Գտնվում էր Երևանից 150¹/₂ վերստ հեռավորության վրա: Տե՛ս նույն տեղում:

⁵ Հեռավորությունը Երևանից կազմում էր 221¹/₂ վերստ: Տե՛ս նույն տեղում:

կոչվում է Նոր Բայազետ)՝ և Ալեքսանդրապոլին՝ Ալեքսանդրապոլ քաղաքը²:

Վերջին պարագրաֆում (8) նշված է, որ Անդրկովկասի երկրամասում գործող բոլոր օրենքներն ու օրինագծերն ամբողջ ուժով տարածվելու են նաև Երևանի նահանգի վրա³:

Նիկոլայ Ա կայսրը 1849 թ. հունիսի 9-ին ստորագրեց հրաման Երևանի նահանգ ստեղծելու մասին⁴: Ահա և այդ հրամանի տեքստը: Նկատի ունենալով Կովկասի փոխարքայի առաջարկությունը և Կովկասյան կոմիտեի դրական եզրակացությունն Անդրկովկասում նոր նահանգ ստեղծելու վերաբերյալ, հրամայում են՝ 1. Նոր հիմնադրվող նահանգի կազմում ընդգրկել Երևանի, Նախիջևանի և Ալեքսանդրապոլի գավառները (սակայն վերջինս առանց Ախալքալաքի շրջանի), իսկ Շամախիի նահանգի Շուշիի գավառից՝ Մեղրիի շրջանը և Կապան գյուղը: 2. Նահանգային քաղաք նշանակել Երևանը և նոր նահանգն անվանակոչել Երևանի: Նահանգը բաժանել հինգ գավառների. ա) Երևանի՝ կազմում ունենալով ներկա Երևանի գավառը, բացի Գյոկչայի շրջանից, գավառային քաղաք թողնել Երևանը, բ) Նոր Բայազետի՝ ընդգրկելով Գյոկչայի շրջանը և Գյոկչա լճի շրջակա բնակավայրերը, վարչական կենտրոն դարձնել Կավար (Գավառ – Հ.Հ.) գյուղը, որը Նոր Բայազետ անվանակոչվելու շնորհիվ կբարձրանա քաղաքի աստիճանի, գ) Նախիջևանին՝ Նախիջևանի ներկայիս տարածքի վրա, բացի Օրդուբադի շրջանից, գավառային քաղաք թողնել Նախիջևանը, դ) Օրդուբա-

¹ Գտնվում էր Երևանից 92³/₄ վերստ հեռավորության վրա: Տե՛ս նույն տեղում:

² Ընկած էր Երևանից 204 վերստ հեռավորության վրա: Տե՛ս նույն տեղում:

³ Տե՛ս *Н. Тавакалян, Документы и материалы*, էջ 199–200:

⁴ Տե՛ս *ПКЭГ на 1908 г.*, Эриван, 1907, էջ 11–12: *ОЭГ за 1886 г.*, էջ 1: *А. Берже, Собрание материалов для составления исторического, географического и статистического описания Кавказского и Закавказского края*, Тифлис, 1859, էջ 233: *Г. Евангулов, Местная реформа на Кавказе*, էջ 66: *Н. Тавакалян, Документы и материалы*, էջ 208–209:

դին՝ կազմավորել Օրդուբադի շրջանից և Նախիջևանի գավառի մի մասից, ինչպես նաև Շուշիի գավառից անցած Մեղրիի շրջանից և Կապան գյուղից, ե) Ալեքսանդրապոլի գավառը ստեղծել Շորագյալի և Փամբակի շրջաններից և Ալեքսանդրապոլի գավառի առկա տարածքից: Վարչական կենտրոն դարձնել Ալեքսանդրապոլ քաղաքը¹: Գավառի կազմից հանել Ախալքալաքի շրջանը, միացնել Ախալցխայի գավառին և մտցնել Քուրթայիսի նահանգի կազմի մեջ²: Նահանգի կառավարումը բաժանել երկու աստիճանի՝ 1) ընդհանուր նահանգային և 2) մասնակի կամ տեղային՝ գավառային, քաղաքային և գյուղական: Ինչպես կարելի է նկատել Նիկոլայ Ա-ն գրեթե նույնությամբ, օրենքի ուժով հաստատել է Մ. Վորոնցովի Երևանի նահանգ հիմնելու մասին առաջարկած նախագիծը: Ցարական հրամանագիրն ուժի մեջ մտավ 1850 թ. հունվարի 1-ից³: Երևանի նահանգապետ նշանակվեց գեներալ Իվան Նազարովը: Գավառապետներ նշանակվեցին. Երևանին՝ իշխան Իրակլիի Բագրատիոն Մուխրանսկին, Ալեքսանդրապոլին՝ փոխգնդապետ Ալեքսանդր Պոնկրատևը, Նախիջևանին՝ Ջախար Մորոխովսկին, Օրդուբադին՝ Ադամ Վերցինսկին և Նոր Բայազետին՝ փոխգնդապետ Սոլոմոն Օնիկովը⁴:

Երևանի նահանգը (ներքին ջրերի հետ միասին) զբաղեցնում էր 554 միլ⁵ կամ 2Ն.799 քառ. վերստ, իսկ առանց ներքին ջրերի՝

¹ Ալեքսանդրապոլը մինչև 1837 թ. Գյումրի գյուղն էր: 1837 թ. այստեղ կառուցվեց ամրոց ի աջտիվ Ալեքսանդր 2-րդ ցարի և անվանակոչվեց Ալեքսանդրապոլ: Վրաց-Իմերեթական նահանգի կազմում 1840 թ. Ալեքսանդրապոլին շնորհվեց քաղաքի կարգավիճակ, իսկ 1850 թ. Երևանի նահանգի կազմում դարձավ գավառային քաղաք: Տե՛ս *ՊԿՅԳ* *на 1906 г.*, Эриван, 1905, էջ 135: Н. Тавакалян, *Документы и материалы*, էջ 311:

² Տե՛ս Н. Тавакалян, *Документы и материалы*, էջ 199–200, 208–209:

³ Տե՛ս *ՊԿՅԳ* *на 1892-й г.*, էջ 105: А. Берже, նշվ. աշխ., էջ 232–233: Н. Тавакалян, *Документы и материалы*, էջ 208–209: Г. Евангулев, նշվ. աշխ., էջ 66:

⁴ Տե՛ս *КК* *на 1851–1852 гг.*, էջ 567–569:

⁵ Մեկ միլն հավասար է 412,5 քառ. վերստի:

530 միլ կամ 25.613 քառ. վերստ)¹ և հանդիսանում էր ռուսական կայսրության հարավարևմտյան վերջին սահմանագիծը: Այն տարածվում էր հյուսիսային լայնության 41°7 և 38°52, արևելյան երկարության 60°56 և 63°54 աստիճանների միջև²:

Երևանի նահանգը հյուսիսային կողմից սահմանակից էր Քութայիսի և Թիֆլիսի, արևելքից՝ Բաքվի նահանգներին, իսկ արտաքինից՝ Պարսկաստանին (250 վերստ³ երկարությամբ) և Օսմանյան կայսրությանը (230 վերստ երկարությամբ), հարավից՝ Ղարաղաղի, Մարաղայի, Մակվի խանություններին և Կարսի փաշայությանը⁴: Երևանի նահանգի ներքին սահմանի ընդհանուր երկարությունը հասնում էր 515 1/2 վերստի, իսկ արտաքինը՝ 569 վերստի, այսինքն՝ ընդհանուր երկարությունը կազմում էր 1.084 1/2 վերստ⁵: Այս վիճակով 1864 թ. դրությամբ Երևանի նահանգը կազմում էր ամբողջ Եվրասիական Ռուսաստանի տարածքի 1/200, իսկ ամբողջ ռուսական կայսրության 1/429 մասը, ամբողջ Անդրկովկասի 1/10 մասը⁶:

Երևանի նահանգի վարչական կառուցվածքն առաջին անգամ փոփոխության ենթարկվեց նահանգի հիմնադրումից ուղիղ 10 տարի անց՝ 1859 թ., երբ ստեղծվեց Էջմիածնի գավառը: Էջմիածնի գավառի ստեղծման պատմության հետ կապված կարևոր է նշել հետևյալը: 1859 թ. ապրիլի 27-ին Կովկասի գլխավոր կառավարիչ Ա. Բարյատինսկին հանձնարարում է Կովկասյան կոմիտեի նախագահ Ա. Օրլովին՝ Երևանի նահանգում տեղական կարիքներից

¹ Տե՛ս Н. Тавакалян, *Документы и материалы*, էջ 394:

² Տե՛ս ՕՅԳ չա 1886 չ., էջ 2:

³ Ըստ ռուսական չափման միավորի, մեկ վերստը հավասար է 500 սաժենի (1066,78 մ.): Մեկ սաժենը հավասար է 3 արշինի (2,1335 մ.): Տե՛ս *КК на 1892-й г.*, էջ 47: *ПКЭГ на 1906 г.*, էջ 131–132:

⁴ Տե՛ս *ПКЭГ на 1892-й г.*, էջ 106–107: *ПКЭГ на 1908 г.*, էջ 11–12: Н. Тавакалян, *Документы и материалы*, էջ 334, 393:

⁵ Տե՛ս Н. Тавакалян, *Документы и материалы*, էջ 393–394:

⁶ Տե՛ս նույն տեղում, էջ 394:

բխող առաջնահերթությամբ կազմավորել նոր՝ Էջմիածնի գավառ և հիմնել ոստիկանական անցակետային հիմնարկություն: Այս հիմքով էլ 1859 թ. հունիսի 7-ին Ա. Օրլովը հանձնարարում է ֆինանսների մինիստր Վ. Պանինին՝ Երևանի գավառը (կազմված էր չորս տեղամասերից՝ Սարդարապատի, Սուրմալուի, Չանգիբասարի և Շարուրի – Հ.Հ.) բաժանել երկու գավառների՝ Երևանի և Էջմիածնի: Առաջին գավառի կազմում ընդգրկել Չանգիբասարի և Շարուրի շրջանները, իսկ երկրորդին՝ Սարդարապատի և Սուրմալուի շրջանները¹: Նորաստեղծ գավառներից յուրաքանչյուրն ունենալու էր իր առանձին գավառային կառավարչությունն, իր գավառապետով, երկու օգնականով, մեկ քարտուղարով, երկու տեղակալով, մեկ թարգմանչով և վեց գրագիրով²:

Այս բաժանումով Երևանի նահանգի գավառների թիվն ավելացավ ևս մեկով և հասավ վեցի:

Այսպիսին էր վարչատարածքային համակարգը Անդրկովկասի երկրամասում ընդհանրապես և Երևանի նահանգում մասնավորապես XIX դ. 60-ական թվականների սկզբներին: Հարկ է նշել, որ 1860-ականներից սկսված բազմատեսակ բարեփոխումները մեծապես կապված էին 1861 թ. ամբողջ կայսրությունում սկսված ճորտատիրական իրավունքի վերացման հետ:

Վարչատարածքային և տեղական կառավարման ուղղությամբ տարվող, այսպես կոչված, բարեփոխումները լայն թափով սկսվեցին 1862 թ. Կովկասի փոխարքա Ա. Բարյատինսկուն փոխարինած Միխայիլ Ռոմանովի օրոք:

Կովկասի փոխարքան Անդրկովկասի երկրամասի վարչատարածքային նոր բաժանման անհրաժեշտությունը բացատրում էր նախկին բաժանման հետևանքով կառավարման, հաղորդակցու-

¹ Ցե'ս նույն տեղում, էջ 235–236, 241:

² Ցե'ս նույն տեղում, էջ 236–237:

յան, սոցիալ-տնտեսական, քաղաքական և մշակութային բնագավառներում համակարգի բարդ կառուցվածքով, ինչպես նաև 1864 թ. Կովկասում նոր Դատական կանոնադրության հրամայականով: Այլ խոսքով՝ Անդրկովկասում գոյություն ունեցող վարչատնտեսական և վարչաքաղաքական համակարգերը լիովին չէին համապատասխանում ամբողջ երկրի կառավարման վարչաձևին և այդ ուղղությամբ բարեփոխումները դարձել էին առաջնային խնդիր: Փոխարքա Միխայիլ Ռոմանովը կայսր Ալեքսանդր Բ-ին ներկայացրած հաշվետու զեկուցագրում բարեփոխման հրատապությունը բացատրում էր այսպես. «Երկրամասերում Ռուսաստանը կոչված է լինելու լուսավորյալ քաղաքացիականություն տարածող, կառավարության միջոցները վաղուց չեն համապատասխանում նրա պահանջներին և քաղաքացիականության ուղիով առաջ շարժվող բնակչության ամեն օր աճող կարիքներին»¹: Գոյություն ունեցող վարչական կառույցը շատ ծախսատար էր և բարդ²: Բարեփոխումը թելադրված էր նաև Դատական Կանոնադրությունների ազդեցության տարածմամբ ու նրա հետ կապված գյուղական ինքնավարության բարեփոխության ներմուծմամբ և բնակչությանը մերձկառավարական իշխանության նոր սկզբունքներով վերակառուցելու անհրաժեշտությամբ³:

1865 թ. ստեղծված Հատուկ կոմիտեն կազմեց երկրամասի վարչական բաժանումների մասին Կանոնադրությունը:

¹ *Отчет по Главному управлению наместника кавказского за первое десятилетие управления Кавказским и Закавказским краем его императорским высочеством великим князем Михаилом Николаевичем, 6 декабря 1862 – 6 декабря 1872 гг.*, Тифлис, 1873, с. 34–35 (այսուհետև՝ *Օչեր*). Ա. Հակոբյան, *Անդրկովկասի 1867 թ. վարչական բարեփոխման լուսաբանումը և զննատուրը պատմագիտության մեջ*, Պատմաբանասիրական հանդես, 2007, № 3, էջ 91 (այսուհետև՝ ՊԲՀ):

² Տե՛ս Ա. Հակոբյան, նշվ. աշխ., էջ 91:

³ Տե՛ս Դ. Եвангулов, *Местная реформа на Кавказе*, էջ 17–18: Ա. Հակոբյան, նշվ. աշխ., էջ 93:

Առաջ անցնելով, միջանկյալ, նշենք, որ մինչև վերոգրյալ Կանոնադրության ընդունելը և կիրարկելը Երևանի նահանգը ենթարկվեց անդամահատման՝ 1862 թ. Փամբակի հյուսիսային մաս կազմող Լոռու տեղամասը հանվեց Ալեքսանդրապոլի գավառի կազմից և միացվեց Թիֆլիսի նահանգին¹:

Սա նշանակում է, որ այս վերաձևման հետևանքով Երևանի նահանգի տարածքը փոքրացել է շուրջ 0,04 %-ով²:

1863 թ. Երևանի նահանգի զբաղեցրած տարածքը ըստ գավառների և բնակչության ուներ այսպիսի տեսք³.

Աղյուսակ 1

Գավառներ	Տարածք		Բնակչության թիվը	Բնակչության խտությունը	
	Քառ. վերստ	Քառ. միլի		Քառ. վերստ	Քառ. միլի
Երևանի	2564,6	53,00	91202	35,52	171,88
Ալեքսանդրապոլի	3193,2	66,00	75909	23,77	1150,21
Նախիջևանի	4982,1	102,97	51963	10,43	504,65
Օրդուբադի	2874,3	59,40	33108	11,52	557,34
Նոր Բայազետի	5440,7	112,45	70184	12,90	624,16
Էջմիածնի	6552,7	135,43	98962	15,10	730,73
Ընդամենը	25607,6	529,25	421228	16,45	795,9

Կանոնադրությունը լիովին համահունչ էր ինքնակալության ծագումներիին: Այդ կապակցությամբ կենտրոնական կառավարությունը Կովկասի իշխանություններին հրահանգեց վերանայել 1840 թ. ընդունված տեղական կառավարման մասին օրենքը, ըստ որի Կովկասում տեղական կառավարումը եռաստիճան էր. տեղամաս՝ տե-

¹ Տե՛ս ՕՅԳ չա 1886 չ., էջ 1: ՄԿՅԳ ռա 1892-ի չ., էջ 105: Ն. Կապալյան, *Документы и материалы*, էջ 393:

² Տե՛ս Ն. Կապալյան, *Документы и материалы*, էջ 393:

³ Տե՛ս ԿԿ ռա 1865 չ., էջ 113-118:

ղամասային ատենակալ¹, գավառ՝ գավառապետ, նահանգ՝ նահանգապետ:

Բարեփոխումը կարող էր ընթանալ երկու ուղղություններով. ա) վերացնել գավառները որպես միջանկյալ օղակ՝ նահանգների և տեղամասերի միջև, բ) կամ վերացնել տեղամասերը և տեղական ամբողջ կառավարումը կենտրոնացնել գավառներում և ակտիվացնել դրանց գործունեությունը:

Կառավարությունը նպատակահարմար գտավ լուծարել տեղամասերը և ապախոշորացնել գավառները²: Ըստ օրենքի գավառներից յուրաքանչյուրը չպետք է գերազանցեր 6.500 վերստ տարածքը, իսկ բնակչությունը՝ 80 հազ. շնչից կամ 10 հազ. տնտեսությունից ավելի լիներ³:

1867 թ. դեկտեմբերի 9-ին Ալեքսանդր երկրորդը ստորագրեց «Կովկասյան և Անդրկովկասյան երկրամասի կառավարման բարեփոխման մասին» հրամանագիրը: Իսկ մինչ այդ, նույն թվականի օգոստոսի 3-ին ստեղծվեց Ելիզավետպոլի նահանգը⁴: Այն կազմավորվեց Թիֆլիսի և Բաքվի նահանգների մի մասի, Ելիզավետպոլի, Նուխիի և Շուշիի գավառների, ինչպես նաև Երևանի նահանգի Օրդուբադի գավառի Մեղրիի տեղամասի հաշվին⁵: Երևանի նահանգը կրճատվեց 1.519 մղոնով: Անիմաստ ենք համարում բովանդակային առումով քննության առնել, առավել ևս գնահատել 1867 թ. դեկտեմբերի 9-ի օրենքի էությունը և նրա թողած հետագիծը Անդր-

¹ Յուրաքանչյուր տեղամաս դեկավարում էր ատենակալը. որն ուներ օգնական՝ տեղացի ազնվականներից կամ բեկերից: Նրա իրավունքներն ու պարտականությունները սահմանված էին տեղական ոստիկանության մասին որոշմամբ: Տե՛ս ՀԱԱ, ֆ. 91, ց. 1, գ. 3151, թ. 1:

² Տե՛ս ՀԱԱ, ֆ. 91, ց. 1, գ. 3151, թ. 5:

³ Տե՛ս *Отчет ...*, էջ 50:

⁴ Տե՛ս ՀԱԱ, ֆ. 91, ց. 1, գ. 3151, թ. 2, 5–6: *Дневник П.А. Валуева-министра внутренних дел*, т. 2, М., 1961, էջ 50: Ա. Հակոբյան, նշվ. աշխ., էջ 94:

⁵ Տե՛ս *Հայոց պատմություն*, հ. III, գիրք առաջին, էջ 389:

կովկասի երկրա՝մասի վարչատարածքային կառուցվածքի և կառավարման համակարգի վրա ընդհանրապես և Երևանի նահանգի վրա մասնավորապես, որովհետև այդ հիմնահարցերը հայ և ռուս պատմագիտության կողմից խորությամբ, համակողմանիորեն և հիմնավորապես լուսաբանվել են¹: Դրանց շարքում առանձնանում է հատկապես Ա. Հակոբյանի ուսումնասիրությունը՝ պատմական իրադարձությունների ընթացքն իր ամբողջության մեջ ներկայացնելու, նախորդ ուսումնասիրողների մոտեցումները փաստարկված մերժելու կամ համերաշխվելու տեսակետից²: Ուստի, նկատի ունենալով վերոգրյալը, կամենում ենք միայն մի քանի փաստարկների միջոցով ընդհանուր գծերով ցույց տալ այդ օրենքի կիրարկման արդյունքով ձևավորված Անդրկովկասի և Երևանի նահանգի վարչատարածքային կառուցվածքում և կառավարման համակարգում կատարված նկատելի փոփոխությունները: Եվ այսպես՝ Անդրկովկասում կազմավորվեց հինգ նահանգ՝ Թիֆլիսի, Բաքվի, Երևանի, Քութայիսի և Ելիզավետպոլի: Ավելացան գավառների թիվը՝ 18-ից հասցվեց 29-ի³: Ընդ որում՝ Երևանի նահանգում կատարվեց հակառակը՝ գավառների թիվը կրճատվեց՝ նախկին երկու գավառների միացման հետևանքով: 1867 թ. Օրդուբադի գավառը, որի կազմում էր նաև Ելիզավետպոլի նահանգի Չանգեզուրի գավառի մի

¹ St'u C. Эсадзе, *Историческая записка об управлении Кавказом*, т. 2, Тифлис, 1907: Г. Евангулов, *Местная реформа на Кавказе*, СПб., 1914: В. Иваненко, *Гражданское управление Закавказьем*, Тифлис, 1901: С. Егызаров, *Исследования по истории учреждений в Закавказье*, ч. 1, Казань, 1889: П. Зейдлиц, *Административные отделы Кавказского края*.-*Известия Кавказского отдела Русского географического общества*, т. 5, № 2, 1877: А. Шахатунян, *Административный передел Закавказского края*, Тифлис, 1918: Г. Саркисян, *Население Восточной Армении в XIX – начале XX вв.*, Ереван, 2002: Ա. Օհանյան, *Վարչա-տնտեսական բարեփոխումների նախապայմանական Հայաստանում, Գիււական տշխատություններ*, հ. 51: Աշխարհագրական գիտությունների սերիա, Պրակ 2, Երևան, 1955.

² St'u Ա. Հակոբյան, *Անդրկովկասի 1867 թ. վարչական բարեփոխման լուսաբանումը և գնահատումը պատմագիտության մեջ*, ՊԲՀ, 2007, № 3, էջ 90–99:

³ St'u ՀԱԱ, ֆ. 91, ց. 1; գ. 3151, թ. 6:

մասը, միացվեց Նախիջևանի գավառին, իսկ Օրդուբադ քաղաքը մնաց որպես գավառային քաղաք¹: Օրդուբադի շրջանի համար նշանակվեց պրիստավ, որին հետագայում փոխարինեց գավառապետի օգնականը, և կարգվեց հաշտարար դատավոր²:

Փաստորեն Երևանի նահանգի գավառների թիվը մեկով պակասեց և մնաց հինգ գավառ՝ Երևանի, Ալեքսանդրապոլի, Նոր Բալաքետի, Նախիջևանի և Էջմիածնի³:

Որպես դրական արդյունք պետք է նշել և այն, որ զգալիորեն մեղմվեց գավառների տարածքային անհամաչափությունը, նպաստեց դրանց ապակենտրոնացմանը, որոշակիորեն սահմանափակվեցին փոխարքայի լիազորությունները և գերագույն վերահսկողությունը վերապահվեց գլխավոր վարչությանը, մահմեդականներով բնակեցված շրջաններում ուժեղացավ ոստիկանական հսկողությունը և այլն:

Այսպիսով, Ռուսաստանի կառավարությունը և Կովկասի իշխանությունները խնդիր ունեին բարեփոխումների ճանապարհով գավառային վարչության թույլ իշխանության փոխարեն, նահանգապետի անմիջական հսկողությունից հեռու շրջաններում ունենալ ավելի արդյունավետ գործող նահանգային իշխանություն⁴, առավել ևս, որ 1864 թ. նոյեմբերի 20-ի որոշմամբ երկրում իրականացված դատական բարեփոխումների շնորհիվ տեղական ոստիկանությունները զրկվեցին դատական իշխանությունից⁵: Այս մասին հանգամանորեն անդրադարձ կլինի հաջորդ էջերում:

¹ Տե՛ս *ՕՅԳ Յձ 1886 շ.*, էջ 1: Մշակ, 19 փետրվարի, 1876:

² Տե՛ս Մշակ, 19 փետրվարի, 1876:

³ Տե՛ս *ՕՅԳ Յձ 1886 շ.*, էջ 1:

⁴ Տե՛ս *Дневник П. А. Валуева – Министр внутренних дел*, т. 2, М., 1961, էջ 50:

Մ. Հակոբյան, նշվ. աշխ., էջ 94:

⁵ Տե՛ս ՀԱԱ, ֆ. 91, ց. 1, գ. 3151, թ. 3: Մշակ, 29 դեկտեմբերի, 1898:

Բնակլիմայական և հաղորդակցության անհարմարությունները, ֆաբրիկագործարանային արտադրության, արհեստագործության, գյուղատնտեսության և առևտրի բնագավառներում առաջացած դժվարությունները, գավառների վրա նահանգային իշխանության պատշաճ վերահսկողության լծակների թուլացումը նահանգի վարչատարածքային նոր վերածնումը դարձրին անխուսափելի: 1872 թ. Ռուսաստանի կառավարությունը Երևանի նահանգը վերստին վարչական բաժանման է ենթարկում:

Նահանգի տարածքի վրա հիմնվեցին ևս երկու նոր գավառներ. Էջմիածնի գավառը տրոհվեց երկու գավառների՝ Էջմիածնի և Սուրմալուի, իսկ Նախիջևանի գավառը վերակազմվեց Նախիջևանի և Շարուր-Ղարալագյազի գավառների: Նույն կանոնադրությամբ Նոր Բայազետի գավառի Ղրխբուլաղի գավառակի տարածքի որոշ մասը միացվեց Երևանի գավառին: Այսպիսով, նախորդ վարչատարածքային բաժանումից հինգ տարի անց Երևանի նահանգը բաժանվեց յոթ գավառների: Ստորև բերված աղյուսակում նշված են այդ գավառները և նրանց զբաղեցրած տարածքները¹:

Աղյուսակ 2

Գավառներ	Քառ. մետր	Քառ. վերստ	Դեսյատին
Նոր Բայազետի	86.51 առանց Սևանա լճի	4.186,2 առանց Սևանա լճի	570.729
Նախիջևանի	80.51	3.908,4	412.292
Ալեքսանդրապոլի	69.89	3.381,8	356.771
Էջմիածնի	66.59	3.221,8	339.792
Սուրմալուի	65.15	3.151,1	332.604
Երևանի	56.60	2.738,6	288.854
Շարուր-Ղարալագյազի	54.47	2.635,6	277.917
Ամբողջ նահանգի տարածք գումարած և Սևանա լիճը	479.72	24.447	2.578.959

¹ Տե՛ս ՊԿՁԳ-ի 1906 թ., էջ 1: ՕՅԻ՝ Յձ 1886 թ., էջ 1:

Ալեքսանդրապոլի գավառը (Կենտրոնը՝ քաղ. Ալեքսանդրապոլ), զբաղեցնում էր նահանգի հյուսիսային մասը: Նրան անցան ամբողջ Շորագյալի տեղամասը և Փամբակի արևմտյան մասը՝ առանց Լոռու տեղամասի:

Էջմիածնի գավառը (Կենտրոնը՝ գյուղ Վաղարշապատ)՝ հարավից սահմանակից էր Ալեքսանդրապոլի գավառին, հյուսիս-արևելքից՝ Արագած սարին, արևմուտքից՝ Արփաչայ (Ախուրյան) գետին, հարավից՝ Արաքս գետին, արևելքից՝ Ջանգու (Հրազդան) և Ապարան գետերին:

Երևանի գավառը (Կենտրոնը՝ քաղ. Երևան), ընկած էր Էջմիածնի գավառից դեպի արևելք, Արաքս գետից ձախ, զբաղեցնում էր Ջանգու գետի ներքին հոսանքի, Գառնի – չայ, Վեդի – չայ և Չանախչի գետերի հովիտը:

Սուրմալուի գավառը (Կենտրոնը՝ գյուղ Իգդիր), զբաղեցնում էր նախկին Սուրմալուի շրջանի տարածքը (մինչև Երևանի գավառին միանալը), սահմանակից էր Երևանի և Էջմիածնի գավառներին, Արաքս գետի աջ ափին:

Շարուր-Դարալագյազի գավառը (Կենտրոնը գյուղ Բաշնորաշեն), զբաղեցնում էր Արփա գետի ամբողջ արևելյան հովիտը, Շարուրի շրջանի հարավային մասը և Դարալագյազի ամբողջ շրջանը:

Նախիջևանի գավառը (Կենտրոնը՝ ք. Նախիջևան), ընդգրկում էր Նախիջևան, Ալինջա – չայ, Գիլյան – չայ, Օրդուբադ – չայ գետերի ամբողջ հովիտը, ընդհուպ մինչև Ելիզավետպոլի նահանգի Ջանգեզուրի գավառը¹:

Առաջ անցնելով նշենք, որ ցարական Ռուսաստանի 44-ամյա տիրապետության ժամանակաշրջանում Արևելյան Հայաստանի

¹ Տե՛ս *ПКЭГ на 1906 г.*, էջ 131: *ПКЭГ на 1892-й г.*, էջ 106: *КК на 1875 г.*, Тифлис, 1874, էջ 41–45: *Труды Закавказского статистического комитета земельная дачи Эриванской губернии*, вып. II дачи Ново-Баязетского уезда, Тифлис, 1905, էջ 38:

սահմաններում ինքնակալության իրականացրած մի շարք ընդհանուր և մասնակի վարչատարածքային փոփոխությունների շղթայում սա վերջինն էր, և այն պահպանվեց մինչև 1917 թ.¹ Ռոմանովների ավելի քան 300-ամյա միապետության տապալումը:

Ասվածից չի հետևում, թե 1870-ական թվականներին հաջորդող տարիներին Անդրկովկասի երկրամասի վարչատարածքային կառուցվածքը և կառավարման համակարգը վերափոխումների կարիք չուներ այլևս: Բնավ, ոչ:

Անդրկովկասի երկրամասում և նրա մաս կազմող Երևանի նահանգում վարչատարածքային փոփոխությունները շարունակական էին և մնում էին օրակարգային նաև հետագա տարիներին, ինչպես, օրինակ, 1913 թ.: Այսպես, սահմանային և տարածքային նոր փոփոխությունների հարցին անդրադառնալուց առաջ, անհրաժեշտ ենք համարում մեջբերել Երևանի նահանգի գավառների զբաղեցրած տարածքներին վերաբերող վիճակագրական տվյալներ աղյուսակի տեսքով: Երևանի նահանգի և նրա գավառների տարածքները 1913 թ. դրությամբ¹:

Աղյուսակ 3

	Գավառների անվանումը	Դեյատին	Քառ. վերստ
1	Ալեքսանդրապոլի	347817,60	3344,40
2	Նախիջևանի	405433,60	3898,40
3	Նոր Բայազետի	430528,80	4139,70
4	Սուրմալուի	332248,30	3194,70
5	Շարուր-Դարալագյազի	272958,40	2624,60
6	Երևանի	280196,80	2694,20
7	Էջմիածնի	349252,80	3358,20
	Ընդամենը	2418436,80	23254,20

¹ Տե՛ս ՀԱԱ. ֆ. 94, ց. 1, գ. 3199, թ. 179:

1913 թ. մարտի 9-ին Անդրկովկասի փոխարքայության գրասենյակի տնօրենը Երևանի նահանգապետ Վլադիմիր Տիզենհաուզենին ուղարկած նամակում նշում է, որ հունվարի 19–24 օրերին փոխարքայության խորհուրդը քննարկել է երկրամասի նահանգների սահմանները նոր փոփոխությունների ենթարկելու հարցը և կազմել համապատասխան նախագիծ: Երևանի նահանգը ևս ներառված էր այդ նախագծում, ըստ որի, Նոր Բայազետի, Ալեքսանդրապոլի, Էջմիածնի և Սուրմալուի գավառներից զգալի տարածքներ անցնելու էին Ելիզավետպոլի նահանգին և Կարսի մարզին, իսկ Թիֆլիսի և Ելիզավետպոլի նահանգներից՝ կցվելու էին Երևանի նահանգին¹: Հարցը քննարկելու և կարծիք արտահայտելու համար 1913 թ. մարտի 18-ին Երևանի նահանգապետի գլխավորությամբ հրավիրվում է խորհրդակցություն՝ փոխնահանգապետի, Երևանի օկրուգային դատավորի, Երևանի օկրուգային դատարանի դատախազի, Երևանի պետական (արքունական) պալատի կառավարչի, Երևանի հողային և պետական գույքի կառավարման վարչության պետի և Երևանի նահանգի Ժողովրդական ուսումնարանի տնօրենի մասնակցությամբ²:

Հատկանշական է, որ խորհրդակցությունը նախագծի կապակցությամբ վերաբերմունք պետք է արտահայտեր ձեռքի տակ չունենալով անհրաժեշտ տվյալներ և հիմնավորումներ, որոնք ընկած լինեին այդ նախագծի հիմքում: Այս պատճառաբանությամբ էլ խորհրդակցության մասնակիցները հանձնարարում են նահանգապետին՝ դիմել գրասենյակի տնօրենին համապատասխան տեղեկություններ փոխանցելու համար: 1913 թ. մարտի 19-ին նահանգապետ Վլադիմիր Տիզենհաուզենը պաշտոնական գրությամբ դիմում է գրասենյակի տնօրենին՝ բացատրելու, թե փոխարքայության խոր-

¹ Տե՛ս նույն տեղում, թ. 4, 15, 74:

² Տե՛ս նույն տեղում, թ. 74 և շրջ:

հուրդն երկրամասի նահանգների սահմանների վերաձևման նախագիծը կազմելիս ինչ սկզբունքներով է առաջնորդվել: Ավելին, նահանգապետը գրասենյակի տնօրենին հրավիրել է այցելել Երևան և Ալեքսանդրապոլի, Էջմիածնի, Նոր Բայազետի, Սուրմալուի և Նախիջևանի գավառապետերի մասնակցությամբ հարցը քննարկել մարտի 25-ին նախատեսված խորհրդակցությունում¹: Այնուհետև նահանգապետը տեղեկացնում է, որ նամակով դիմել է նաև Թիֆլիսի և Ելիզավետպոլի նահանգապետերին՝ ճշտելու համար, թե Ախալքալաքի, Բորչալուի գավառներից, մասամբ և Ելիզավետպոլի նահանգից ենթադրյալ ինչ տարածքներ և որքան բնակչությամբ պետք է անցնեն Երևանի նահանգին²: Բացի այդ, շարունակում է նահանգապետը, հանձնարարել եմ Նոր Բայազետի, Ալեքսանդրապոլի, Էջմիածնի և Սուրմալուի գավառապետերին տեղերում ուսումնասիրություններ կատարել և ներկայացնել տեղեկություններ հետևյալների մասին.

1. Ենթադրյալ ինչ տարածքներ և որքան բնակչությամբ պետք է անցնեն Ելիզավետպոլի նահանգին և Կարսի մարզին:

2. Մասնավորապես Ելիզավետպոլի նահանգի կազմը համալրող բնակչությունը մեծամասամբ կապված է Նոր Բայազետի գավառի հետ, թե՞ Ելիզավետպոլի նահանգի հետ, նրանք ծմռանն ունենալո՞ւ են հաղորդակցություն Ելիզավետպոլի նահանգի հետ, չե՞ն վնասվում Գյոկչա լճի արևմտյան ափի բնակչության շահերը, ունեցած տեղեկություններով նրանք ծմռանն իրենց ոչխարների հոտը տեղափոխում են Գյոկչա լճի ափով, փոխադրելիս չի՞ խախտվում առանձին գյուղերի հողային սահմանը, Երևանի նահանգի են-

¹ Տե՛ս նույն տեղում, թ. 74 շրջ.:

² Տե՛ս նույն տեղում:

թաղրյալ բաժանումը չի՝ վնասում մյուս գյուղերի տնտեսական շահերին, դպրոցական գործին և բնակավայրերի կառավարմանը¹:

Փոխարքայության գրասենյակի տնօրենի պատասխան նամակը երևանում ստացվել է ապրիլի 12-ին, որի բովանդակությանը դեռ կանդրադառնանք:

1913 թ. մարտի 28-ին Երևանի նահանգապետ Վլադիմիր Տիգենհաուզենը գրավոր կարգադրում է նահանգի հողաչափական վարչության պետ Վալոբուհին անհապաղ մեկնել նշված գավառներ և գավառապետերի և շրջանների վերակացուների մասնակցությամբ, տեղերում պետական և կալվածատիրական հողերի բնապայմաններից ելնելով, հստակեցնել այն սահմանները, որոնք ըստ նախագծի ենթադրվում է միացնել ուրիշ նահանգների: Նահանգապետը պահանջել է, որ հանձնաժողովն իր գործունեության մասին ներկայացնի գրավոր հաշվետվություն՝ հանձնաժողովականների ստորագրությամբ²:

1913 թ. մարտի 29-ին Վալոբուհը գրավոր տեղեկացնում է նահանգապետին՝ այժմ մեկնում եմ Նոր Բայազետի գավառ: Այս գավառում աշխատանքն ավարտելուց հետո, նույն նպատակով մեկնելու եմ սկզբից Ալեքսանդրոպոլի գավառ, աշխատանքն ավարտելուց հետո անհապաղ ուղևորվելու եմ Էջմիածնի գավառ, իսկ այնուհետև՝ Սուրմալուի գավառ: Բոլոր գավառներում աշխատանքներն ավարտելուց հետո կներկայացնեմ հաշվետվություն՝ մասնապիսիների ստորագրությամբ³:

Անդրկովկասի փոխարքայության գրասենյակի տնօրենը, Երեվանի նահանգապետ Վ. Տիգենհաուզենին ուղարկած պատասխան գրության մեջ նշել է. «Ի պատասխան Ձեր մարտի 19-ի գրությանը,

¹ Տե՛ս նույն տեղում:

² Տե՛ս նույն տեղում, թթ. 15-16, 75:

³ Տե՛ս նույն տեղում, թթ. 17-20, 23:

պատիվ ունեմ տեղեկացնելու Ձեզ, որ գոյություն ունեցող նահանգների սահմանների փոփոխության հարցի անհրաժեշտությունն Անդրկովկասում և դրան միացված նաև Ջաքարթայի և Սուխումի առանձին շրջանները եղել են փոխարքայության խորհրդի 1913 թ. հունվարի 19–24-ի նիստերի հիմնական քննարկման առարկան, ընդ որում՝ այդ ժամանակ էլ ներկայացվեց Կովկասի երկրամասի նոր սահմանների քարտեզի նախագիծը: Գրասենյակի տնօրենը հավաստում է, որ նահանգների սահմանների փոփոխությունների նոր նախագիծը կազմելիս, ամենից առաջ, հաշվի են առնվել երկրամասի նահանգների և գավառների միջև բազմաթիվ բնակչության անհավասար բաշխվածությունը, վարչական միավորների զբաղեցրած տարածքների անհամաչափությունը և այլն: Այդ տեսակետից նշել է նա, անհրաժեշտ ենք համարում Թիֆլիսի նահանգի զբաղեցրած տարածքը կրճատել և համապատասխանեցնել համառուսական ընդունված կարգին¹: Գրությունում նշվել են նաև Երևանի և Ելիզավետպոլի նահանգների և Կարսի մարզի միջև սահմանային-տարածքային ենթադրվելիք փոփոխությունների վերաբերյալ համապատասխան տվյալներ²: Չկրկնվելու համար դրանց չենք անդրադառնում, նկատի ունենալով, որ այդ մասին խոսք կլինի հետագա շարադրանքում՝ Վալդբուրնի ղեկավարած հանձնաժողովի հաշվետվությունը և նշված գավառների գավառապետերի զեկուցագրերը քննարկելիս: Միջանկյալ նշենք, որ նոր քարտեզագրմամբ ենթադրվում էր Թիֆլիսի նահանգից Երևանի նահանգին միացնել Ախալքալաքի (6036,96 քառ. վերստ) և Բորչալուի (2.407 քառ. վերստ) գավառները, ընդհանուր գումարով

¹ ՀԱԱ, ֆ. 94, ց. 1, գ. 3206, թ. 37, 75 և շրջ., 82:

² Տե՛ս նույն տեղում:

844.396 քառ. վերստ տարածք՝ երկու սեռից 270.024 բնակչությամբ¹:

Ըստ վերոնշյալ գրության, Երևանի նահանգապետին լիիրավ իրավունք էր վերապահվում ներկայացված նախագծում կատարել շտկումներ և լրացումներ՝ հաշվի առնելով տեղական պայմաններն ու բնակչության շահերը²:

Եվ այսպես, ըստ Սուրմալուի գավառապետ Իոնինի զեկուցագրի, ուղղված Երևանի նահանգապետին և Վալդբուրգի ղեկավարած հանձնաժողովի հաշվետվության, Սուրմալուի գավառից Կարսի մարզին ենթադրյալ անցնելու էր 1.590 քառ. վերստ տարածք, այլ խոսքով՝ 3-րդ ամբողջ ոստիկանական շրջանը, վեց՝ Կուլպինի, Գյուլյուջի, Ջալալի-Սաքանլի, Եզդի-Հասանլի, Օգրուջայի և Ռադիկի-Սինակի գյուղական հասարակությունները, ինչպես նաև Ալիքոչակի և Յայջիի գյուղական հասարակությունների մի մասը, քանի որ նոր սահմանագիծն այս գյուղական հասարակությունները բաժանում էր երկու մասի՝ Ալիքոչակի, որից Երևանի նահանգին մնում էր միայն Օրգով, Կարապյունե, քուրդ մուսուլմանաբնակ Բեգիրխան և Եզդիներով բնակեցված Կարակու գյուղերը, իսկ Յայջիի գյուղական հասարակությունից Կարսի մարզին էին անցնելու միայն թաթարաբնակ Կյուլյուկ և Կիտի գյուղերը, իսկ այս հասարակության մնացած գյուղերը թողնվում էր Երևանի նահանգին³:

Սկզբնաղբյուրների ուսումնասիրությունը ցույց է տալիս, որ Սուրմալուի գավառի և Կարսի մարզի միջև քարտեզագրված սահմանագիծը սկսվում է Արաքս գետից, Կիտիկ բնակավայրի մոտից, սահմանի արևմտյան մասի բոլոր հողերը թողնելով Կարսի մարզին, այստեղից նշված սահմանն ուղղվելով դեպի հարավ-արևելք,

¹ Տե՛ս նույն տեղում, թ. 82:

² Տե՛ս նույն տեղում, թ. 75 և շրջ.:

³ Տե՛ս ՀԱԱ, ֆ. 94, ց. 1, գ. 3206, թ. 37, 77, 78 շրջ.:

հատում է Արաբքիրլու բնակավայրին պատկանող հողերը, որի 2/3 մասը բնակչության հետ մնում են Երևանի նահանգի սահմաններում, այնուհետև սահմանը նույն ուղղությամբ բաժանելով Կյուլլուկ գյուղի ամբողջ հողերը, որի արևմտյան մասից 1/3 մասն անցնում է Կարսի մարզին: Այստեղից նախագծված սահմանը թեքվում է հարավ և անցնում է Վերին Չերուխչի բնակավայրի մոտով, կտրելով հատկացված հողերի կեսը Կարսի մարզի կողմը, որից հետո նշված սահմանն անցնում է նույն ուղղությամբ, մոտավորապես 1,5 վերստ տարածությամբ, նշված, Վերին Չերուխչի բնակավայրի հողերով, այնուհետև սահմանն անցնում է Սոգուտլինի շրջանի արտավայրերով մինչև Մուշա գյուղի հողերը: Գյուղն իրեն հատկացված բոլոր հողատարածքներով անցնում է Կարսի մարզին և վերջապես այստեղից նշված սահմանը ուղղվում է հարավ-արևելք, պետական ամառային արտավայրերով և հասնում Օրգովից Չինգիլ տանող ճանապարհին, թեքվում է հարավ, ձգվում է նշված ճանապարհով մինչև Չինգիլի լեռնանցք, որտեղ հասնում է Օսմանյան կայսրության հետ պետական սահմանին¹:

Կարսի մարզին անցնող տարածքի բնակչության ազգային կազմն այսպիսին էր. Կուլպինկի գյուղական հասարակություն՝ հայեր – 4.275 շունչ, թաթարներ – 3.685 շունչ, քուրդ սունիներ – 130 շունչ, Գյուլլուջիի՝ հայեր – 2.710 շունչ, շիա թաթարներ – 3.978 շունչ, Զալալի-Սաքանլի՝ սունի քրդեր – 1.416 շունչ, քուրդ եզդի – 2.046 շունչ և սունի քրդեր – 147 շունչ, Օգրուջայի՝ թաթարներ – 5.360 շունչ, Ռադիկի-Սինակիի՝ եզդի-քրդեր – 2.046 շունչ, սունի քրդեր – 1.660 շունչ և սունի թաթարներ – 77 շունչ, Ալիքոչակի գյուղական հասարակության մի մասից՝ շիա-թաթարներ – 1.363 շունչ,

¹ Տե՛ս նույն տեղում, թ. 39 և շրջ., 78 շրջ.–79:

սունի քրդեր – 1.683 շունչ, եզդի քրդեր – 3.158 շունչ և Յայջիի գյուղական հասարակությունից շիա-թաթարներ – 931 շունչ¹:

Այսպիսով, թվական տվյալների հանրագումարը ցույց է տալիս, որ Սուրմալուի գավառից Կարսի մարզին ենթադրյալ անցնող տարածքների երկսեռ բնակչության թիվը կազմում էր 36.646 մարդ: Ենթադրյալ տարածքները Կարսի մարզին միացնելու հետևանքով Սուրմալուի գավառի ընդհանուր տարածքը (3.192 քառ. վերստ) կրճատվելու էր 50 %-ով և կազմելու էր ընդամենը 1.602 քառ. վերստ, 54.282 բնակչությամբ²:

Վալթբուևի հանձնաժողովի հաշվետվության մեջ նշված է, որ Սուրմալուի գավառի գրադեցրած տարածքը և ունեցած բնակչությունը բավարար չեն, նրանից առանձին գավառ ստեղծելու համար: Հետևաբար, այն պետք է միացնել Երևանի կամ Էջմիածնի գավառներին: Եթե Սուրմալուի գավառը չի լուծարվելու, ապա անհրաժեշտ է նրան միացնել Էջմիածնի գավառի 3-րդ ոստիկանական շրջանը³:

Հարկ է նշել, որ Սուրմալուի գավառի և Կարսի մարզի միջև ենթադրվելիք սահմանաբաժանումը բնակչության համար ստեղծում էր բազում դժվարություններ և անհարմարություններ: Խոսքը գլխավորապես վերաբերում է Սուրմալուի գավառից Կարսի մարզին միացվելիք տարածքների բնակչությանը, առանձնապես բաժանման ենթակա գյուղաբնակներին, որոնց պատկանող վարելահողերի մի մասը կցվելու էր Կարսի մարզին, մյուս մասը մնալու էր Սուրմալուի գավառին: Նույնը վերաբերում է և արոտավայրերին, խոտհարքներին, ոռոգման ջրին, դպրոցներին, վարկային ընկերություններին և այլն: Այսպես, Կարսի մարզին անցնող ամբողջ

¹ Տե՛ս նույն տեղում, թ. 37 շրջ., 77 շրջ.:

² Վերահաշվարկը կատարվել է նույն տեղում, թ. 37–39 շրջ., 78 շրջ. տվյալների հիման վրա:

³ Տե՛ս նույն տեղում, թ. 78 շրջ.:

տարածքը, բացառությամբ Ռադիկի-Սինակի գյուղական հասարակությունից, անվիճելիորեն կապված էր Իգդիրի և Երևանի հետ, ինչպես առևտրատնտեսական հարաբերություններով, այնպես էլ վարչակառավարման: Բացի այդ, բաժանված մասի բնակչությունը Երևանի նահանգին մնացող բնակչության հետ ուներ ընդհանուր շահեր՝ կապված դպրոցների խնամատարության, համայնքային կառավարման, ջրօգտագործման հետ և այլն¹: Օրինակ, Ջոր գյուղի մեծ մասն անցնելու էր Կարսի մարզին, այն դեպքում, երբ այդ գյուղը հատուկ քուրդ երեխաների համար ուներ երկդասյա ուսումնարան, որի ծախսերն ընկած էր գավառի ամբողջ եզդի քուրդ և եզդի շիա բնակչության վրա²: Արաբկիրլու գյուղի հողերի մի մասն անցնում էր Կարսի մարզին, իսկ գյուղը և հողերի մեծ մասը մնում էր Սուրմալուի գավառում: Կյուլլուկ գյուղը, որն ուրիշ՝ Կիտի, Ջորի, Դիբակլու, Ալիքոչակ, Բանդամուրադ և Գյունդա գյուղերի հետ ուներ ընդհանուր օգտագործման ոռոգման ջուր, հողերի փոքր մասով մնում էր Սուրմալուի գավառին, մնացած մեծ մասն անցնում էր Կարսի մարզին³:

Ելիգավետալուի նահանգի և Նոր Բայազետի գավառի միջև ևս նախատեսվում էր սահմանային փոփոխություններ: Ըստ նոր քարտեզագրության, Նոր Բայազետի գավառից Ելիգավետալուի նահանգի Ղազախի գավառին ենթադրյալ անցնելու էր մոտավորապես 996 քառ. վերստ տարածք, որն ընդգրկում է հետևյալ գյուղերը՝ Ջիլ, Բաբաջան-Դարասի, Կուշի-Դարասի, Սադանա-խաչ, Մեծ Մազրա, Փոքր Մազրա, Շիշկայ, Քյասսման, Գեյսու, Օգրուջա, Սուլթան-Ալի-Ղշլաղ, Ինագ-Դաղ, Ջոդ, Ջարզիբիլ, Ախքիլիսա, Բասարգեչար, Թուսկյուլի, Ջաղալու, Կրխ-Բուլաղ, Կիզիլ-Բուլաղ,

¹ Տես՝ նույն տեղում, թ. 86:

² Տես՝ նույն տեղում, թ. 37 շրջ., 86 շրջ.:

³ Տես՝ նույն տեղում, թ. 86 շրջ.:

Քյարքիբաշ, Ղանլի-Ալլեխվերդի, Սուբատան, Թաշքենդ, Նոր Կեյ-տի, Սարիյաղուբ, Կոշերուլաղ, Կայբաշի 2-րդ, Կոշերուլաղ 1-ին, Հուսեյին-Ղուլի-Աղալու, Ենգիջա-Կարակոյունլու Մեծ, Ենգիջա-Կարակոյունլու Փոքր, Յարփուզլու, Կիզիլ-Վանք, Չամուրլու և Կիզիլ-հարաբա – 2¹:

Հեռացող մասի բնակչության թիվը կազմում էր 31.341 մարդ, այդ թվում՝ թաթարներ – 24.444 (78,0 %), հայեր – 6.243 (20,0 %), քրդեր 654 (2,0 %) մարդ²:

Նոր Բայազետի գավառի և Ելիզավետպոլի նահանգի հետ ենթադրյալ սահմանների նախագծին վերաբերվող փաստաթղթերից երևում է, որ նոր քարտեզագրմամբ սահմանը սկսվում է Գյոկչա (Սևանա) լճի հարավային ափից՝ Գեղակ Բուլաղ բնակավայրից 150 սաժեն արևելք, որտեղից սահմանն ուղղվում է դեպի հարավ և ձգվում է Չամուրլու գյուղ՝ այն թողնելով Ելիզավետպոլի նահանգին անցնելու առաջարկվող մասում: Այնուհետև Չամուրլու բնակավայրի մոտից սահմանն անցնում է Դիկ – Պիլական լեռան գագաթի հարավային ուղղությամբ և Գեղակ Բուլաղ, Յարփուզլու, Կիզիլ-Վանք և Չամուրլու գյուղերի մշակելի հողերը և արոտավայրերը բաժանելով երկու անհավասար մասերի (մեծ մասը մնում է Նոր Բայազետի գավառի կազմում), որից հետո հիշյալ սահմանագիծն անցնում է Գյոկչա լճի ափին տեղակայված Բաբաջան – Դարասի բնակավայրով և Շահ – Դաղ և Այրիջա – Դաղ բարձունքների միջնամասով ձգվում է դեպի հյուսիս-արևմուտք և Արդանիշ բնակավայրից կտրում է մշակելի հողերի մեծ մասը և Շահ – Դաղ լեռան շրջակայքի գրեթե ամբողջ արոտավայրերը (1.585 դեսյատին) թողնելով Ելիզավետպոլի նահանգին³:

¹ Տե՛ս նույն տեղում, թ. 28 և շրջ., 76:

² Տե՛ս նույն տեղում:

³ Տե՛ս ՀԱԱ, ֆ. 94, ց. 1, գ. 3206, թ. 77:

Ինչպես արդեն ասվել է, Նոր Բայազետի գավառից Ելիզավետպոլի գավառին էր անցնելու ընդհանուր գումարով 996 քառ. վերստ տարածք, իսկ Ելիզավետպոլի նահանգի Ղազախի գավառից Նոր Բայազետի գավառին էր կցվելու 2.000 քառ. վերստ¹: Այս մասին հետագա շարադրանքում:

Նոր Բայազետի գավառապետը Երևանի նահանգապետին 1913 թ. ապրիլի 26-ին ուղարկած զեկուցագրում հանգամանորեն և փաստարկված բացատրում է այն բոլոր անհարմարություններն ու դժվարությունները, որոնք կարող են առաջանալ ինչպես Ղազախի, այնպես էլ Նոր Բայազետի գավառներին կցվող տարածքների բնակչության համար, եթե նախագիծը կյանքի կոչվի.

1) Բնակչության հեռացող մասը սերտորեն կապված է Նոր Բայազետի գավառի բոլոր բնակավայրերի և վարչական կենտրոն Նոր Բայազետ քաղաքի հետ, ինչպես անիվավոր, այնպես էլ ջրային (Գյոկչա լճի վրայով) հաղորդակցության միջոցներով: Այս հանգամանքն, անշուշտ, տեղի բնակչության համար մեծ հնարավորություն է ստեղծում առևտրատնտեսական հարաբերություններ ծավալել գավառի ողջ տարածքում:

2) Նշված գավառներն աշխարհագրորեն իրարից բաժանված են բարձր լեռնաշղթաներով: Ձմռանը լեռնանցքներով հաղորդակցությունը ընդհանրապես անհնարին է: Տարվա մյուս եղանակներին նույնպես հաղորդակցությունը լի է բազում դժվարություններով, անհարմարություններով ու վտանգներով՝ բեռնակիր գրաստուների ճանապարհն անցնում է անմարդաբնակ վայրերով, լեռնային կածաններով և անտառածածկ տեղանքով, որը բնակչության համար դժվարանցանելի լինելուց բացի, միաժամանակ ավազակախմբերի համար լավ թաքստոց է: Բնակչության հաղորդակցութե-

¹ Տե՛ս նույն տեղում, թ. 97:

յունը անվտանգ կազմակերպելու համար անհրաժեշտ կլինի սահմանել աջալուրջ հսկողություն, ինչը կպահանջի լրացուցիչ միջոցներ և ծախսեր:

3) 4-րդ ուստիկանական մասի բնակչությունը, լսելով Ելիզավետպոլի նահանգի հետ հնարավոր միավորման մասին, ջանում է իշխանություններին ապացուցել, որ իրենց համար անհաղթահարելի դժվարություն է ունենալ նոր վարչական կենտրոն լեռնաշղթայի մյուս կողմում: Դրա հետ մեկտեղ պնդում են, որ իրենք հարմարվել են լեռնային զով եղանակին և չեն կարող դիմանալ Ղազախի տաքին և կկոտորվեն անգամ եզակի հիվանդությունից:

4) Բացի այդ՝ հեռացող Յարփուզլու, Կիզիլ-Վանք, Չամուլու և Կիզիլ-Խարաբա-2 գյուղերը մնացող Բաշ-Գյոզալդարա, Ներքին Գյոզալդարա, Քյուլանիկերլան, Գեդակ-Բուլաղ, Ներքին Ալուչալու, Վերին Ալուչալու և Կարմիր-Խարաբա գյուղերի հետ ունեն ընդհանուր կառավարում, իսկ Զիլ, Բաբաջան-Դարասի, Կուչի-Դարասի, Սադանա-խաչ գյուղերը և մնացող Արդանիշ, Աղբուլաղ, Թոխլուջա և Նադեժդինո գյուղերը գտնվում են Նադեժդինո գյուղական հասարակության կառավարման ներքո:

5) Լճի արևմտյան ափի բնակչությունն իրենց ոչխարների հոտը ձմռանը քշում են Գյունեյի ափով, խախտվում է ափի բնակչության իրավունքները և ոտնահարվում է նրանց շահերը¹:

6) Ղազախի գավառից միացվող տարածքը գավառի վարչական կենտրոն Նոր Բայազետ քաղաքից գտնվում է չափազանց մեծ հեռավորության վրա, իսկ հաղորդակցության միակ ճանապարհն անցնում է Սեմյոնովկայի դժվարանցանելի լեռնանցքով²:

7) Անհրաժեշտություն է առաջանալու գավառային ուստիկանական կառավարչությունը և գավառային մյուս հիմնարկություններ-

¹ Տե՛ս նույն տեղում, թ. 28 շրջ., 75-77:

² Տե՛ս նույն տեղում, թ. 28 շրջ., 29 շրջ., 77, 88:

րը Նոր Բայազետ քաղաքից տեղափոխել Դիլիջան կամ ծայրահեղ դեպքում Ելենովկա (այժմ՝ Սևան քաղաք) գյուղը: Հետևաբար, նշում է գավառապետը, Նոր Բայազետից ենթադրյալ 4-րդ ուստիկանական տեղամասը Ղազախի գավառին միացնելը, ինչպես և Ելիզավետպոլի նահանգի Ղազախի գավառից Նոր Բայազետի գավառին տարածք կցելը բոլորովին չի բխում երկու կողմերի ամբողջ բնակչության շահերից ընդհանրապես և տեղափոխվող բնակչության շահերից մասնավորապես: Եթե այս ամենին գումարենք և այն, որ դա արվում է բնակչության կամքին ու ցանկությանը հակառակ, ապա անթույլատրելի է, եզրափակում է գավառապետը¹:

Էջմիածնի գավառի և Կարսի մարզի հետ սահմանների շրջայցի վերաբերյալ Էջմիածնի գավառապետի կողմից 1913 թ. մայիսի 21-ին Երևանի նահանգապետին ներկայացված զեկուցագրից երևում է, որ նոր քարտեզագրմամբ Էջմիածնի գավառից Կարսի մարզին ենթադրյալ կցվելու էր 1.000 քառ. վերստ, երկու սեռից 8.042 շունչ բնակչությամբ, որից՝ թաթարներ – 2.655 կամ 33,0 %, քրդեր – 5.387 շունչ կամ 67 %²:

Էջմիածնի գավառի ¹ և Կարսի մարզի միջև նախագծված սահմանագիծը սկսվում է այնտեղից, որտեղ ավարտվում է Ալեքսանդրապոլի գավառի 'սահմանը և շարունակվում է Վերին-Թալին բնակավայրից հարավ-արևմուտք՝ հատում է Վերին-Թալին, Սարդարաբադ և Քյուլակ-Արխ գյուղերի հողերը, թողնելով Կարսի մարզի կողմում, Իսկ մնացած գյուղերը՝ մնում են Էջմիածնի գավառին: Ինչ վերաբերում է Էջնակ գյուղին, ապա նախագծվող սահմանն անջատում է այդ բնակավայրը Կարսի մարզի ուղղությամբ, իսկ հողերը,

¹ Տե՛ս նույն տեղում, թ. 75 շրջ., 76 և շրջ.:

² Տե՛ս ՀԱԱ, ֆ. 94, ց. 1, գ. 3206, թ. 48 և շրջ., 80 շրջ.:

մեծ մասամբ մնում են Երևանի նահանգին, այնուհետև սահմանը հասնում է մինչև Արաքս գետը¹:

Ինչպես իրավացիորեն նշել է Էջմիածնի գավառապետի օգնական Պ. Սուլոմոն, Կարսի մարզի հետ նոր սահմանագծային քարտեզը կազմվել է կամայականորեն, չի համապատասխանում տեղական պայմաններին և չի կարող դառնալ հիշյալ գավառի և մարզի միջև բնական սահման: Նրա կարծիքով ենթադրյալ սահմանային փոփոխությունը ոչ միայն, և ոչ այնքան, օգուտ չի բերի Կարսի մարզին միացվող բնակավայրերի բնակչությանը, որքան նրանց համար կստեղծի ոչ քիչ թվով դժվարություններ և անհարմարություններ, իսկ այն բնակավայրերի համար, որոնց հատկացված հողերի մի մասը (անկախ ծավալից) նախատեսված սահմանով անցնում է Կարսի մարզին, իսկ մյուս մասը մնում է Էջմիածնի գավառին, նման անբնական բաժանումն անիմաստ է դառնում, քանի որ սահմանագծերի անորոշությունն ու անբնական լինելն, անկասկած, կառաջացնի բոլոր հնարավոր թյուրիմացությունները և դժվարությունները նաև տեղական վարչակառավարման համակարգի բոլոր օղակներում²: Գավառի պաշտոնատար անձի մտահոգությունները հաստատող բազում օրինակներից նշենք մի քանիսը: Օրինակ, Թալինի գյուղական հասարակության վարչական և Թալինի 2-րդ դասային ուսումնարանի շենքերը կառուցվել էին նաև Փիրմալաք և Թալին-Թաթարական գյուղերի բնակչության միջոցներով և անմիջական մասնակցությամբ: Հաջի-Բայրամ, Խայրիբեկլու, Ասսար և Շախվարուտ գյուղերը մասնաբաժին ունեին ինչպես Շագրիարի գյուղական հասարակության վարչական շենքի կառուցման մեջ, այնպես էլ անդամակցում էին Մեծ-Շագրիար գյուղում գտնվող վարկային ընկերությանը: Սարդարապատ գյուղի հասարակությու-

¹ Տե՛ս նույն տեղում, թ. 50 և շրջ., 80 շրջ., 81:

² Տե՛ս նույն տեղում, թ. 48 և շրջ.:

նը խնամակալական կապով կապված էր Ղուրդուղույի գյուղում գործող ուսումնարանի հետ: Բոգոտլինի գյուղական հասարակության բոլոր մեղվապահները ամռանը քոչում էին Արագած լեռ, հետևաբար տնտեսապես և նյութապես կապված էին Երևանի նահանգի հետ և ոչ մի կախվածություն չունեին Կարսի մարզից¹: Օրինակները շատ են ու բազմապիսի: Բավարարվենք եղածով ու հավելենք, որ բոլոր հեռացող գյուղերը, բնականաբար էջմիածնի գավառի հետ ունեին առևտրատնտեսական սերտ կապեր, օգտվում էին երկաթուղային և խճուղային հարմարավետ ճանապարհներից՝ վաճառքի հանելով իրենց գյուղատնտեսական ապրանքները և անասուններն, առավելապես Վաղարշապատում և Երևանում²:

Նոր շրջանառվող քարտեզագրմամբ Ալեքսանդրապոլի գավառից Կարսի մարզին անցնելու էր 159,5 քառ. վերստ տարածք³, 3.431 բնակչությամբ (498 տնտեսություն), որից Բուղդաշեն գյուղից՝ 76 տնտեսություն կամ 489 շունչ, Ենիքեյ գյուղից՝ 54 տնտեսություն կամ 400 շունչ, Կիզիլ-Քիլիսա գյուղից՝ 175 տնտեսություն կամ 1.288 շունչ, Չիրպիլի գյուղից՝ 116 տնտեսություն կամ 741 շունչ և Կեգաչ գյուղից՝ 77 տնտեսություն կամ 513 շունչ: Ըստ ազգության՝ հայեր – 3.428 շունչ (496 տնտեսություն), քրդեր – 3 շունչ (2 տնտեսություն)⁴:

Ալեքսանդրապոլի գավառի Կարսի մարզի հետ սահմանների շրջայցին վերաբերող փաստաթղթից երևում է, որ սահմանների նշագիծը սկսվել է Արփաչայ գետից, Աղին բնակավայրի մոտից, որն իր հողերով մնացել է Երևանի նահանգի տարածքում, այստեղից նախագծված սահմանը անցնում է հարավային ուղղությամբ,

¹ Տե՛ս նույն տեղում, թ. 80 շրջ., 81 և շրջ.:

² Տե՛ս նույն տեղում, թ. 48 շրջ.:

³ Տե՛ս նույն տեղում, թ. 79:

⁴ Վերահաշվարկը կատարվել է նույն տեղում, թ. 79 և շրջ. տվյալների հիման

Կարսի մարզին անցման նախատեսվող մասում թողնելով արևմտյան կողմում Արփաչայ գետին հարող Կեգաչ, Չիրպիլի և Ենիքեյ բնակավայրերը, մինչև Կիզիլ-Քիլիսա բնակավայր, 'ընդ որում' նկարագրվող սահմանը ճեղքում է վերոնշյալ բնակավայրը, իսկ բնակչության օգտագործման տակ գտնվող հողերը բաժանում երկու անհավասար մասերի՝ ավելի փոքրը՝ հարավարևմտյանը, որն անցնում է Կարսի մարզին, և հյուսիսարևելյան ավելի մեծը, որը մնում է Երևանի նահանգում, բացի այդ հարավարևմտյան մասում կան զինվորական-պաշտպանական հատվածներ 66 դեսյատին չափով: Այնուհետև նշված սահմանն անցնում է հարավարևելյան ուղղությամբ, ընդ որում՝ ըստ առկա քարտեզի նախագծվող սահմանն Անի կայարանի մոտից կտրում անցնում է երկաթգիծը և այնուհետև ոչ ավել քան կես վերստ անցնում է Բուղդաշեն բնակավայրից, թողնելով այն արևմուտքում և դրանով անջատելով այդ բնակավայրերը նրա բնակիչներին օգտագործման հատկացված հողերից, քանի որ այդ հողերի մեծ մասը գտնվում է նշված բնակավայրից հյուսիսում և արևելքում, այսինքն՝ Երևանի նահանգի սահմաններում, իսկ Բուղդաշեն բնակավայրը, նշված սահմանի համաձայն անցնում է Կարսի մարզին:

Այնուհետև սահմանը ձգվելով նույն հարավարևելյան ուղղությամբ և անցնելով չբնակեցված տեղերով հասնում է մինչև Էջմիածնի վարչաշրջանի սահմանները, որի հետ հատվում է Կարակոյի փլատակներ կոչվող տեղանքում¹:

Այսպիսով, 1913 թ. նոր սահմանային փոփոխություններին վերաբերող հարցի քննարկումից կարելի է անել մի շարք եզրակացություններ: Առաջարկվող նախագիծը կազմվել է կամայականորեն, առանց հաշվի առնելու տեղական պայմանները, ազգային սո-

¹ Տե՛ս նույն տեղում, թ. 80 և շրջ.:

վորույթները, առանձնահատկությունները, որտեղ կային բնակչության ազգային և սոցիալական կազմի, մշակույթի տարբեր հարաբերակցություն, կառավարման արդյունավետությունը, հաղորդակցության հնարավորությունները, տնտեսական կապերը և երկրամասի ժողովուրդների քաղաքացիության կարգավիճակը: Ահա թե ինչու ամենուր կապված սահմանային փոփոխությունների նոր նախագծի հետ, բնակչության մեջ դժգոհությունը շարունակաբար խորանում էր:

Թվական տվյալների համադրությունից պարզ է դառնում, որ Երևանի նահանգի տարածքից հարևան Ելիզավետպոլի նահանգին և Կարսի մարզին անցնելու էր ընդհանուր գումարով 3745,5 քառ. վերստ տարածք, երկու սեռից շուրջ 80.000 բնակչությամբ, այդ թվում՝ թաթարներ – 42.613 կամ 53,3 % շունչ, հայեր – 16.640 կամ 21 % շունչ, քուրդ եզդիներ և քուրդ սունիներ – 20.378 կամ 25,5 % շունչ¹:

Երևանի նահանգին ենթարկյալ միացվելու էր՝ 1) Ելիզավետպոլի նահանգի Ջանգեզուրի և Ղազախի գավառներից շուրջ 2.096 քառ. վերստ, երկու սեռից 58.322 բնակչությամբ, որից հայեր-50.390 (86,3 %) շունչ, թաթարներ – 6.850 (11,8 %) շունչ, ռուսներ – 1.082 (1,9 %) և 2) Թիֆլիսի նահանգից Ախալքալաքի և Բորչալուի գավառները 8443,96 քառ. վերստ ընդհանուր մակերեսով, երկու սեռից 270.029 շունչով, որից հայեր – 151.211 (56,0 %) շունչ, թաթարներ – 54.812 (20,5 %) շունչ, ռուսներ 18.051 (6,7 %) շունչ, վրացիներ-9.963 (3,8 %) շունչ, հույներ – 2882 (1,2 %) շունչ, այլ ազգեր – 4.912 (1,8 %) շունչ: Այլ խոսքով՝ հարևան նահանգներից Երևանի նահանգին էր անցնելու ընդհանուր գումարով 10.539,96 քառ. վերստ տարածք, 328.351,00 բնակչությամբ, այդ թվում՝ հայեր –

¹ Վերահաշվարկը կատարվել է ըստ ՀԱԱ, ֆ. 94, ց. 1, գ. 3206, թ. 77–80 շրջ., 83 և շրջ.-ի տվյալների հիման վրա:

201.601 (61,4 %), թաթարներ – 61.662 (18,8 %), ռուսներ – 19.133 (5,8 %), վրացիներ – 9.963 (3,0 %), այլ ազգեր – 35.992 (11 %)¹:

Ստացվում է, որ այս նախագիծը կյանքի կոչվելու դեպքում Երևանի նահանգը, որն ուներ 24.408,23 քառ. վերստ 10.700.000 բնակչությամբ², ավելանալու էր 6.794,46 քառ. վերստով, իսկ բնակչության թիվն աճելու էր 248.351 մարդով³:

Այսպիսով, ենթադրյալ սահմանային փոփոխություններն իրականում որևէ առնչություն չունեին այն բացատրությունների հետ, որոնք արվում էին Կովկասի իշխանությունների կողմից իրենց ծրագրի, այսպես կոչված, անհրաժեշտությունը հիմնավորելու համար: Ասվածին հավելենք, որ բնակչության համատարած դժգոհությունները՝ մի կողմից, տեղական իշխանությունների փաստարկված հորդորներն ուղղված երկրամասի բարձրագույն ղեկավարությանը՝ հրաժարվել հակասություններով լեցուն և ծանր հետևանքներով հղի նախագիծը գործադրելուց՝ մյուս կողմից, սթափեցրին բարձրագույն իշխանություններին և հետ կանգնեցրին նրանց բռնած ճանապարհից: Նախագիծը մնաց որպես սոսկ փաստաթուղթ:

Այդուհանդերձ, սա դեռ չէր նշանակում, թե Անդրկովկասի վարչական սահմանների փոփոխության հիմնահարցը բոլորովին դուրս էր մնացել Ռուսաստանի իշխանությունների ու քաղաքական ուժերի հետաքրքրության շրջանակներից, քանզի այդ փոփոխությունները երկրամասը խաղաղեցնելու և այն կայսրությանը հիմնովին միավորելու առումով ոչինչ չտվեցին:

Այս առումով հետաքրքիր մեկնաբանություն է անում Թիֆլիսում լույս տեսնող սոցիալ-դեմոկրատների պաշտոնաթերթ «Պայ-

¹ Վերահաշվարկը կատարվել է ըստ վերո նշված աղբյուրների տվյալների:

² Տե՛ս ՀԱԱ, ֆ. 94, ց. 1, գ. 3206, թ. 88 շրջ.:

³ Հաշվարկը կատարվել է ըստ նույն աղբյուրի, թ. 77–80 շրջ., 82, 83 տվյալների:

քարը» իր 1917 թ. օգոստոսի 23-ի համարում գրելով, որ «Ներկա վարչական սահմանները (նահանգ, գավառ, շրջան և այլն) միանգամայն անբավարար են, որ շատ տեղեր այդ բաժանումները կրում են պատահական բնույթ և չեն համապատասխանում Կովկասյան ժողովուրդների տնտեսական և ազգագրական պահանջներին, դրա մասին երկու կարծիք չի կարող լինել»¹: Ուշագրավ է, որ դեռ 1905 թ., երբ Կովկասում զեմստվոների՝ տեղական ինքնակառավարման մարմինների, կազմակերպման խնդիրը լայն կերպով հրապարակ եկավ, այդ հարցի հետ միասին շարունակ ասպարեզի վրա ցցվել էր վարչական սահմանների փոփոխության հարցը՝ որպես նախապայման զեմստվոների իրականացման²:

«Պատահական կամ դիտավորյալ սահմանաբաժանման անհարմարությունները,- գրել է Ստ. Կամսարականը,- շուտով աչքի ընկան, մանավանդ, երբ ծագեց հարց Անդրկովկասում զեմստվային հիմնարկություններ մտցնելու մասին»³:

Անդրկովկասի սահմանափոխման հարցը քննարկման առարկա է դարձել նաև 1909 և 1916 թթ. զեմստվոյական խորհրդակցություններում⁴:

Նշված խորհրդակցություններում հայազգի պատվիրակները վարչատարածքային փոփոխությունների անհրաժեշտությունը պատճառաբանում էին տնտեսական գործոններով: Ուշագրավ է, որ նրանք առաջնահերթությունը տալիս էին Անդրկովկասի վարչատարածքային բաժանմանը, հետո նոր միայն զեմստվոների ներդրմանը երկրամասում⁵: Բանն այն է, որ երկրամասի նախըն-

¹ Պայքար, 23 օգոստոսի, 1917:

² Տե՛ս նույն տեղում:

³ Հանուսայիսկան խորհրդակցություններ (1912–1920 թթ.), Երևան, 2004, էջ 196:

⁴ Տե՛ս Հ. Հարությունյան, Նոր Բայազետի գաղտնի 1914–1920 թթ., Երևան, 2012, էջ 13–15:

⁵ Տե՛ս Գ. Գումանով, Организация земства в Закавказье, Тифлис, 1918, էջ 3:

թաց բոլոր վարչատարածքային բաժանումները, որպես կանոն, արվել են Հայաստանի հաշվին: Հայոց ազգային համախորհրդակցության 1917 թ. հոկտեմբերի 6-ի նիստում Ստ. Կամսարականը Անդրկովկասի սահմանաբաժանմանը վերաբերող զեկուցման մեջ անդրադարձ կատարելով երկրամասի գավառների վարչական սահմանների ստեղծման պատմությանը, շեշտել է, որ «Սահմանների բաժանումը կատարելիս կառավարությունը աչքի առաջ չի ունեցել տեղագրական և տնտեսական պայմանները և ոչ իսկ վարչական կառավարության հարմարությունները: Երբեմն կառավարությունը, որպեսզի հայերը որևէ գավառում մեծամասնություն չկազմեն, այդ գավառից մի զուտ հայաբնակ մաս անջատել ու միացրել է հարևան թուրքաբնակ մասի»¹:

Ինչպես, օրինակ, Ղարաբաղը, Ղազախը և Ջանգեզուրը Արևելյան Հայաստանի կազմից հանելով միացվել էր Շամախու, հետագայում՝ Ելիզավետպոլի նահանգին, Բորչալուի և Ախալքալաքի գավառները տրվել էին Թիֆլիսի նահանգին, իսկ Կարսի և Կաղզվանի շրջանների վրա իրականացվում էր ռուսական վերահսկողություն: Ահա թե ինչու երկրամասի սահմանաբաժանման հարցը, որպես կանոն, պռաջինը բարձրացնում էին հայերը:

Թեև Պետական դրաման իր 1916 թ. մարտի 17-ի նիստում մերժեց իրեն կից հանձնաժողովի Անդրկովկասում զեմստվուներ մտցնելու առաջարկությունը, սակայն երկրամասի սահմանափոխության հարցը չկորցրեց հրատապությունը: Այս հարցը տեղից շարժելու և տեսականորեն այն հիմնավորելու ու հստակ ծրագիր մշակելու մտայնությամբ, Մ. Պապաջանյանի եռանդուն ջանքերով ստեղծվեց միջկուսակցական մարմին՝ անդամակցությամբ Հ. Փափազյանի, Ստ. Կամսարականի, Գ. Խատիսյանի և Ավ. Շահխա-

¹ Համահայկական խորհրդակցություններ (1912–1920 թթ.), էջ 196:

թունյանի: Նրանք ստեղծեցին Անդրկովկասի վարչատարածքային բաժանման ծրագիր և Ավ. Շահխաթունյանի միջոցով ուղարկեցին Պետրոգրադ՝ ՆԳ նախարարությանը առընթեր գործող տեղական ինքնավարությունների հանձնախմբին՝

«Այս խորհրդակցություններում արդեն,- գրում է Վ. Մելիքյանը,- հայկական կողմն անփութիս հայտնվում էր փոքրամասնության վիճակում, քանի որ քաղաքական իրադրությունը, որտեղ վրացիներն ու մահմեդականները գրեթե ամենուրեք գերիշխում էին, լիովին բավարարում էր այդ մեծամասնությանը»²:

Մենք չենք անդրադառնում նրանց արտահայտած տեսակետներին, քանզի դրանք դուրս են մեր ուսումնասիրության շրջանակներից: Բավարարվենք միայն նշելով, որ նրանց տեսակետներն համակողմանիորեն քննության է առել Վ. Մելիքյանն իր «Իշխանության հիմնահարցը Անդրկովկասում» արժեքավոր մենագրության մեջ³:

1917 թ. ամռանն Անդրկովկասի ազգային տարածքային տարանջատման հիմնահարցը կրկին իջավ ասպարեզ և դարձավ քաղաքական ուժերի և տեղական կենտրոնական իշխանությունների լայն քննարկման առարկա: Երկրամասում զեմստվոներ մոցնելու խնդրին նվիրված Անդրկովկասյան հատուկ կոմիտեի խորհրդակցությունում հրապարակ հանվեց նաև Երևանի, Թիֆլիսի, Ելիզավետպոլի նահանգների ու Կարսի մարզի վարչատարածքային սահմանաբաժանման հարցը⁴: Հայտնի քաղաքական գործիչ Դ. Անանունի բնորոշմամբ «ազգային տերիտորիալ որոնումը 1917 թ. կազ-

¹ Տե՛ս Ա. Шахатунян, *Административный передел Закавказского края*, Тифл. п.ис, 1918, էջ 120:

² Վ. Մելիքյան, նշվ. աշխ., էջ 126:

³ Տե՛ս նույն տեղում, էջ 126–127:

⁴ Տե՛ս Ա. Шахатунян, նշվ. աշխ., էջ 120:

մում էր Անդրկովկասի ժողովուրդների կենտրոնական մտահոգությունը»¹:

Խորհրդակցությունում լավեցին առարկող ելույթներ ո՛չ միայն թաթարների ներկայացուցիչների, նաև վրացական ազգայնականների կողմից: Վրաց սոցիալ-դեմոկրատների միջամտության շնորհիվ որոշ չափով մեղմացավ հարցի սրությունը: Այդուհանդերձ, ինչպես նշում է Ավ. Շահխաթունյանը, գործը տեղից չշարժվեց²:

Անդրկովկասի սահմանաբաժանման թեման մեկ անգամ ևս օրակարգային դարձավ Պետրոգրադում միաժամանակյա հրավիրված երկու խորհրդակցություններում՝ նվիրված Սահմանադիր ժողովի ընտրությունների կանոնակարգերի մշակմանը և զեմստվոներից զրկված ազգային շրջաններում այդպիսիք հիմնելու հարցին: Մի շարք նախագծերի հետ մեկտեղ թույլատրվեց երկրամասերում կատարել վարչատարածքային փոփոխություններ և ստեղծել նոր նահանգներ ու գավառներ³:

Ասվածից կարելի է հետևության հանգել, որ Անդրկովկասի երկրամասի վարչատարածքային նոր բաժանումների հարցը զուտ հայկական խնդիր չէր, այլ կրում էր ընդհանուր տեղական բնույթ և հրապարակ էր իջել ոչ թե իբրև հայկական, այլ ընդհակառակը՝ իբրև Կովկասյան դեմոկրատիայի նախագիծ:

Անդրադառնալով վերոգրյալ խորհրդակցություններին՝ նշենք, որ զեմստվոյական խորհրդակցությունը, օգտվելով Անդրկովկասի երկրամասի գրեթե բոլոր ազգությունների ներկայացուցիչների Պետրոգրադում գտնվելու՝ հանգամանքից (մասնակցում էին Սահմանադիր ժողովի ընտրություններին նվիրված խորհրդակցությա-

¹ Գ. Անանուն, *Ռուսահայերի հասարակական զարգացումը (1901–1918)*, հ. 3, Վենետիկ, 1926, էջ 613: .

² Տե՛ս Ա. Շահխաթունյան, նշվ. աշխ., էջ 120:

³ Տե՛ս նույն տեղում:

նը), նրանց (յուրաքանչյուր ազգությունից 7 հոգի) հրավիրեցին մասնակցելու զեմստվոյական հանձնաժողովի աշխատանքներին: Հարց բարձրացվեց երկրամասի սահմաններում իրականացնել վարչական փոփոխություններ: Եղան մի քանի առաջարկություններ, ինչպես, օրինակ, կատարել Անդրկովկասի էթնիկական-սահմանային նոր փոփոխություն, կամ եզակի հիմքի վրա երկրամասում հիմնել զեմստվոներ: Մի քանիսն առաջարկում էին չքննարկել այդ հարցը և այն հանձնել Օզակոմին (Անդրկովկասյան հատուկ կոմիտեին), որն էլ կստեղծի համապատասխան հանձնաժողով՝ կյանքի կոչելու երկրամասի նոր վարչական բաժանումը: Իսկ հանձնաժողովականների մեծամասնությունը առաջարկում էր ավելի շահեկան և իրատեսական ճանապարհ, այն է՝ Պետրոգրադում գտնվող Անդրկովկասի ներկայացուցիչների մասնակցությամբ կազմել նախագիծ և այն ուղարկել Օզակոմին և Կովկասի դեմոկրատիան ներկայացնող կազմակերպությունների եզրակացությանը: Վերջիններս, որոնք ուղղակիորեն դեմ էին երկրամասի վարչական փոփոխությանը, հայտարարեցին, որ նրանք կոմպետենտ (ծեռնահաս) չեն, և չունեն բավականաչափ նյութեր: Սակայն դա չխանգարեց, որ մեծամասնության հավանությանը արժանանար վերջին տարբերակը¹:

Հայ պատվիրակներն ունեին երկրամասի վարչական փոփոխության վերաբերյալ վաղորոք մշակված հիմնավոր նախագիծ՝ վերնագրված «Անդրկովկասի վարչական սահմանաբաժանման նախագիծը»: Այն հեղինակել էր Ավ. Շահխաթոյանը: Նախագծի տեքստը հրատարակվել է 1918 թ. Թիֆլիսում «Административный передел Закавказского края» խորագրով:

¹ Տե՛ս նույն տեղում, էջ 121:

Ըստ Ավ. Շահխաթունյանի նախագծի Ելիզավետպոլի նահանգը բաժանվելու էր երկու առանձին նահանգի՝ Ելիզավետպոլի և Գանձակի¹: Վերջինս զբաղեցնելու էր նախկին նահանգի լեռնային մասը, որը մեծամասամբ բնակեցված էր հայերով: Այսպիսով՝ ապագա Գանձակի նահանգը ստեղծվելու էր Քարվանսարայի² և Գանձակի³ գավառներից (նախատեսվում էր նրանց կազմում ընդգրկել նաև Նոր Բայազետի գավառից Արդանիշ, Աղբուլախ, Թոխլուջա, Սեմյոնովկա, Չիբուխլու, Ջիլ, Կուշի Դարասի, Բագեջան Դարասի և Սատանախաչ գյուղերը)⁴, Շուշիի⁵ և Ջանգեզուրի⁶ գավառներից, ինչպես նաև Ելիզավետպոլ քաղաքի աջափնյա հայկական մասից՝ Գանձակ քաղաքից, որը պետք է դառնար նորաստեղծ նահանգի վարչական կենտրոնը⁷:

¹ Տե՛ս նույն տեղում, էջ 128–129: Հորիզոն, 17 հունվարի, 1918:

² Բաղկացած էր Բարանա, Բաշքենդ, Ղուլալի, Թաթիլքենդ, Թաուզկալի, Հին Դիլիջան, Նոր Դիլիջան, Ղարադոյունկի, Թոթքենդ, Աքսիբարի, Միխայրովսկոն, Շամբարակ, Ուզունթալա, Քարվանսարա և Ղարաղաղ գյուղական հասարակություններից: Տե՛ս Ավ. Շահխաթունյան, նշվ. աշխ., էջ 128–129: Հորիզոն, 17 հունվարի, 1918:

³ Իլլ մեջ ընդգրկում էր Ելիսկոյե, Միխայրովսկոն, Բայանսին, Չուռնաբաղ, Դամջալու, Չագիկ, Դաստաֆիլլ, Աղջաքենդ, Բորխսինսկոն, Էրքեջ, Չարդախլու, Ֆրեզովսկոն, Գետաքեկ, Սլավյանսկոն, Մեսթիլինի, Կարամուրալ (Այրում), Նովոսարատովսկոն, Բաղաքենդ, Կովայեովկա-Խայկական, Ղարամուրալ գյուղական համայնքները և Ելիզավետպոլ քաղաքի աջափնյա հայկական մասը: Տե՛ս Ավ. Շահխաթունյան, նշվ. աշխ., էջ 128–129: Հորիզոն, 17 հունվարի, 1918:

⁴ Տե՛ս Հորիզոն, 17 հունվարի, 1918:

⁵ Բացառությամբ Գյուլիստանի, Սկրբելովսկի, Ղաչարականի, Մարգալինի գյուղական համայնքների ու Արբաղուզ գյուղի: Տե՛ս Ավ. Շահխաթունյան, նշվ. աշխ., էջ 129:

⁶ Առանց մի քանի թաթարական գյուղական համայնքների, որոնք միացվում էին նախկին նահանգի՝ Ելիզավետպոլի, թաթարական մասին: Տե՛ս Ավ. Շահխաթունյան, նշվ. աշխ., էջ 129:

⁷ Տե՛ս Ավ. Շահխաթունյան, նշվ. աշխ., էջ 129:

1. Գանձակի նահանգ¹

Աղյուսակ 4

Հազարներով % %				
Գավառներ	Բնակչությունը	Հայեր	Մուսուլմաններ	Այլք
Քարվանսարայի	74	61 (82,4 %)	9 (12,2 %)	4 (5,4 %)
Գանձակի	114	67 (59 %)	29 (25,4 %)	18 (16 %)
Շուշիի	214	150 (70 %)	58 (27,1 %)	6 (2,3 %)
Զանգեզուրի	127	88 (69,3 %)	38 (30 %)	1 (0,79 %)
Ընդամենը	529	366 (69,2 %)	134 (28,3 %)	29 (5,3 %)

2. Ելիզավետպոլի նահանգ²

Աղյուսակ 5

Հազարներով % %				
Գավառներ	Բնակչությունը	Հայեր	Մուսուլմաններ	Այլք
Նուխիի	220	40 (18,2 %)	163 (74,1 %)	17 (7,7 %)
Ելիզավետպոլի	171	6 (3,5 %)	156 (91,2 %)	9 (5,3 %)
Բարդայի	99	3 (3,1 %)	92 (96,8 %)	4 (4,2 %)
Կարյազինոյի	123	-	119 (96,7 %)	4 (3,2 %)
Արեշի	74	4 (5,4 %)	70 (94,6 %)	-
Ղազախի	64	-	63 (98,4 %)	1 (1,2 %)
Ընդամենը	751	53 (7,1 %)	663 (88,7 %)	35 (4,7 %)

Աղյուսակ 5-ից նկատելի է, որ ըստ հայկական նախագծի, Գանձակի նահանգում հայերը կազմելու էին բնակչության ավելի քան 69 %-ը, մահմեդականները՝ 25,3 %-ը, իսկ Ելիզավետպոլի նահանգում համապատասխանաբար՝ 7,1 և 88,7 %-ը:

Անդրադառնալով Երևանի և Թիֆլիսի նահանգներին և Կարսի մարզին վերաբերող փոփոխություններին՝ նշենք, որ նախագծում

¹ Աղյուսակը կազմվել և վերահաշվարկը կատարվել է ըստ Ավ. Շահխաբուռնյանի, նշվ. աշխ., էջ 131 և Հորիզոն, 17 հունվարի, 1918, տվյալների հիման վրա:

² Աղյուսակը կազմվել և վերահաշվարկը կատարվել է նույն աղբյուրների տվյալների հիման վրա:

առաջարկվում էր Լոռին անջատել Բորջալուի գավառից, իսկ Ախալքալաքի շրջանը հանել Թիֆլիսի նահանգի կազմից, որոնք ունեին ճնշող մեծամասնությամբ հայ բնակչություն:

Նախատեսվում էր նշված տարածքների և Ալեքսանդրապոլի, Կարսի, Կաղզվանի և Կողբի գավառների միավորումով ստեղծել նոր նահանգ Ալեքսանդրապոլ վարչական կենտրոնով¹: Ապագա Ալեքսանդրապոլի նահանգն ունենալու էր 709 հազար բնակչություն, որից հայեր՝ 464 հազար (65,5 %), մահմեդականներ՝ 121 հազար և այլք՝ 124 հազար (34,5 %)²:

Նահանգի բնակչության շարժնթացն աղյուսակի տեսքով կունենար հետևյալ պատկերը³

Աղյուսակ 6

Հազարներով % %				
Գավառներ	Բնակչությունը	Հայեր	Մուսուլմաններ	Այլք
Ալեքսանդրապոլի	194	160 (78,4 %)	22 (11 %)	12 (6 %)
Ախալքալաքի	120	94 (78,3 %)	10 (8,3 %)	16 (13,3 %)
Լոռիի	120	92 (77 %)	14 (12 %)	14 (12 %)
Կարսի	193	83 (43 %)	49 (25,4 %)	61 (32 %)
Կաղզվանի	82	35 (43 %)	26 (32 %)	21 (26 %)
Ընդամենը	709	464 (59 %)	121 (15,3 %)	124 (16 %)

Ինչ վերաբերում է Երևանի նահանգի կազմավորմանը, ապա հայկական կողմի պատկերացմամբ, այն պետք է ստեղծվեր Էջմիածնի, Երևանի, Նոր Բայազետի, Շարուրի, Նախիջևանի և Սուրմա-

¹ Տե՛ս Ավ. Շահխաթունյան, նշվ. աշխ., էջ 126–127: Հորիզոն, 17 հունվարի, 1918:
² Վերահաշվարկը կատարվել է ըստ Ավ. Շահխաթունյանի, նշվ. աշխ., էջ 133: Հորիզոն, 17 հունվարի, 1918. տվյալների հիման վրա:
³ Աղյուսակը կազմվել և վերահաշվարկը կատարվել է նույն աղբյուրների տվյալների հիման վրա:

լուի գավառների ներգավառային վարչական վերաձևումների հենքի վրա:

Երևանի նահանգի բնակչությունը ըստ էթնոգավանաբանական խմբերի կունենար այսպիսի պատկեր¹

Աղյուսակ 7

Հազարներով % %				
Գավառներ	Բնակչությունը	Հայեր	Մուսուլմաններ	Այլը
Էջմիածնի	132	95 (72 %)	36 (27,2 %)	1(0,76 %)
Երևանի	238	154 (65 %)	73 (31 %)	11 (4,6 %)
Նոր Բայազետի	146	100 (68,5 %)	45 (31 %)	1 (0,69 %)
Շարուրի	88	18 (18,4 %)	70 (71,4 %)	-
Նախիջևանի	143	58 (40,5 %)	84 (59 %)	1 (0,70 %)
Սուրմալուի	109	34 (31,5 %)	63 (58 %)	12 (11 %)
Ընդամենը	856	459 (53 %)	371 (43,3 %)	26 (3 %)

Այսպիսով, ըստ նախագծի Արևելյան Հայաստանի տարածքի վրա նախատեսվում էր ստեղծել երեք նահանգներ՝ Գանձակի, Երևանի և Ալեքսանդրապոլի: Նահանգների ընդհանուր բնակչության թիվը կազմելու էր 2 մլն. 93 հազար մարդ, այդ թվում հայերինը՝ 1 մլն. 289 հազար կամ 60,5 %-ը:

Հենվելով այս և մյուս փաստական և վիճակագրական տվյալների վրա՝ կարող ենք վստահաբար նշել, որ նախագծի հեղինակը վարչատարածքային բաժանման հիմքում դրել էր էթնիկական սկզբունքը՝ խնդիր ունենալով ըստ ազգագրական հատկանիշների վերամիավորել տարանջատված տարածքները: Նախագիծը, իհարկե, չէր անտեսում նաև տնտեսական և աշխարհագրական գործոնների նշանակությունը:

¹ Վերահսշվարկը կատարվել է ըստ Ավ. Ծահխաթունյանի, նշվ. աշխ., էջ 134 և Հորիզոն, 17 հունվարի, 1918 տվյալների հիման վրա

Հայաստանի և Վրաստանի ներկայացուցիչները համաձայնության եկան սահմանափոխության և առաջարկված նոր սահմանների շուրջը, իսկ թաթարները թեև սկզբունքորեն համերաշխվեցին սահմանափոխությանը, բայց երբ ծանոթացան ենթադրվող փոփոխություններին Գանձակի և Երևանի նահանգներում, հայտարարեցին, թե իրենք լիազորված չեն վերջնական համաձայնություն տալու: Այնուամենայնիվ նախագիծը Պետրոգրադում ընդունվեց, և այն մասնակի փոփոխություններով ուղարկվեց Կովկաս՝ լուծումը թողնելով Անդրկովկասյան հատուկ կոմիտեին¹: Իսնդրի լուծումը գործնական հարթության վրա դնելու համար Թիֆլիսում կազմվեց առանձին մասնաժողով Ն. Ժորդանիայի նախագահությամբ²:

Սուր վիճաբանություններ ծագեցին Անդրկովկասյան հատուկ կոմիտեի հրավիրած խորհրդակցության ժամանակ: Վրացական ազգային-դեմոկրատների ելույթներում այն միտքն էր իշխում, որ խորհրդակցությունը ոչնչով չի կարող փոխել 1783 թ. Գեորգիայան պայմանագիրը և Վրաստանից անջատել Բորչալուի և Ախալքալաքի շրջանները³:

Վ. Մելիքյանի դիպուկ բնորոշմամբ «Այս ամենից պարզ երևում է, որ սահմանների լուծման հարցն այն ժամանակ արդեն դրված էր ոչ թե վարչական, այլ առավելապես պետական-տարածքային հարթության վրա»⁴:

Անդրկովկասյան ժողովուրդների համար ստեղծվելիք վարչակարգի մասին հարցը «Նահանգների և գավառների փոփոխության և զեմստվոյի հարցը» վերտառությամբ տեղ գտավ նաև 1917 թ.

¹ Տե՛ս Համահայկական խորհրդակցություններ (1912–1920 թթ.), էջ 197:

² Տե՛ս նույն տեղում:

³ Տե՛ս *Армяно-грузинский вооруженный конфликт*, Баку, 1919, էջ 67:

⁴ Վ. Մելիքյան, 1917 թ. փետրվարյան հեղափոխությունը և Հայաստանը (1917 թ. մարտ-հոկտեմբեր), Երևան, 1997, էջ 119:

սեպտեմբերի 27-ին Թիֆլիսում բացված հայկական ազգային համախորհրդակցության (համագումարի) օրակարգում:

Համախորհրդակցությունը այդ հարցին անդրադարձավ հոկտեմբերի 6-ի նիստում: Առաջինը զեկուցեց Ստ. Կամսարականը: Դատելով նրա զեկուցման բովանդակությունից՝ դժվար չէ նկատել, որ նա սահմանափոխության հիմքում շեշտը դնելով տնտեսական և էթնիկ գործոնների վրա առաջարկում էր. «Համախմբել միևնույն ցեղի և միևնույն տնտեսություն ունեցող վայրերը, որպեսզի հեշտուսա ապագա զեմստվոյի գործունեությունը»¹:

Հատկանշական է, որ Ստ. Կամսարականը նշված սկզբունքներով առաջնորդվելիս ներկայացրեց իր պատկերացրած Երևանի նահանգի տեսլականը, այն է՝ նրա կազմում ընդգրկվելու էին ամբողջ համանուն նահանգը, Կարսի շրջանից՝ երկու գավառ, Թիֆլիսի նահանգից՝ երկու գավառ և Գանձակի նահանգի՝ լեռնային մասը: Նրա մոտավոր հաշվումներով նորաստեղծ Երևանի նահանգն ունենալու էր մոտ 60 հազար քառ. վերստ տարածք՝ 2 մլն. բնակչությամբ: Հայերը կազմելու էին նահանգի ընդհանուր բնակչության շուրջ 60 %-ը²:

Ստ. Կամսարականի զեկուցման տրամաբանությունը հուշում է, որ նա հակված էր հայահոժ բոլոր տարածքները մեկ վարչական միավորի մեջ ընդգրկելու գաղափարին՝ մերժելով նախարարության ծրագիրը, որը միևնույն սահմանների մեջ երեք նահանգ էր ենթադրում՝ Գանձակի, Երևանի և Ալեքսանդրապոլի³:

Գ. Խատիսյանը, համաձայնելով Ստ. Կամսարականի այս մտքի հետ, այդուհանդերձ որոշ տեխնիկական անհամաձայնությունների (կենտրոնի հեռավորությունը ծայրագավառներից, հաղոր-

¹ Տե՛ս Համահայկական խորհրդակցություններ (1912–1920 թթ.), էջ 196:

² Տե՛ս նույն տեղում:

³ Տե՛ս նույն տեղում, էջ 196–197:

դակցության դժվարությունները և այլն) պատճառով, շահեկան է համարում նախապատվությունը տալ նախարարության ծրագրին¹:

Ղ. Տեր-Ղազարյանը համոզված էր, որ ծրագրված սահմանափոխությունը զեկստվոյի անվան տակ, իսկապես լուծում է ազգային-տարածքային խնդիրը: Նրա անհամաձայնությունը հիմնականում վերաբերում էր նահանգական և գավառային բաժանումներին: Սահմանափոխության մոտիվների մեջ նա առավելությունը տալիս էր կանտոնային սիստեմին, որի դեպքում ավելի միատարր խմբավորումներ կկազմվեն, բացի այդ, կանտոնական սիստեմը առած-գական է, որը կարելի կլինի ապագայում լայնացնել և խորացնել²:

Նահանգների ներքին բաժանումների հարցում Ղ. Տեր-Ղազարյանի տեսակետի հետ համակարծիք էր Արշ. Խոնդկարյանը³: Ըստ նրա՝ սահմանաբաժանումը կարելի էր գլուխ բերել միայն Անդրկովկասի երեք ազգերի համաձայնությամբ: Դա ըստ էության կլիներ խանգարիչ քայլ, ավելորդ գրգռումների տեղիք չտալու համար:

Բանախոսը առաջարկում է սահմանափոխության իրականացման հետևյալ աստիճանակարգը. առավելությունը տալ տնտեսական, ապա էթնիկական և վերջում միայն վարչական հարմարություններին:

Մի նահանգ ստեղծելու հակառակորդների առարկություններին պատասխանելով և դեմ արտահայտվելով կանտոնական տարբերակին, դաշնակցական ֆրակցիայի ներկայացուցիչ և նախագծի հեղինակներից Ավ. Շահխաթունյանը գտնում էր, որ զեմստվոյի հաջողությունը պահանջում է, որ ստեղծվեն վարչական մեծ միավորներ, և առաջարկում էր, որ բանաձևի մեջ մտցվի մի

¹ Տե՛ս նույն տեղում:

² Տե՛ս նույն տեղում. էջ 197:

³ Տե՛ս նույն տեղում:

նահանգ կազմելու անհրաժեշտությունը, իսկ դրա իրականացումը թողնելով կյանքին¹: Ավ. Շահխաթունյանը, փաստորեն հրաժարվում էր երեք նահանգ ստեղծելու իր նախկին տեսակետից: Նրա տեսակետի փոփոխությունը, ըստ երևույթին, թելադրված էր նահանգների ներքին բաժանումը ըստ կանտոնների կողմնակիցներին, հակադրվելու և այդ հարցում իր կուսակցության մոտեցումը պաշտպանելու հանգամանքով:

Սոցիալ-դեմոկրատ մենշևիկների տեսակետը պաշտոնապես մեկնաբանեց այդ կուսակցության անդամ Ա. Երզնկյանը: Հենց սկզբից նշեմք, որ այս կուսակցությունը կողմնակից էր կանտոնալ սահմանաբաժանմանը և գտնում էր, որ մի նահանգ կամ երեք նահանգ առաջարկելով, հայերը ցանկանում են զծել քաղաքական և ոչ վարչական սահմաններ, ինչի համար էլ արժանանում են վրաց-թաթարական դիմադրությանը: Այս կապակցությամբ Ա. Երզնկյանը սուր քննադատություն ուղղեց դաշնակցության հասցեին, նրան մեղադրելով սահմանափոխության հարցում «թիկունքային» քաղաքականություն վարելու համար: «Պետրոգրադում լուծել տալով այն հարցը, որը պետք է լուծվեր այստեղ, կովկասյան դեմոկրատիայի միջոցով, որ մեր քաղաքականության ընդհանուր գիծը պետք է լինի»², - դժգոհում էր Ա. Երզնկյանը: Վերջինս նկատի ուներ 1917 թ. ամռանը Պետրոգրադում զեմստվոներ հիմնելու հարցին նվիրված խորհրդակցությունում հայերի շահերը ներկայացնող Գ. Խատիսյանի և Ավ. Շահխաթունյանի կողմից ներկայացրած Անդրկովկասի սահմանաբաժանմանը վերաբերող բավականին մշակված նախագիծը: Ի դեպ, դաշնակցության այսպես կոչված թիկունքային քաղաքականությունը անխնա քննադատեց նաև մենշևիկները կուսակցության պաշտոնաթերթ «Պայքարը»՝ 1917 թ. օգոստոսի 23-ի

¹ Տե՛ս նույն տեղում, էջ 198–199:

² Նույն տեղում, էջ 199:

համարում տպագրելով «Կովկասյան զեմստվոն և սահմանների փոփոխության հարցը» խորագիրը կրող հոդվածը: «Դաշնակցականները պատրաստում են վարչական բաժանումների մի քարտեզ, ստեղծում թղթի վրա, «հայկական նահանգներ» կամ «հայկական նահանգ» և վազում Պետրոգրադ կանցելիարիաներում լուծելու այդ կնճոտ հարցը: Ավ. Շահխաթունյանը և Գ. Խատիսյանը այդ նախագծով սկսում են մաշել «մեծամեծների» դոները և ճգնել գլուխ բերել Պետրոգրադում¹: Սա մի դժբախտ քաղաքականություն է, որը շարունակ վարել են դաշնակցականները և դրանով մեկուսացրել հայ ժողովրդին», - նշում է թերթը²:

Վերսդառնալով հիշյալ համախորհրդակցության աշխատանքներին նշենք, որ սահմանաբաժանման սեկցիայի նախագահ Ք. Վերմիշյանը առարկություններին պատասխանելով, նկատում է, որ սեկցիան սահմանափոխության զեմստվոյի վրա նայել է զուտ վարչական-տնտեսական տեսակետից: Ձեկուցողը այնուհետև առարկելով մի նահանգի պաշտպաններին, ցույց է տալիս դրա անհարմարությունը և երեք նահանգի առավելությունները՝ հարաբերության հեշտության և վարչական աշխատանքի տեսակետից³, միաժամանակ նշելով, որ «երեք նահանգից միշտ կարելի է մի նահանգ ստեղծել, իսկ հակառակն անել կարելի չէ»⁴: Նա գտնում էր, որ սահմանափոխության հարցը հրատապ լուծում է պահանջում, ուս-

¹ Թերթը նկատի ուներ 1916 թ. մարտին Ս. Պապաջանյանի նախաձեռնությամբ ստեղծված միջկուսակցական մարմնի կողմից մշակված երկրամասի վարչական բաժանման ծրագիրը, որը Ավ. Շահխաթունյանի միջոցով հասցվեց Ռուսաստանի մայրաքաղաք՝ ներքին գործերի նախարարությանը առընթեր տեղական ինքնավարությունների հանձնախմբին:

² Պայքար, 23 օգոստոսի, 1917, թիվ 104:

³ Տե՛ս Համահայկական խորհրդակցություններ (1912-1920 թթ.), էջ 199-200:

⁴ Տե՛ս նույն տեղում, էջ 198:

տի և անթույլատրելի էր համարում այն Սահմանադիր ժողովի իրավասությանը թողնելը¹:

Հարցի քննարկումների ժամանակ առաջացած տարածայնությունների հետևանքով բանաձև չընդունվեց: Համախորհրդակցության մասնակիցների ճնշող մեծամասնությունը գտավ, որ ժողովի համար հարցն արդեն սպառված է, և բավարարվեց ընդհանուր բանաձև կազմելու վերաբերյալ հանձնաժողով ձևավորելու որոշմամբ:

Յուրաքանչյուր ֆրակցիայից ընդունվեցին երկու հոգի «հաշտեցնող բանաձև» կազմելու համար²:

Մի վերջին անգամ Անդրկովկասի վարչական բաժանման հարցը լսվեց 1917 թ. հոկտեմբերի 14–15-ին Անդրկովկասյան հատուկ կոմիտեի ընդլայնված նիստում, որտեղ հայկական կողմի ներկայացրած սահմանափոխության նախագիծը վրաց-թաթարական տանդեմի կողմից մերժվեց՝ հայերի և մահմեդականների միջև եղած անհանդուրժողականության պատճառաբանությամբ. «...այս անգամ,- Ավ. Շահխաթունյանի թնորոշմամբ,- որպես վարչական վերաբաժանման դեմ արհեստականորեն ստեղծված երկարաժամկետ զենք»³:

Պետրոգրադում բուլճարական հեղաշրջման պատճառով Անդրկովկասի երկրամասում դարձյալ ստեղծվեց շատ ավելի բարդ իրավիճակ: Երկրամասի նոր կառավարությունը՝ Անդրկովկասյան կոմիսարիատն ի տարբերություն իր նախորդի՝ Հատուկ կոմիտեի, որը փորձում էր անկողմնակալ ազգային քաղաքականության շնորհիվ կայունացնել երկրամասի ներքաղաքական կացությունը, կոմիսարիատը ընդհակառակը՝ ուժեղացնում էր վրաց-թաթարական

¹ Տե՛ս նույն տեղում, էջ 197:

² Տե՛ս նույն տեղում, էջ 199–200:

³ Ավ. Շահխաթունյան, նշվ. աշխ., էջ 124:

հակահայկական գործոնը և դրանով իսկ ավելի խճճում էր Անդրկովկասի ազգային-սահմանային խնդիրների լուծումը: Դրությունը ամենևին էլ չշտկեց 1918 թ. ապրիլի 9(22)-ին Անդրկովկասի՝ որպես անկախ դեմոկրատական դաշնակցային հանրապետության հռչակումը: Փաստորեն, այդ մարմինն Անդրկովկասի նոր կառավարությունն էր՝ վրաց մենշևիկ Ա. Չխենկելի գլխավորությամբ:

Դաշնակցային հանրապետության հռչակումով վարչատարածքային-սահմանային հարցերի շուրջ բորբոքված կրքերն առժամանակ հանդարտվեցին: Սակայն դա թվացյալ անդորր էր փոթորկից առաջ, որովհետև Դաշնակցային հանրապետության ներսում առկա էին լուծման կարոտ ազգային-սահմանային անհաշտ վեճերը և արագ տեմպերով խորացող միջկուսակցական հակամարտությունները: Այս ամենի պատճառով 1918 թ. մայիսի վերջերին Անդրկովկասյան դաշնությունը փլուզվեց, և նրա փլատակների վրա ստեղծվեցին Վրաստանի, Արևելակովկասյան մուսուլմանական (ապագա Ադրբեջանի) և Հայաստանի անկախ հանրապետությունները:

Անկախ պետականության առաջին իսկ օրից Հայաստանի և երկու հարևանների՝ Ադրբեջանի և Վրաստանի հանրապետությունների միջև տարածքային-սահմանային խնդիրները դրվեցին նոր սրությամբ:

*
* *
*

Կարևոր հետաքրքրություն է ներկայացնում նաև Երևանի նահանգի վարչական կառուցվածքի և կառավարման համակարգի հիմնահարցերի ուսումնասիրությունը: Հարկ է խնդրի քննությունը սկսել ցարական 1867 թ. դեկտեմբերի 9-ի «Կովկասյան և Անդրկովկասյան երկրամասի կառավարման բարեփոխման մասին» արդեն բազմիցս նշված հրամանագրին անդրադարձ կա-

տարելով: Նոր օրենքի կիրարկման հետևանքով, ինչպես արդեն ցույց է տրվել, տեղամասային ատենակալի (պրիստավի) հաստիքը վերացվեց: Պրիստավի փոխարեն նշանակվեցին գավառապետերի մեկ-երկու օգնականներ, որոնք կատարում էին ոստիկանական պարտականություններ¹:

1867 թ. դեկտեմբերի 9-ի հրամանագիրը կյանքի կոչվելուց ավելի քան երկու տասնամյակ անց նոր բարեփոխումների անհրաժեշտություն առաջացավ: Բանն այն է, որ այդ փոփոխությունների հետևանքով առանձին նահանգների և գավառների տարածքների կրճատվելը, գավառների թվի ավելանալը, եռաստիճան կառավարումը երկաստիճանով փոխարինվելը, ինչպես նաև Կովկասում նոր դատական օրենքի կիրարկման հետ կապված ոստիկանության դերի թուլացումն, իրենց հետ բերեցին նոր դժվարություններ և բարդություններ, որոնք շատ շուտով դրսևորվեցին տեղական բոլոր վարչական կառույցներում: Այս ամենն, անշուշտ, պետք է, որ իրավասու մարմիններից համապատասխան լուծումներ պահանջեին:

Ներքին գործերի մինիստր Տոլստոյը Պետական Խորհրդին ներկայացված զեկուցման մեջ այդ բարեփոխման անհրաժեշտությունը հիմնավորում է հետևյալ նկատառումներով: «Այս նախագծի հիմքում ընկած է տեղագրական պայմանը, անմիջապես աչքի է զարնում Անդրկովկասի մի տեղանքի տարբերությունը մյուսից: Այլացեղ բնակչությունը, նրանց սովորույթները, խառնվածքը, քաղաքացիական հետամնացությունը և այլն, նահանգի ներսում ստեղծում են այնպիսի առանձնահատուկ պայմաններ, որոնք ոստիկանության արդյունավետ գործունեության համար պահանջում են, որ ոստիկանական պաշտոնյաները մշտապես բնակվեն գավառների նախատեսված կետերում: Հետևաբար, ավելի շահավետ է, գա-

¹ Տե՛ս ՀԱԱ, ֆ. 91, գ. 3151, թ. 7 շրջ.:

վառների շրջաններում ունենալ այդպիսի շատ կետեր, քան գավառների շրջանների սահմանված տեղերում պահել մեծ թվով ոստիկաններ»¹: Այլ խոսքով՝ առաջարկվում էր ապակենտրոնացնել տեղական կառավարումը և վերականգնել տեղամասերը՝ վարչական միավորները հնարավորինս մոտեցնել բնակչությանը:

Այդ ուղղությամբ առաջին քայլը եղավ 1888 թ. մայիսի 10-ի Անդրկովկասի հինգ նահանգները 37 գավառների և 125 տեղամասերի բաժանելու մասին օրենքը²:

Իսկ, թե՛ գործնականում ինչպիսի արտացոլում գտան այդ ամենը, ցույց տանք Երևանի նահանգի վարչական համակարգի երեք կառույցների՝ նահանգ, գավառ և գյուղ օրինակներով, սկսենք վարչական կառուցվածքի ամենավերին սանդղակից՝ նահանգից: Նախկինի պես նահանգը կառավարում էր կայսեր կողմից նշանակված նահանգապետը (նա նաև զինվորական հրամանատարն էր): Նրա ենթակայության տակ էր գտնվում նահանգի կառավարման ողջ համակարգը՝ համապատասխան ստորաբաժանումներով և աշխատակիցներով: Այդ ցույց տանք 1875 թ. Երևանի նահանգի օրինակով: Նահանգապետ (նահանգապետն էր Միխայիլ Ռոսլավը), նահանգապետի տեղակալ, նահանգային գրասենյակ, պետական գույքի կառավարման վարչություն, նահանգի բնակեցման գործերի բաժին, քաղաքային ոստիկանության բաժին: Նահանգի վարչական կառույցի կարևոր ստորաբաժանումներից էին նաև Երևանի օկրուգային դատարանը, դատախազական հսկողությունը և հաշտարար հիմնարկությունները³:

Իհարկե, հետագա տարիներին, ժամանակի պահանջների թելադրանքով նահանգի կառավարման համակարգում ավելացել են

¹ Տե՛ս ՀԱԱ. ֆ. 91. ց. 1, գ. 3151, թ. 5, 7 շրջ.:

² Տե՛ս *КК на 1875 г.*, Тифлис, 1874, էջ 41:

³ Տե՛ս նույն տեղում, էջ 41–42:

նոր ստորաբաժանումներ, զուգահեռաբար աճել է և աշխատակիցների թվաքանակը:

Նահանգը բաժանված էր գավառների: Նշված տարում Երևանի նահանգը կազմված էր հինգ՝ Երևանի, Ալեքսանդրապոլի, Նոր Բայազետի, Նախիջևանի և Էջմիածնի գավառներից: Ամեն մի գավառ ուներ իր վարչական կենտրոնը: Վարչական այս կառույցը ղեկավարում էր նահանգապետի կողմից նշանակված գավառապետն իր մեկ կամ երկու տեղակալներով:

1) Երևանի գավառ՝ վարչական կենտրոնը ք. Երևան, գավառապետ՝ Վասակ Կամսարական, երկու օգնական, քարտուղար, գավառային բժիշկ, 2) Ալեքսանդրապոլի գավառ՝ վարչական կենտրոնը ք. Ալեքսանդրապոլ, գավառապետ՝ Ջախար Չաչիկով, երկու օգնական, քարտուղար, գավառային բժիշկ, 3) Նոր Բայազետի գավառ՝ վարչական կենտրոնը ք. Նոր Բայազետ, գավառապետ՝ Կոնստանտին Սիլիչ, օգնական, քարտուղար, Քարվանսարայի ոստիկան պրիստավ, բժիշկ, 4) Էջմիածնի գավառ՝ վարչական կենտրոնը գ. Վաղարշապատ, գավառապետ՝ Եգ. Խան-Աղով, երկու օգնական, քարտուղար, բժիշկ, և 5) Նախիջևանի գավառ՝ վարչական կենտրոնը՝ ք. Նախիջևան, գավառապետ՝ Միխայիլ Ավդակով, երկու օգնական, քարտուղար, բժիշկ և Օրդուբադի ոստիկան պրիստավ: Ինչպես կարելի է նկատել գավառների վարչական ապարատների կառուցվածքը գրեթե նույնն էր:

Վարչական տեսակետից գավառները բաժանված էին մահալների (ենթագավառների), իսկ վերջիններս՝ գյուղերի: Անդրկովկասում տեղական իշխանության մասին 1840 թ. օրենքը սահմանում էր վարչատնտեսական կառավարման մեկ աստիճան՝ գյուղական

¹ Ցե'ս նույն տեղում:

համայնք¹: Յուրաքանչյուր գյուղական համայնք ուներ իր գյուղապետը, որին ընտրում էր համայնքի բնակչությունը: Մեծ թվով բնակչություն ունեցող գյուղերում ընտրում էին նաև գյուղապետի օգնական: 1885 թ. տեղական ինքնակառավարման մասին նոր օրենքով Երևանի նահանգում սկիզբ դրվեց գյուղական համայնքների խոշորացման գործընթացին՝ ստեղծվեցին, այսպես կոչված, գյուղական հասարակություններ: Վերջիններս ստեղծվում էին շրջակա մի քանի գյուղերի (փոքր, թե մեծ բնակչությամբ) և առանձին տնտեսությունների միավորման ճանապարհով²: Օրենքը գյուղական հասարակության կազմավորման համար սահմանում էր նաև պարտադիր մի շարք պայմաններ.

ա) կառույցի մեջ ընդգրկվող բնակավայրերն ինչպես միմյանց, այնպես էլ այդ կառույցի վարչական կենտրոնի հետ ունենան հաղորդակցության բանուկ ճանապարհներ, բ) վարչական հարմարավետ շենք, գ) բնակչության անհրաժեշտ թվաքանակ: Օրինակ, Երևանի նահանգում մինչև 2.000 տուն և ավելի քան 10 հազ. բնակիչ³:

Գյուղական հասարակությունը ղեկավարում էր տանուտերը (գալավարը), որին, իսկ մեծ համայնքներում նաև օգնականին, ընտրում էր համայնական ընդհանուր ժողովը, որին մասնակցում էին տվյալ գյուղական հասարակության մեջ մտնող բոլոր գյուղերի ծխատերերը: Տանուտերը ընտրվում էր միայն մեկ ժամկետով և իրավունք չուներ անընդմեջ երկրորդ ժամկետով վերընտրվելու: Տանուտերը հաստատվում էր նահանգապետի կողմից⁴: Տանուտերը պարտավոր էր կարգավորել գյուղերի միջև ծագած վիճելի հար-

¹ Տե՛ս ՀԱԱ, ֆ. 91, ց. 1, գ. 3151, թ. 30:

² Տե՛ս նույն տեղում:

³ Տե՛ս նույն տեղում, թ. 30 շրջ.:

⁴ Տե՛ս Սշակ, 29 դեկտեմբերի, 1898:

ցերը, զբաղվել հարկերի հավաքման, ջրանցքների անխափան աշխատանքի ապահովման և գյուղական հասարակությանը վերաբերող այլ խնդիրներով¹: Գյուղական հասարակության ավագները և նրանց օգնականները հասարակական հիմունքներով աշխատող չինովնիկներ էին և այդ ծառայության դիմաց պետական միջոցներից չէին վարձատրվում: Նրանք ազատվում էին պետական հարկերից, տուրքերից և այլ պարհակներից, վարձատրվում էին համայնքի հաշվին: Աշխատավարձի չափը որոշում էր տվյալ գյուղական հասարակության մեջ մտնող բոլոր գյուղերի ծխատերերի ընդհանուր ժողովը²:

Արդեն ասվել է, որ 1864 թ. նոյեմբերի 20-ի որոշմամբ համապետական մասշտաբով անցկացվեցին դատական բարեփոխումներ. դասային հին դատարանի փոխարեն ստեղծվեցին հաշտարար, շրջանային դատարաններ և դատաստանական պալատը³, որոնց արդյունքում տեղերում գործող ոստիկանությունները զրկվեցին դատական իշխանությունից և այդ լիազորության մի մասն անցավ համայնական դատավորներին: Համայնական ժողովներն ընտրում էին երեք հոգուց կազմված համայնական դատավորներ, տալով նրանց լիազորություն՝ ըստ գյուղական կանոնադրության 72-րդ հոդվածի դատել համայնքներին պատկանող կողմերին մինչև 100 ռ. սահման ունեցող գործերը՝ քաղաքացիական գործառության վերաբերող և 30 ռ. ոչ ավելի (հոդված 75) քրեական գործունեության տեսակետից, որով հանցագործները ենթարկվում էին

¹ Տե՛ս Ա. Մելքոնյան, *Չավախար XIX դարում և XX դարի առաջին քառորդին*, Երևան, 2003, էջ 199:

² Տե՛ս С. Эгизаров, *Исследования по истории учреждений в Закавказье*, ч. 1, Казан, 1889, էջ 100–101: Հայ ժողովրդի պատմություն, հ. VI, Երևան, 1981, էջ 17: Ա. Մելքոնյան, նշվ. աշխ., էջ 199: Հ. Հարությունյան, *Նոր Բայազետի գավառը 1828–1913 թթ.*, էջ 119:

³ Անդրկովկասում այդ որոշումը գործի դրվեց 1868–1877 թթ.: Տե՛ս Հայոց պատմություն, հ. III, գիրք առաջին, էջ 388:

տուգանքի մինչև 3 ո., կամ հասարակական աշխատանքներ պետք է կատարեին մինչև 6 օր կամ բանտարկվելու էին մինչև 7 օր¹:

1888 թ. մայիսի 10-ի օրենքով Երևանի նահանգի յոթ գավառները բաժանվեցին 21 ոստիկանական տեղամասերի, որից Երևանի, Ալեքսանդրապոլի, Նոր Բայազետի, Նախիջևանի, Էջմիածնի գավառներից յուրաքանչյուրը՝ չորս, Սուրմալուի գավառը՝ երեք, իսկ Շարուր-Դարալագյազի գավառը՝ երկու ոստիկանական տեղամասերի: Յուրաքանչյուր տեղամաս ղեկավարում էր ոստիկանական պրիստավը: Հավելենք, որ ոստիկանական վարչության պետը նշանակվում էր նահանգապետի, իսկ ոստիկանական պրիստավը՝ ոստիկանապետի կողմից՝ նահանգապետի համաձայնությամբ²:

Կարևոր ենք համարում նշել, որ Երևանի նահանգում զեմստվոյական հիմնարկությունների բացակայության պայմաններում ոստիկանությունը . հանդիսանում էր ոչ միայն հասարակության անվտանգությունը պաշտպանող, այլ նաև նրա նյութական և հոգևոր կյանքին օգնող և աջակցող գործոն: Երևանի նահանգի տեղամասային ոստիկանական պրիստավը ղեկավարում էր միջինը 1.077 քառ. վերստ տարածք: Նրա տնօրինության տակ գտնվում էր 53 բնակավայր, 3.454 բնակչությամբ: Ոստիկանական տեղամասն ուներ 50-ից մինչև 90 վերստ երկարություն և 10-12-ից մինչև 20 վերստ լայնություն³:

Ոստիկանական պրիստավի տարեկան աշխատավարձը կազմում էր 1200 ո.⁴:

Հետագա տարիներին Երևանի նահանգի ոստիկանական շրջանները կրել են էական փոփոխություններ: Այդ փոփոխություն-

¹ Տե՛ս Աշակ, 5 օգոստոսի, 1910: Հ. Հարությունյան, *Նոր Բայազետի գավառը 1828-1913 յոթ.*, էջ 120:

² Տե՛ս Հայ ժողովրդի պատմություն, հ. VI, էջ 17:

³ Տե՛ս ՀԱԱ, ֆ. 91, ց. 1, գ. 3151, թթ. 10-11:

⁴ Տե՛ս նույն տեղում, էջ 14:

ների պատկերը ըստ 1914 թ. վիճակագրության տրված է ստորև բերված աղյուսակում¹:

Աղյուսակ 8

	Տարածություն		Գյուղական հասարակության թիվը	Գյուղերի թիվը	Տնտեսությունների թիվը
	քառ. վերստ	րլես.			
Ք. Երևան	90	9450	-	-	-
Ոստիկանական տեղամաս					
Առաջին	718,98	749	3	56	4153
Երկրորդ	259,30	27010	3	43	4184
Երրորդ	632,92	65929	4	52	5027
Չորրորդ	1113,1	115947	6	63	4481
Ընդամենը	2724,3	283730	16	214	17845
Ք. Ալեքսանդրասյուլ	90	9450	-	-	-
Առաջին	840,89	87593	7	37	4974
Երկրորդ	832,79	86746	5	46	4481
Երրորդ	815,50	84948	5	44	3876
Չորրորդ	897,52	93491	5	38	5133
Ընդամենը	3386,7	352778	22	165	18464
Ք. Նախիջևան	87	9135	-	-	-
Ք. Օրդուբադ	45	4725	-	-	-
Առաջին	660,62	68815	3	31	3277
Երկրորդ	1253,92	130617	4	47	3338
Երրորդ	1327,35	138263	3	37	3217
Չորրորդ	597,15	72620	4	52	3381
Ընդամենը	3939,04	410315	14	167	13213
Շարուր Դարսուլազյազ					

¹ Ցենս ՊԿՁԳ նա 1914 զ., էջ 2-3:

Առաջին	747,26	77839	7	63	5060
Երկրորդ	1890,24	196890	5	100	3583
Ընդամենը	2637,5	274729	12	163	8613
Ք. Նոր Բայազետ	20	2100	-	-	-
Առաջին	1071,35	111599	6	41	4529
Երկրորդ	650,45	67755	3	21	3404
Երրորդ	983,99	102499	3	24	3891
Չորրորդ	1416,97	147601	4	49	5395
Սևանա լիճ	1213,14	126400	-	-	-
Ընդամենը	9336,20	555854	16	135	17219
Սուրմալուի					
Առաջին	725,65	75589	4	61	6044
Երկրորդ	1214,24	126481	3	59	3176
Երրորդ	1207,20	125750	6	107	3056
Ընդամենը	3147,09	327820	13	227	12276
Էջմիածնի					
Առաջին	820,62	85482	5	32	4965
Երկրորդ	431,09	44905	5	64	6895
Երրորդ	984,43	102336	4	42	4554
Չորրորդ	1203,26	104506	4	78	3573
Ընդամենը	3237,4	337229	18	216	19987
Ընդամենը	24408,23	2542505	111	1287	107647

Աղյուսակի տվյալներից նկատելի է, որ 1914 թ. Երևանի նահանգի յոթ գավառների 111 գյուղական հասարակությունները բաժանված էին 25 ոստիկանական տեղամասերի՝ իրենց կազմում ունենալով 1.287 բնակավայր և 107.647 գյուղացիական տնտեսություն՝ զբաղեցնելով 24.408,23 քառ. վերստ կամ 2.542.505 դես. տարածք: Այդ թվում՝ Երևանի գավառին (գավառապետը՝ Կոնստանտին Առաքելով) բաժին էր ընկնում ոստիկանական չորս տեղամաս. 1) գ. Քանաքեռի (ոստիկանական տեղամասի պրիստավը՝ Եվսեի Կոճևնիկով), 2) գ. Աղամզալու (պրիստավը՝ տեղը թափուր է), 3) գ. Ղամարլու (տեղամասի պրիստավը՝ Նիկոլայ Լապերով), 4) գ. Դա-

վալու (տեղամասի պրիստավը՝ Ալեքսեյ Գաբիև), զբաղեցնում էր 2.724,3 քառ. վերստ կամ 283.780 դես., ուներ 214 բնակավայր և 16 գյուղական հասարակություն¹:

Ոստիկանական առաջին տեղամասն իր մեջ ընդգրկում էր երեք գյուղական հասարակությունների, որոնց նստավայրերն էին՝ Քանաքեռը, Բաշգառնին և Արամուսը, երկրորդ ոստիկանական տեղամասի նույնքան գյուղական հասարակությունների նստավայրերն էին՝ Իմանշալուն, Փարաքարը և Նորագավիթը, երրորդը բաղկացած էր չորս գյուղական հասարակություններից՝ Ղամարլու, Կոյլասար, Օգուրբելու և Դվին-Ասորի նստավայրերով, չորրորդ ոստիկանական տեղամասը ընդգրկում էր հինգ գյուղական հասարակություններ, որոնց նստավայրերն էին՝ Դավալուն, Կարախասը, Սադարակը, Ջիրմանիսը, Թորուն և Բեյուկ-Վեդին²:

Կարևոր ենք համարում ընդգծել, որ նշված 16 նստավայրերի միջին հեռավորությունը ոստիկանական վարչությունից և պրիստավի նստավայրից կազմում էր՝ առաջին ոստիկանական տեղամասի համար համապատասխանաբար՝ 17,5 և 17,5 վերստ, երկրորդինը՝ 11,3 և 8 վերստ, երրորդինը՝ 24,7 և 7,3 վերստ, իսկ չորրորդինը՝ 65 և 28 վերստ³: Քաղաքային ոստիկանության վարչության նստավայրը ք. Երևանն էր (ոստիկանապետը՝ Ալեքսանդր Վիգուրան, պրիստավները՝ Մարկ Տերնոն և Իվան Վասիլևը, երեք տեղակալներով)⁴:

Ալեքսանդրապոլի գավառի (գավառապետը՝ Վիսսարիոն Դուդնիկով) ոստիկանական չորս տեղամասերը՝ 1) նստավայրը՝ գ. Մեծ Ղարաքիլիսա (պրիստավը՝ Դմիտրի Դմիտրիև), 2) նստավայրը՝ գ. Քյաֆթարլի (պրիստավը՝ Ասատուր Գրիգորյանց), 3) նստավայրը՝

¹ Տե՛ս *ПКЭГ на 1914 г.*, Эриван, 1914, էջ 229:

² Տե՛ս նույն տեղում, էջ 14:

³ Հաշվարկը կատարվել է նույն տեղում, էջ 14-ի տվյալների հիման վրա:

⁴ Տե՛ս նույն տեղում, էջ 33:

ք. Ալեքսանդրապոլ (պրիստավը՝ Իլլարիոն Սուխորուկով), 4) նստավայրը՝ Ադին կայարան (պրիստավը՝ Լևոն Մելիք-Սարգսյան) ընդգրկում էին 3.386,7 քառ. վերստ կամ 352.778 դես. տարածք: Տնտեսությունների թիվը հաշվվում էր 18464, գյուղական հասարակություններինը՝ 22, իսկ բնակավայրերինը՝ 165¹: Առաջին ոստիկանական տեղամասի գյուղական հասարակությունների նստավայրերն էին՝ Մեծ Բեքանդը, Նիկիտինոն, Մեծ Ղարաքիլիսան, Բոզիքենդը, Համամլուն, Վոսկրեսենովկան և Սարալը, երկրորդինը՝ Քավթարլուն, Հաջիխալիլը, Միրաքը, Մեծ Քափանակը և Ջաջուրը, երրորդինը՝ Կիզիլ-Կոչը, Իլի-Ղարաքիլիսը, Օրտաքիլիսան, Փոքր Ղարաքիլիսան և Կեֆյուն, չորրորդինը՝ Արթիկը, Սոգուտլին, Հոռոմը, Թավջանդշլաղը, Մոլլագոչկան²: Գյուղական 22 հասարակությունների նստավայրերի միջին հեռավորությունը ոստիկանական վարչությունից և պրիստավի նստավայրից կազմում էր՝ ոստիկանական առաջին տեղամասինը համապատասխանաբար՝ 63,6 և 20,2 վերստ, երկրորդինը՝ 27,4 և 22 վերստ, երրորդինը՝ 19 և 19 վերստ, չորրորդինը՝ 21,2 և 10,2 վերստ³:

Ալեքսանդրապոլ քաղաքն ուներ առանձին քաղաքային ոստիկանական երկու պրիստավ, որպիսիք էին՝ Դիոնիսիի Սիմոնովը և Աբուբեկիր Բատչակը⁴:

Նոր Բայազետի գավառը (գավառապետը՝ Մեմյոն Ֆիլիպով) ուներ չորս ոստիկանական տեղամաս: Առաջին տեղամաս, նստավայրը՝ գ. Ներքին Ախտա (պրիստավը՝ Ալեքսանդր Շենիչ), երկրորդ տեղամաս, նստավայրը՝ գ. Ելենովկա (պրիստավը՝ Ջախար Ցալկալամիձե), երրորդ տեղամաս, նստավայրը՝ գ. Ղարանլուղ (պրիստավը՝ Ալեքսանդր Սմիոնով), չորրորդ տեղամաս, նստավայ-

¹ Տես նույն տեղում, էջ 230:

² Տես նույն տեղում, էջ 17-18:

³ Հաշվարկը կատարվել է նույն աղբյուրի էջ 17-18 տվյալների հիման վրա:

⁴ Տես նույն տեղում, էջ 30:

րը՝ գ. Բասարգեչար (պրիստավը՝ Ավետիս Տեր-Գրիգորով)՝ Ոստիկանական չորս տեղամասերն ընդգրկում էին գյուղական 16 հասարակություն, 135 բնակավայր, 17.219 տնտեսություն, զբաղեցնելով 5.336,20 քառ. վերստ կամ 555.854 դեա. (Սևանա լճի հետ միասին) տարածք: Ոստիկանական առաջին տեղամասի գյուղական հասարակությունների նստավայրերն էին՝ Ալափարսը, Քյանքյանը, Ներքին Ախտան (ռուսական), Ներքին Ախտան (հայկական), Ռնդամալը և Թայչարովը: Երկրորդինը՝ Ելենովկան, Չոչոը, Աղզիբիրը: Երրորդինը՝ Դալիդարդաշը, Գելը, Ղարանլուը: Չորրորդինը՝ Քելապիկիրլանը, Բասարգեչարը, Մեծ-Մագրան և Ջիլը²: Ոստիկանական առաջին տեղամասի նստավայրերի միջին հեռավորությունը ոստիկանական վարչությունից և պրիստավի նստավայրից հասնում էր համապատասխանաբար՝ 59 և 15 վերստի, երկրորդինը՝ 37,5 և 9,5 վերստի, երրորդինը՝ 22,3 և 23,5 վերստի, չորրորդինը՝ 77 և 26 վերստի³: Հավելենք նաև, որ Նոր Բայազետ քաղաքը ևս ուներ ոստիկանական երկու պրիստավ ի դեմս՝ Ալեքսանդր Հայրապետյանցի և Իվան Վիլնգոթանինի⁴:

Ոստիկանական չորս տեղամաս ունեցող գավառների թվում էր նաև Նախիջևանի գավառը (գավառապետը՝ Պլատոն Կավրին): 1-ին ոստիկանակսան տեղամասի նստավայրը՝ ք. Նախիջևան (պրիստավը՝ Պյոտր Լուկասևիչ), 2-րդ տեղամասի նստավայրը՝ գ. Ջագրի (պրիստավը՝ Բ ոլեսլավ Դուշինսկի), 3-րդ տեղամասի նստավայրը՝ գ. Աբրակուն'րս (պրիստավը՝ Դանիել Կալինովսկի), 4-րդ տեղամասի նստավայրը՝ ք. Օրդուբադ (պրիստավը՝ Աբաս Կուլի Աղա Թաիրով): Քս.ղաքային պրիստավները՝ Միր Մուրադ-բեկ օղլի Կենգեր-

¹ Տե՛ս նույն տեղում, էջ 31:

² Տե՛ս նույն տեղում, էջ 16–17:

³ Հաշվարկը կատարվել է նույն տեղում, էջ 16–17 տվյալների հիման վրա:

⁴ Տե՛ս նույն տեղում, էջ 31:

լինակին և Պրոկոֆիի Բենդուկիձեն¹: Գավառը զբաղեցնում էր 3.939,04 քառ. վերստ կամ 410.315 դես. տարածք, ընդգրկում էր գյուղական 14 հասարակություն, 167 բնակավայր և 13.213 տնտեսություն: Առաջին նստիկանական տեղամասի գյուղացիական երեք հասարակությունների նստավայրերն էին՝ Թումբուլը, Կիվրագը և Շախմախմուղը, երկրորդինը՝ Ջագրին, Կարամալինովկան, Իտկրանը և Շախբուզը, երրորդինը՝ Չեշմաբասարը, Ղազանչին, Աբրակունիսը, չորրորդինը՝ Վերին Ագուլիսը, Թիվան, Վանանդը և Վերին Ազան²: Առաջին ոստիկանական շրջանի գյուղական հասարակությունների նստավայրերի միջին հեռավորությունը ոստիկանական վարչությունից և պրիստավի նստավայրից հասնում էր համապատասխանաբար՝ 14,3 և 14,3 վերստի, երկրորդինը՝ 34,3 և 28,7 վերստի, երրորդինը՝ 23 և 12,5 վերստի և չորրորդինը՝ 70,5 և 23, 5 վերստի³:

Ոստիկանական չորս տեղամասից բաղկացած Էջմիածնի գավառը (գավառապետը՝ Լեոնիդ Լեմմերման) իր կազմում ուներ գյուղական 18 հասարակություն, 216 բնակավայր և 19.987 տնտեսություն, ընդգրկում էր 3.237,4 քառ. վերստ կամ 337.229 դես. տարածք: 1-ին ոստիկանական տեղամասի նստավայրն էր գ. Վաղարշապատը (պրիստավը՝ Պավել Պոպով), 2-րդին՝ գ. Աշտարակը (պրիստավը՝ Ալեքսանդր Առաքելյանց), 3-րդին՝ գ. Ղուրդուղուլին (պրիստավը՝ Իվան Ներյասով), 4-րդին՝ գ. Թալին-Հայկականը (պրիստավը՝ Խաչատուր Բաբասով)⁴: Ոստիկանական առաջին տեղամասի գյուղացիական հինգ հասարակությունների նստավայրերն էին հանդիսանում՝ Վաղարշապատը, Այնթափը, Օշականը, Ներքին Խաթուն-Արիսը և Չոբանքարը, երկրորդինը՝ Աշտարակը, Ղարաքի-

¹ Տե՛ս *ՊԿՅԳ* *на 1914 г.*, էջ 30–31:

² Տե՛ս նույն տեղում, էջ 19:

³ Հաշվարկը կատարվել է նույն աղբյուրի. էջ 19 տվյալների հիման վրա:

⁴ Տե՛ս *ՊԿՅԳ* *на 1914 г.*, էջ 332:

լիսան, Եղվարդը, Բաշ-Աբարանը և Փարպին, Երրորդինը՝ Ղուրդուղուլին, Սարդարապատը, Մեծ-Շագրիարը, Թալինը և Ալազյազ կայարանը: Առաջին տեղամասի բնակավայրերի միջին հեռավորությունը ոստիկանական վարչությունից և պրիստավի նստավայրից հասնում էր համապատասխանաբար՝ 9 և 9 վերստի, Երկրորդինը՝ 30 և 20 վերստի, Երրորդինը՝ 21 և 11 վերստի, չորրորդինը՝ 47,5 և 32 վերստի¹:

Ոստիկանական երեք տեղամասից, գյուղացիական 13 հասարակությունից, 227 բնակավայրից և 12.276 տնտեսությունից բաղկացած Սուրմալուի գավառը (գավառապետը՝ Եվգենի Իոնին) ընդգրկում էր 3.147,09 քառ. վերստ կամ 327.820 դես. տարածք: Ոստիկանական 1-ին տեղամաս, նստավայրը՝ գ. Իգդիր (պրիստավը՝ Պյոտր Իգնատև), 2-րդ տեղամաս, նստավայրը՝ գ. Դաշբուռն (պրիստավը՝ Իսիդոր Կվաշալի)², 3-րդ տեղամաս, նստավայրը՝ գ. Կուլպի (պրիստավը՝ Իվան Մորդվինցև): Ոստիկանական առաջին տեղամասի գյուղական հասարակությունների նստավայրերն էին՝ Իգդիրը, Ալի Կամարուն, Եվջիլարը և Ալիքոչակը, Երկրորդինը՝ Դաշբուռնը, Արալ-Բաշքենդը, Բուլախ-Բաշը, Երրորդինը՝ Օգրուջին, Կուլպին, Ջիվանլու-թաթը, Գյուլլուջան³: Առաջին տեղամասի գյուղական հասարակությունների նստավայրերի միջին հեռավորությունը ոստիկանական վարչությունից և պրիստավի նստավայրից հասնում էր համապատասխանաբար՝ 12,3 և 12, 3 վերստի, Երկրորդինը՝ 27,6 և 14,5 վերստի, Երրորդինը՝ 57,8 և 24 վերստի⁴:

Ոստիկանական տեղամասերի թվաքանակով ամենափոքրը Շարուր-Դարալազյազի գավառն էր (գավառապետը՝ Ջեյիդ – լեկ Նաբիբեկով): 2.637,5 քառ. վերստ կամ 274.729 դես. տարածք, 12

¹ Հաշվարկը կատարվել է նույն աղբյուրի էջ 15–16 տվյալների հիման վրա:

² Տե՛ս նույն տեղում, էջ 32:

³ Տե՛ս նույն տեղում, էջ 3:

⁴ Հաշվարկը կատարվել է նույն աղբյուրի էջ 15-ի տվյալների հիման վրա:

գյուղական հասարակություն, 163 բնակավայր և 8643 տնտեսություն ունեցող գավառը բաժանված էր ոստիկանական երկու տեղամասերի: 1-ին, նստավայրը՝ գ. Բաշնորաշեն (պրիստավը՝ Անդրեյ Շուկին), 2-րդ, նստավայրը՝ գ. Քեշիշքենդ (պրիստավը՝ Հասան Վեզիրով): Գյուղական 12 հասարակությունների նստավայրերն էին՝ ոստիկանական առաջին տեղամասի համար Բաշնորաշենը, Կուշի-Դեմուրչին, Ենգիջան, Յայջին, Փուսիանը, Խանլուխյարը, երկրորդինը՝ Արփան, Քեշիշքենդը, Փաշալուն, Գնդեվազը և Ղասանքենդը: Առաջին ոստիկանական տեղամասի գյուղական հասարակությունների նստավայրերը ոստիկանական վարչությունից և պրիստավի նստավայրից միջինը գտնվում էին համապատասխանաբար՝ 15 և 15, իսկ երկրորդինը՝ 60,2 և 27 վերստ հեռավորության վրա²:

Վերը շարադրանքից դժվար չէ նկատել, որ մեր ուսումնասիրության առարկա Երևանի նահանգի նահանգային, գավառային, ոստիկանական և այլ իշխանության մարմիններում էթնիկ առումով հայերը փոքր տոկոս են կազմել:

*
* * *

XIX դարի երկրորդ կեսից Ռուսաստանում իրականացված մի շարք բարենորոգումների շարքին է դասվում նաև 1870 թ. հունվարի 16-ին հրապարակված նոր «Քաղաքային կանոնադրությունը»: Կանոնադրության ընդունումով Լայսրության կենտրոնական շրջաններում ստեղծվեցին քաղաքների կառավարման ոչ դասային, քաղաքային ինքնավարության ընտրովի ներկայացուցչական մարմիններ՝ քաղաքային դուման և քաղաքային վարչությունը: Ինքնավարության գործադիր մարմինը՝ քաղաքային վարչությունը և կար-

¹ Տե՛ս նույն տեղում, էջ 33:
² Հաշվարկը կատարվել է ըստ նույն աղբյուրի էջ 19 տվյալների:

գաղղիչ մարմին քաղաքային դուրսն պետք է ընտրվեին չորս տարին մեկ անգամ, ըստ գույքային ցենզի: Թեկնածուների համար սահմանված էր երեք կարգ՝ առաջինի մեջ մտնում էին խոշոր արդյունաբերողները, հողատերերը, առևտրականները և կառավարիչները: Երկրորդ խումբը կազմում էր միջին խավը, իսկ երրորդը՝ ցածր վճարունակ քաղաքացիները¹: Ընտրությունը կատարվում էր ըստ հերթականության՝ սկզբից ընտրում էին առաջին դասի թեկնածուներին, ապա՝ երկրորդին, որից հետո՝ երրորդին²: Քաղաքային դուրսի պատգամավորներին ընտրում էին քաղաքի բնակչությունից միայն հարկ վճարողները³, իսկ ընտրելու և ընտրվելու իրավունք չունեին հանցագործները, քրեական դատապարտվածները, սնանկացածները, միկիտանները (ոգելից խմիչք վաճառողները), անմեղսունակները և հոգևոր դասի ներկայացուցիչները⁴: Ընտրվելուց հետո ձայնավորները և լիազորները ձևավորում էին իրենց խորհուրդներին: Ըստ գործող կարգի, նահանգապետը կամ նահանգային վարչությունը հաստատում էր ընտրված վարչության կազմը, որից հետո վերջինս իր միջից ընտրում էր քաղաքագլխին և նրա տեղակալին: Քաղաքային դուրսն և քաղաքային վարչությունը ղեկավարվում էին քաղաքագլխի կողմից:

Հարկ է նշել, որ նահանգապետը կամ նահանգային վարչությունը, չարաշահելով քաղաքային վարչության և քաղաքագլխի հաստատման իրենց վերապահված իրավունքները⁵, շատ հաճախ ան-

¹ Տե՛ս В. Тунян, *Политика самодержавия России в Закавказье XIX – нач. XX вв.* Часть пятая, 1877–1900 гг., Ереван, 2008, էջ 26:

² Տե՛ս Մշակ, 27 ապրիլի, 1889:

³ Տե՛ս Հայոց պատմություն, հ. III, գիրք առաջին, էջ 389:

⁴ Տե՛ս Մշակ, 6 նոյեմբերի, 1896:

⁵ 1892 թ. հուլիսի 11-ին ընդունված նոր «Քաղաքային կանոնադրության» համաձայն նահանգապետն իրավունք ուներ ուղղակի վերահսկողություն հաստատել հասարակական կառավարման վրա՝ խառնվել քաղաքային ինքնավարության բոլոր գործերին, բնության առնել պաշտոնատար անձի նպատակահարմարության հարցը, անհրաժեշտության դեպքում պարսականի ենթարկել նրան, իսկ առնմանի

վավեր էին ճանաչում այդ ընտրությունների արդյունքները և անցկացնում էին նոր ընտրություններ¹: Ի դեպ, օրենքով քաղաքային վարչության անդամներն իրենց պաշտոնում հաստատվելուց հետո իրավունք ունեին երկու անգամ ընտրություն կատարել թե՛ քաղաքագլխի և թե՛ նրա տեղկալի համար: Երրորդ անգամ լիազորները կորցնում էին իրենց ընտրական իրավունքը, երբ երկրորդ ընտրությունը անհետևանք էր անցնում, հետևաբար այդ դեպքում նահանգապետը ինքն էր լիազորված լինում իր կողմից նշանակել քաղաքային վարչության պաշտոնյային²:

Նշենք, որ քաղաքային դուման և քաղաքային վարչությունը զբաղվում էին իրենց քաղաքի բարեկարգման, տնտեսության, կենցաղասպասարկման, առողջապահության, առևտրի, կրթամշակութային, ներքին կարգ ու կանոնի և այլ հարցերով:

«Քաղաքային կանոնադրության» մասին նոր օրենքն Անդրկովկասի երկրամասում առաջինը կիրառվեց Թիֆլիսի նահանգում:

1875 թ. հունվարի 1-ին ընտրվեց Թիֆլիսի քաղաքային դուման: Օրենքը Երևանի նահանգի վրա տարածվեց ավելի քան կես տարի անց: 1876 թ. հուլիսի 24-ին Երևանի նահանգապետ Մ. Ռոսլավը գրավոր դիմում է Կովկասի փոխարքա Միխայիլ Նիկոլակիչին՝ միայն Երևան և Ալեքսանդրապոլ քաղաքներում հասարակական կառավարում մտցնելու հնարավորության մասին, այն հիմնավորմամբ, որ այդ քաղաքների տարեկան եկամտի կանխիկ մնացորդը կազմում է համապատասխանաբար՝ 4.463 ռ. 93 կոպ. և 4.861 ռ. 69 կոպ.³: Ուշագրավ է, որ նահանգապետը միաժամանակ

դեպքերում նաև հեռացնել զբաղեցրած պաշտոնից: Տե՛ս В. Тунян, *Узл.* աշխ., էջ 35: Մշակ, 26 հուլիսի, 1912:

¹ Մանրամասն տե՛ս Հ. Հարությունյան, *Նոր Բայրազետի գավառը 1828–1913 թթ.*, էջ 125–126:

² Տե՛ս Մշակ, 26 հուլիսի, 1912: Հ. Հարությունյան, *Նոր Բայրազետի գավառը 1828–1913 թթ.*, էջ 121:

³ Տե՛ս В. Тунян, *Политика самодержавия России в Закавказье XIX – нач. XX вв.*, Часть пятая, 1877–1900 гг., Ерewan, 2008, էջ 24:

հնարավոր է համարում Կանոնադրությունը կիրառել միայն Երևան քաղաքի համար, քանի որ, նրա կարծիքով, Ալեքսանդրապոլ քաղաքը չունի քաղաքագլխի պաշտոնի համար համապատասխան թեկնածու¹: 1877 թ. մարտի 29-ին Կովկասի փոխարքան հանձնարարում է Երևանի նահանգապետին սկսել նախապատրաստական աշխատանքներն Երևան քաղաքում մտցնելու հասարակական կառավարում²: Այլ խոսքով՝ ընտրել քաղաքային դումա և քաղաքային վարչություն: Օրենքի պահանջով քաղաքային դումայում ծայնավորների ընդհանուր տեղերի 2/3-ը պետք է զբաղեցնեին քրիստոնյաները³: Նախապատրաստական աշխատանքների համար ստեղծվեց հանձնաժողով Երևանի գավառապետ Վասակ Կամսարականի նախագահությամբ⁴: Ընտրվեց Երևան քաղաքի դուման: Ըստ գործող օրենքի դուման պետք է ընտրեր քաղաքային վարչություն և վարչության ղեկավար, որը միաժամանակ հանդիսանալու էր Երևանի քաղաքագլուխը: Երևանի քաղաքագլխի համար առաջադրվեց Վ. Կամսարականի թեկնածությունը: Դրանից հետո առաջ քաշվեց նաև պրոգրիմազիայի ուսուցիչ Իվան Կորգանովի թեկնածությունը: Նահանգապետ Ռոսլավլը Երևանի հասարակության երևելի անձանց և իշխանության ներկայացուցիչների հետ անձնական հանդիպումներից հետո պաշտպանեց Ի. Կորգանովի թեկնածությունը և 1877 թ. հունիսի 4-ին առաջարկեց Կորգանովին զբաղեցնել քաղաքագլխի պաշտոնը:

1879 թ. ապրիլի 15-ին Կովկասի փոխարքա Միխայիլ Նիկոլակիչը գրավոր կարգադրություն արեց՝ հոկտեմբերի 1-ին բացել

¹ Տե՛ս նույն տեղում:

² Տե՛ս նույն տեղում:

³ Տե՛ս նույն տեղում, էջ 25: 1889 թ. Ընդունված օրենքը սահմանեց, որ այսուհետև քաղաքային դումայի ձայնավորների ամբողջ թվի կեսը կարող են լինել մահմեդականներ: Տե՛ս Մշակ, 21 փետրվարի, 1889:

⁴ Տե՛ս В. Тунян, նշվ. աշխ., էջ 25:

Երևանի դուման¹: Նշված օրը այն բացվեց: Նույն օրը փոխարքան այդ կապակցությամբ շնորհավորել է Երևան քաղաքի բնակչությանը և ցանկացել է դումային հաջող գործունեություն²:

«Մշակ» թերթը ուշագրավ տեղեկություն է հաղորդում Երևանի քաղաքային դումայի անդրանիկ նիստում քննարկված հարցերից մեկի մասին: Թերթն իր առաջին էջում գրել է. «1879 թուականի հոկտեմբերի 1-ին բացվեցաւ քաղաքային ինքնավարութիւնը, որ քննելով քաղաքից անցնող զօրքերի բնակարանների հարցը³, հարկատր համարեց քաղաքային ազատ գումարներ չունենալու պատճառով այդ ծախսը ծածկելու համար հաւաքել բնակիչներից պօլիցիայի որոշած 10.000 ռ. տեղ 8.215 ռ. այն ձևով, ինչպէս որոշել էր պօլիցիան, այսինքն այդ գումարի 1/2 հայերից, իսկ 2/3 մամեդականներից»⁴:

Նահանգի մյուս՝ Ալեքսանդրապոլ, Նոր Բայազետ, Նախիջևան և Օրդուբադ քաղաքները, որոնք հասկանալի պատճառներով ձեռք չբերեցին ինքնավարության կարգավիճակ, նրանց գործունեությունը, նախկինի նման, ղեկավարում էին քաղաքի լիազորը և ավագների խորհուրդը:

Ժամանակի ընթացքում սոցիալ-տնտեսականի և հոգևոր-մշակութայինի հետ մեկտեղ քաղաքի վիճակի կայունացման, կառավարման կատարելագործման, նոր խնդիրների լուծման հրամայականով փոփոխություններ կատարվեցին նաև Երևանի նահանգի մյուս քաղաքների կառավարման կառուցվածքում: Այդ ճանապարհին առաջին քայլը դարձավ քաղաքային ինքնավարության հաս-

¹ Մանրամասն տե՛ս Բ. Կոչար, նշվ. աշխ., էջ 25: Մշակ, 9 մարտի, 1882:

² Տե՛ս Բ. Կոչար, նշվ. աշխ., էջ 25:

³ 1877–1878 թթ. ռուս-թուրքական պատերազմի ժամանակ Երևան քաղաքով անցնող զորքի համար ոստիկանական վարչությունը տներ, քարվանսարաններ և գոմեր վարձեց, որոնց տերերին ժամանակին չվճարեց: 1879 թ. մայիսի 17-ին ոստիկանական վարչությունը որոշեց այդ բնակատեղիին վճարել 10.000 ռ.: Տե՛ս Մշակ, 9 մարտի, 1882:

⁴ Տե՛ս Մշակ, 9 մարտի, 1882:

տատումը: 1893–1894 թթ. Ալեքսանդրապոլ, Նոր Բայազետ, Նախիջևան և Օրդուբադ քաղաքներին շնորհվեց քաղաքային ինքնավարության կարգավիճակ: 1894 թ.¹ Նոր Բայազետի գավառապետ Չերքեզովի համառ ջանքերի շնորհիվ քաղաքին տրվեց ինքնավարության կարգավիճակ²: Սեպտեմբերի 29-ին ոստիկանության շենքի բակում, բացօթյա, կայացավ քաղաքի լիազորների ընտրությունը: Գավառապետը համառոտ կերպով բացատրելով ժողովրդին ինքնավարության նշանակությունը, ասաց հետևյալը. «Կայսերական բարձրագույն բարեհաճությամբ մեր քաղաքին տրվում է ինքնավարություն, դուք պետք է ձեր միջից ընտրեք 15 լիազորներ և 3 անձնափոխներ»: Այնուհետև Չերքեզովը հաղորդեց. «Մինչև հիմա պոլիցիան էր կառավարում քաղաքային գործերը, սրանից հետո քաղաքային գործերն անցնում են ավագի և լիազորների ձեռքը. դուք պետք է աշխատեք ընտրել հասկացող և հուսյալ մարդիկ, որոնք հավատարմությամբ ծառայեն հասարակությանը»³: 524 ընտրողներից ներկա էին 110 հոգի, բացակայում էին գլխավորապես հողագործները: Առաջադրվեցին 64 թեկնածուներ: Ընտրվեցին 15 լիազորներ և 3 անձնափոխներ՝ Հ. Մամիկոնյանը, Հ. Խաչատրյանը, Ստ. Բատիկյանը, Խ. Բաղամյանը, Ն. Արևշատյանը, Հ. Աֆրիկյանը, Գ. Դայանը, Ա. Փոստոյանը, Գ. Բուռնազյանը, Ա. Բուռնազյանը, Խ. Բունիաթովը և այլոք, իսկ անձնափոխներ՝ Գ. Քոչարյանը, Ս. Աֆրիկյանը և Գ. Դաբադյանը⁴:

Նահանգապետի կողմից հաստատվելուց հետո լիազորները քաղտնի քվեարկությամբ ընտրեցին ավագ և տեղակալ: Ավագ ընտրվեց Հարություն Մամիկոնյանը, իսկ տեղակալ՝ Գևորգ Արծ-

¹ Մեկ այլ տեղ նշված է 1896 թ., որը տեխնիկական վրիպակ է: Տե՛ս Հ. Հարությունյան, *Նոր Բայազետի գավառը 1828–1913 թթ.*, էջ 125:

² Տե՛ս ՀԱԱ, ֆ. 94, ց. 1, գ. 2174, թ. 9: Մշակ, 10 հոկտեմբերի, 1896:

³ Մշակ, 10 հոկտեմբերի, 1896:

⁴ Այլ աղբյուրներում նշված է, որ ընտրվել են 6 լիազորներ: Տե՛ս ՀԱԱ, ֆ. 94, ց. 1, գ. 2174, թ. 9:

րունին¹: Հետագա տարիներին ավագի պաշտոնը զբաղեցրել են Գ. Արծրունին, Հ. Տեր-Սահակյանը, Ստ. Բատիկյանը և այլոք:

1894 թ. սեպտեմբերի 24-ին Ալեքսանդրապոլի գավառապետը դիմում է՝ Երևանի նահանգապետին թույլատրելու անցկացնել քաղաքի դումայի ձայնավորների ընտրություն: Դումայի պատգամավորներ ընտրվեցին Տիգրան Յուզբաշյանը, Հովհաննես Գեղամովը, Արտակ Տեր-Ղազարովը, Հակոբ Տեր-Սիմոնովը, Թաթոս Ծաղիկյանը, Վասիլի Վարդանովը, Սեթ Ֆահրադյանը և այլոք²: Նույն թվականին ինքնավար դարձան նաև Նախիջևան և Օրդուբադ քաղաքները:

Այսպիսով, 1890-ական թվականների առաջին կեսերին Երևանի նահանգի հինգ քաղաքները կառավարվում էին ընտրովի մարմինների՝ քաղաքային դումայի և քաղաքային վարչության կողմից, ինչը լուրջ քայլ էր դեպի ժողովրդավարություն անցման տեսակետից: Այլ կերպ ասած՝ ընտրությունների ճանապարհով իշխանության մարմիններ ձևավորելը շրջադարձային իրադարձություն էր ինչպես Երևանի նահանգի ամբողջ բնակչության կյանքում ընդհանրապես, այնպես էլ քաղաքային բնակչության համար մասնավորապես: Խոսքն այն մասին է, որ օրենքի կիրարկումով քաղաքային բնակչության լայն շերտերն իրավունք էին ստանում ուղղակի կամ ներկայացուցչական խողովակներով մասնակից դառնալ քաղաքի կառավարման և գործունեության աշխատանքներին: Հավելենք, որ այս ամենից բացի, քաղաքային ինքնավարությունը խթանում էր բնակչության հասարակական-քաղաքական ակտիվությանը և նպաստում հանրության հանդեպ յուրաքանչյուրի պարտքի գիտակցման պատասխանատվության բարձրացմանը: Վերոգրյալից դժվար չէ եզրակացնել, որ քաղաքային դումայի և վարչության

¹ Տե՛ս Մշակ, 22 փետրվարի, 1897: Հ. Հարությունյան, *Նոր Բայազետի գավառը 1828–1913 թթ.*, էջ 125:

² Տե՛ս ՀԱՍ, ֆ. 94, ց. 1, գ. 2173, թթ. 2–3:

գործունեության արդունավետությունն ուղղակի և անմիջականորեն կապված էր ձայնավորների որակից: Այսինքն՝ եթե ձայնավորների ընտրությունը հաջող է կատարվել, դումայի մեջ ընդգրկվել են բանիմաց, պրոֆեսիոնալ և նվիրյալ մարդիկ, իսկ քաղաքագլխի աթոռն էլ զբաղեցրել է խելացի, ընդունակ, ժողովրդի ձայնին ականջալուր և մեծ եռանդի տեր մարդ, ապա հաջողությունները կդառնան անխուսափելի: Նկատի ունենալով նաև այս հանգամանքը «Մշակ» թերթն իր մարտի 16-ի համարում ընդգծում էր. «Շուտով այդ քաղաքում (Երևանում – Հ.Հ.) մտցվելու է նոր քաղաքային հինքնավարություն. Հույս ունենք, որ երևանցիները զգույշ կլինեն ձայնավորների ընտրության մեջ, որովհետև լավ կամ վատ ընտրությունից կախված է քաղաքի բարեկարգ դրությունը և ձայնավորները մեծ գործ և նշանավոր պատասխանատվություն պետք է հանձն առնեն: Հարկավոր է ընտրել թարմ և նոր ուժեր»¹:

Արդյոք, ընտրող զանգվածն այս գիտակցումով է կատարել իր ընտրությունը, իհարկե, երբեմն, ոչ: Իբրև ասվածի ապացույց հարկ եմ համարում մեջբերել նույն «Մշակ» թերթի մի գնահատականը տրված Երևան քաղաքի 1886 թ. դումայի ձայնավորների որակական կազմին: «Երևանի դումայի այժմեան ձայնատերերը, - որոնք եթե չենք սխալվում, 65 հոգի են, թուրքեր և հայեր,- մեծ մասամբ անընդունակ են իրանց պաշտոնի էությունը հասկանալու: Նրանցից շատերը, մանաւանդ թուրք ձայնատերների ահագին մեծամասնությունը, զուրկ լինելով որեւէ կրթությունից, զուրկ լինելով քաղաքի շահերը ճշմարիտ կերպով հասկանալու ընդունակությունից, զուրկ լինելով վերջապես իրենց քաղաքի համար գործելու եռանդից, ոչինչ օգտավետ գործունեություն չեն ցույց տուել իրենց ձայնատերի ժամանակի, ընթացքում»²: Այնուհետև թերթը հայտնում է, որ

¹ Մշակ, 16 սեպտեմբերի, 1876:

² Մշակ, 5 մարտի, 1888:

ծայնավորներից շատերը շատ քիչ են հաճախել դումայի նիստերին. շատերը բոլորովին չեն էլ հաճախել: Օրինակ, 1886 թ. առաջին կիսամյակում Երևանի քաղաքային դուման ունեցել է 21 նիստ: Ոչ մի ծայնավոր, նույնիսկ քաղաքագլուխը այդ նիստերին ներկա չի եղել, շատ շատերը ներկա են եղել վեց, չորս և երկու անգամ, շատերը մի մի անգամ, իսկ շատերն էլ երբեք¹: Անշուշտ, այս հանգամանքը չէր կարող ազդեցություն չունենալ վարչության գործունեության վրա:

Հատկանշական է, որ հասարակության զանազան շրջաններում միշտ արտահայտվել են դժգոհություններ դումայի անարդյունավետ աշխատանքի դեմ: Ժամանակի մամուլի էջերը և արխիվային վավերագրերը լի են բազում օրինակներով, երբ ընտրողներն իրավացիորեն դժգոհել են դումայի կամ քաղաքային վարչության անգործությունից, ծայնավորների թույլ տված չարաշահումներից, պարտականությունների նկատմամբ անպատասխանատու վերաբերմունքից, հովանավորչության, ինչու չէ ընտրություններում տեղ գտած թերությունների և այլնի մասին: Ժամանակի մամուլը և արխիվային վավերագրերը հարուստ են այդպիսի օրինակներով: Իբրև ասված ապացույց, հարկ եմ համարում դիմել մամուլի հրապարակումներին: «Մշակ» թերթը գրել է. «Երևանի քաղաքային դումայի կազմակերպության վերանորոգելը և նոր ընտրությունների լինելը մի անիրագործելի հարց է դարձել բոլոր երևանցիների համար: Ընտրությունը պետք է լիներ անցյալ տարվա մայիսին, համաձայն քաղաքային կանոնադրության 16-րդ հոդվածի, որովհետև չորս տարին լրանում էր այդ միջոցին, բայց ծայնավորիների մի մասը ենթարկված լինելով զանազան դեր խաղացող և ճարպիկ անձնավորություններին, ընտրությունը հետաձգվեց մինչև հոկտեմբեր: Սակայն հոկտեմբերին ընտրությունները չկայացան և այն հե-

¹ Տե՛ս նույն տեղում:

տաճգվեց անորոշ ժամանակով»¹: Մեկ այլ հրապարակման մեջ կարդում ենք. «Սրտի ցաուվ պետք է ասենք, որ ընդհակառակն, մեզանում ինքնավարութեան կանոնադրութիւնը բոլորովին ծալած, մէկ անկիւնում է դրած, նրա վրա շատ քիչ նայող կայ և քաղաքային գործերում կատարեալ դեսպօտական ձև է ընդունած կանոնադրութեան հետևելու փոխարէն»²: «...Բայց հարցնում եք,- շարունակում է թերթը,- ուր մնացին Դալմայ անվանված քաղաքամասի հարյուրավոր դեսյատին քաղաքի հողերը, որոնց վրա հարյուրավոր այգիներ, ծառատնկեր են գցել զանազան մարդիկ և իրենց են սեփականացրել»³:

Վերոշարադրայից հակված չենք անտեսելու կամ նսեմացնելու ուսումնասիրվող տարիներին Երևանի նահանգի քննության առարկա ընտրովի մարմինների կատարած հիրավի մեծածավալ աշխատանքներն իրենց քաղաքների բազում խնդիրների լուծման ուղղությամբ: Այստեղ հարկ չեմ համարում այդ հարցերին անդրադառնալ, քանի որ դրանք առանձին տարիների կտրվածքով լուսաբանվել են Վ. Թունյանի կողմից⁴: Մեկ այլ խնդրի մասին ևս: Նկատի ունենալով ուսումնասիրության ծավալը, ինչպես նաև այն հանգամանքը, որ տարիների ընթացքում քաղաքային դուման բովանդակային, կառուցվածքային և գործառույթների առումով գրեթե փոփոխություններ չի կրել, ուստի բավարարվենք միայն նշելով, որ Երևանի քաղաքային դուման իր ստեղծման օրվանից մինչև 1917 թ. ընտրվել է ավելի քան ինն անգամ, Ալեքսանդրապոլինը՝ վեց, Նույն չափով էլ՝ Նոր Բայազետ, Նախիջևան և Օրդուբադ քաղաքների լիազորներինը:

¹ Մշակ, 14 հունվարի. 1889:

² Նույն ռեզում:

³ Նույն տեղում:

⁴ Տե՛ս В. Тунян, նշվ. աշխ., էջ 36-38:

Այդուհանդերձ, հետաքրքիր է աղյուսակի տեսքով ցույց տալ գործող ընտրակարգի հիման վրա Երևանի նահանգի քաղաքների վերջին երեք ընտրությունների արդյունքում ձևավորված այդ մարմինների պատկերը թվերի տեսքով¹:

Աղյուսակ 9

Քաղաքներ	1910 թ.					1914 թ.					1917 թ.				
	Հայ	Մուսուլման	Ռուս	Վրացի	Ընդամենը	Հայ	Մուսուլման	Ռուս	Վրացի	Ընդամենը	Հայ	Մուսուլման	Ռուս	Վրացի	Ընդամենը
Երևան Քաղաքապետություն	Մեխյու Սղամաթյով					Իվան Մեխյու Սղամաթյան					Սմբատ Խաչատուրյան				
Ձախտվորներ	37	10	2	-	49	35	13	1	-	49	37	16	1	-	54
Քաղաքային վարչություն	13	-	4	-	17	13	2	2	-	17	12	-	5	-	17
Ավելանտրուսավոլ բազմաբաղադրյալ	Իոսիֆ Տիգրանյան					Գերասիմ Կամսարպան					Գերասիմ Կամսարպան				
Ձախտվորներ	41	-	1	1	43	37	-	4	1	42	29	-	3	-	32
Քաղաքային վարչություն	20	-	1	-	21	16	-	2	-	18	20	-	6	-	26
Նոր Բալազետ բազմաբաղադրյալ	Ստեփան Բատիկյան					Գևորգ Արծրունի					Գևորգ Արծրունի				
Լիազորներ	15	-	-	-	15	9	-	-	-	9	8	-	-	-	8
Քաղաքային վարչություն	2	-	-	-	2	2	-	-	-	2	2	-	-	-	2
Նախիջևան քաղաքի ավագը	Բնյուկ խան Նախիջևանսկի					Նազարյի խան օղյի Նախիջևանսկի					Խան Նախիջևանսկի				
Լիազորներ	4	6	-	-	10	5	8	-	-	13	-	6	-	-	6
Քաղաքային վարչություն	-	1	-	-	1	-	2	-	-	2	-	2	-	-	2
Օրդուբադ քաղաքի ավագը	Ուլա-Կուլի Հաջի Հուսեյն օղյի Ուլա					Ուլա-Կուլի ՀաջիՄահմեդ Հուսեյն օղյի Ուլա					Հաջի Բադրադ Մաշադի Բագիրով				
Լիազորներ	4	8	-	-	12	4	8	-	-	12	4	9	-	-	13
Քաղաքային վարչություն	-	1	-	-	1	-	2	-	-	2	-	1	-	-	1

¹ Հաշվարկը կատարվել է աղյուսակը կազմվել է *ՊՀՃ* *na 1910 թ.*, էջ 37-41, *ՊՀՃ* *na 1914 թ.*, էջ 34-37 և *ԿԿ* *na 1917 թ.*, Тифлис, 1916, էջ 291-306 աղյուսակների տվյալների հիման վրա:

Աղյուսակից նկատելի է՝ ա) այդ տարիներին ընտրովի մարմինների ձայնավորների և լիազորների թվաքանակում էական փոփոխություններ չեն կատարվել, բ) մեծ քաղաքներում ինչպիսին էին երևանը և Ալեքսանդրապոլը, քաղաքի ղեկավարը կոչվել է քաղաքագլուխ, իսկ փոքր քաղաքներինը՝ ասենք Նոր Բայազետինը, Նախիջևանինը և Օրդուբադինը՝ քաղաքի ավագ:

Ամփոփելով նշենք, որ 1870 թ. ռուսական կայսրությունում «Քաղաքային կանոնադրության» կիրարկումն, անշուշտ, որոշակի առաջընթաց քայլ էր այդ երկրի հասարակական-քաղաքական կյանքում և այն պետք է դիտարկել 1860–1880-ական թվականներին իրականացված բուրժուական բարեփոխումների համատեքստում: Սակայն այդ Կանոնադրությունը շատ կողմերով թերի էր ու անկատար, ինչպես օրինակ, քաղաքացիների մեծ մասին զրկում էր ընտրելու և ընտրվելու իրավունքից:

1917 թ. Փետրվարյան հեղափոխությունը Ռուսաստանում ազատության միջոցով նաև դեպի քաղաքական համակարգի դեմոկրատացման և ժողովրդավարացման լայն ճանապարհի հարթեց: Այդ ուղղությամբ կատարած առաջին քայլերից մեկը հանդիսացավ քաղաքային դումայի ընտրության նոր Կանոնադրության ընդունումը:

Ժամանակավոր կառավարությունը 1917 թ. ապրիլի 15-ին հրատարակեց Կանոնադրություն, որի հիման վրա արդեն գոյություն ունեցող քաղաքային դումաները պետք է նորից ընտրվեին, չսպասելով իրենց լիազորության ժամանակամիջոցի լրանալուն: Համաձայն այդ Կանոնադրության նոր քաղաքային դումայի ընտրությունը կատարվելու էր հետևյալ կերպ: Նշենք դրանցից առավել կարևորները: 1) Քաղաքային դումայի ձայնավորները ընտրվում են մինչև 1919 թ. հունվարի 1-ի ժամանակամիջոցով: 2) Ձայնավորներ ընտրելու մասնակցության իրավունք ունեն ռուսական բոլոր քաղաքացիները, երկու սեռի, բոլոր ազգությունների և դավանությունների

րի, որոնք մինչև ընտրական ցուցակների կազմման օրը հասած կլինեն 20 տարեկանի և որոնք ապրում են տվյալ քաղաքում կամ ունեն այդտեղ տնային տնտեսություն և կամ որևէ զբաղմունք: 3) Ընտրություններին մասնակցում են և բոլոր զինվորականները, ընդհանուր հիմունքներով: 4) Ձայնավորներ և նրանց թեկնածուներ կարող են ընտրվել ոչ միայն ընտրություններին մասնակցելու իրավունք ունեցողները, այլև ուրիշ անձինք, որոնք նույնիսկ չեն բնակվում քաղաքում: 5) Ձայնավորների ընտրության համար նշանակված օրից 10 օր առաջ ընտրողները պետք է հայտնեն քաղաքագլխին կամ ավագին ցուցակն այն թեկնածուների, որոնք կամենում են ձայնավոր ընտրել և որոնք տվել են իրենց համաձայնությունը քվեարկել: Ցուցակների մեջ գրված թեկնածուների թիվը պետք է այնքան լինի, որքան որոշված է ձայնավորների թիվը, ավելորդ գրված անունները հաշվի չեն առնվի: 6) Ընտրությունները պետք է լինեն համեմատական, այսինքն՝ պետք է նկատի առնվի և փոքրամասնություն կազմող խմբակցությունների և կուսակցությունների ցուցակը և այլն¹:

Փետրվարյան հեղափոխությունը արմատական փոփոխություններ մտցրեց նաև Անդրկովկասի տեղական իշխանությունների կառուցվածքում: Ժամանակավոր կառավարությունն իր որոշումներով լուծարեց տեղական կառավարման նախկին մարմինները: Կովկասի փոխարքայության փոխարեն մարտի 9-ին ստեղծվեց Անդրկովկասյան հատուկ կոմիտեն, որն իրեն իրավունք էր վերապահում հանդես գալու ժամանակավոր կառավարության անունից: Անդրկովկասյան հատուկ կոմիտեն մշակեց և հրատարակեց Կանոնադրություն Անդրկովկասի տեղական նոր իշխանություններ ստեղծելու մասին: Ըստ որի, «Անդրկովկասի բոլոր վայրերում

¹ Տե՛ս Մշակ, 19 մայիսի, 1917:

պետք է կազմակերպվեն և գործեն մինչև համառուսական Հիմնադիր ժողովը, թե՛ նահանգական և, թե՛ ռայոնական ու շինական նոր իշխանություններ ի տեղի նախկին նահանգապետերի¹, գավառապետերի, պրիստավների և քեռխվաների»²: Այդ Կանոնադրության հիման վրա Անդրկովկասյան հատուկ կոմիտեն ուղարկելու էր նահանգները և գավառները՝ վերոհիշյալ իշխանությունները կազմակերպելու համար առանձին լիազորներ: Ստեղծված մասնաժողովը (անդամներ՝ Հ. Առաքելյան, Վեքիլով, Գ. Գվազուլա, Սարգսյան), 1917 թ. մայիսի 1-ին կայացած իր նիստում վերջնականապես խմբագրեց լիազորների համար հրահանգներ, որոնց հիման վրա պետք է գործեին նրանք³:

Հոկտեմբերյան հեղափոխությունը, կամ ինչպես ընդունված է ասել հեղաշրջումը, այլ ընթացք տվեց զարգացող դեպքերին, փոխեց քաղաքական իրադրությունը: Հեղափոխությունը կասեցրեց նախկին կայսրության ժողովուրդների համար փետրվարով սկսած ազատության և դեմոկրատիայի գործընթացը: Այս ընդհանուր վիճակն ամբողջապես Կատկանշական էր նաև Երևանի նահանգին:

¹ 1917 թ. Երևանի նահանգապետն էր Արկադի Ստրելբիցկին, Ալեքսանդրասպորի գավառի գավառապետը՝ Կոնստանտին Ջալանթարաշվիլին, Նախիջևանի գավառինը՝ Միխայիլ Մամուլաշվիլին, Նոր Բայազետի գավառինը՝ Չախո Նաբիբեկովը, Մուրմալուի գավառինը՝ ՍԷրգեյ Ջազինովը, Շարուր-Կարալազյազի գավառինը՝ Սեմյոն Ֆիլիպովը, Երևանի գավառինը՝ Կոնստանտին Առաքելովը և Էջմիածնի գավառինը՝ Լիոնիդ Լեմմեյդմանը: Տե՛ս *KK na 1917 z.*, էջ 297–302:

² Մշակ, 3 մայիսի, 1 917:

³ Տե՛ս նույն տեղում:

“ ԳԼՈՒԽ ԵՐԿՐՈՐԴ

ԵՐԵՎԱՆԻ ՆԱՀԱՆԳԻ ԲՆԱԿՉՈՒԹՅՈՒՆԸ 1850–1915 ԹԹ.

Յուրաքանչյուր ժողովուրդ՝ որպես կենդանի հավաքական մարմին, ունի շարունակականության, լինելիության իր ներքին տրամաբանությունը՝ վերարտադրվում և սերնդափոխվում է, որն ուղեկցվում է նրա թվաքանակի փոփոխություններով՝ աճելով կամ նվազելով: Դա կատարվում է երկու ճանապարհով՝ բնական և մեխանիկական: Հիմնական և կայուն աղբյուրը բնական աճն է (սա որոշվում է միավոր ժամանակամիջոցում ծնվածների և մահացածների տարբերությամբ), որից սնվում է բնակչությունը վերարտադրվելու համար: Բնակչության թվաքանակը փոփոխվում է նաև կապված նրա կենսագործունեության ձևերից մեկի՝ մեխանիկական շարժընթացի հետ: Ընդ որում՝ այդ աղբյուրներից յուրաքանչյուրի կենսունակության ցուցանիշն անմիջականորեն շաղկապված է տվյալ ժամանակաշրջանի ներքին ու արտաքին կացության հետ: Այլ խոսքով՝ բնակչության բնականոն վերարտադրության համար անհրաժեշտ են սոցիալ-տնտեսական և քաղաքական, այսինքն՝ սոցիալական առողջ միջավայր, ինչպես և արտաքին բարենպաստ պայմաններ:

Ռուսաստանի կազմի մեջ մտնելն Արևելյան Հայաստանի մեծ մասը կազմող Երևանի նահանգի բնակչության համար արագ և կայուն աճի խթան հանդիսացավ՝ ստեղծվեցին խաղաղ ապրելու և

վերարտադրվելու աննախադեպ պայմաններ, մյուս կողմից էլ՝ բնակչության նյութական ու կենցաղային պայմանների որոշակի բարելավման շնորհիվ ավելացավ ամուսնությունների, հետևաբար և ծնունդների թիվը, զուգահեռաբար նկատելիորեն մահացությունների ցուցանիշը: Այս տեսակետից գիտական և հեռանկարի իմաստով նաև ժողովրդագրական մեծ հետաքրքրություն ու կարևորություն է ներկայացնում ուսումնասիրվող նահանգի բնակչության թվաքանակի, համալրման աղբյուրների, ազգային և սեռատարիքային կազմի, սոցիալական կառուցվածքի, զբաղմունքի, տեղաբաշխվածության և կրթամշակութային կյանքի փոփոխությունների շարժնթացի ուսումնասիրությունը: Նշված հարցերի վերաբերյալ հարուստ վիճակագրական տվյալներ և նյութեր կան ռուսական կայսրությունում հրատարակված բազմաթիվ ժողովածուներում, մարդահամարներում, կամերալ ցուցակագրություններում, ժամանակի պարբերականներում, Կովկասի փոխարքայության Կենտրոնական գրասենյակի կառավարիչների, նահանգապետերի և գավառապետերի զեկուցագրերում, հաշվետվություններում և այլ փաստաթղթերում: Բայց և այնպես պետք է նշել, որ ինչպես Անդրևովկասի երկրամասի մյուս նահանգների, այնպես էլ Երևանի նահանգի տարածքում բնակչության հաշվառումները մոտավոր են եղել, կապված որոշակի դժվարությունների հետ: Բանն այն է, որ բնակչության մի զգալի մասը, գլխավորապես մուսուլմանները, քոչվոր կյանք են վարել և հանգամանքների բերումով երբեմն դուրս են մնացել հաշվառումից, իսկ նստակյաց բնակչությունը գիտակցաբար՝ բանակում չծառայելու, հարկման չենթարկվելու և համանման այլ գործոններով պայմանավորված խուսափել է ճիշտ պատասխան տալուց: Հաշվառումից դուրս են մնացել նաև արտագնա աշխատանքի մեկնածները և փախուստի մեջ գտնվողները: Եթե այս բոլորին գումարենք այդ հաշվառումների տևական լինելը,

բնակչության տեղաշարժերի հաճախականությունը, ապա կարելի է դատել ստացված արդյունքների իսկության մասին: Այսինքն՝ դրանք շատ դեպքերում թերի են և բոլորովին տարբերվում են միմյանցից¹: Այսուհանդերձ, բնակչության թվաքանակին վերաբերող վիճակագրական և այլ տվյալների համակողմանի համադրումը և քննությունը հնարավորինս լրացնում է այդ բացը:

Երևանի նահանգի բնակչության քանակական և սեռային կազմում կատարված փոփոխություններում բնական և մեխանիկական աղբյուրների ունեցած նշանակությունը ցույց տալու համարանհրաժեշտ է հարցի լուսաբանումն սկսել նահանգի բնակչության թվաքանակի աճին և սեռային կազմին վերաբերող տվյալների քննությունից: 1850–1915 թթ. այդ փոփոխությունների պատկերը տրված է ներքոհիշյալ աղյուսակում²:

¹ Стів Военно-статистическое обозрение Российской империи, т. XVI, ч. 6, էջ 137 (այսուհետև՝ ВСОРН): Հ. Մարգարյան, *Երևանի նահանգի բնակչությունը 50 տարում (1950–1900 թթ.)*, Բանբեր Երևանի համալսարանի, 1990, թիվ 1, էջ 114 (այսուհետև՝ ԲԵՀ):

² Հաշվարկը կատարվել և աղյուսակը կազմվել է ըստ ՀԱԱ. ֆ. 94, ց. 9, գ. 8, թթ. 1–2: *Первая всеобщая перепись населения Российской империи 1897 г.*, СПб., 1905, էջ 1: *ОЭГ за 1887 г.*, Эриван, 1888, էջակայում չունի: *ОЭГ за 1899 г.*, էջ 6–10: *КК на 1887 г.*, Тифлис, 1886, էջ 6, 38, 226–227: *КК на 1904 г.*, Тифлис, 1903, էջ 8–25: *КК на 1890 г.*, Тифлис, 1889, էջ 70–71: *КК на 1914 г.*, Тифлис, 1913, էջ 113–135, 164: *ОЭГ за 1892 г.*, էջ 13–14: *ОЭГ за 1886 г.*, էջ 6, 16, 38: *КК на 1917 г.*, Тифлис, 1916, էջ 215–219, 219–221, 246: *Сборник сведений о Кавказе*, т. 2, Тифлис, 1872, էջ 168, 191, 194, 352: *Сборник сведений о Кавказе*, т. 4, Тифлис, 1878, էջակայում չունի: *ОЭГ за 1907 г.*, էջակայում չունի: *ОЭГ за 1908 г.*, Эриван, 1909, էջակայում չունի: *ОЭГ за 1910 г.*, Эриван, 1911, էջ 51: *ОЭГ за 1912 г.*, Эриван, 1913, էջ 57: *ОЭГ за 1901-й г.*, Эриван, 1902, էջ 8, 13: *Сборник материалов о Закавказском крае*, էջ 324: *КК на 1865*, Тифлис, 1864, էջ 122–126: *Статистический временник Российской империи серия 2*, вып. 8, СПб., 1872, էջ 3: *КК на 1883 г.*, Тифлис, 1882, էջ 224: *КК на 1884 г.*, Тифлис, 1883, էջ 291, 353: *КК на 1885 г.*, Тифлис, 1884, էջ 242–243: *КК на 1875 г.*, Тифлис, 1874, էջ 219: *ОЭГ за 1905 г.*, Эриван, 1905, էջակայում չունի: *ОЭГ за 1891 г.*, Эриван 1891, էջ 29–31: *ОЭГ за 1898 г.*, Эриван, 1898, էջ 6, 10–11, 21: *ОЭГ за 1893 г.*, Эриван, 1893, էջակայում չունի: *КК на 1915 г.*, Тифлис, 1914, էջ 217: *КК на 1890 г.*, Тифлис, 1889, էջ 70–71: *ОЭГ за 1906 г.*, Эриван, 1906, էջ 8: *КК на 1855 г.*, Тифлис, 1854, էջ 280–285: *ОЭГ за 1909 г.*, էջ 8: *КК на 1867 г.*, Тифлис, 1866, էջ 312–313: *ПКЭГ на 1908 г.*, էջ 2–3: *ПКЭГ на 1912 г.*, էջ 3: *ПКЭГ на 1910 г.*, էջ 2–35: *ОЭГ за 1900-й г.*, էջ 5: *КК на 1885 г.*, էջ 243: *КК на 1901 г.*, Тифлис, 1900, էջ 24–25, 42–43: *Десятая ревизия. Исследование о*

	Լսիհանգում				Գավառներում				Այլ թվում ցաղացներում						
	Ար.	%	Իգ.	%	Ընդ.	Ար.	%	Իգ.	%	Ընդ.	Ար.	%	Իգ.	%	Ընդ.
1850	136690	51.9	125974	48.1	262662										
1856					259174										
1857					259338										
1858					471228										
1854	233740	54.5	193967	45.4	427707	210028	54.0	173067	45.2	383025	23702	53.4	20700	45.1	41402
1855					437719										
1856	239666	54.3	201234	45.6	440840	214345	54.3	180682	45.7	395027	20261	55.1	20552	44.9	45813
1857	242015	54.4	203091	45.6	445098										
1860					435558										
1869	242818	54.5	202964	45.5	445682	215069	54.4	180745	45.6	396719	26840	54.8	22118	45.2	48967
1870	249854	53	213743	47	463597	269825	52.4	190189	47,6	399994	30040	56	23554	44	53403
1871															
1872	267986	53,7	230790	46,3	498776	242035	53,8	207784	46,2	449819	25931	53	23016	47	48937
1873	293997	53,6	253796	46,4	547693	264216	53,8	226471	46,2	490187	29681	52,4	26925	47,6	56996
1874					546440										
1876	289459	53,7	249231	46,3	538690										
1883					583957										
1884					593956					544087					49369
1885	353560	53,4	308114	49,6	661674					608346					55308
1886	361627	53,0	308778	46,1	670405	331375	54	281436	46	612811	30252	52,5	21342	47,5	57564
1889	366661	53,6	314887	46,7	681548										
1891	376841	53,7	324459	46,3	701300										
1892	377513	53,7	325598	46,3	703111					644916					50595
1893					721845										
1895	409725	53,7	350156	46,3	759881										
1897	429689	53,4	375068	46,4	804757	380794	52,8	346679	47,2	721425	48893	58,6	34433	41,4	83312
1898					832682										
1899					843113										
1900					853494										
1901					866265										
1905					88371										
1906	476056	53,3	416377	46,7	892433					807512					84021
1907					918235										
1908	126011	53	397631	47	808642	426011	53	387631	47	808642					
1909					942638										
1910					954278										
1911					965763										
1913	619583	53,3	537686	46,7	1157269	555863	53,2	488234	46,8	1044097	56120	54,4	48452	45,6	108572
1915	589125	52,6	521117	47,4	1120242	519671	52,6	466012	47,4	987683	69454	52,4	63105	47,6	132559

Աղյուսակ 10-ի տվյալների համադրումը ցույց է տալիս, որ 1915 թ. 1850 թ. համեմատությամբ բնակչությունն ավելացել է 857.580

числе жителей в России в 1851 г., СПб., 1857, էջ 155: Статистических данных о населении Закавказского края, Тифлис, 1893, էջավայրում չունի: Документы и материалы по истории Армянского народа. Социально-политическое и экономическое положение Восточной Армении после присоединения к России (1830–1870), под редакцией Н.А. Тавакаляна. Ереван, 1993, էջ 222–223, 236–237, 239, 241, 243, 322–323, 394–395, 470, 477, 491, 504–505, 537, 560: Հ. Սարգսյան, *Նրվանի նահանգի բնակչությունը 50 տարում (1850–1900 թթ.)*, էջ 114–121 տվյալների հիման վրա:

շնչով, 262.662-ից հասել է 1.120.242-ի: Նշանակում է 65 տարիների ընթացքում Երևանի նահանգի երկսեռ բնակչության թվաքանակն աճել է 4,3 անգամ կամ 76,5 %-ով: Այդ տարիներին տղամարդկանց թվաքանակն ավելացել է 4,3 անգամ կամ 76,8 %-ով, 136.688-ից հասել է 589.125-ի, իսկ կանանց՝ 4,2 անգամ կամ 76,3 %-ով և 1915 թ. կազմել է 531.117-ի 1850 թ. 125.924-ի դիմաց:

Բացառություն է կազմում 1868 թ., երբ Երևանի նահանգի Մեղրիի տեղամասը հանձնվեց Ելիզավետպոլի նահանգին: Երևանի նահանգի բնակչության թվաքանակը 1868 թ. 1867 թ. համեմատությամբ կրճատվեց 9.358-ով կամ 2,2 %-ով¹:

Նշված տարիներին Երևանի նահանգում երկսեռ բնակչության միջին տարեկան աճը կազմել է 17.234,5 շունչ, արական սեռի հաշվով այն կազմել է 9.063,5, իսկ իգական սեռին՝ 817.103 շունչ, 892,5 շնչով կամ 9,8 %-ով պակաս: Ընդ որում քաղաքային բնակչությունն աճի տեմպերով գերազանցել է գյուղական բնակչության ցուցանիշին: Օրինակ, 1915 թ. 1864 թ. համեմատությամբ այն աճել է 3 անգամ, իսկ գյուղականը՝ 2,6 անգամ:

Այսպիսով, 1850–1915 թթ. Երևանի նահանգում արձանագրվել է երկսեռ բնակչության թվաքանակի աճի բարձր տեմպեր: Հիմնահարցի կարևորությունից ելնելով անհրաժեշտ եմ համարում անդրադարձ կատարել Երևանի նահանգի բնակչության շարժընթացին նաև ըստ առանձին քաղաքների և գավառների:

Այդ մասին կարելի է պատկերացում կազմել ստորև բերված աղյուսակից:

¹ Հաշվարկը կատարվել է աղյուսակ 10-ի տվյալների տվյալների հիման վրա:

Բնակչության շարժնթացը Երևանի նահանգի քաղաքներում և գավառներում¹

Աղյուսակ 11

Քաղաքներ	1864 թ.			1873 թ.			1886 թ.			1897 թ.			1915 թ.		
	Ար.	Իգ.	Ընդ.	Ար.	Իգ.	Ընդ.	Ար.	Իգ.	Ընդ.	Ար.	Իգ.	Ընդ.	Ար.	Իգ.	Ընդ.
Երևան	6744	5768	12512	6400	5538	11938	7823	6915	14738	17328	11678	29006	25548	25738	51286
Ալեքսան Դրապոլ	8762	7787	16549	10414	9562	19976	12391	11839	24230	19049	11567	30616	28874	22963	51837
Նոր Բայազետ	2322	2256	4578	2686	2677	5363	3954	3534	7488	4666	4124	8790	7480	7268	14748
Նախիջևան	3363	2842	6205	3720	3157	6877	3753	3186	6939	4370	4116	8486	4564	4407	8971
Օրդուբադ	2511	2047	4558	2063	1426	3489	2331	1868	4199	2458	2153	4611	3423	2294	5717
Գումարը	23702	20700	44402	25283	22360	47643	30252	27342	57594	54141	38182	92323	69454	63105	132559
Գավառներ															
Երևանի	42044	36884	78928	45513	38661	84174	54608	44268	98876	82899	67980	150879	82680	71651	154331

¹ Հաշվարկը կատարվել է և աղյուսակը կազմվել է ըստ *KK* *на 1901 г.*, Тифлис, 1900, էջ 24–25: *KK* *на 1917 г.*, Тифлис, 1916, էջ 218–223: *ПКЭГ* *на 1906 г.*, էջ 159: *Сборник сведений о Кавказе*, т. 7, Тифлис, 1880, էջակալում չունի: Н. Тавакалян, *Документы и материалы*, էջ 243 տվյալների:

Ավելցան որակի	Նոր Բայազետի	Նախկինների	Սուրմարի	Չարուր-Ղարալուսազ լավի	Էգիլածի	Օրդուարի	Ընդամենը	Անօրոջ նահանգում
32667	40565	25149	-	-	53290	16323	210038	233740
30317	24849	21130	-	-	47458	12629	173267	193967
62984	65414	46279	-	-	100748	28952	383305	427707
45737	35722	33547	31533	27897	44267	-	264216	289499
41302	32077	25211	26954	23894	38772	-	226871	249231
87039	67799	58758	58487	51791	83039	-	491087	536730
58783	50630	41353	38354	33852	53795	-	331375	361627
52718	45493	31529	32712	27920	46796	-	281436	308778
111501	96123	72882	71066	61722	100591	-	612811	670405
89482	63128	52984	49958	41559	68149	-	387748	441889
76021	59445	47787	43777	35846	61355	-	349485	387667
165503	122573	100771	93735	77405	129504	-	737233	829556
91011	90384	66117	55364	47399	82680	-	519671	589125
83195	83727	56091	49427	42851	71651	-	468012	531117
174206	174111	122208	104791	90250	154331	-	987683	1120242

Ինչ հետևությունների կարելի է հանգել թիվ 11 աղյուսակից: 1864-1915 թթ., այսինքն՝ 51 տարիների կտրվածքով Երևանի նահանգի քաղաքային բնակչության ընդհանուր հաշվեկշիռում շարունակաբար գրանցվել են նրա քանակական աճի բարձր տեմպեր: Այսպես, 1915 թ. 1864 թ. համեմատությամբ նահանգի հինգ քաղաքների բնակչության թիվն ավելացել է 3 անգամ կամ 66,5%-ով:

Արդեն 1915 թ. նահանգի քաղաքներում ապրող երկսեռ բնակչության թիվը հասնում էր 132.559 մարդու, 1864 թ. 44.402-ի դիմաց: Վիճակագրական տվյալներից նկատելի է, որ Երևան, Նոր Բայազետ և Ալեքսանդրապոլ քաղաքները բնակչության աճի տեմպերով գերազանցել են նահանգի բոլոր քաղաքների միջին ցուցանիշին: Այսպես, նշված տարիներին Երևան, Ալեքսանդրապոլ և Նոր Բայազետ քաղաքներում բնակչության թիվն ավելացել է համապատասխանաբար՝ 4,0, 3,2 և 3,1 անգամ, նահանգի բոլոր քաղաքների միջին ցուցանիշի՝ 3-ի դիմաց: Միջինից ցածր ցուցանիշ են գրանցել Նախիջևան և Օրդուբադ քաղաքները համապատասխանաբար՝ 1,4 և 1,2 անգամ, այսինքն՝ միջին ցուցանիշին զիջել են 1,6 և 1,8 անգամ: Քաղաքային բնակչության կազմում մեծ էր արական սեռի տեսակարար կշիռը: Դա յուրահատուկ էր նահանգի բոլոր քաղաքներին: Այսպես, 1915 թ. նահանգի հինգ քաղաքների 132.559 բնակչից 69.454-ը կամ 52,4 %-ը կազմում էին տղամարդիկ: Առանձին քաղաքներում այդ ցուցանիշներն ավելի քան ցայտուն են: Օրինակ, Ալեքսանդրապոլ քաղաքի բնակչության կազմում տղամարդկանց բաժին էր ընկնում 55,7, Օրդուբադում՝ մոտ 60 %-ը, իսկ Նոր Բայազետ և Նախիջևան քաղաքներում այն համապատասխանաբար եղել է 50,7 և 50,9: Հատկանշական է, որ Երևան քաղաքի բնակչության կազմում որոշակիորեն մեծ էր կանանց տեսակարար կշիռը՝ 50,2 %-ը:

Ինչ վերաբերում է ըստ գավառների բնակչության շարժընթացին, ապա նույն աղյուսակը ցույց է տալիս, որ վերոնշյալ տարիներին Երևանի նահանգի գավառների բնակչության թվաքանակում էական տեղաշարժեր են կատարվել: Բնական վերարտադրության և դրանից ներհոսքի շնորհիվ գավառների ընդհանուր բնակչության թիվն ավելացել է 2,6 անգամ կամ 61,2 %-ով, 383.305-ից հասել է 987.683-ի: Նահանգի գավառների ամբողջ բնակչության քանակական աճի միջին ցուցանիշից որոշակի բարձր գործակից են գրան-

ցել Ալեքսանդրապոլի և Նոր Բայազետի գավառները արձանագրելով համապատասխանաբար՝ 2,8 և 2,7 անգամ: Ինչ վերաբերում է մյուս գավառներին, ապա Երևանի գավառի բնակչության թիվն ավելացել է 1,9, Էջմիածնին՝ 1,5, իսկ 1873–1915 թթ. Սուրմալուի և Շարուր-Դարալագյազի գավառներում համապատասխանաբար՝ 1,8 և 1,7 անգամ:

Աղյուսակից բխող մյուս հետևությունն այն է, որ նահանգի գավառներում միասին վերցրած բնակչության թիվը տարեկան միջինը ավելացել է 21.965,5 շնչով, որից արական՝ 11.551,4 և իգական՝ 10.414 շնչով:

Այժմ դիտարկենք Երևանի նահանգի բնակչության թվաքանակի շարժընթացի փոփոխությունների հարցերը ըստ բնական վերարտադրության և մեխանիկական տեղաշարժերի: Հարցի քննությունը սկսենք բնակչության սեփական վերարտադրությունից:

Սկզբնաղբյուրներից երևում է, որ ուսումնասիրվող տարիներին Երևանի նահանգին բնորոշ էր բնակչության ծնելիության գործակցի բարձրանալը: Այդ տարիներին բնակչության բնական վերարտադրությունը կատարվել է ծննդի շարունակական ավելացման ու մահացության մակարդակի նվազման պայմաններում:

Պաշտոնական վիճակագրական տվյալների ուսումնասիրությունը ցույց է տալիս, որ Երևանի նահանգում ծնվածների թիվը մշտապես առավելություն ուներ մահացածների նկատմամբ: Օրինակ, 1850 թ. Երևանի նահանգում ծնվածների թիվը՝ 9.415 (ար.՝ 5.123, իգ.՝ 4.292) 2.990-ով կամ 31,7 %-ով գերազանցել է մահացածների՝ 6.425 (ար.՝ 3.612, իգ.՝ 2.813) թվին: Նշված տարում նահանգում 1.000 բնակչի հաշվով ծնվել է 36 երեխա, նույնքան մարդու հաշվով 38 տղա և 34 աղջիկ: 1866 թ. վիճակագրությամբ 16.751 (ար.՝ 9.123, իգ.՝ 7.628) ծննդի դիմաց արձանագրվել է 13.765 (ար.՝ 7.493, իգ.՝ 6.272) մահ, այսինքն՝ 2.986-ով կամ 17,8 %-ով պակաս: 1.000 բնակչի հաշվով ծնունդը կազմել է համապատասխանա-

նաբար՝ 38, 38 և 38 շունչ: 1869 թ. նահանգում ծնված և մահացած երեխաների գործակիցների հարաբերակցությունը կազմել է 8.206 (ար.՝ 4.321, իգ.՝ 3.885), հոգուտ ծնվածների, այսինքն՝ բնական աճը եղել է 8.206 մարդ: 1.000 բնակչի հաշվով վիճակագրությունն այսպիսին էր. երկու սեռից 41 ծնունդ, այդ թվում՝ 40 տղա և 41 աղջիկ:

Թվական տվյալների համադրությունից հետևում է, որ 1869 թ. 1850 թ. դիմաց Երևանի նահանգի բնակչության թիվն ավելացել է 183.020 շնչով կամ 41 %-ով: Այդ տարիներին Երևանի նահանգի բնակչության քանակական կազմի շարժընթացում վճռորոշ դերը կատարել է սեփական վերարտադրությունը: Այսպես, օրինակ, 1867 թ. 1866 թ. համեմատությամբ նահանգի բնակչության թիվն ավելացել է 4.176 շնչով կամ 0,9 %-ով բացառապես սեփական վերարտադրության ճանապարհով¹: Բնական վերարտադրության գերակայությունը շարունակվել է նաև հետագա տարիներին, մինչև 19-րդ դարի 70-ական թվականների երկրորդ կեսերը:

Այսպիսով, վերոշարադրյալից կարելի է անել մի քանի հետևություններ. ա) 19-րդ 50–60-ական թվականներին Երևանի նահանգի բնակչության թվաքանակի աճի հիմնական աղբյուրը հանդիսացել է բնական վերարտադրությունը: բ) Ծնվածների թիվը շարունակաբար գերազանցել է մահացածների թվին: գ) Ծնվածների մեջ մեծ էր արական սեռի թիվը:

Բնական աճի հաշվին Երևանի նահանգի բնակչության շարժընթացն համակողմանի և խորքային հիմնավորապես ներկայացնելու համար հարկ է այն քննության առնել ժամանակագրական ավելի լայն կտրվածքով, ինչը պատկերված է ստորև բերված 12 աղյուսակում:

¹ Հաշվարկը կատարվել է աղյուսակ 10-ի և Н. Тавакалян, *Документы и материалы*, էջ 222–223, 237, 241, 243 տվյալների հիման վրա:

Երևանի Նահանգի բնակչության բնական աճի շարժերի ասքը 1883-1915 թթ¹.

Աղյուսակ 12

Տարեթիվ	Ծնունդ														Մահացած				
	Ամբողջ Խառնուրդ					Քրիստոնյա					Պաշտոն				Ամբողջ Խառնուրդ				
	Ընդ	Սեռ	%	Ընդ	%	Սեռ	%	Ընդ	%	Ընդ	%	Ընդ	%	Սեռ	%	Ընդ	%		
1883	19629	10002	51.4	9367	46.6										13529	6885	51	6654	49
1884	20146	11048	54	9647	46	9006	51	975	29	20289	53.7	2072	46.2	12212	5043	52.1	13559	47.9	
1885	21057	12152	58	11055	47	9977	51.2	958	48.8	21855	53.7	13144	46.8	13558	2722	52	4521	48	
1887	21220	11720	55	9995	47	11564	53	1277	47	20041	53	9968	43	11176	9006	54.4	2020	45.7	
1888	22015	12120	55.2	11105	46.3									12282	8964	55.9	8703	48.1	
1889	23328	12432	53.3	10906	46.7									16603	8307	55.7	7300	48.1	
1890	22712	12889	56	12114	45									14150	7447	54.4	4117	43.8	
1891	22791	13008	57.2	11245	46.1	1069	51.5	1025	48.5	19779	54	10240	46	13563	7200	55.6	6001	44.4	
1892	23225	12911	55.5	10304	45.5	11519	51.7	10402	47.3	21767	51.6	12764	45.4	13534	11289	55.7	9955	44.8	
1893	20817	12582	54.7	10975	49.9	1248	52.4	1131	47.6	15684	55	12614	45	17741	9975	56.3	7264	44.7	
1894	21512	12679	53	10473	49	11708	52.2	1181	48.8	18621	54.5	11212	45.1	12671	13121	57.3	7568	47.7	
1895	22012	12577	55.2	11612	48.1	13113	53.4	1445	48.6	17564	54	10997	44	14257	8784	54	7473	46	
1896	22790	12629	54.1	11445	48.9									16271	7867	55.2	6780	44.8	
1897	24118	13513	55	11915	47									16643	7867	51.2	7196	43.8	
1898	23225	12127	53	11158	47	1455	50.5	1424	45.5	15682	51.5	13254	48.7	18865	10004	53	4451	43	
1899	23184	12675	51.6	10818	46.6	1496	51	1345	48	15212	53.6	13569	46.6	20800	11220	53.3	9780	46.7	
1900	24113	12857	54.5	11056	45.5	1191	51.1	1219	46.7	14466	55	11927	45	16542	12064	55.2	8718	44.7	
1901	22095	12444	52.4	11855	49.8	1421	50	1302	50	13825	52.8	12945	47.4	14241	8535	51.5	7285	46.5	
1902	22512	12675	53	12214	47	1232	52	1225	48	12796	53.4	11579	46.6	14287	12364	59.7	7022	46.1	
1904	22212	12610	52.5	11403	46.2	1069	52.8	1050	47.7	21471	53.0	12293	46.4	20476	12027	58.8	10009	49.2	
1907	23595	12747	55	11815	47	2155	52.1	1967	47.7	15882	53	13031	47	21882	12925	59.9	10947	50.1	
1908	24982	13417	51.1	11045	46.7	1682	51.8	1872	45.8	17455	51.5	15373	46.3	20862	12657	53	11295	47	
1909	23266	12508	52.6	11578	49.4	1307	50	1205	50	15801	53	14021	47	21446	12885	52.6	10061	47.4	
1910	24815	12745	51.7	11601	47.3	1296	51	1291	49	16386	51	14162	47	22351	11971	53.4	98420	46.6	
1912	23211	12844	52.4	11854	47	1242	51	1208	48	15814	51	14246	47	21405	12023	51.5	9115	42.5	
1913	23200	12663	53.2	12025	46.9	1122	51.6	1279	48.4	15621	53.2	13716	46.4	17460	12560	51.4	8020	46.6	
1914	22402	12720	54	12022	46	1222	52.8	1099	47.7	13982	54.1	11834	45.9	18417	7105	52.4	6005	47.6	
1915	23612	12811	52.4	11606	46.7	1415	51	1262	47	12416	53	13524	47	21606	12380	53.1	12279	46.9	
Ընդամենը	802214	428191	51.4	379101	46.0	11713	52	22472	48	116769	53.8	273885	48.4	501732	262384	53.1	238161	46.7	

¹ Հանրակրթական կատարվել և աղյուսակը կազմվել է ըստ ՀԱԱ, ֆ. 94, ց. 1, գ. 2272, թ. 2: *Первая всеобщая перепись населения Российской империи 1897 г.*, СПб., 1905, էջ 1: *КК на 1915 г.*, Тифлис, 1914, էջ 117, 243: *КК на 1901 г.*, Тифлис, 1900, էջ 28–29, 40–43, 60–67: *ОЭГ за 1892 г.*, էջ 13–14: *ОЭГ за 1901-й г.*, էջ 12: *ОЭГ за 1886 г.*, էջ 17, նաև էրազմաբան չունի: *ОЭГ за 1891 г.*, էջ 29–32: *ОЭГ за 1898-й г.*, էջ 10: *КК на 1899 г.*, Тифлис, 1898, էջ 48–49: *ПКЭГ на 1904 г.*, Эриван, 1903, էջ 110–117: *ОЭГ за 1899 г.*, էրազմաբան չունի: *ОЭГ за 1889 г.*, էջ 44–45: *ОЭГ за 1887 г.*, էրազմաբան չունի: **И. Тавакалян**, *Документы и материалы*, էջ 239, 243, 322–323, 477, 491, 566, 571: *КК на 1865 г.*, Тифлис, 1864, էջ 113–118: *КК на 1875 г.*, Тифлис, 1874, էջ 226–227: *КК на 1917 г.*, Тифлис, 1916, էջ 246–247: *ОЭГ за 1900-й г.*, էջ 10, նաև էրազմաբան չունի: *ОЭГ за 1910 г.*, էրազմաբան չունի: *ОЭГ за 1912 г.*, էջ 57: *ОЭГ за 1908 г.*, Эриван, 1908, էրազմաբան չունի: *КК на 1890 г.*, Тифлис, 1889, էջ 70–71: *ОЭГ за 1909 г.*, էրազմաբան չունի: *ОЭГ на 1904 г.*, էրազմաբան չունի: *КК на 1885 г.*, Тифлис, 1884, էջ 242–243: *КК на 1901 г.*, Тифлис, 1900, էջ 64–67: *КК на 1898 г.*, Тифлис, 1897, էրազմաբան չունի: *ОЭГ за 1907 г.*, էրազմաբան չունի: *ОЭГ за 1906 г.*, էրազմաբան չունի: *ОЭГ за 1898-й г.*, էջ 10, նաև էրազմաբան չունի: *ПКЭГ на 1891-й г.*, էջ 108–109: *Сборник сведений о Кавказе*, т. 7, էրազմաբան չունի: **Հ. Մարգարյան**, *Երվ. աշխ.*, էջ 104–121 տվյալները:

Մահ				Բնակիչների								Կենտրոնացում			
Բնակչություն				Գրգռված				Ընդամենը				Երկրորդ	Պարզ	Քաղաք	
Ար	%	Իգ	%	Ար	%	Իգ	%	Ար	Ար	%	Իգ	%	Երկրորդ	Պարզ	Քաղաք
520	91,7	496	48,8	5123	57,2	4573	47,8	3924	5246	55	4228	41,6	3817	353,3	279
707	90,6	685	49,4	6170	54,2	5812	47,8	10069	5435	54	4574	46	5108	4636	472
742	91,2	651	46,8	6976	54,3	5090	45,7	10064	5159	51,3	4705	48,7	4287	3900	467
								8411	5846	57,6	3567	42,4	4276	3604	472
								6645	3125	47	3520	53	4250	3768	481
								8558	4652	54,1	1906	45,7	5240	4638	502
771	52,5	697	47,5	6729	56	5304	44	10792	5548	51,3	5224	48,7	5684	5074	610
1160	52,4	1234	47,6	10509	55,5	6411	46,5	2191	1052	48	1189	52	5321	4636	485
1272	57,2	1687	47,7	8587	55,6	6843	45,4	13076	7067	54	6229	46	6124	5408	616
135	54,6	735	45,4	9237	57,5	6813	42,5	11221	4976	44,6	6345	58,4	6386	5096	690
1140	53,1	1009	46,7	7684	54,2	6484	45,8	12362	7221	58	5189	47	5183	4613	675
								14501	7996	55,1	6505	44,9	5051	4436	515
								14465	7846	54,2	6619	45,8	5431	4885	546
1283	51,7	1104	48,3	8421	53,3	7377	46,7	13460	7143	53	6117	47	5919	5295	624
1535	50,8	1098	49,2	9555	51,6	8477	46,4	10154	5570	53,4	4784	46,6	6205	5542	683
892	54	767	46	9172	55,4	7611	44,6	10371	5901	57	4833	47	6287	5753	514
127	51,4	843	41,6	8131	54,5	7019	45,5	12858	6625	51,5	5973	46,5	7991	7394	600
1369	56,7	881	44,8	9228	51,5	8017	46,4	9032	4728	52,3	4304	47,7	6289	5635	654
1240	51,4	1070	46,6	9177	50,5	8399	49,5	9736	5761	59,2	3474	40,8	8704	6473	2231
1599	51,5	1047	46,7	9120	52,8	8000	47,2	11731	6822	58,1	4911	41,9	6980	5362	618
1578	51,3	1192	47,7	11125	51,1	9114	46,9	12690	6780	54	5640	46	6054	5270	786
1342	55,5	1076	44,5	10041	71,2	9195	28,8	11640	6123	51	5517	47	6621	5877	724
1608	57,6	1342	42,4	10241	57,7	9197	47,3	11285	5804	51,4	5481	48,6	7444	6346	1098
917	55,9	740	44,7	9310	54,8	8492	47,7	11961	6649	51,6	6123	46,4	7881	7211	652
1041	55,8	824	44,1	7815	51	7480	49	14738	7783	53	6955	47	8005	7195	805
823	56,2	640	43,8	6731	52	6273	48	12986	1216	55,6	5770	44,4	6152	5394	358
2047	60,8	1317	59,2	15183	92,2	13959	47,3	16011	1501	49,8	1510	50,1	5897	576	332
24395	54,2	20617	45,8	178121	51	173937	49	300507	160987	53,6	139520	46,4	165827	142193	23229

Ըստ աղյուսակ 12-ի 1883–1916 թթ. Երևանի նահանգում ծնվել է 802.244 երեխա, որից՝ 428.341 (53,4 %) տղա, 373.903 (46,6 %) աղջիկ, 6,8 %-ով պակաս: Աղյուսակի տվյալներից միաժամանակ հետևում է, որ թեև առանձին տարիների նկատվել են ծնելիության որոշակի փոփոխություններ՝ աճել կամ նվազել է, այդուհանդերձ ծնելիության գործակիցը մշտապես գերազանցել է մահացությանը: Այս մասին հետագա շարադրանքում:

Վերոգրյալ տարիներից Երևանի նահանգում տարեկան միջինը ծնվել է 25.070,1 (ար.՝ 13.385,6, իգ.՝ 11.684,5) երեխա: Ընդ որում՝ նահանգի գավառներում տարեկան միջին ցուցանիշը կազմել է 18.462,3 (ար.՝ 9.903,4, իգ.՝ 8.558,9) երեխա, իսկ քաղաքներում՝ 1.912 (ար.՝ 991, իգ.՝ 921) երեխա: Միջանկյալ նշենք, որ ծնվածների ճնշող մեծամասնությունը տղաներ էին: Այս տվյալները ցույց են տալիս, որ նշված տարիներին նահանգի գյուղական բնակչության ծնելիության, հետևաբար և բնական աճի տեմպերն

առաջանցիկ են եղել քաղաքային բնակչության համապատասխան ցուցանիշներից: Այդ է հավաստում նաև ներքոհիշյալ աղյուսակը: Առանձին քաղաքներում և գավառներում ծնվածների թիվը և հարաբերակցությունը 1.000 բնակչի հաշվով¹:

Աղյուսակ 13

Բնակչության	1886 թ.											
	Բնակչությունը			Մահերը			1000 բնակչի հաշվով			Բնակչությունը		
	Ար.	Եր.	Ընդ.	Ար.	Եր.	Ընդ.	Ար.	Եր.	Ընդ.	Ար.	Եր.	Ընդ.
Երևան	7821	6915	14736	760	242	507	34	36	35	7479	6818	14297
Ավան	12191	11839	24230	524	534	1058	43	46	44	13274	12716	25990
Այր. Բարձրևան	3954	3534	7488	138	123	261	35	35	35	4279	3923	8202
Լուիսեան	3753	3186	6939	47	26	73	13	9	11	3520	2971	6491
Սարգիսի	2331	1866	4197	28	19	47	12	11	12	2246	1732	3978
Մոսկով	30252	27342	57594	977	954	1931	33	35	34	30808	28180	58988
Պատկաններ												
Երևանի	5408	4428	9836	1397	918	2315	26	21	24	55399	45559	100918
Ավանի	58283	52718	111501	2760	2724	5484	47	52	50	64151	57752	121903
Երևանի	53295	46796	100591	1820	1490	3310	34	32	33	53499	46787	100286
Այր. Բարձրևան	50630	43493	94123	2102	1885	3987	42	42	42	54058	48996	103154
Սարգիսի	38354	32712	71066	350	190	540	23	21	22	40196	34627	74823
Լուիսեանի	41353	31529	72882	1710	1200	2910	42	38	40	43244	31145	74389
Սարգիսի	33852	27520	61372	306	1259	2115	26	45	35	35346	29285	64629
Մոսկով	331325	281436	612761	11515	10144	21659	35	36	36	346653	324459	701120
Պատկաններ	361627	308728	670355	12512	11095	23607	35	36	36	378861	324459	701120
Բնակչության												
Երևան	7821	6915	14736	162	164	326	21	24	23	7479	6818	14297
Ավան	12191	11839	24230	382	385	767	31	33	32	13274	12716	25990
Այր. Բարձրևան	3954	3534	7488	94	82	176	24	24	24	4279	3923	8202
Լուիսեան	3753	3186	6939	41	35	76	11	11	11	3520	2971	6491
Սարգիսի	2331	1866	4197	51	33	84	13	13	13	2246	1732	3978
Մոսկով	30252	27342	57594	707	689	1396	23	26	25	30808	28180	58988
Պատկաններ												
Երևանի	5408	4428	9836	501	228	729	9.2	5.1	7.4	55399	45559	100918
Ավանի	58283	52718	111501	1286	1213	2509	22	23	22.8	64151	57752	121903
Երևանի	53295	46796	100591	1190	1040	2230	22.1	22.2	22.2	53499	46787	100286
Այր. Բարձրևան	50630	43493	94123	1611	1503	3114	32	33	33	54058	48996	103154
Սարգիսի	38354	32712	71066	450	190	640	12	11	12	40196	34627	74823
Լուիսեանի	41353	31529	72882	740	680	1420	18	22	23	43244	31145	74389
Սարգիսի	33852	27520	61372	582	318	900	18	30	23	35346	29285	64629
Մոսկով	331325	281436	612761	6370	5832	12202	29	29	29	346653	324459	701120
Պատկաններ	361627	308728	670355	2027	1921	3948	29	27	27	378861	324459	701120

¹ Հաշվարկը կատարվել և աղյուսակը կազմվել է ըստ ՕՃԳ չա 1886 չ., Էջևա- թում չումի: KK ռա 1901 չ., Տիփլիս, 1900, էջ 24: ՕՃԳ չա 1891 չ., էջ 29-34: KK ռա 1917 չ., Տիփլիս, 1916, էջ 218-221, 246-247 տվյալների:

1891 թ.						1916 թ.								
Մուտք		1000 բանկի հաշվով				Ընակություն			Մուտք			1000 բանկի հաշվով		
Մը	Իր	Մը	Իր	Մը	Իր	Մը	Իր	Մը	Մը	Իր	Մը	Իր	Մը	Իր
272	250	527	37	16.7	36.9	25548	25738	51286	657	342	299	18	15.1	16
513	520	1073	50.6	40.9	39.7	28074	22968	51867	653	642	1800	2.1	29	25
169	160	329	34.5	40.8	40.1	7801	7268	14748	167	170	517	2.3	24	23
20	50	120	19.8	16.7	18.4	4564	4407	8971	119	97	216	26	22	24
40	25	65	17.8	14.4	16.3	3423	3794	9717	19	6	25	6	4	5
1099	1005	2074	11.7	35.7	35.2	69454	67109	132559	1415	1262	2673	21	20	21
Մուտք						Մուտք								
1869	1897	3416	32.7	35.3	33.8	82680	71651	154331	2638	2159	4837	32	31	32
2517	2479	4596	39.7	42.8	41.2	91011	84195	174206	4783	3778	7575	42	46	44
2672	1661	3733	38.7	35.5	37.2	86716	81070	167786	2971	2651	5622	35	33	34
1798	1561	3361	33.2	31.8	32.6	98184	84727	174111	2864	2363	5247	32	29	31
1482	1248	2730	36.7	36	37	58364	49427	104791	2307	2256	4563	42	46	44
1130	960	2070	26.1	29	29.4	66117	56091	122208	1347	1042	2389	21	19	20
1171	722	1893	15.1	24.7	29	47899	42851	90250	1472	1235	2707	31	29	30
11929	10240	22219	34.6	44.6	34.6	519671	468012	987681	17416	15524	32940	34	34	34
13048	11245	26367	35	35	36	589125	531117	1120242	19821	16786	35613	32	32	32
Մուտք						Մուտք								
245	212	457	31	31	32	25548	25738	51286	722	456	1178	29	18	23
277	265	542	21	21	21	28074	22968	51867	1070	660	1728	37	29	34
62	65	127	15	17	16	7480	7268	14748	108	64	172	15	9	12
122	105	227	35	36	35	4564	4407	8971	125	110	235	28	25	27
65	50	115	29	29	29	3423	3794	9717	22	19	41	7	9	8
771	697	1468	25	25	25	69454	64105	132559	2947	1317	3564	30	21	26
Մուտք						Մուտք								
945	776	1721	17	17	17	82680	71651	154331	1818	1566	3384	22	22	22
1326	1201	2527	23	21	21	91011	84195	174206	4357	4066	8441	48	50	49
1320	1000	2120	25	22	24	86716	81070	167786	2617	2431	5070	31	30	31
1211	898	2109	21	19	21	98184	84727	174111	2768	2156	4424	25	26	26
825	665	1490	21	20	20	55364	49427	104791	2434	2237	4641	44	46	45
683	573	1256	16	18	17	66117	56091	122208	1064	851	1915	16	16	16
419	191	1256	12	7	20	47399	42851	90250	735	627	1362	16	15	15
6729	5304	12033	20	17	18	519671	468012	987681	13465	12380	25855	26	27	27
2581	6001	15801	20	19	20	589125	531117	1120242	18512	13707	29219	27	26	26

Ներքոհիշյալ աղյուսակը հնարավորություն է տալիս համադրության մեջ դիտարկել նահանգի քաղաքներում և գավառներում ծնված երեխաների թվի, սեռային կազմի և տարեկան միջին աճի շուրջ 30 տարիների շարժընթացի խճանկարը: Ըստ աղյուսակի նահանգի քաղաքներում արձանագրվել են նորածինների աճ՝ 1916 թ. ծնվել է 2.673 մարդ 1886 թ.՝ 1.948-ի դիմաց, այսինքն՝ ավելացել է 725-ով կամ 23 %-ով: Միջին տարեկան աճը կազմել է 92,2 մարդ: Աճի տեմպերը զգալի բարձր են եղել Ալեքսանդրապոլում՝ 1886 թ. արձանագրվել է 1.058 ծնունդ, որը կազմել է քաղաքներում ծնված-

ների 54,3 %-ը, 1891 թ.՝ 49,8 %-ը և 1915 թ.՝ 49,5 %-ը: Հինգ քաղաքներում ծնվածների աճի միջին տեմպերը գերազանցել են նաև Նոր Բայազետ և Երևան քաղաքները, իսկ Նախիջևան և Օրդուբադ քաղաքները նկատելիորեն զիջել են: Հատկանշական է, որ նշված հինգ քաղաքներն առանձին-առանձին, բացառությամբ Նախիջևան և Օրդուբադ քաղաքների, 1.000 բնակչի հաշվով ծնվածների թվով գերազանցել են ամբողջ քաղաքների միջին ցուցանիշին: Ընդհանուր գումարով արական սեռի ծնվածների թիվը գերազանցել է իգական սեռին: Միջանկյալ նշենք, որ արական սեռի տեսակարար կշիռը ցածր է եղել Նոր Բայազետ և Ալեքսանդրապոլ քաղաքներում:

Ինչ վերաբերում է գավառներին, ապա ծնունդների թիվը 1886 թ. 21.659-ից ավելացել է 11.281-ով և 1916 թ. հասել է 32.940-ի կամ աճել է 34,2 %-ով: Ծնունդների տարեկան միջին թիվը կազմել է 1.135,8, իսկ ամբողջ նահանգում՝ 1.228,0:

Առանձին գավառներում ծնելիության ցուցանիշներն ըստ նշված տարիների արտահայտվել են հետևյալ թվերով. 1886 թ. ամենաբարձր գործակիցը գրանցվել է Ալեքսանդրապոլի գավառում՝ 5.484 ծնունդ, որը կազմել է գավառներում ծնվածների 25,3 %-ը, որին հաջորդել են Նոր Բայազետի և Նախիջևանի գավառները համապատասխանաբար՝ 18,4 և 13,4 %-ը: Ամենացածր ցուցանիշն ունեցել է Սուրմալուի գավառը՝ 7,1 %:

1891 թ. առաջին հորիզոնականում դարձյալ Ալեքսանդրապոլի գավառն էր 22,5 %-ով, որից՝ հետո Էջմիածնի գավառը՝ 16,8 %, Երևանի գավառը՝ 15,4 % և Նոր Բայազետի գավառը՝ 15,1 %: Պետք է ընդգծել, որ նշված գավառները 1.000 բնակչի հաշվով նույնպես գերազանցել են ամբողջ գավառի միջին ցուցանիշին: Մյուս երեք գավառների գործակիցը ցածր է եղել ինչպես 15 %-ից, այնպես էլ ամբողջ գավառի միջին ցուցանիշից:

Ակնհայտ է, որ ծնելիության ընդհանուր գործակցի վրա ուղղակի էական ազդեցություն են ունեցել՝ մի կողմից ամուսնության թվի աճը¹, մյուս կողմից՝ ամուսնալուծությունների նվազումը²:

Սկզբնաղբյուրների ուսումնասիրությունը ցույց է տալիս, որ Երևանի նահանգում թեև առանձին տարիներին դիտվել են ամուսնության աճի բնորոշ կամ նվազ տեմպեր, բայց ևս այնպես մեծ հաշվով աճի դինամիկան պահպանվել է:

Այսպես, 1864 թ. 1850 թ. համեմատությամբ Երևանի նահանգում ամուսնությունների թիվն ավելի քան կրկնապատկվել է 1924-ից հասել է 4.745-ի (639-ը՝ կամ 13,5 %-ը քաղաքներում, իսկ 4.106-ը կամ 86,5 %-ը գավառներում), այսինքն՝ ավելացել է 2.821-ով կամ 59,4 %-ով: Հավելենք, որ եթե 1850 թ. հազար բնակչի հաշվով ամուսնացողների թիվը կազմում էր 8, ապա 1864 թ.՝ 11³:

Շեղանկաբար տարիներին նահանգում ամուսնության գործակիցը շարունակաբար մեծացել է ի հաշիվ ամուսնացողների թվի ավելացման: Աճի տեմպերի մասին պատկերացում կազմելու համար դիմենք աղյուսակ 12-ի տվյալներին:

Ըստ աղյուսակի տվյալների 33 տարվա կտրվածքով նահանգում գրանցվել է 165.827 ամուսնություն, որից 23.229 կամ 14 %-ը քաղաքներում, իսկ 142.598 կամ 86 %-ը գավառներում, այլ խոսքով՝ նահանգում ամուսնությունների թիվն ավելացել է 43,2 անգամ, այդ թվում՝ քաղաքներում՝ 83,2, իսկ գավառներում՝ 40,1 անգամ:

¹ Թիֆլիսի նահանգում մինչև 15 տարեկան հասցի վրացի տղամարդկանցից ամուսնացել էին 5–8 %-ը, 15–20 տարեկանում՝ 62–65 %-ը, իսկ մինչև 20 տարեկան վրացիների մոտ ամուսնացել էր 6 %, հայերի մոտ՝ 13 %: Տե՛ս *KK* *на 1899 г.*, Тифлис. 1898, էջ 86:

² Ամուսնալուծության ցուցանիշով կանայք գերակշռություն են ունեցել: Օրինակ՝ 1897 թ. այդ հարաբերակցությունն արտահայտվել է հետևյալ թվերով. նահանգում կանայք՝ 0,18, տղամարդիկ՝ 0,12. քաղաքներում համապատասխանաբար՝ 0,27 և 0,05, գավառներում՝ 0,16 և 0,13: Տե՛ս *KK* *на 1906 г.*, էջ 153:

³ Հաշվարկը կատարվել է *Н. Тавакалян, Документы и материалы*, էջ 239, 322–323 տվյալների հիման վրա:

Նշված տարիներին Երևանի նահանգում տարեկան միջինը գրանցվել է 5.182,1 ամուսնություն, այդ թվում 4.456,2 կամ 86 %-ը գավառներում, իսկ 725,9 կամ 14 %-ը քաղաքներում:

Ինչ վերաբերում է առանձին գավառներում և քաղաքներում ամուսնության վիճակագրությանը, ապա այդ ներկայացնում է ստորև բերված աղյուսակը¹:

Աղյուսակ 14

Քաղաքներում	1891	1892	1893	1894	1895	1896	1897	1898	1899	1900	Գումարը
Ալեքսանդրապոլ	201	225	226	193	173	240	277	189	204	191	2119
Նախիջևան	156	85	119	159	160	150	59	116	114	92	1210
Նոր Բայազետ	60	67	85	84	89	97	101	77	83	63	806
Օրդուբադ	52	42	46	85	80	75	45	50	45	16	536
Երևան	141	66	160	169	173	172	183	192	217	172	1645
Գումարը	610	485	636	690	675	734	665	624	663	534	6316
Գավառներում											
Ալեքսանդրապոլի	1070	758	874	1915	738	863	1188	1032	1235	1146	10819

¹ Վերահաշվարկը կատարվել և աղյուսակը կազմվել է ըստ ՕՅԳ չա 1893-ի չ., էջակալում չունի: ՕՅԳ չա 1900-ի չ., էջակալում չունի: ՕՅԳ չա 1899 չ., էջակալում չունի: ՕՅԳ չա 1892 չ., էջակալում չունի: ՕՅԳ չա 1891 չ., էջակալում չունի: ԿԿ իս 1901 չ., էջ 64-67 տվյալների:

Նախիջևանի	692						
Նոր Բայազետի	813						
Սուրմալուի	640						
Շարուր - Դարուսազգախի	381						
Երևանի	637						
Էջմիածնի	841						
Գումարը	5074						
Ընդամենը	5684						
300	824	830	370	798	956	4836	5321
382	832	702	348	1424	906	5468	6104
405	727	585	307	1546	1111	6596	7286
308	812	637	361	759	998	4613	5288
310	836	618	429	546	755	4357	5091
285	902	609	473	452	913	4822	5487
483	1104	574	363	719	1020	5295	5919
475	986	620	452	675	1099	5542	6205
775	1092	607	519	864	750	5753	6287
4415	8928	6422	4003	8420	9349	52356	58672

Աղյուսակից թիում է, որ Երևանի նահանգում 1891-1900 թթ. գրանցվել է 58.672 ամուսնություն, որից 6.316 (10,8 %)՝ քաղաքներում, իսկ 52.356-ը (89,2 %)՝ գավառներում: Այսինքն՝ նշված ժամանակաշրջանում նահանգում ամուսնությունների թիվն ավելացել է 9,3 անգամ կամ 89,3 %-ով: Աղյուսակի տվյալներից նկատելի է, որ քաղաքներից ամուսնության բարձր ցուցանիշ գրանցվել են Ալեքսանդրապոլ և Երևան քաղաքներում համապատասխանաբար՝ 2.119 կամ ընդհանուրի 33,5 %, 1645 կամ 26 %: Գավառներից բարձր ցուցանիշը Ալեքսանդրապոլինն է եղել: 2119 ամուսնություն կամ ընդհանուրի 20,6 %-ը, որին հաջորդել են Էջմիածնի գավառը՝ 9.343 ամուսնություն կամ 17,8 % և Նոր Բայազետի գավառը՝ 8.928

ամուսնություն կամ 17 %: Որպեսզի նահանգի բնակչության ամուսնության պատկերն ամբողջական լինի, հարկ է քննության առնել ամուսնացածների սեռային կազմի հարաբերակցությունը: Այդ մասին պատկերացում կազմելու համար դիմենք վիճակագրությանը: Այսպես, 1891 թ. Երևանի նահանգում ամուսնացածների սեռային կազմն այսպիսի պատկեր է ներկայացնում. նահանգի կտրվածքով յուրաքանչյուր 1.000 տղամարդուց ամուսնացել էր 15,1, 1.000 կանանցից՝ 17,5, իսկ երկու սեռից միասին ամուսնացել էր 8,1-ը: Համեմատության համար նշենք, որ 1890 թ. այն կազմել էր համապատասխանաբար՝ 14,1, 16,4 և 7,6¹:

Աղյուսակի տեսքով ներկայացնենք վիճակագրական տվյալներ 1.000 բնակչի հաշվով ամուսնացածների սեռային կազմի մասին ըստ առանձին քաղաքների և գավառների 1891 թ.²:

Աղյուսակ 15

Քաղաքներ	1000 տղամարդուց	1000 կանանցից	1000 երկու սեռից
Երևան	18,9	20,7	9,9
Ալեքսանդրապոլ	15,1	15,8	7,7
Նոր Բայազետ	14,0	15,3	7,3
Նախիջևան	44,2	52,2	23,9
Օրդուբադ	23,2	30,0	13,1
Բոլոր քաղաքներում	19,3	21,6	10,3
Գավառներ			
Երևանի	11,0	14,0	6,3
Էջմիածնի	15,7	18,0	8,4
Ալեքսանդրապոլի	16,7	18,9	8,5
Նոր Բայազետի	15,0	16,6	7,9
Սուրմալուի	15,0	18,5	8,6
Նախիջևանի	16,0	20,9	9,1

¹ Տե՛ս ՕՅԴ ՅՈՒՆ 1891 շ., էջ 29:

² Տե՛ս նույն տեղում:

Շարուր- Դարալագյազի	10,8	13,0	5,9
Բոլոր գավառներում	14,7	17,1	7,9

Ըստ 15 աղյուսակի տվյալների ինչպես նահանգի կտրվածքով, այնպես էլ քաղաքներում և գավառներում 1.000 բնակչի հաշվով ամուսնացածների կազմում կանանց տեսակարար կշիռը մեծ է եղել. քաղաքներում կազմել է 21,6, գավառներում՝ 17,1 տղամարդկանց համապատասխան՝ 19,3 և 14,7-ի դիմաց: Կանանց տեսակարար կշիռն առանձնապես բարձր է եղել Նախիջևան՝ 52,2 և Օրդուբադ՝ 30,0 քաղաքներում, ամենացածրը՝ Նոր Բայազետ՝ 15,3 և Ալեքսանդրապոլ՝ 15,8 քաղաքներում: Գավառներում ամուսնացածների մեջ կանանց գերակշռությամբ առանձնանում են Նախիջևանի՝ 20,9, Ալեքսանդրապոլի՝ 18,9, Սուրմալուի՝ 18,5 և Էջմիածնի՝ 18,0 գավառները: Սա այն դեպքում, երբ նահանգում տղամարդիկ թվաքանակով մշտապես գերազանցել են կանանց: Այս մասին թեև բազում անգամներ առիթ ենք ունեցել նշելու, այդուհանդերձ, անկարևոր չենք համարում, դիմել նոր ասելիք ունեցող փաստերի օգնությանը: Եվ, այսպես, 1886 թ. Երևանի նահանգում քաղաքային բնակչության շրջանում 100 տղամարդուն ընկել է 90,4 կին, իսկ գյուղական բնակչության մեջ՝ 84,9 կին, ամբողջ նահանգում՝ 85 կին¹: Մեկ տասնամյակ անց՝ 1897 թ. նահանգի գյուղական բնակչության 100 տղամարդուն ընկել է 90,13 կին, քաղաքային բնակչության մեջ՝ 70,2 կին²: Ավելին տղամարդիկ բարձր թվաքանակով կանանց գերակշռել են նաև երիտասարդ տարիքային կազմի առումով: Նույն տարում նահանգի 20–29 տարեկան քաղաքային բնակչության 100 տղամարդուն բաժին է ընկել 37,72 կին, գավա-

¹ Տե՛ս *Сборник статистических сведений по Закавказского краю*, ч. 1, Тифлис, 1902, էջ 18–21; Հ. Սարգսյան, նշվ. աշխ., էջ 120:

² Տե՛ս *КК на 1906 г.*, Тифлис, 1905, էջ 138:

ռային բնակչության մեջ՝ 96,88 կին, նահանգում՝ 84,12 կին, իսկ 30-39 տարիքային խմբին համապատասխանաբար՝ 76,15, 90,82 և 89,13¹:

Այսպիսով, նահանգի բնակչության սեռային կազմում տղամարդիկ գերակշռում էին: Նույնը չի կարելի ասել ամուսնության հետ կապված՝ կանայք գերազանցել են տղամարդկանց: 1897 թ. մարդահամարի տվյալներով նահանգի բնակչության 15-ից մինչև 39 տարեկան տարիքային խմբերում 100 տղամարդու հաշվով ամուսնացած չէր 54,49-ը կանանց՝ 18,2 դիմաց, պակաս 36,3 մարդով կամ 33,4 %-ով:

Այդ անհամամասնությունների մասին, որոնք վերը նշվեցին, հարկ ենք համարում տալ որոշ բացատրություններ: 1) Բնակչության սեռային կազմում տղամարդկանց գերակայությունը, մեր կարծիքով, հայոց մեջ տղա երեխա ունենալու ավանդության շարունակումն էր, 2) Կանանց համեմատությամբ տղամարդկանց ամուսնության ցածր գործակիցը պայմանավորված էր ա) բարձր տարիքում ամուսնանալու սովորույթը, բ) արտագնա աշխատանքի մեկնելու հանգամանքը, գ) բնակում ծառայելը, դ) առանձին օջախ ստեղծելու համար առկա սոցիալ-տնտեսական դժվարությունները:

Որպես բնական երևույթ ծնելիությունն ուղեկցվել է մահացությամբ: Երևանի նահանգում ծնելիության գործակիցը մահացության գործակցի համեմատությամբ զգալիորեն բարձր է եղել և այն շարունակվել է ուսումնասիրվող ժամանակաշրջանի ողջ ընթացքում, թեև առանձին տարիների գործակիցների հարաբերակցությունն աճել կամ կրճատվել է, ամեն դեպքում պահպանվել է ծնելիության դինամիկան, ինչը և հաստատում են վիճակագրական տվյալները:

¹ Տե՛ս նույն տեղում:

Այսպես, 1850 թ. Երևանի նահանգում երկու սեռից ծնվել է 9.415 երեխա, որից մահացել է 6.425-ը կամ 31,7 %-ը, 1864 թ.¹ 15.246 ծնվածների դիմաց մահացությունը կազմել է 14.005, այսինքն՝ պակաս 1.242-ով կամ 8,1 %-ով, 1869 թ.¹ 17.878 ծնվածներից մահացել է 9.672-ը, այլ խոսքով՝ ծնվածների թիվը մահացածներին գերազանցել է 8.006-ով կամ մոտ 46 %-ով, այլ խոսքով՝ բնական աճը կազմել է 8.006 մարդ: 1864 թ. նահանգի քաղաքներում գրանցվել է 1932 ծնունդ և 2111 մահ, այսինքն՝ 179-ով կամ 9,3 %-ով ավել: Նույն տարում նահանգի գավառներում ծնվել է 13.314 երեխա, որից մահացել է 11.894 կամ 10,7 %-ը, բնական աճը կազմել է 1420 երեխա: 1869 թ. նահանգի քաղաքներում ծնունդը 900-ով գերազանցել է մահվան ցուցանիշին և կազմել է համապատասխանաբար՝ 2.559 և 1.659, իսկ գավառներում՝ 15.319 ծննդի դիմաց մահացությունը եղել է 1.659 այսինքն՝ 13.660-ով պակաս¹:

Հետագա ավելի քան 30 տարիների (1883–1916 թթ.) ընթացքում նահանգի բնակչության թվաքանակի շարժընթացը բնական վերարտադրության ճանապարհով դիտարկենք ավելի լայն կտրվածքով՝ աղյուսակ 13-ի տվյալներով: Ըստ այդ տվյալների, նշված տարիներին նահանգում երկու սեռից ծնունդների թիվը եղել է 802.244, մահացության թիվը՝ 501.737, այսինքն՝ բնական աճը կազմել է 300.507 մարդ:

Թվային և տոկոսային արտահայտությամբ ծնունդը ըստ սեռի հետևյալ տեսքն է ունեցել. 428.341 կամ 53,4 % տղա, 373.903 կամ 46,6 % աղջիկ, մահացությունների թիվը՝ 267.354 կամ 53,3 % տղա, 234.383 կամ 46,7 % աղջիկ: Պարզորոշ երևում է, որ ծննդի և մահվան ցուցանիշներով տղաները գերազանցել են աղջիկներին: Մի-

¹ Հւշվարկը կատարվել է Н. Гавкалянн, *Документы и материалы*, էջ 239, 243, 322–323, 477 տվյալների հիման վրա:

ջանկյալ նշենք, որ նորածինների և ընդհանրապես բնակչության մահացության բարձր ցուցանիշը բացատրվում է մարդկանց անբավարար կենսապայմաններով, կրթվածությամբ, առողջապահական համակարգի թույլ զարգացվածությամբ և հաճախակի կրկնվող տարափոխիկ համաճարակային հիվանդություններով (մալարիա, քութեշ, ծախկախտ, ասիական խոլերա, բժավոր տիֆ, ջրծաղիկ և այլն)¹, որոնք խլում էին հազարավոր մարդկային կյանքեր²:

Համապատասխան տվյալների վերլուծությունը ցույց է տալիս, որ 1883–1916 թթ. Երևանի նահանգի բնակչության թվաքանակի աճի մեջ բնական վերարտադրության տեսակարար կշիռը կազմել է 44 % նախորդ տարիների (1850–1870-ական թթ. երկրորդ կես) 56 %-ի դիմաց, այլ խոսքով՝ նահանգը բնութագրվում է բնակչության սեփական վերարտադրության բացասական մնացորդով:

Ինչպես ասվել է, 1870-ական թվականների երկրորդ կեսից սկսած նահանգի բնակչության թվաքանակի աճի տեսակարար կշիռում բնական վերարտադրությունն իր տեղը զիջել է մեխանիկական տեղաշարժերին, արևմտահայ և մասամբ պարսկահայ փախստականների ներգաղթով, ինչպես և Ռուսաստանից և հարևան նահանգներից հայ և այլազգի բնակչության կամավոր ու հարկադիր ներհոսքով:

¹ «Շատ մանուկներ,- գրում է «Մշակը», - զոհ են գնում ոչ թե դիֆտերիտին, այլ իրենց ծնողների տգիտութեան: Երբ մի ընտանիքում մի երեխայ հիւանդանում է, ծնողները երբեք չեն մտածում առանձնացնել հիւանդին, կամ արգելել երեխաներին հիւանդի սենեակը մտնելու, այսպիսով հիւանդ, թե առողջ բնակվելով մի սենյակում ամբողջ ընտանիքը վարակվում է»: Տե՛ս Մշակ, 12 դեկտեմբերի, 1887:

² Հիվանդությունների կանխարգելման և դրանց դեմ պայքարելու միջոցները և հնարավորությունները չափազանց սուղ էին և անբավարար: Այդ մասին պատկերացում կազմելու համար բավական է մեջբերել 1912 թ. օրինակը: Երևանի նահանգում ընդհանուր հաշվով լեղել է 23 հիվանդանոց, այդ թվում՝ 7-ը քաղաքներում, 16-ը գավառներում: Բժշկական անձնակազմը բաղկացած էր 44 բժշկից (ար.՝ 40, իգ.՝ 4), 71 բուժակից, 36 մանկաբարձից և տառմերից, 8 ատամնաբույժից և 26 դեղագործից, ընդհանուր գումարով 185 բուժաշխատող: Տե՛ս ՕՅԳ ՅԵ 1913 շ., էջ 21–22:

Արխիվային փաստաթղթերը, մամուլի նյութերը և ժամանակակիցների հուշագրությունները հավաստում են, որ արևմտահայության ներգաղթը հատկապես լայն թափ է ստացել 1877–1878 թթ. ռուս-թուրքական պատերազմի ընթացքում և նրա ավարտից անմիջապես հետո, երբ Բեռլինի դաշնագրով Ռուսաստանը պարտադրված էր գրաված տարածքները հետ վերադարձնել Թուրքիային: Այդ դաշնագիրն արևմտահայությանը դրեց ավելի ծանր ու մղձավանջային դրության մեջ:

Հայկական տարածքներից ռուսական զորքերի դուրս գալուց հետո, հայությանը սպառնացող վտանգը էլ ավելի մեծացավ: Տեղին է մեջբերել Լլոյդ Ջորջի մի խոստովանությունը, որ «Ռուսներն ստիպված էին հեռանալ, դժբախտ հայերը նորից ճգնվեցին իրենց հին կեղեքողների կրունկների տակ»¹:

Բեռլինի պայմանագրի գնահատման խնդրին, Հայկական հարցի տեսակետից, բնականաբար, անդրադարձել են ժամանակի հայտնի քաղաքական և դիվանագիտական գործիչներ: Թուրքիայում Անգլիայի դեսպան Հ. Լեյարդի կարծիքով Բեռլինի դաշնագիրը նպաստեց Արևմտյան Հայաստանը հայաթափ անելու թուրքական քաղաքականության իրագործմանը, ինչը բավական է ապացուցելու այդ պայմանագրի հակահայկական էությունը: 1878 թ. սեպտեմբերի 16-ին Մեծ Բրիտանիայի արտօրոժնախարար Սոլսբերիին ուղարկած հաղորդագրությունում Լեյարդը գրում էր. «Հայերը հակված են հավատալու, որ զրկվելով Ռուսաստանի անմիջական պաշտպանությունից, կարող են ենթարկվել մահմեդականների վատ վերսբերմունքին ու բռնություններին, և, որ միակ միջոցը՝

¹ Ллойд Джордж, *Правда о мирных договорах*, т. 2, М., 1957, с. 390:

ծեռք բերելու իրենց ունեցվածքի ու կյանքի անվտանգությունը՝ Ռուսաստանի տարածքներն անցնելն է...»¹:

Հատկանշական է, որ Ռուսաստանն իր հերթին խրախուսում էր արևմտահայության ա:րտագաղթը: Գ. Գալոյանը անհերքելի փաստերով ապացուցում է, որ «Ջրկվելով Սան Ստեֆանոյի պայմանագրի 16-րդ հոդվածով վերապահված իրավունքներից, Ռուսաստանն իր հերթին քայլ է կատարում՝ չկորցնելու իր ազդեցությունն արևմտահայության վրա: Այդ նպատակով նա սկսեց խրախուսել ներգաղթը ռուսական տարածքները»²:

Մի կողմից Թուրքիայի շահախնդրությունը Արևմտյան Հայաստանը հայաթափելու և Ռուսաստանի տարածաշրջանային նկրտումները, մյուս կողմից էլ արևմտահայերի նկատմամբ գործադրվող բռնությունները, որոնք սպառնում էին նրա ֆիզիկական գոյությանը, պատճառ դարձան նոր զանգվածային արտագաղթի: Հազարավոր հայ ընտանիքներ ցանկություն են հայտնում անցնել ռուսական կայսրության սահմանները: Միայն այն փաստը, որ Կոստանդնուպոլսի ռուսական դեսպանի տվյալներով Ալաշկերտի և Բայազետի գավառներից գաղթել ցանկացողների թիվը հասնում էր մոտ 1.000 ընտանիքի³, բավական է համոզվել, որ արտագաղթելու ցանկություն ունեցողների թիվը չափազանց մեծ էր: Ալաշկերտից, Բայազետից և Արևմտյան Հայաստանի այլ բնակավայրերից հազարավոր հայ ընտանիքներ ետ քաշվող ռուսական զորքի հետ բռնում են գաղթի ճանապարհը: Ներգաղթող քարավանների մեջ քիչ չէին նաև քրդեր, եզդիներ, ասորիներ, հույներ և ազգային փոքրամասնությունների այլ ներկայացուցիչներ: Այսպես, 1877 թ. սեպտեմբե-

¹ Գ. Գալոյան, *Հայաստանը մեծ տկրությունների աշխարհակալական առճակատումներում (XVI դարից 1917 թ.)*, Երևան, 2004, էջ 305:

² Նույն տեղում, էջ 304:

³ Տե՛ս Մշակ, 28 օգոստոսի, 1878:

րին Արևմտյան Հայաստանի տարբեր բնակավայրերից հայկական և ռուսական զորաջոկատների հետ Երևանինահանգ են տեղափոխվել շուրջ 432 հայ և եզդի ընտանիքներ: Նրանցից 22 հայ ընտանիք և (183 հոգի) և 22 եզդի ընտանիք (210 հոգի) հաստատվել են Սուրմալուի գավառում, 71 հայ ընտանիք (545 հոգի) և 13 եզդի ընտանիք (101 հոգի) բնակվել են Էջմիածնի գավառում, 132 հայ ընտանիք (1.020 հոգի) և 12 եզդի ընտանիք (100 շունչ) տեղավորվել են Նոր Բայազետի գավառում, 83 հայ ընտանիք (540 մարդ)՝ Երևանի գավառում, իսկ 5 հայ ընտանիք (34 շունչ)՝ Երևան քաղաքում, 46 հայ ընտանիք (417 մարդ) և 19 ընտանիք եզդի՝ Ալեքսանդրապոլի գավառում¹:

Դրան հետևեցին գաղթականների նորանոր խմբեր: 1877 թ. հոկտեմբերի 15-ին Հին Բայազետից Ալեքսանդրապոլի գավառ են ներգաղթել ևս 116 (ար.՝ 228, իգ.՝ 248) քուրդ-եզդիներ:

Այսպիսով, վիճակագրական տվյալների համադրությունը ցույց է տալիս, որ 1877 թ. աշնանը Արևմտյան Հայաստանից Երևանի նահանգ են անցել մոտ 2.300 հայ, եզդի, քուրդ², հույն և այլ ազգի ընտանիքներ, ընդհանուր թվով ավելի քան 8.200 մարդ: ..

Հատկանշական է, որ Բայազետից, Ալաշկերտից և Նրանց լիվաներից վավերագրերից մեկի հավաստմամբ՝ 1877 թ. վերջին այստեղ եկածների թիվը կազմում էր 2.476 մարդ, որից 40 ընտանիք (170 մարդ՝ 92 արական և 78 իգական) հաստատվեց Նոր Բայազետ քաղաքում, իսկ 2.306-ը՝ գավառի գյուղերում³:

Ցավով պետք է արձանագրել, որ Երևանի նահանգում շարունակվում էր ստվարանալ արևմտահայ փախստականների շարքե-

¹ Հաշվարկը կատարվել է ՀԱԱ, ֆ. 94, ց. 1, գ. 207, թթ. 67-68, 75, 607-608, 631-654 տվյալների հիման վրա:

² 1877 թ. հունվարի դրությամբ Երևանի նահանգում հաշվվում էր 2.989 քուրդ ընտանիք: Տե՛ս ՀԱԱ, ֆ. 94, ց. 1, գ. 207, թ. 255:

³ Տե՛ս նույն տեղում, ֆ. 276, ց. 1, գ. 21, թթ. 173-187:

րը, ինչի մասին վկայում են պաշտոնական վիճակագրական տվյալները: Այսպես, 1878 թ. հունվարի դրությամբ Էջմիածնի գավառում հանգրվան գտած արևմտահայ փախստականների թիվը կազմում էր 571 շունչ¹, Երևանի/գավառում այդ թիվը հասնում էր 582-ի (ար.՝ 294, իգ.՝ 288)²: Նույն տարում Արևմտյան Հայաստանից և Օսմանյան կայսրության զանազան շրջաններից Երևանի նահանգ են անցնում 217 փախստական (178 հայ և 39 եզդի) ընտանիքներ, որից 150 հայ ընտանիքներ հաստատվում են Ալեքսանդրապոլի գավառում, իսկ 272 հայ և եզդի ընտանիքներ հանգրվանում են Սուրմալուի գավառում³:

Ըստ պաշտոնական վիճակագրության 1878 թ. մայիսի 24-ի կտրվածքով Արևմտյան Հայաստանից և Թուրքիայի հայաբնակ շրջաններից Երևանի նահանգ են գաղթել 7.063 փախստականներ, որոնք բնակություն են հաստատել Էջմիածնի գավառում՝ 2.563 հոգի, Սուրմալուի գավառում՝ 595, Նոր Բայազետի գավառում՝ 2.476, Երևանի գավառում՝ 1.126, Ալեքսանդրապոլի գավառում՝ 263 և Երևան քաղաքում՝ 40 հոգի⁴:

Հաջորդ տարում՝ 1879 թ. Արևմտյան Հայաստանից և Թուրքիայի զանազան վայրերից ևս 534 փախստական ընտանիք (4.225 շունչ) հաստատվեց Երևանի նահանգում, այդ թվում՝ 54 ընտանիքը (369 շունչ)՝ Սուրմալուի գավառում, 136 ընտանիքը (1.042 շունչ)՝ Նոր Բայազետի գավառում, 136 ընտանիքը (1.173 շունչ)՝ Ալեքսանդրապոլի գավառի Շորագյալի տեղամասում, 55 ընտանիքը (350 շունչ)՝ Երևանի գավառում, իսկ 5 ընտանիքը (34 շունչ)՝

¹ Հաշվարկը կատարվել է ըստ ՀԱԱ. ֆ. 94, ց. 1, գ. 207, թթ. 417-441, 607-608 տվյալների:

² Հաշվարկը կատարվել է նույն տեղում. էջ 607-669 տվյալների հիման վրա:

³ Նույն տեղում, թթ. 67-68, 75:

⁴ Տե՛ս նույն տեղում, գ. 208, ց. 1, առաջին մաս, թ. 174:

Երևան քաղաքում¹: Եվս 62 քուրդ և եզդի ընտանիքներ համայնեցին Ալեքսանդրապոլի գավառի բնակչության շարքերը²:

Արևմտյան Հայաստանից, ավելի նվազ չափով Պարսկաստանից փախստականների հոսքը դեպի Երևանի նահանգ չի ընդհատվել և հաջորդ՝ 1880–1884 թթ. և 1886–1888 թթ. տարիներին:

Կամերալ ցուցակագրության տվյալներով 1880 թ. մարտի 15-ի դրությամբ Նոր Բայազետ գավառի 15՝ Դոմաշեն, Քաղսի, Օրդակլու, Ալափարս, Նորադուս, Երանոս, Ջազալու, Վերին և Ներքին Ադիաման և այլն գյուղերի մշտական բնակիչներ դարձան շուրջ 960 արևմտահայ փախստականներ³: Նույն տարվա ապրիլի 1-ի հաշվառմամբ Սուրմալուի գավառում վերաբնակություն հաստատած հայ և եզդի փախստականների թիվը կազմել է 760 շունչ⁴: 1890-ական թվականների վերջերին արևմտահայ փախստականների հոսքը դեպի Երևանի նահանգ մեծ ծավալներ ստացավ հատկապես, 1890-ական թվականների վերջերին կապված Թուրքիայում 1894–1896 թթ. հայերի զանգվածային կոտորածների հետ:

Բնավական է նշել, որ 1896–1897 թթ. Արևմտյան Հայաստանից դեպի Արևելյան Հայաստան և Անդրկովկասի սահմաններ վերաբնակվել են 50-ից 60 հազար հայեր⁵:

Արևմտահայության ներգաղթը, թեև նվազ տեմպերով, շարունակվել է նաև հետագա տարիներին: «Եթե,- գրում է Վ. Խոջաբեկյանը,- նկատի առնենք, որ 1873–1913 թթ. Երևանի նահանգում բնակչության 1000 շնչի հաշվով բնական աճը կազմել է 13–14 մարդ, առաջ կստացվի, որ այդ 40 տարիների ընթացքում Արևմտյան Հայաստանից Երևանի նահանգ է ներգաղթել և մշտա-

¹ Տե՛ս նույն տեղում, գ. 207, թթ. 232, 235:

² Տե՛ս նույն տեղում թթ. 54–55, 64:

³ Հաշվարկը կատարվել է ըստ ՀԱԱ. ֆ. 94, ց. 1, գ. 207, թթ. 335–349 տվյալների:

⁴ Հաշվարկը կատարվել է նույն աղբյուրի էջ 351–357 տվյալների հիման վրա:

⁵ Տե՛ս Ս. Надеждин, *Кавказский край, природа и люди*. Тула, 1901, էջ 155:

կան բնակություն հաստատել մոտավորապես 310 հազար մարդ: Նշանակում է Երևանի նահանգում տարեկան բնակություն է հաստատել միջինը 7–8 հազար ներգաղթող¹:

20-րդ դարի երկրորդ տասնամյակը համաշխարհային պատմության մեջ թողեց մի շարք իրողություններ, որոնց եղելությունը միջազգային հանրության համար չսփազանց ծանր ու վտանգավոր հետևանքներ ունեցավ: 1914–1918 թթ. տեղի ունեցավ Առաջին համաշխարհային պատերազմը, 1917 թ. Ռուսաստանն անցավ փետրվարյան հեղափոխության և հոկտեմբերյան հեղաշրջման փոթորիկների միջով:

Նշված տարիներին հայ ժողովուրդն ապրեց իր նախընթաց պատմության ամենաողբերգական էջերից մեկը:

Օսմանյան կայսրության ղեկին կանգնած երիտթուրքերը, օգտվելով պատերազմի հետևանքով միջազգային ասպարեզում ստեղծված քաոսային իրավիճակից, անցան վաղօրոք մշակած իրենց հրեշավոր ծրագրերի իրականացմանը, այն է՝ իսպառ ոչնչացնել արևմտահայությանը և տեր դառնալ նրա պատմական հայրենիքին, յուրացնել նրա նյութական ու մշակութային արժեքները, թալանել նրա ինչքն ու ունեցվածքը:

Ոչ ամբողջական տվյալներով, Օսմանյան կայսրության մեջ բնակվող 2,5 մլն. հայերից ցեղասպանությանը զոհ գնաց շուրջ 1,5 մլն. մարդ, իսկ այդ եղեռնագործությունից հրաշքով փրկված մոտ 800 հազար հայ էլ բռնեց գաղթի ճանապարհը և սփռվեց աշխարհով մեկ՝ իբրև ցեղասպանությունից մազապուրծ բեկորներ: «1915 թ. ծայր առած Մեծ եղեռնի հետևանքով աշխարհով մեկ ցրված հայությունը, այսպիսով՝ ոչ միայն կյանք տվեց նոր գաղթօջախների, գրում է Սփյուռքի պատմության ճանաչված մասնագետ Կ. Դալլաք-

¹ Վ. Խոջաբեկյան, նշվ. աշխ., էջ 57:

յանը,- այլև նոր ազգային ավյուն հաղորդեց արդեն մարող հին ածուներին»¹: Բնավեր եղած 800 հազար հայերը 250 հազար² (այլ աղբյուրներում 300 հազար)³ ապաստանեց Ռուսաստանում ու Լինդրկովկասում: Անդրկովկասի երկրամասում հայտնված արևմտահայ և պարսկահայ փախստականների գերակշիռ մասը տեղավորվեց Արևելյան Հայաստանում, մասնավորապես Երևանի նահանգում՝ շուրջ 58 %-ը:

Արևմտահայ փախստականներն առաջին անգամ Կովկասի սահմաններում երևացին 1914 թ. հոկտեմբերին, երբ ռուս-թուրքական պատերազմի արդյունքում դեպի Բագրևանդի և Բասենի գավառներ առաջացած ռուսական զորքերը կրեցին առաջին ժամանակավոր անհաջողությունները⁴: Արևմտահայերի սովար զանգվածներով փախուստը դեպի Ռուսահայաստան և այլուր սկսվեց 1914 թ. դեկտեմբերից:

Տարբեր աղբյուրներ փաստում են, որ 1914 թ. դեկտեմբերի վերջերից սկսած Արևմտյան Հայաստանի զանազան շրջաններից մազապուրծ եղած հայերի առաջին քարավաններից հարյուրավոր ընտանիքներ կանգ են առել նաև Նոր Բայազետի գավառի բազմաթիվ բնակավայրերում: «Հորիզոն» թերթի հրապարակումից տեղեկանում ենք, որ «Դեկտեմբերի 22-ին հեռագրով (թեմակալ առաջնորդի կողմից – Հ.Հ.) հայտնվեց, որ Ալաշկերտի գաղթականներից մոտ 500 ընտանիք ուղարկվելու են Նոր Բայազետի շրջանը: Անմիջապես քաղաքային տանը տեղի ունեցավ բազմամարդ (հիմնական մասը արհեստավորներ և երկրագործներ) խորհրդակցություն, որը ընտրեց հանձնաժողով՝ զբաղվելու գաղթականներին ընդունելու և

¹ Կ. Դալլաքյան, *Հայոց սփյուռքի պատմություն*, Երևան, 2004, էջ 10:

² Տե՛ս Հայ ժողովրդի պատմություն, հ. VI, Երևան, 1981, էջ 575:

³ Տե՛ս Է. Դանիելյան, *Եղևնից փրկված հայ փախստականների Անդրկովկասում 1914-1922 թթ.* (ատենախոսություն), Երևան, 1996, էջ 43-44:

⁴ Տե՛ս ՀԱԱ, ֆ. 239, ց. 1, գ. 3, թթ. 30-31:

տեղավորելու խնդիրներով»: Այնուհետև նշվում է, որ հանձնաժողովի ներկայացուցիչ Ստեփան Բատիկյանն ուղևորվեց Երևան՝ կազմակերպելու գաղթականների տեղափոխելու գործը Նոր Բայազետի գավառ¹: «Մշակ» թերթի այս գավառի մշտական թղթակից Գ. Սինանյանը այդ մասին հետևյալ մանրամասներն է պատմում. «Թուրքաց փախստական գաղթականների հոսքը հասավ նաև մեր քաղաքը (Նոր Բայազետ – Հ.Հ.): Այդ առիթով Կովկասի հայոց բարեգործական ընկերության² տեղիս ճյուղի³ նախաձեռնությամբ դումայում ժողով գումարվեց: Հավաքվել էր մեծ բազմություն, որը թեմակալ առաջնորդի հեռագիրը լսելով՝ միաձայն ընդունեց գաղթականների ընդունելությունը մեզանում: Որոշվեց ընդունել 500 ընտանիք, բայց ինչպես երևում է, ուղարկելու են ավելի շատ թվով ընտանիքներ»: Հարկ համարվեց, - նշում է հողվածագիրը, - գաղթականների մի մեծ թափին տեղավորել գավառի Դարաչիչագի շրջանի գյուղերում, ուր անցյալ տարի (1914 թ.) հացի բերքը ավելի առատ է եղել, քան գավառի մյուս մասերում, ուր գաղթականների ծանրությունը ընկնելով ազատ ժողովրդի վրա՝ կարող է ազդել և հացի գներին և թանկություն առաջացնել⁴: Այդ ժողովում ներկա գտնվողներ-

¹ Տե՛ս Մշակ, 6 հունվարի, 1915:

² Այսուհետև՝ ԿՀԲԸ:

³ 1889 թ. Նոր Բայազետ քաղաքում միտք է հղանում տեղում բացել Կովկասի հայոց բարեգործական ընկերության մասնաճյուղ՝ օգնելու կարիքավոր և ընչազուրկ ընտանիքներին, ինչպես նաև բազմաթիվ աղքատ և ծնողազուրկ երեխաներին տարրական կրթություն տալու համար: 1889 թ. մայիսի 1-ին հիշյալ ընկերությունից ստացվում է թույլտվություն ընկերության տեղական մասնաճյուղ բացելու վերաբերյալ: Նույն տարվա հունիսի 5-ին մասնաճյուղը բացվում է: Այդ օրը գավառի գործակալ Եղիազար քահանա Տեր-Միքայելյանի նախաձեռնությամբ Ստ. Բատիկյանի գրադարանում կայացած ժողովը փակ քվեարկությամբ վարչության անդամներ ընտրեց Ստեփան Բատիկյանին, Երվանդ Ատոմյանին, Գևորգ Արծրունուն, Արշակ Մամիկոնյանին և Ավետիս Թունազյանին: Տե՛ս Հ. Հարությունյան, նշվ. աշխ., էջ 142: Հավելելք, որ 1914 թ. ԿՀԲԸ-ն ուներ 66 մասնաճյուղ: Տե՛ս Հորիզոն, 17 ապրիլի, 1914:

⁴ Տե՛ս Մշակ, 22 հունվարի 1915:

րը միահամուռ քվեարկեցին փախստականներին ընդունելու օգտին:

Գ. Սինանյանը տեղեկացնում է փախստականների հետ կապված այլ մանրամասների մասին ևս: «Այժմ արդեն գաղթականների հոսանքը մտել է մեր գավառը, ուր հյուսիսային մասի առաջին հայ գյուղերից սկսած (Արզաքանդ, Ալափարս, Բջնի և այլն) տեղավորվելով պետք է անցնեն մինչև գավառի հարավային ծայրը՝ Բասարգեչար և ապաստանեն 57 հայ գյուղերում»¹:

Տեղասպանության հետևանքով սկիզբ առած հայ փախստական զանգվածների շարժընթացը դեպի Արևելյան Հայաստան շարունակվում էր: 1915 թ. հունվարի սկզբներին թուրքական և քրդական վայրագությունների հետևանքով ավելի քան 60 հազար հայեր (2/3-ը արևմահայեր, իսկ 1/3-ը սպարսկահայեր)² լքեցին իրենց բնակավայրերը և պատսպարվեցին Կարսի, Ալեքսանդրապոլի և Նախիջևանի շրջաններում:

Այդ ընթացքում ասորի գաղթականների մի խումբ (20 հազար շունչ) Ուրմիայից և Նալմաստից տեղափոխվեց Երևանի նահանգ³: Այս կապակցությամբ հարկ ենք համարում նշել, որ ստեղծված ծանր պայմաններում անգամ, Հայաստանում աչքաթող չէին անում նաև այլազգի գաղթականների հետ կապված բոլոր խնդիրները և կանխորոշում հետագա անելիքները: Մեկ օրինակն էլ բավական է դրանում, համոզվելու համար: 1915 թ. հունվարի 9-ին Մայր Աթոռ

¹ Նույն տեղում:

² Կոտորածների առաջին զոհերը 1914 թ. վերջերից դառնում են սպարսկահայերը՝ կապված Ատրպատականի շրջաններ թուրքական զորքերի ներխուժման հետ: 1915 թ. հունվարի սկզբների դրությամբ (գաղթը սկսվել է դեկտեմբերի 15-ին և վերջացել է հունվարի 11-ին) Թավրիզից, Մարաղայից, Ուրմիայից, Նալմաստից և Խոյից գաղթել են մոտ 15 հազար հայեր, որոնք հիմնականում տեղավորվել են Նախիջևանի, Շարուրի շրջաններում և Դարալագյազի գյուղերում: Տե՛ս Հորիզոն, 28 հունվարի 1915:

³ Նույն տեղում:

Ար. Էջմիածնի դիվանապետ Բագրատ եպիսկոպոսը Էջմիածնից հեռագրում է Թիֆլիս՝ Պետական դումայի պատգամավոր, փախստականների ճակատագրով մտահոգ և նախանձախնդիր Միքայել Պապաջանյանին՝ և նրան տեղեկացնում, որ Վեհափառ կաթողիկոսը հեռագրով դիմել է Կովկասի փոխարքային, որ կար-

¹ Մ. Պապաջանյանը մտահոգ էր բնաջնջումից հրաշքով փրկված և Արևելյան Հայաստանում, Անդրկովկասում և այլուր պառտապարված տասնյակ հազարավոր իր տարաբախտ հայրենակիցների անասանելի ճակատագրով: Նա բազմաթիվ անգամներ մեկնել է փախստականաբնակ վայրերը ծանոթանալու տեղահան եղած, աս ու սարսափի մեջ ընկած բնակչության դրության հետ և նրանց անհրաժեշտ օգնություն կազմակերպելու նպատակով: Այս մասին ուշագրավ բազմաթիվ տեղեկություններ են սփռված ժամանակի մամուլի հրատարակումներում: Ահավասիկ, մեկը՝ դրանցից, որ տպագրել է «Մշակ» թերթը իր 1915 թ. դեկտեմբերի 17-ի համարում: Նկատի ունենալով, որ հողվածը փախստականների հիմնահացին վերաբերող ուշագրավ և հավաստի տեղեկություններ է հաղորդում, ուստի կարևոր են համարում այն մեջբերել ամբողջությամբ, առանց խմբագրական միջամտության: Այսպես, Թիֆլիս վերադարձավ Պապաջանյանը, որ հաղորդեց մեզ հետևյալ տեղեկությունները: Նա զնացել էր Կարս, Սարիղամիշ, Միջինկերս և Կարաուրգան: (Գնացել էր 1914 թ. դեկտեմբերի 4-ին, վերադարձել՝ 1915 թ. հունվարի 8-ին: Տե՛ս Մշակ, 30 դեկտեմբերի 1914, 9 հունվարի 1915): Նրա նպատակն է եղել ծանոթանալ գաղթականների խնդրի հետ: Դեկտեմբերի 11-12-ի գիշերը նա, իրենից անկախ պատճառներով, ստիպված է եղել վերադառնալ Կարաուրգանից և Սարիղամիշից, իսկ այդտեղից նա մեկնել է Կարս, կոիվը սկսվելուց մի քանի ժամ հետո, դեկտեմբերի 12-ին: Գաղթականների խնամատար արության համար Սարիղամիշում կազմակերպվել էր մի ստանձին մարմին, բայց այժմ պետք է թողնել ու մտածել նրանց օգնելու նոր ձևի մասին միայլ տեղ: Բացի արդեն եղած գաղթականներից, որոնց թիվը հասնում էր 90-100 հազարի, սկսվել է գաղթականների նոր հոսանք Օլթիի և Սարիղամիշի շրջաններից: Հայ գաղթականներից բացի դեպի Կարս են գնում և ռուս գյուղացիները (ադանդավորներ) Սեյիմ գյուղից, և հույներ՝ Սարիղամիշից և Օլթիի շրջաններից:

Անհրաժեշտ է տեղում կազմակերպել օգնության գործը: Ամենից նպատակահարմար է հանձնել գործը Ալեքսանդրապոլի կոմիտեին, որ բազմանդամ է, և որի մեջ մտնում են տեղական գրեթե բոլոր հասարակական գործիչները: Ինչպես երևում է, գաղթականների հոսքը մեծ է լինելու և նրանց թիվը ոչ միայն կրկնապատկվելու, այլև եռապատկվելու է:

Անհրաժեշտ է, - ասաց Պապաջանյանը, - հասարակական ուժերի սաստիկ լարում: Հավանական է, որ, երբ որոշվի մեր ռազմագիտական դիրքը, այն ժամանակ կարելի կլինի գաղթականների մի մասը ուղարկել՝ աշխատելու ճանապարհների վրա: Նա դիմումներ է արել այդ ուղղությամբ Բարքի բյուրոյի ներկայացուցչի հետ, ուր հարկն է, այն է՝ զինվորական իշխանություններին և դրական պատասխան է ստացել, որ աշխատանքներ կտարվեն: Հավանորեն շուտով կսկսվի գործը: Գաղթականներին պետք է դասավորել Ալեքսանդրապոլի շրջանում և ավելի հեռու»: Տե՛ս Մշակ, 17 դեկտեմբերի 1914:

գաղութային լինի՝ տեղավորել Պարսկաստանից եկած փախստականներին, Երևանի նահանգի այլ քրիստոնյա գյուղերում: Եվ ապա ավելացնում է՝ նկատի ունենալով, որ հայ գյուղերը արդեն լցված են հայ փախստականներով, որ ծմեռվա պատճառով հաղորդակցություն չկա լեռնային գյուղերի հետ և դաշտային հայ գյուղերն անկարող են պահպանել միաժամանակ, թե՛ հայ և, թե՛ ասորի փախստականներին, ուստի Երևանի նահանգում 17 գյուղեր կան, որոնք կարող են պատսպարել ասորի փախստականների մեծ մասին, որոնց թիվը մոտ 20 հազար է¹:

Ուսումնասիրությունը² ցույց է տվել, որ պաշտոնական ոչ լրիվ տվյալներով 1915 թ. հունվարի դրությամբ Երևանի, Շարուր-Դարալագյազի, Էջմիածնի, Սուրմալուի, Նախիջևանի, Նոր Բայազետի և Ալեքսանդրապոլի գավառներում փախստական հայերի (հիմնականում ալաշկերտցիներ, հին բայազետցիներ, վանեցիներ, մշեցիներ և այլն) ընդհանուր թիվը կազմում էր 30 հազար 800 մարդ³:

Երևանի նահանգում 1915 թ. մարտին կատարված միօրյա ցուցակագրության համաձայն այս նահանգում, բացի Ալեքսանդրապոլի գավառից, հայ փախստականների թիվը եղել է 24.665, որից

¹ Տե՛ս Մշակ, 11 հունվարի 1915:

² Երևանի Եղբայրական օգնության կոմիտեի վիճակագրական հանձնաժողովը ստանալով նույն կոմիտեի և Համառուսական զեմստոլոյական միության ներկայացուցչի հանձնարարությունները, անցյալ հունվար ամսի սկզբից ձեռնարկեց վիճակագրել Արևմտյան Հայաստանից և Պարսկաստանից եկած փախստականներին, ինչպես և ռուսահայատակ փախստականներին: Վիճակագրությունը ստեղծվեց հունվարի 30-ին բոլոր տեղերում միաժամանակ: Վիճակագրությունը ընդգրկեց այն բոլոր շրջանները, ուրտեղ ապաստան էին գտել ոչ միայն Պարսկաստանից և Արևմտյան Հայաստանից եկած գաղթականները, այլև թուրքական զորքի առաջխաղացման պատճառով ռուսահայատակ փախստականները: Այսպիսով վիճակագրության ենթարկվեցին Երևանի նահանգի յոթ և Կարսի շրջանի չորս գավառները, ինչպես և Թիֆլիսի նահանգի մեկ գավառը՝ Ախալքալաքը: Երևանի նահանգի և գավառների վիճակագրությունը կատարվեց ներկայի հանձնաժողովի 6 անդամների անմիջական հսկողությամբ, աշխատակցությամբ երիտասարդ ուժերի ու մասնավորապես ուսուցիչների: Տե՛ս Հորիզոն, 7 մարտի 1915:

³ Տե՛ս Մշակ, 31 հունվարի 1915:

3.065 շունչը գնացել են զանազան տեղերը, իսկ մնացած 21.600 շունչը ապաստանել են Երևան քաղաքում՝ 1.258 հոգի, Երևանի գավառում՝ 3.344, Էջմիածնի գավառում՝ 6.920, Նախիջևանի գավառում՝ 5.292, Սուրմալուի գավառում՝ 2.974, Շարուր-Դարալագյազի գավառում՝ 993 և Նոր Բայազետի գավառում՝ 820 հոգի, իսկ Ալեքսանդրապոլի գավառում, չհաշված Ղարաքիլիսայինը՝ 6.500, այսինքն՝ ընդհանուր թվով 31166 մարդ:

Նոր Բայազետի գավառում վերը նշված 820-ից բացի, այլ աղքատիւներում նշվում են նաև 1.000, 1.200 և 1.400 մարդ²: Վիճակագրական տվյալների այս անհամապատասխանությունը թերևս կապված է այդ ժամանակներում ոչ միասնական ու թերի անցկացված վիճակագրության հետ: Մեր կարծիքով ճիշտ թիվը 1.200-ն է: Այս համոզմանն է մեզ բերում պատերազմից տուժածներին օգնող Կովկասյան կոմիտեի լիազոր Ա. Պավլովի՝ 1915 թ. հունվարին կոմիտեին հասցեագրված զեկուցագրում տեղ գտած հետևյալ նախադասությունը. «Այդ հաշիվը (խոսքը վերաբերում է 1.200-ին – Հ.Հ.) նահանգապետի առաջարկությամբ կազմվել է առանձին ոստիականական պրիստավների և հաշտարար միջնորդների ձեռքով»³:

Արևմտյան Հայաստանից և Պարսկաստանից եկած փախստականների գործընթացի պատկերը, ըստ հունվարին անցկացված վիճակագրության, առանձին գավառներով ներկայացվում է ներքոհիշյալ աղյուսակում⁴:

¹ Տե՛ս Մշակ, 10 մարտի 1915:

² Տե՛ս Մշակ, 9 մայիսի 1915, 15 դեկտեմբերի 1915: Հորիզոն, 3 հուլիսեմբերի 1915:

³ Տե՛ս Մշակ, 31 հունվարի 1915:

⁴ Տե՛ս Հորիզոն, 7 մարտի 1915:

	Հայր			Ստորին			Ընդամենը	
	Տուն	Շունչ	Բացա կայում են	Տուն	Շունչ	Բացա կայում են	Տուն	Շունչ
Գավառներ և քաղաքներ ¹	244	1435	177	30	147	118	274	1376
Երևան քաղաք	588	3765	422	922	5700	4505	1510	7848
Երևանի գավառ	173	1077	84	263	1529	1187	436	2186
Էջմիածնի գավառ	917	7702	782	8	39	26	925	6946
Նախիջևանի գավառ	1060	6517	1225	33	211	45	1093	5458
Սյուրմայրի գավառ	389	3284	310	-	-	-	389	2974
Նոր Բայազետի գավառ	135	885	65	-	-	-	135	820
Ընդամենը	3506	24665	3065	1256	7626	6002	4762	27608

¹ Օճանություն:

ա) Ներկա գտնված փախուստականների ընդհանուր թվի՝ 27,602-ի մեջ չեն մտնում գաղթի ընթացքում սպանվածները, մեռածները, ինչպես նաև անհետ կորածները, որոնք կազմում էին բավական մեծ թվով հայ և ասորի ընտանիքներ, որոնք մինչև հունվարի 30-ը, այսինքն՝ փնտվագրության օրը, ուղևորված են եղել Քիֆլիս և Բուսաստան: Տե՛ս Հորիզոն, 7 մարտի 1915:

բ) Այդ թվի մեջ չեն մտնում նաև բավական մեծ թվով հայ և ասորի ընտանիքներ, որոնք մինչև հունվարի 30-ը, այսինքն՝ փնտվագրության օրը, ուղևորված են եղել Քիֆլիս և Բուսաստան: Տե՛ս Հորիզոն, 7 մարտի 1915:

² Փակել են Ղարաբլիխայից, Ալաշկերտից, Դիարիբից, Իրեջու գյուղից, Մուրա-Սուլեյմանից, Զեարիկանից և այլ վայրերից: Տե՛ս Մշակ, 9 մայիսի 1915:

Աղյուսակում բերված տվյալներից ակնառու է, որ փախստականների մի խոշոր զանգված կանգ է առել Երևանի, Նախիջևանի և Սուրմալուի գավառներում: Փախստականների նման ձգտումը կարելի է բացատրել երկու հանգամանքով.

1. Արևմտյան Հայաստանին և Պարսկահայքին որքան կարելի է մոտ գտնվելու հանգամանքով, քանզի փախստականներին չէր լքել հայրենի օջախները վերադառնալու հույսը, և նրանք սրտատրոփ սպասում էին այդ օրվան:

2. Նշված գավառներում փախստականների բնակության համար սոցիալական կացությունն ավելի տանելի էր:

1915 թ. սկզբներից Երևանի նահանգի հայությունն ուժից վերջանք էր գործադրում ընդունելու և տեղավորելու Արևմտյան Հայաստանի և Պարսկաստանի տարբեր շրջաններից եկած հայ փախստականներին: Բազմաթիվ սկզբնաղբյուրների տեղեկացմամբ 1914 թ. վերջերից մինչև 1915 թ. սկզբը փախստականների թիվը Արևելյան Հայաստանում հասնում էր ավելի քան 100 հազարի¹:

Երևանի և Ալեքսանդրապոլի գավառներում կուտակված արևմտահայ փախստականների սեռատարիքային կազմն ըստ Մ. Պապաջանյանի տվյալների այսպիսին էր՝ 40-50 %-ը երեխաներ էին, 30-40 %-ը՝ կանայք, իսկ 20-30 %-ը՝ տղամարդիկ²:

Փախստականների տեղաշարժն ընդգրկել էր և Նոր Բայազետի գավառը: Ահա թե ինչ ենք կարդում «Հորիզոն» թերթի էջերից մեկում. «Երևանի նահանգապետը հեռագրով հայտնելով, որ Նոր Բայազետի գավառ են գալու 6.000 փախստականներ, կարգադրում է հոգ տանել Նոր Բայազետի գավառում տեղավորելու մասին»: Թերթի տեղեկացմամբ գավառապետ Ֆիլիպովը, խորհրդակցելով

¹ Տե՛ս Հորիզոն, 4 հունվարի 1915: ՀԱԱ, ֆ. 28, ց. 1, գ. 109, թ. 165:

² Տե՛ս Բ. Багдасарян, *Геноцид и армянская интеллигенция России*, Ереван, 2003, էջ 188:

Եղբայրական օգնության կոմիտեի հետ, որոշում է փախստականներին տեղավորել 59 հայկական գյուղերում, միջին թվով 100 շունչ¹: Այնուհետև նշվում է, որ գավառապետը, պրիստավը և լիազոր Լ. Պետրոսյանը մեկնել են Սուխոյ Ֆանտան գյուղը՝ դիմավորելու և ընդունելու փախստականներին²:

Նույն թերթի մեկ այլ հրատարակումից իմանում ենք, որ օգոստոսի 20–31-ը Ելենովկայի խճուղով դեպի Նոր Բայազետ քաղաք են անցել Վանի, Ալաշկերտի, Ախլաթի և Մանազկերտի շրջաններից փախած թվով 2.458 շունչ՝ 543 ընտանիք արևմտահայեր³:

Աղբյուրն⁴երը վկայում են, որ 3.380 փախստականներ էլ կանգ էին առել Ներքին Ախտայի շրջանի հարկի տակ և տեղավորվել նրա 16 գյուղերում՝ Ներքին Ախտայում՝ 472 մարդ, Վերին Ախտայում՝ 250, Քաղսիում՝ 295, Յանջիում՝ 138, Մաքրավանքում՝ 80, Մոլակում՝ 199, Ռնդամալում՝ 290, Ֆառուխում՝ 65, Քարվանսարայում՝ 250, Աղփարայում՝ 133, Արզաքանում՝ 155, Ալափարսում՝ 475, Թայչարուխում՝ 220, Բջնիում՝ 272, Թեգխարաբայում՝ 36 և Բաբաքիում՝ 50 մարդ⁴:

Փախստականների խմբերում եղել են նաև քուրդ երկու ընտանիքներ, որոնք հաստատվել են Դավախարաբա քրդաբնակ գյուղում:

Փախստական հայերի թիվը Երևանի նահանգում շարունակաբար մեծանում էր: 1917 թ. հունիսին արված վիճակագրության համաձայն այստեղ աա՛րող փախստականների թիվը տատանվել է 200 հազարից 250 հազարի սահմաններում, երբ ստացվեց ոռոսական կառավարության՝ փախստականներին նախկին բնակավայրերը

¹ Տե՛ս Հորիզոն, 20 օգոստոսի 1915:

² Տե՛ս նույն տեղում:

³ Տե՛ս նույն տեղում, 15 սեպտեմբերի 1915:

⁴ Տե՛ս նույն տեղում, 22 սեպտեմբերի 1916:

վերադառնալու հրահանգը: Խոսքն այն մասին է, որ ոուսական զորքերի հետ վերադառնալով Արևմտյան Հայաստան նպաստավոր պայմաններ ստեղծեցին Արևելյան Հայաստան և այլուր քշված փախստականների հայրենադարձության համար: Մոտ 150 հազար արևմտահայ փախստականներ վերադարձան հայրենի օջախները:

Հայրենի բնօրրանից փախստական դարձած հայությունը ժամանակավոր բնակավայրերում (բնակեցնում էին պետական հողերի վրա)¹ բազում պատճառներով ընկնում էր աննախադեպ ծանր վիճակի մեջ: Նախ՝ նրանցից շատերը, փախուստից առաջ կամ փախուստի ճանապարհին կորցրել էին ամեն ինչ և զրկվել ապրուստի ամենատարրական միջոցներից: Մի քանի օրինակներ բերենք այս ծավալուն հարցից: Այսպես, ԿՀԲ ընկերության լիազոր Շարաֆյանը, որ ընկերության կողմից ուղարկված էր Սարիղամիշի շրջան մանրամասն ծանոթանալու փախստականների դրությանը, ընկերությանը հասցեագրած զեկուցագրում նշում է, որ 11 գյուղերից փախել են հայերը և ոչ մեկը չի կարողացել հետը ոչինչ վերցնել, որովհետև նրանցից ամեն մեկը աշխատել է միայն իր կյանքն ազատել վերահաս վտանգից²:

Դարաչիչագի շրջանի Ռնդամալ գյուղից «Հորիզոն» թերթին հայտնում են, որ այստեղ ևս շարան-շարան գալիս են տաճկահայ փախստականներ, բոլորն էլ մերկ, ոտաբոբիկ, բաղկացած մեծ մասամբ կանանցից և երեխաներից³:

Անդրադառնալով Երևանի նահանգում տեղավորված փախստականների կացությանը՝ թերթը տվել է հետևյալ նկարագիրը. «Վերջին օրերս գաղթականները գալիս են ու գալիս: Բոլորը մերկ, գունատ, նվազած, ոսկրացած: Կատարյալ ուրվականներ:

¹ Տե՛ս ՀԱԱ, ֆ. 94, ց. 1, գ. 207, թթ. 33–34:

² Տե՛ս Հորիզոն, 8 դեկտեմբերի 1914:

³ Տե՛ս Հորիզոն, 15 սեպտեմբերի 1915:

Տնքոցից միայն իմացվում է, որ նրանք շնչավոր են: Մեծ մասը կանայք ու երեխաներ»¹:

Մյուսը՝ փախստականների հիմնախնդիրները լուծելու հարցում ցարական իշխանությունների շահագրգիռ վերաբերմունքի բացակայությունն էր:

Փախստականներին Երևանի նահանգում և նրա առանձին գավառներում տեղավորելու դժվարությունների թվին կարելի դասել արևելահայության ծայրահեղ վատթարագույն սոցիալական պայմանները և նրա խղճուկ ապրելակերպը: Երկրի գոյատևման և զարգացման երաշխիքը՝ տնտեսությունը, գրեթե զրոյական մակարդակի վրա էր: Ստեղծվել էր հանձնաժողով փախստականների կենցաղը կազմակերպելու համար²: Նրանք թեև ստանում էին պետականորեն հատկացված իրենց պարենը հացով կամ դրամով օրական 1/5 ֆունտ ալյուր և 3 կոպ. (այլ աղբյուրներում 10 կոպ.)³ փող, բայց և այնպես կանոնավոր սնունդ նրանց շրջանում բացակայում էր: Փաստաթղթերի ուսումնասիրությունից երևում է, որ Անդրկովկասի և Արևելյան հայաստանի հայությունը զորավիգ են կանգնել կարիքի մեջ հայտնված հայրենակիցներին՝ մասնակցել նրանց համար կատարվող դրամահավաքին՝ և կենսական առաջնահերթության այլ միջոցների հայթհայթմանը: Այդ նպատակի համար Անդրկովկասի խոշոր կենտրոններում՝ Թիֆլիսում, Բաքվում, Երևանում և այլուր հիմնվեցին բարեգործական ընկերություններ, որպիսիք հետագայում ստեղծվեցին նաև գավառների վարչական կենտրոններում⁴:

¹ Տե՛ս Հորիզոն, 3 ապրիլի 1915:

² Տե՛ս ՀԱԱ, ֆ. 94, ց. 1, գ. 207, թ. 31:

³ Տե՛ս նույն տեղում, թ. 33:

⁴ Մանրամասն տե՛ս Հ. Հարությունյան, *Նոր Բայազետի գաղտոյ 1828–1913 թթ.*, էջ 141–144: նույնի՝ *Նոր Բայազետի գաղտոյ 1914–1920 թթ.*, էջ 165–193:



Երևանի նահանգի և առհասարակ Արևելյան Հայաստանի բնակչության մեխանիկական աճի պատկերը նկատելի փոփոխություններ է կրել XIX դարի 30–40-ական թվականներից սկսած, որն անմիջականորեն կապված էր Ռուսաստանի տարբեր շրջաններից արտաքսված զանազան աղանդների պատկանող խմբերին սույն նահանգի տարածքում բնակեցնելու հետ: Նշված ժամանակաշրջանում, Անդրկովկասում ռուս գաղթականների բնակեցման գործը ղեկավարում էին Կովկասյան գլխավոր վարչության խորհրդի անդամ, երկրագործության և պետական գույքերի մինիստրության, կովկասյան լիազոր Ֆադեևը և Երևանի գավառապետ Բլավատուկին¹: Նորանվաճ տարածքների ռուս գաղթականներով վերաբնակեցումը ցարական կառավարության գաղութային քաղաքականության մեխանիզմի դետալներից մեկն էր և հիմքում ուներ ինչպես տնտեսական, այնպես էլ քաղաքական դրդապատճառներ. նախ, կենտրոնական Ռուսաստանը «մաքրել» կայսրության համար վտանգավոր տարրերից: Երկրորդ, կենտրոնական Ռուսաստանը բեռնաթափել ագրարային գերբնակչությունից:

Երրորդ, ռուսականացնել նորանվաճ տարածքները, ինչպես էթնիկական, այնպես էլ տնտեսական ու հոգևոր մշակութային առումներով:

Չորրորդ, հաշիվ տեսնել աղանդավորների հետ և վերադարձնել նրանց ուղղափառության գիրկը, իսկ մյուս կողմից էլ արտոնություններ շնորհելով «բարձր դասին», իր համար կայուն քաղաքական հենարան ստեղծել Անդրկովկասում²:

¹ Տե՛ս Հայ ժողովրդի պատմություն, հ. V, էջ 223:

² Տե՛ս ПКЭГ на 1912 г., Эриван, 1913, էջ 21: Հայ ժողովրդի պատմություն, հ. V, էջ 223:

1830-ականներից սկսվեց ռուս աղանդավորների՝ մոլոկանների, դոկտորների, ստարավերների, հրեացողների և այլոց տեղահանությունը դեպի Արևելյան Հայաստան: Ռուսաստանի կենտրոնական նահանգների՝ Տամբովի, Սարատովի, Սամարայի, Տուլայի, Վորոնեժի և Եվրոպական Ռուսաստանի այլ նահանգների՝ վտարանդի ռուսների մշտական բնակության համար Երևանի, Նոր Բայազետի, Նախիջևանի և Ալեքսանդրապոլի գավառներում հատկացվում են հողամասեր²: Հիմնադրվում են մի քանի ռուսական գյուղեր: Առաջին բնակավայրերից մեկը, որ հիմնադրվել է սույն գավառում, Սեմյոնովկան է³: 1848 թ. այն հիմնադրել են Տամբովի նահանգի Ուվարովոյ գյուղից վտարված սուբբոտնիկ և մոլոկան ռուս աղանդավորները: Հետագա տարիներին (1848–1850 թթ.) գյուղը համալրվում է նոր ռուս գաղթականներով: 1851 թ. այստեղ մշտական բնակություն հաստատած ռուս վերաբնակիչների թիվը հասնում էր 191 շնչի՝ 96 արական – 95 իգական կամ 23 ծուխ⁴: 18–46 թ. գավառի տարածքում Երևանը Թիֆլիսի հետ կապող մայրուղու վրա առաջացավ ռուսական նոր գյուղ՝ Ելենովկան⁵, որի հիմնադիր բնակիչները Տամբովի և Սարատովի նահանգների գանազան գյուղերից եկած աղանդավորներ էին՝ մեծ մասամբ սուբբոտնիկներ, կային և մոլոկաններ, պրիզուններ ու ստարավերներ⁶: Շնորհիվ նոր համայրումների՝ Ելենովկայի բնակչությունը ավելա-

¹ Տե՛ս *ՊԿՅԳ* *на 1912 г.*, էջ 39:

² Նրանց բնակեցնում էին ազատ և բերրի հողերի վրա, ամեն մի շնչին 25 դեսյատին հատկացնելով, նահանգի և գավառի վարչական կենտրոնները տանող բաժնուկ ճանապարհների վրա:

³ Գյուղն իր անվանումը ստացավ Կովկասի փոխարքայի հոր անունից: Տե՛ս Ա. Հայրթյան, *Հայաստանի ռուս վերաբնակիչները (1830–1920 թթ.)*, Երևան, 1989, էջ 68:

⁴ Տե՛ս ՀԱԱ, ֆ. 133, ց. 1, գ. 318, թթ. 95–100: Ե. Լալայան, *Եզվ. աշխ.*, էջ 127: Ու. Надеждин, *Кавказский край. Природа и люди*, 1901, էջ 155:

⁵ Բնակավայրն անվանակոչվել է Նիկոլայ Ա-ի որդու կնոջ՝ Ելենա Պավլովնայի անունով: Տե՛ս ՀԱԱ, ֆ. 133, ց. 1, գ. 329, թ. 296:

⁶ Սկզբնաղբյուրները վկայում են, որ առաջին վերաբնակիչներն այստեղ հայտնվել են դեռ 1835 թ.: Տե՛ս ՀԱԱ, ֆ. 133, ց. 1, գ. 318, թ. 96:

ցավ, և 1851 թ. դրությամբ նրա թիվը կազմեց 550 մարդ (281 արական, 269 իգական) կամ 108 ընտանիք¹: Տամբուլի նահանգից քշված մոլոկան աղանդին պատկանող մի քանի ընտանիքներ 1846 թ. հիմնադրեցին Կոնստանդնուպոլսյան գյուղը: Գյուղն անվանակոչվել է Նիկոլայ Ա-ի որդու՝ Կոնստանտինի անունով. «... ի նշանավորումն Կոնստանտին Նիկոլակիչի միապետական մեծության՝ հաճելի է Դարաչիչակ բնակավայրը անվանել Կոնստանտինուպոլս»²: Կոնստանտինուպոլսյան գյուղի բնակչության թիվը 1851 թ. կազմում էր 131 մարդ (61 արական, 70 իգական) կամ 18 ընտանիք³: Այսպիսով, ինչպես ցույց են տալիս արխիվային վավերագրերը, 1846–1850 թթ. Նոր Բայազետի գավառում հիմնվում են ռուսաբնակ Սեմյոնուպոլս, Ելենուպոլս և Կոնստանտինուպոլս գյուղերը: Նշված տարիներին ի հաշիվ Ռուսաստանի տարբեր նահանգներից (գլխավորապես կենտրոնական) կատարվող ներհոսքի ռուս բնակչության թիվն արագորեն ավելացել է 1850 թ. վերջին հասնելով 872 շնչի (438 արական, 434 իգական) կամ 149 ընտանիքի⁴: Նախատեսված էր չորս գյուղ էլ հիմնադրել Ելենուպոլսյի և Նոր Բայազետի միջև: Այդ գյուղերի հիմնադրման հետ կապվում էին նաև որոշակի տնտեսական հեռանկարներ՝ կապված Սևանա լճի հետ: Կովկասյան գլխավոր վարչության խորհրդի անդամ, երկրագործության և պետական գույքերի մինիստրության կովկասյան լիազոր Ֆադեևի մտադրությամբ այդ գյուղերի հիմնումը նոր լիցք կհաղորդեր ավազանի տնտեսության զարգացմանը, նավագնացության աշխուժացմանը և առևտրի ծավալմանը: Սակայն ռուս աղանդավորների հակառակ-

¹ Տե՛ս ՀԱԱ, ֆ. 133, ց. 1, գ. 318, թ. 96:

² Տե՛ս ՀԱԱ, ֆ. 133, ց. 1, գ. 318, թ. 96, գ. 329, թ. 296: Ե. Լալայան, նշվ. աշխ., էջ 127:

³ Տե՛ս ՀԱԱ, ֆ. 133, ց. 1, գ. 329, թ. 296:

⁴ Հաշվարկը կատարվել է ըստ ՀԱԱ, ֆ. 133, ց. 1, գ. 378, թթ. 94–95, 100-ի տվյալների:

վելը ծախողեց այդ պլանի կենսագործումը: Այստեղ հիմնվեց միայն Ալեքսանդրովկա գյուղը¹: Գավառի տարածքի բնակեցումը ոռու աղանդավորներով շարունակվել է և հետագա տարիներին, մի տարբերությամբ, որ այս անգամ այդ գործընթացին մասնակցել են նաև այն վտարանդի աղանդավորները, որոնք մինչ այդ ժամանակավորապես հաստատվել էին Անդրկովկասի տարբեր շրջաններում և Երևանի նահանգի զանազան գավառներում: Նոր Բայազետի գավառում կառուցվում են նոր ոռուական բնակավայրեր: 1851 թ. հիմնվում են Սուխոյ-Ֆանտանը², Ալեքսանդրովկան հնում՝ Չեյնալ Աբդին³ (բնակիչները Տամբուլի նահանգից եկած ոռու մոլոկաններ)⁴, Նադեժդինոն կամ Շորժան (բնակիչները Սամարայի նահանգի համանուն գավառի Կաբիլնա և այլ գյուղերից տեղահանված 15 ընտանիք ոռու մոլոկան, պրիգուն և սոբբոտնիկ աղանդավորներ)⁵, իսկ 1850 թ. Տոմբուլի և Վորոնեժի նահանգներից քշված մոլոկան աղանդավորները՝ Ներքին Ախտան⁶: Ռուս աղանդավորներից առանձին ընտանիքներ հաստատվեցին Ալեքսանդրապոլի

¹ Տե՛ս Հայ ժողովրդի պատմություն, հ. V, էջ 222–224:

² Այս անունը գյուղը ստացել է այն պատճառով, որ այստեղի միակ աղբյուրը կաթ-կաթ էր բխում և հաճախ չորանում: Հայերը կաթ-կաթ բխելը նկատի առնելով կաթ-կաթ էին կոչում, ուստի նրա չորանալը նկատի ունենալով անվանում էին Սուխոյ-Ֆանտան (չոր աղբյուր): Տե՛ս Ե. Լալայան, նշվ. աշխ., էջ 80, 84:

³ Ելենովկայում և Ալեքսանդրովկայում բնակություն հաստատած մոլոկանների որոշ մասը հետագայում տեղափոխվում է Կաղզվանի գավառ: Տե՛ս Сборник материалов для описания ..., вып. 38 отг..., էջ 237: Վ. Խոջաբեկյան, նշվ. աշխ., էջ 50:

⁴ Տե՛ս Ե. Լալայան, նշվ. աշխ., էջ 127:

⁵ Տե՛ս ՀԱԱ, ֆ. 133, ց. I. գ. 318, թթ. 96–97, 100: Ե. Լալայան, նշվ. աշխ., էջ 80: Այս գյուղի մի քանի թաթար ընտանիքներ ցանկություն են հայտնում տեղափոխվել Բասարգեչարի (Վարդենիսի) շրջան: Հենց այդ դիմումն էլ օգտագործելով որպես հարմար պատրվակ, ցարական պաշտոնյաները գյուղի բոլոր բնակիչներին «իրենց ցանկության համաձայն» վտարեցին գյուղից: Դատարկված գյուղում վերաբնակվեցին ոռու աղանդավորները: Տե՛ս Ա. Հայրժյան, նշվ. աշխ., էջ 71:

⁶ Ներքին Ախտան բաղկացած էր երկու մասից՝ հայոց և ոռուաց: Հայկականը գտնվում էր արևելյան մասում և հիմնվել էր 1829 թ., իսկ ոռուականը հյուսիսային մասում և հիմնվել էր 1860 թ.: Տե՛ս Ե. Լալայան, նշվ. աշխ., էջ 81:

գավառի Նիկիտինո և Վոսկրեսենովկա գյուղերում¹: Երկու նոր գյուղեր հիմնվեցին Ղարաքիլիսայի շրջանում, իսկ մեկն էլ՝ Ալեքսանդրապոլի գավառում:

Սուխոյ-Ֆանտան գյուղից քիչ հեռու, դեպի հարավ-արևմուտք, Երևան տանող ճանապարհի վրա 1861 թ. Հիմնադրվում է ռուսական Նովո-Նիկոլանկա (Ջրաբեր) գյուղը²: Երևանի գավառապետ Բլավատսկու առաջադրությամբ Նոր Բայազետի և Ալեքսանդրապոլի գավառների միացման վայրում՝ Միսխանայի ձորում (Հանքավան) հիմնադրվեց Նոր Միսայլովկա (Միսխանա) ռուսաբնակ գյուղը, որի վրայով նախատեսվում էր Ալեքսանդրապոլը անմիջականորեն կապել Սևանա լճի ավազանի հետ³:

Տվյալ ժամանակաշրջանի սկզբնաղբյուրները զգալի նյութ են պարունակում նաև Սևանա լճի հարավարևելյան մասի՝ Մազրայի հարթավայրը ռուս աղանդավորներով բնակեցնելու հարցի մասին: Պարզվում է, որ նշված հարթավայրը եղել է ռուսներով վերաբնակեցնելու Կովկասի իշխանությունների ծրագրերում: Այդ կապակցությամբ 1849 թ. դեկտեմբերի 6-ին Ֆադեևը Կովկասի փոխարքային ուղղված նամակում հիմնավորում է նշված տարածքը ռուս աղանդավորներով բնակեցնելու նպատակահարմարությունը և անհրաժեշտությունը: «Գյուկչա լճի հարավարևելյան մասում գտնվում է Մազրայի հարթավայրը: Անդրկովկասի երկրամասում իմ տեսած ամենահարուստ հարթավայրերից մեկը, ինչպես տեղադրությամբ, այնպես էլ հողի որակով, կլիմայով և առատ ջրով: ... այստեղ կարող են բնակվել մինչև 3 հազար ընտանիքեր...»⁴, - վստահեցնում էր Ֆադեևը: Սակայն այս ծրագիրը կյանքի չկոչվեց⁵: Լճի ափամերձ

¹ Տե՛ս *ՈՒՅԸԳ* *na 1912 շ.*, էջ 21:

² Տե՛ս *ՈՒՅԸԳ* *na 1912 շ.*, էջ 21: Ա. Հայթյան, նշվ. աշխ., էջ 66:

³ Տե՛ս Հայ ժողովրդի պատմություն, հ. V, էջ 224:

⁴ ՀԱԱ, ֆ. 133, ց. 1, գ. 359, թ. 17:

⁵ Տե՛ս ՀԱԱ, ֆ. 133, ց. 1, գ. 57, թ. 11:

այս հատվածում ռուս աղանդավորներով վերաբնակեցնելու հիմնական բարդությունը կապված էր ճանապարհների բացակայության հետ. «...այդ վերաբնակեցումը գլուխ չէկավ, քանի որ այն գտնվում էր փոստային մայրուղուց շատ հեռու և ռուսական վերաբնակեցման գլխավոր նպատակին՝ այդ բնակավայրերը գլխավոր ճանապարհների, երկայնքով հիմնադրելու խնդրին չէր համապատասխանում»:

Այսպիսով, Երևանի նահանգի բնակչության կազմում նկատելիորեն ավելանում է ռուս վերաբնակիչների թիվը: Արդեն 1850-ական թվականներին Երևանի նահանգում մշտական բնակություն հաստատած ռուս աղանդավորների ընդհանուր թիվը հասնում էր 3.561 մարդու¹: 1886 թ. Երևանի նահանգում արդեն հաշվվում էր 4.320 ռուս աղանդավոր, որից մոլոկան՝ 2.905, պրիգուն՝ 432, դուխոբուր՝ 150, սուբբոտնիկ՝ 833²:

Քննարկվող ժամանակաշրջանում Երևանի նահանգի բնակչությունը ռուս վերաբնակիչներից բացի, համալրվել է նաև Անդրկովկասի նահանգների և Հյուսիսային Կովկասի զանազան գավառներից մահմեդական բնակչության դեպի նահանգի տարածք պարբերական բնույթ կրող զանգվածային ներհոսքի ճանապարհով:

Այս իմաստով Հայաստանի հրաշալի բնակլիմայական պայմանները նպաստում էին անասնապահությամբ զբաղվելու համար: Խոսքն առավելապես վերաբերում է Նոր Բայազետի և Ալեքսանդրապոլի գավառներին, ինչպես նաև Շարուր-Դարալագյազի գավառի Դարալագյազի շրջանին: Անհարկի չձավալվելու համար, բազմաթիվ օրինակներից վկայաբերենք մեկ խոսուն օրինակ:

¹ Տե՛ս ՀԱԱ, ֆ. 133, ց. 1, գ. 2382. թ. 24:

² Տե՛ս *ОЗГ за 1887 г.*, էջ 3: *Свод статистических данных о населении Закавказского края извлеченных из посемейных списков 1886 г.*, Тифлис, 1893, էջակալում չունի:

Այսպես, 1889 թ. Ելիզավետպոլի նահանգից դեպի Նոր Բայազետի գավառ քոչեցին 655 տուն (3.446 շունչ), Բաքվի նահանգից՝ Շարուր-Դարալագյազի գավառ անցան 260 տուն (969 շունչ), իսկ Ելիզավետպոլի նահանգից՝ ևս 162 տուն (500 շունչ): Թիֆլիսի նահանգից էջմիածնի գավառ քոչեց 50 տուն (290 շունչ), Ալեքսանդրապոլի գավառ՝ 1.360 տնտեսություն (6.080 շունչ): Թվական տվյալների համադրությունը ցույց է տալիս, որ նշված տարում Թիֆլիսի և Ելիզավետպոլի նահանգներից Երևանի նահանգ մուտք է գործել մահմեդական բազմազան ցեղերի ընդհանուր գումարով 2.487 տնտեսություն, երկու սեռից 11.285 շնչով: Կասկածից վեր է, որ նրանց զգալի մասը մշտական բնակություն է հաստատել Երևանի նահանգում՝ էլ ավելի ստվարացնելով հավատակից ցեղերի շարքերը:

Տնտեսության զարգացման ոչ բավարար մակարդակը, աշխատուժի օգտագործման սահմանափակ հնարավորությունները, մշակելի հողերի սակավությունը XIX դ. վերջերից սկսած պայմանավորեցին Երևանի նահանգի բնակչության արտահոսքը դեպի Անդրկովկաս, Հյուսիսային Կովկաս, Ռուսաստան և արտասահման: Մեր ձեռքի տակ չկան ամփոփ տվյալներ XIX դ. վերջին և XX դ. առաջին տասնամյակին նահանգի բնակչության արտագնացության վերաբերյալ, ինչը սակայն չի նշանակում, թե արտագաղթի խնդիրը օրակարգային չէր: Այն, որ նահանգի բնակչության գործազուրկ և աղքատ զանգվածը աշխատանք գտնելու ակնկալիքով վաղուց էր սկսել մեկնել արտագնա աշխատանքի, իսկ արդեն նշված ժամանակաշրջանում մեծ ծավալների էր հասել, հաստատում են արխիվային փաստաթղթերը, ժամանակի մամուլը և «Կովկասյան օրացույցը»: Ըստ «Մշակ» թերթի՝ ամեն տարի հա-

¹ Տե՛ս ՕՅԴ Յձ 1889 շ., էջ 21:

զարավոր մարդիկ, տնտեսական և այլ կարիքներից դրոպած ստիպված հեռանում էին դեպի օտարություն, դեպի մեծ քաղաքներ՝ ապրուստ ճարելու համար¹: Պաշտոնական տվյալներով, նահանգից տարեկան միջինը 10–13 հազար մարդ մեկնել է նահանգի սահմաններից դուրս արտագնա աշխատանքի: Օրինակ, 1898 թ. Երևանի նահանգից զանազան քաղաքներ (Թիֆլիս, Բաքու, Բաթում, Քութայիս և այլն) արտագնա աշխատանքի է մեկնել 20 հազար մարդ, յուրաքանչյուրի միջին եկամուտը եղել է 50 ռուբլի, այսինքն՝ ընդհանուր գումարով 1.000.000 ռուբլի²: 1900 թ. նահանգից արտագնա աշխատանքի մեկնածների թիվը կազմել է 10 հազար մարդ, վաստակել են մոտ 150 հազար ռուբլի³ կամ յուրաքանչյուրի միջին մաքուր եկամուտը կազմել է 15 ռուբլի: 1901 թ. նահանգից արտագնա աշխատանքի է մեկնել 13.400 մարդ, այդ թվում՝ Նոր Բայազետի գավառից – 5.000, Ալեքսանդրապոլի գավառից – 3.200, Նախիջևանի գավառից – 3.000 և Շարուր-Դարալագյազի գավառից–2.200 մարդ, որոնց ընդհանուր վաստակը եղել է 201.000 ռուբլի, այսինքն՝ յուրաքանչյուր մարդու միջին վաստակը կազմել է 15 ռուբլի⁴:

Երևանի նահանգի տարբեր գավառներից արտագնա աշխատանքի մեկնած բնակչության թիվը և վաստակած գումարը 1912 թ. այսպիսի պատկեր է ունեցել⁵:

¹ Տե՛ս Մշակ, 1 մայիսի 1910:

² Տե՛ս ՕՅԴ Յձ 1898-ի շ., էջ 8:

³ Տե՛ս ՕՅԴ Յձ 1900-ի շ., էջ 7:

⁴ Տե՛ս ՕՅԴ Յձ 1901-ի շ., էջ 10–11:

⁵ Տե՛ս ՕՅԴ Յձ 1912 շ., էջ 14:

Գավառներ	Գյուղերի թիվը, որտեղից մեկնել են արտագնա աշխատանքի	Արտագնա աշխատանքի մեկնածների թիվը			Տարեկան վաստակը ռուբլիով
		Նահանգի սահմաններից դուրս	Նահանգի սահմաններում	Արտասահմանում	
Երևանի	79	195	1758	6	36230
Էջմիածնի	120	1157	3121	328	373565
Սուրմալուի	126	751	820	150	151410
Նոր Բայազետի	132	7361	3049	41	873780
Ալեքսանդրապոլի	148	5237	3821	515	832460
Շարուր-Դարալագյազի	96	1750	554	1	88950
Նախիջևանի	127	3917	1424	1077	350285
Ընդամենը	828	20368	14547	2118	2706680

Վերոնշյալ աղյուսակից կարելի է անել հետևյալ եզրահանգումները. ա) Արտագնա աշխատանքը (մշտական կամ ժամանակավոր) հանդիսացել է Երևանի նահանգի բոլոր գավառների բնակչության առօրյա կյանքի մի մասը, ընդգրկելով գյուղերի շուրջ 70 %-ը, բ) Արտագնա աշխատանքի (նահանգի ներսում և նրա սահմաններից դուրս) մեկնածների ընդհանուր թիվը կազմել է 37.033 մարդ, որից 20.368 կամ 55 %-ը աշխատանք է փնտրել երկրի այլ նահանգներում, 2.118-ը կամ 5,7 %-ը՝ արտասահմանյան երկրներում, իսկ 14.547-ը կամ 39,3 %-ը՝ նահանգի ներսում, գ) Նրանց տարեկան միջին վաստակը կազմել է 73 ռուբլի, դ) Արտագնա աշխատանքի մեկնողների ցուցանիշով առաջին տեղում Նոր Բայազետի գավառն է եղել՝ բոլոր գյուղերից, առանց բացառության, մեկնել են արտագնա աշխատանքի:

Ըստ վերոնշյալ աղյուսակի տվյալների այս գավառից երկրի այլ նահանգներ մեկնածների թիվը կազմել է ամբողջ նահանգից մեկնածների թվի 36,1 %-ը:

Տեղին է նշել, որ Նոր Բայազետի գավառի գործազուրկ և աղքատ զանգվածը աշխատանք գտնելու ակնկալիքով վաղուց էր սկսել մեկնել արտագնա աշխատանքի, իսկ արդեն ուսումնասիրվող տարիներին մեծ ծավալների էր. հասել: «Նրանց (Նոր Բայազետի բնակչության – Հ.Հ.) չափազանց շատ գնալու պատճառը, կարողում ենք «Մշակ» թերթի հրատարակումներից մեկում, - պետք է վերագրել այն հանգամանքին, որ օտարություն գնացողներից և ոչ մեկը սերմացու ցորեն էլյամ գարի չունեն, իսկ եթե պարտքով կամ վերադրով (հավելավճարով – Հ.Հ.) վերցներ (վերադիրը հասնում էր 80-90 %-ի) վերադարձնել չէր կարող»¹: «Չկա Կովկասում մի այնպիսի տեղ, որ այնքան թվով պանդուխտներ ունենան օտար վայրերում, ինչպես Նոր Բայազետը»², - գրում է «Մշակ» թերթը: Աղբյուրները վկայում են, որ տարիների ընթացքում, աստիճանաբար հարմարվելով նոր պայմաններին, պանդուխտները դեպի իրենց են քաշել նաև «իրենց ընտանիքը՝ կին, երեխա և այլն, թողնելով բուրդովին խոպանացած իրենց հողն ու ջուրը, իրենց արտն ու արորը»³, - տազնապում է հողվածագիրը: «Այս թոպեխ, - շարունակում է հեղինակը, - քաղաքում (Նոր Բայազետ – Հ.Հ.) մի ամբողջ թաղաբաժին՝ Բանդի-մահլա անունով, ավերակների է նմանվում: Տուն չեք գտնի, որում իր սեական տերը ապրելիս լինի: Նրանցից մի մասը փակ է, մյուս մասը տրված է քրեհով (վարձով – Հ.Հ.) մի չնչին գումարով՝ 1 ռուբլի ամիսը, երրորդ մասը՝ թողնված ձրիապես որևէ աղքատ ընտանիքի բնակության և պահպանության համար,

¹ Մշակ, 29 մարտի, 1888:

² Նույն տեղում, 1 մայիսի, 1910:

³ Նույն տեղում:

չորրորդ մասը քանդված է: Եվ այդ թաղի բնակիչները չվելով դեպի Թիֆլիս, Բաքու, Բաթում և այլ տեղեր՝ բուլորովին մոռացել են իրենց տուն ու տեղ, իրենց մայր հայրենիքը»¹: Համաձայն ժամանակի մամուլի հրապարակած տեղեկությունների, պանդուխտները Անդրկովկասի խոշոր արդյունաբերական և նավահանգստային կենտրոններում կատարում էին ամենաչարքաշ աշխատանքները, բայց վարձատրվում էին չնչին կոպեկներով: Նրանք աշխատում էին օրական 11-12 ժամ և ստանում միջին հաշվով 80 կոպեկ:

«Միակ մխիթարանքն այն է, որ,- գրում է «Մշակը», - մեր կողմերի պանդուխտները բավական փող են հասցնում իրենց ընտանիքներին: Օրինակ, Դալի-Ղարդաշ, Քյոսա Ահմեդ, Փաշաքենդ և այլ գյուղերը ամսական 1000 ռուբլուց ավելի փող են ստանում յուրաքանչյուրն իր պանդուխտներից»²:

Արտագնա աշխատանքը որպես ապրելակերպի լրացուցիչ միջոց իր կենսունակությունը չի կորցրել նաև հետագա տարիներին: Օրինակ, 1913 թ. Նոր Բայազետի գավառից արտագնա աշխատանքի մեկնածների թիվը եղել է 13.198, Ալեքսանդրապոլի գավառից՝ 12.700, որից՝ 3.121-ը նահանգի սահմաններում, 9.308-ը՝ նահանգից դուրս և 271-ը՝ արտասահմանում, իսկ Շարուր-Դարալազյանի գավառից՝ 2.407 մարդ, այդ թվում՝ 543-ը նահանգի սահմաններում, 1.863-ը՝ նահանգից դուրս և 1-ը՝ արտասահմանում³:

Հատկանշական է, որ Երևանի նահանգից արտագնա աշխատանքի էին մեկնում նաև արտասահմանյան երկրներ՝ գլխավորապես Թուրքիա (Արևմտյան Հայաստան) և Պարսկաստան: Օրինակ, ըստ աղյուսակ 17-ի, 1912 թ. նահանգի գավառներից արտասահման արտագնա աշխատանքի է մեկնել 2.118 մարդ, որը կազմում է

¹ Նույն տեղում:

² Նույն տեղում, 1 մայիսի, 1910; 14 հուլիսի, 1910:

³ Տե՛ս ՀԱԱ, ֆ. 1284, ց. 194, գ. 15, թթ. 18-21:

այլ նահանգներ մեկնածների՝ 10,4 %-ը, հիմնականում Նախիջևանի (1.077 մարդ կամ 50,8 %), Ալեքսանդրապոլի (515 մարդ կամ 24,3 %) և Էջմիածնի (328 մարդ կամ 15,5 %) գավառներից¹, որոնք անմիջականորեն սահմանակից էին Թուրքիային:

Արտագնա աշխատանքի էին մեկնում զանազան մասնագիտությամբ արհեստավորներ, հողագործներ և սևագործ բանվորներ ինչը ևս վկայում են սկզբնաղբյուրները: «Այսօր այստեղից (Ալեքսանդրապոլից – Հ.Հ.),- գլուս է «Մշակ» թերթը,- ուղևորվեցին դեպի Մուշ և նրա նահանգը 300-ի չափ մշակներ: Այդ ժիր երիտասարդները, հազնված նոր ու գեղեցիկ շորեր, տանում էին այստեղից գործիքներ, ինչպես օրինակ՝ գերանդիք, խզարներ, ուրագներ, կացիններ և այլ գործիքներ»²:

Ակօշնաղբյուրի ուսումնասիրությունը ցույց է տալիս, որ 1912–1914 թթ. ընթացքում Երևանի նահանգի տարբեր գավառներց արտագնացության է դիմել շուրջ 119,5 հազար մարդ, որից նահանգից դուրս՝ երկրի այլ նահանգներ 68.618 մարդ կամ 57,4 %-ը, 5.934-ը կամ մոտ 5 %-ը արտասահման, իսկ 45.000-ը կամ 37,7 %-ը՝ նահանգի սահմաններում³: Այս տվյալներն ամբողջությամբ վերաբերում են հայ բնակչությանը, որովհետև, ինչպես հավաստում են աղբյուրները, «թուրքաբնակ գյուղերն անշարժ են մնում, նրանք ոչ մի ժամանակ օտարության չեն գնում»⁴:

Ամփոփելով նշենք, որ բնակչության մեծաթիվ արտահոսքը երկարատև ժամանակամիջոցում էական ազդեցություն է թողել նահանգի ժողովրդագրական կառուցվածքի վրա՝ պակասել էր

¹ Հաշվարկը կատարվել է աղյուսակ 17-ի տվյալների հիման վրա:

² Մշակ, 26 հոկտեմբերի, 1883:

³ Հաշվարկը կատարվել է ըստ ՀԱԱ, ֆ. 1284, ց. 194, գ. 15, թ. 1821: *ՕՅԴ Յա 1912 շ.*, Երևան, 1913, էջ 14: *ՕՅԴ Յա 1913 շ.*, Երևան, 1914, էջ 16: *ՕՅԴ Յա 1914 շ.*, Երևան, 1915, էջ 17 տվյալների:

⁴ Մշակ, 1 մայիսի, 1910:

երիտասարդ տարիքային խմբի բաժինը ամբողջ բնակչության կազմում:

Երիտասարդ աշխատունակ տարիքի տղամարդկանց թվաքանակի կրճատման հետևանքով բնակչության կազմում կանանց տեսակարար կշռի բարձրացումը նկատելի էր դառնում:

Ահա թե ինչու ժողովրդագրական տեղաշարժերը անհանգստություն են պատճառել տեղական իշխանություններին և նրանք ամեն գնով պայքարել են այդ երևույթը կանխելու կամ հնարավորինս նվազագույնի հասցնելու համար: Ահա այդպիսի մի խոսուն փաստ, որը վերը ասվածը հաստատելուց բացի, ընչազուրկ աշխատավորության իրավագրկության ցայտուն օրինակ է: Այսպես, ըստ «Մշակ» թերթի մի հրապարակման «Թիֆլիսում ոստիկանությունը միշտ անցաթղթեր է պահանջում օտարականներից, այսինքն՝ գավառի բնակիչներից: Գյուղական ազգաբնակչությունը շատ դժվարությունների է հանդիպում անցաթուղթ ձեռք բերելու համար: Օրինակ, Նախիջևանի գավառում անցաթուղթ է տրվում միայն գավառական կառավարությունից, ուստի և ամբողջ գավառից ավելի քան 100 վերստ հեռավորություններից հավաքվում են Նախիջևան գավառական կառավարությունից անցաթղթեր ստանալու: Դիպուկ մի խեղճ գյուղական Ագուլիսից կամենում է գնալ օտարության՝ իր և իր տարեկան ապրուստը հայթայթելու համար. նա գյուղական հասարակությունից վերցնում է հարկավոր վկայականը՝ նրանով գավառական կառավարությունից օրինավոր անցաթուղթ ստանալու համար, նա ստանում է փոստային սայլակ կամ ֆուրգուն և գալիս Նախիջևան: Հասնելով Նախիջևան նրան ընդառաջ են վազում մի խումբ գրագիրներ, նրա համար, որ վճարովի դիմում գրեն գավառապետին: Տևում է մի երկու ժամ մինչև իր հերթը հասնում է: Գավառապետը թղթի վրա մակագրելով՝ հանձնում է գրագիրներին հարկավոր եղածը գրելու, որից հետո նա շտապում է

արքունի գավառական գանձատուն այնտեղից անցաթուղթ ստանալու համար»¹: Սակայն ստեղծված արհեստական դժվարությունների պայմաններում անգամ, հանապազօրյա հաց վաստակելու համար, մարդիկ շարունակել են բռնել դեպի այլ նահանգներ և արտերկիր տանող ճանապարհները:

Այսպիսով, Երևանի նահանգի բնակչության մեխանիկական տեղաշարժերի (նահանգից դուրս և դեպի նահանգ) տվյալների վերլուծությունը ցույց է տալիս, որ այդ շարժընթացը Երևանի նահանգի համար ունեցել է դրական ցուցիչ և կազմել է նրա բնակչության 30 %-ը կամ բացարձակ թվով կազմել է 37.033 մարդ:

*
* . * . .

Ուշագրավ է Երևանի նահանգի բնակչության ազգային էթնոդավանաբանական կազմի փոփոխությունների պատկերը: Աշխարհաքաղաքական հանգամանքների բերումով ամբողջ Հայաստանի, նաև Երևանի նահանգի բնակչության ազգային կազմը եղել է խայտաբղետ:

Ինչպես նախորդ դարերում, այնպես էլ ուշումնասիրվող ժամանակաշրջանում Հայկական լեռնաշխարհում բնակչության ազգային կազմի փոփոխությունները սնուցող գործոնը հանդիսացել է արտաքին քաղաքականը: Հատկանշական է, որ Հայաստանի էթնիկ օտարացման գործընթացը սկիզբ է առել XI դ. սկսած, կապված Արևելքի վաչկատուն ցեղերի դեպի արևմուտք կատարած և հաճախակի բնույթ կրող զանգվածային տեղաշարժերի հետ: Ավարառու այս ցեղերի հիմնական կորիզը կազմում էին օղուզները

¹ Մշակ, 24 մայիսի, 1883:

և թուրքմենները¹: Թուրքալեզու այս ցեղերը Հայաստանում հաստատեցին իրենց ապրելակերպին և կենցաղավարությանը հարիր տնտեսավարման համակարգ, որը մեծ հաշվով ուղղված էր նորագրավյալ երկիրը կողոպտելուն և նրա բնիկ բնակչությանն արմատախիլ անելուն: Խառնիփնթոր քառսում հայության մի մասն էլ ֆիզիկական բնաջնջումից փրկվելու համար, նախկինի նման հեռանում էր հայրենիքից և կյանքի ու ապրուստի միջոցներ փնտրում օտարության մեջ: Նրանք տեղաբնիկ ժողովրդին զանգվածաբար ոչնչացնելով և բնավեր անելով, երբեմնի ծաղկուն ու շեն երկիրը, չափազանց կարճ ժամանակամիջոցում, վերածեցին մոխրակույտի: Հայ ժողովուրդը դեռ չէր հասցրել ամոքել սելջուկ-թուրքերի ձեռքով ծվեն-ծվեն արված Հայաստան երկրի վերքերը, երբ կարճ ժամանակ անց նոր արհավիրքների ենթարկվեց մեկը մյուսին հաջորդող քրդական ցեղերի², մոնղոլ հորդաների և թուրքալեզու այլ ցեղերի կողմից:

Հայաստանում ամենուր էթնոժողովրդագրական կտրուկ փոփոխություններ տեղի ունեցան XVI–XVIII դարերում, երբ տևական և ավերիչ պատերազմներից հետո իրենց արյունոտ տիրապետությունը հաստատեցին Արևելքի մուսուլմանական երկու խոշոր տերությունները՝ իսանական Պարսկաստանը և Օսմանյան կայսրությունը: Բավական է նշել, որ Ռուսաստանին միանալուց առաջ Արևելյան Հայաստանում ապրում էր ընդամենը 169.155 մարդ: Ինչ վերաբերում է Արևելյան Հայաստանի երկու՝ Երևանի և Նախիջևանի խանություններին (ապագա Հայկական մարզին), ապա նույն ժամա-

¹ Տե՛ս С. Агаманов, *Очерки истории огузов и туркмен Средней Азии IX–XIII вв.*, Ашхабад, 1969, էջ 165:

² Քրդական տարրը Հայաստան ներթափանցեց Առաջավոր Ասիայից: Նրանք կենտրոնացան գլխավորապես Հայաստանի հարավային շրջաններում, Արարատյան դաշտում, Արագած լեռան ստորոտում, Սևանա լճի հարավային ու արևմտյան ափերին և այլուր: Տե՛ս Հ. Հարությունյան, *Նոր Բայազետի գավառը 1828–1913 թթ.*, էջ 12:

նակամիջոցում նրանց բնակչության ընդհանուր թիվը հասնում էր 119.650 մարդու:

1828 թ. Թուրքմենչայի պայմանագրով պարսկահայերի և 1829 թ. Ադրիանուպոլսի պայմանագրով արևմտահայերի վերաբնակեցման հետևանքով, Արևելյան Հայաստանում ընդհանրապես և Հայկական մարզում (ապագա Երևանի նահանգում) մասնավորապես նկատելիորեն փոխվեց բնակչության քաղաքակրթական և էթնիկ նկարագիրը:

Հատկանշական է, որ 1850 թ. սկսած Երևանի նահանգը իրապես դարձավ հայության հավաքական կենտրոնը: Նշված տարում Երևանի նահանգի բնակչության թիվը երկու սեռից եղել է 262.662 շունչ, որից՝ ար. – 136.688 (52 %), իգ. – 125.974 (48 %): Ճանաչված ազգագրագետ-ժողովրդագիր Հ. Սարգսյանը հենվելով մեկ այլ աղբյուրի վրա 1850 թ. Երևանի նահանգի բնակչության թիվը նշում է 240 հազար, որից՝ նստակյաց 81 %, նահանգի վաչկատուն՝ 9 %²: Մեր կարծիքով իրականությանն ավելի մոտ է 262.662 թիվը: Բարեբախտաբար սկզբնաղբյուրներում պահպանվել է 1850 թ. հաջորդ 1851 թ. Երևանի նահանգի բնակչության թվաքանակի վերաբերյալ տվյալներ, որը հիմք է տալիս հանգել նման եզրակացության: Այսպես, 1851 թ. նահանգի բնակչությունը եղել է ավելի քան 294 հազար³, այսինչն՝ նախորդ տարվա համեմատությամբ ավելացել է 54 հազարով կամ 18,4 %-ով, որն անհավանական է, քանի որ այդ տարիներին բնակչության տարեկան միջին աճը կազմել է 17,3 հազար մարդ:

¹ Տե՛ս Կ. Тавакалян, *Документы и материалы*, էջ 322:

² Տե՛ս Հ. Սարգսյան, *Երևանի նահանգի բնակչությունը 50 տարում (1850–1900 թթ.)*, էջ 115:

³ Տե՛ս *Девятая ревизия. Исследование о числе жителей в России в 1851 г.*, П. Кеппона, СПб., 1857, էջ 155: Հ. Սարգսյան, էջ 115:

1851 թ. Երևանի նահանգի բնակչության էթնիկ կազմը ամբողջությամբ ներկայացնել չենք կարող, քանի որ վիճակագրությունն այդ հնարավորությունը չի տալիս¹: Այդ իսկ պատճառով բավարարվենք միայն քաղաքային բնակչության ազգային կազմը ներկայացնելով: 1851 թ. հայերը Երևան քաղաքում եղել են 6.115 շունչ: Ալեքսանդրապոլ քաղաքում (բնակչությունը՝ 11.280) եղել է 10.696 (94,8 %) հայ բնակչություն, մահմեդականներ՝ 410 (3,6 %) շունչ, հույներ՝ 163 (1,4 %) շունչ: Նոր Բայազետ քաղաքում (բնակչության թիվը՝ 2.560) հայերը կազմել են 2.484 (97,0 %), այլք՝ 76 (3 %):

Ամենահայաշատը շարունակում էին մնալ Ալեքսանդրապոլ և Նոր Բայազետ քաղաքները: Մահմեդականները գերակշռել են Նախիջևան և Օրդուբադ քաղաքներում:

Հ. Սարգսյանի հաշվարկներով 1865 թ. Երևանի նահանգի բնակչության շուրջ 55 %-ը կազմել են հայերը, թաթարները՝ 37,5 %-ը², քրդերը (16.033 շունչ) 3,6 %, գնչուները (415 շունչ) 0,09 %, ասորիները (966 շունչ) 0,22 %, այլք՝ 3,6 %³: Միջանկյալ նշենք, որ արդեն 1866 թ. Երևանի նահանգում քուրդ բնակչության թիվը երկու սեռից կազմել է 22 հազար, հույներին մինչև 1 հազար, նույնը և ասորիներին, իսկ գնչուներին 500 շունչ³:

Հինգ տարի անց՝ 1870 թ. Երևանի նահանգի բնակչության ազգային կազմն այսպիսի տեսք ուներ. 453.540 մարդուց 256.300 կամ 56,5 %-ը բաժին էր ընկնում հայերին, 181.700 կամ 40 %-ը

¹ Վերջին հետազոտությունները բխում են այն համոզման, որ Ռուսաստանին միացումից առաջ մասնավորապես Երևան քաղաքն ունեցել է մոտ 13-14 հազար բնակիչ, որից 10 հազարը՝ հայ: Ուստի Ի. Շոպենի հաշվարկները խիստ կասկածելի են և վերանայման ենթակա են (տե՛ս Ա. Մեքունյան, *Շողոխյազրույթի իրավիճակը Երևանում XIX դարի առաջին քառորդին*, «Երևան - 5 (Գիտական հոդվածների ժողովածու)», Երևան, 2018, էջ 89-100 (խմբ.)):

² Տե՛ս Հ. Սարգսյան, նշվ. աշխ., էջ 117:

³ Հաշվարկը կատարվել է ըստ Н. Тавакалян, *Документы и материалы*, էջ 239, 241, 404 տվյալների:

³ Տե՛ս նույն տեղում, էջ 485:

մահմեդականներին, 10.500 կամ 2,3 %-ը ռուսներին, 4.600-ը կամ 1 %-ը ասորիներին և 0,1 հազարը կամ 0,2 %-ը հրեաներին ու լեհերին¹: Դժվար չէ նկատել, որ նահանգում 1870 թ. 1865 թ. համեմատությամբ բնակչության կազմում հայերի թվաքանակը ավելացել է 1,5 %-ով, իսկ մահմեդականներինը՝ 2,5 %-ով:

Երևանի նահանգի բնակչության էթնիկ կազմին վերաբերող հարուստ տվյալներ կան 1886 թ. մարդահամարի նյութերում: Տվյալների վերլուծությունը ցույց է տալիս, որ նշված տարում նահանգի հայ բնակչությունը կազմել է ամբողջ բնակչության 56 %-ը (1870 թ. համեմատությամբ մնացել է նույնը), գավառներում՝ 54,9 %, քաղաքներում՝ 69,3 %, թվաքանակով երկրորդ տեղն զբաղեցնող մահմեդականների (թուրքական ծագմամբ և քրդեր) համապատասխանաբար՝ 41,2, 42,3 և 29 %-ի դիմաց: Ամենահայաբնակը շարունակում էր մնալ Ալեքսանդրապոլի գավառը՝ 91,1 %, որին հաջորդում էր Նոր Բայազետի գավառը՝ 63,8 %: Մահմեդականները մեծ թիվ էին կազմում Շարուր-Դարալագյազի, Սուրմալուի և Նախիջևանի գավառներում²:

Նույն աղբյուրի տվյալներով բնակչության էթնիկ կազմը ըստ առանձին գավառների այսպիսի տեսք ուներ: Ալեքսանդրապոլի գավառն ամենահայաշատն էր՝ 91,1 %, Նախիջևանի գավառում հայերը՝ 45,3 % էին, Նոր Բայազետի գավառում՝ 96,4 %, Էջմիածնի գավառում՝ 63,5 % և այլն:

Մյուս ազգություններից. ասորիներ՝ 323 ընտանիք կամ 1682 շունչ (ար.՝ 921, իգ.՝ 761) բնակվել են Երևանի, Շարուր-Դարալագյազի և Էջմիածնի գավառներում: Հույները՝ 176 ընտանիք կամ 1026

¹ Տե՛ս *Сборник сведений о Кавказе*, т. 1, Тифлис, 1871, էջ 352–353:

² Հաշվարկը կատարվել է ըստ *ОЭП за 1893 г.*, էջակալում չունի: *КК на 1898 г.*, էջ 44–47: *Свод статистических данных о населении Закавказского края. Извлеченных из посемейных списков 1886 г.*, Тифлис, 1893, էջակալում չունի տվյալների հիման վրա:

շունչ (ար.՝ 547, իգ.՝ 479) տարածվել են Ալեքսանդրապոլի և Նոր Բայազետի գավառներում, հրեաները, լեհերը, վրացիները, գերմանացիները միասին՝ 0,2 %-ից պակաս են եղել¹:

Երևանի նահանգի տարածքում ապրող ազգերի ու ազգությունների և նրանց տեղաբաշխման մասին արժեքավոր տեղեկություններ են վկայաբերված 1897 թ. համառուսական մարդահամարի նյութերում: Ազգային կազմով նահանգի բնակչության շրջանում 100 բնակչին ընկել է 53,16, գավառային բնակչության մեջ՝ 52,49, իսկ քաղաքային բնակչության մեջ՝ 58,49 հայ:

Ալեքսանդրապոլի գավառում հայերը կազմում էին ամբողջ բնակչության 4/5-ը: Հաջորդ հայաշատը Նոր Բայազետի գավառն էր, ուր հայերը կազմում էին բնակչության ավելի քան 2/3-էին: Մոտավորապես նույն հարաբերակցությունն էր էջմիածնի՝ գավառում²: Հայերով ամենանոսր բնակեցվածը եղել է Շարուր-Դարալագյազի գավառը:

Հայերից հետո թվաքանակով Շրկրորդը թաթարներն (Կովկասի թուրքեր) էին, որոնց բաժին էր ընկնում նահանգի ամբողջ բնակչության 2/5 մասը: Թաթարների տոկոսը մեծ էր Շարուր-Դարալագյազի գավառում, ուր նրանք կազմում էին ամբողջ բնակչության ավելի քան 2/3-ը³: Հաջորդ խոշոր էթնիկ միավորը քրդերն են եղել՝ նահանգի ամբողջ բնակչության 5,9 %-ը⁴: Քրդերը մեծ թվով բնակվել են Սուրմալուի գավառում, նրանց բաժին էր ընկնում

¹ Հաշվարկը կատարվել է նույն աղբյուրների տվյալների հիման վրա:

² Տե՛ս նույն տեղում:

³ Տե՛ս նույն տեղում:

⁴ 1897 թ. նահանգում հաշվվում էր 49.389 քրդով (ար.՝ 26.239, իգ.՝ 23.150), որոնք ըստ դավանանքի բաժանվել են՝ շիա-մահմեդականներ – 35.675 (72,2 %) շունչ եզդիներ – 13.647 (27,6 %), մնացյալ 67 շունչը (0,1 %)՝ ուղղափառ, հայկաթոյիկ, հայ-լուսավորչական և հուդայական դավանանքների հետևորդներն էին: Տե՛ս *Первая всеобщая перепись населения Российской империи, 1897 г.*, էջակալում չունի:

ամբողջ բնակչության ավելի քան հինգերորդ մասը: Ռուսները կազմել են նահանգի բնակչության հիսուներորդ մասը: Նրանք հիմնականում բնակվել են Ալեքսանդրապոլի գավառում՝ 3,43 %-ը, իսկ ամենաքիչը Էջմիածնի գավառում՝ 0,07 %: Նահանգի բնակչության ավելի քան 0,3 % կազմել են ասորիները (2.862 շունչ): Նրանք հիմնականում ապրել են գավառներում, քաղաքաբնակ էր նրանց 0,1 %-ը: Ամենաասորաշատը Շարուր-Դարալագյազի գավառն էր, որտեղ նրանց տոկոսը հասնում էր 0,43-ի¹:

Նահանգի բնակչության մեջ հրեաների տեսակարար կշիռը կազմել 0,12 %: Նրանցից 794-ը կամ 79,4 %-ը քաղաքաբնակ էր, իսկ 206-ը կամ 20,6 %-ը՝ գավառաբնակ: Բանն այն է, որ հրեաների հիմնական զբաղմունքն առևտուրն էր: Երևանի նահանգում ինչպես միշտ վրացիների թիվը փոքր էր, ընդամենը 566²:

Երկու մարդահամարների տվյալների համադրությունը ցույց է տալիս, որ ավելի քան տաս տարիների ընթացքում նահանգի բնակչության ազգային կազմը նկատելի փոփոխություններ է կրել:

1897 թ. 19 տարի անց՝ 1916 թ. հայերը կազմել են Երևանի նահանգի բնակչության 59,8 %-ը, թուրքալեզու էթնիկ խմբերը՝ 33,3 %-ը, քրդերը՝ 3,2 %-ը, եզդիները՝ 1,5 %-ը, ռուսները՝ 1,4 %-ը և այլք՝ 0,8 %-ը: Գավառներում հայերի տեսակարար կշիռը կազմել է 57,7 %, մահմեդականներին՝ (թուրքական ծագման և եզդիներ)՝ 38,7 %, քաղաքներում համապատասխանաբար՝ 79,5 % և 19,2 %: 1897–1916 թթ. պաշտոնական վիճակագրությունը հնարավորություն է տալիս համեմատության մեջ տեսնել Երևանի նահանգի բնակչության էթնոժողովրդագրական կազմի 19 տարիների ուրվագիծը: Այդ տարիներին Երևանի նահանգի բնակչության կազմում հայերի

¹ Հաշվարկը կատարվել է նույն աղբյուրի տվյալների հիման վրա:

² Հաշվարկը կատարվել է ըստ նույն աղբյուրի էջ 1–3 և աղյուսակ 18-ի տվյալների:

տեսակարար կշիռն ավելացել է 3,8 %-ով, իսկ մահամեղականների-
նը՝ կրճատվել է 4,7 %-ով¹:

Քննարկվող հարցի տեսանկյունից հարկ է դիտարկել բնակչության տարիքային կողմից՝ միգրացիոն տեղաշարժերի: Ցավոք, կամերալ ցուցակագրություններում բնակչության տարիքային կազմին վերաբերող տվյալներ չկան կամ այդ մասին տեղեկություններ գտնել մեզ չի հաջողվել: Եզակի բացառություն է 1873 թ. կամերալ ցուցակագրությունը: Ըստ այս աղբյուրի 1873 թ. Երևանի նահանգի գավառների բնակչության (երկու սեռից 491.087 մարդ) մեջ 0–15 տարեկանների տեսակարար կշիռը կազմում էր 25,4 %, 16–20 տարիքային խմբերին՝ 5,8 %, 21–40 խմբերին՝ 15,1 %, 41–60 տարիքայիններին՝ 5,8 %, 60 և բարձր՝ 1,6 %²: Նույն տարիքային խմբերի կտրվածքով գավառներից յուրաքանչյուրի ցուցանիշն այսպիսին էր. Երևանի գավառ՝ 24,9 %, 5,9 %, 15,7 %, 6 %, 1,6 %, Ալեքսանդրապոլի գավառ՝ 25 %, 5,6 %, 14,3 %, 5,7 %, 1,8 %, Նախիջևանի գավառ՝ 27,4 %, 6 %, 15,7 %, 6,1 %, 1,7 %, Նոր Բայազետի գավառ՝ 24,9 %, 6 %, 14,3 %, 5,5 %, 1,9 %, Էջմիածնի գավառ՝ 25 %, 5,7 %, 15,1 %, 5,8 %, 1,6 %, Սուրմալուի գավառ՝ 19,4 %, 5,9 %, 16,1 %, 6 %, 12,3 %, Շարուր-Դարալագյազի գավառ՝ 26,4 %, 5,8 %, 14,9 %, 5,4 %, 1,2 %³: Ներկայացված թվային տվյալները ցույց են տալիս, որ 0-ից մինչև 15 տարիքային խմբերում ամենաբարձր ցուցանիշն ունեցել են Շարուր-Դարալագյազի (49,1 %) և Նախիջևանի (48 %) գավառները, գավառների միջինը եղել է 47 %, 16–20 տարիքային խմբերում ամենաբարձր ցուցանիշը արձանագրվել է Նոր Բայազետի և Սուրմալուի գավառներում՝ 11 %, գավառ-

¹ Տե՛ս նույն տեղում:

² Հաշվարկը կատարվել է ըստ *Сборник сведений о Кавказе*, т. 7. 1880. տվյալների էջակալում չունի:

³ Հաշվարկը կատարվել է նույն աղբյուրների տվյալների հիման վրա:

ների 10 % միջին ցուցանիշի դիմաց, 21–40 տարեկանների հաշվով առաջին տեղը 29 %-ով զբաղեցրել է Սուրմալուի գավառը, որին 28 %-ով հաջորդել են Երևանի և Էջմիածնի գավառները՝ հավասարվելով գավառների միջին ցուցանիշին: 41-ից մինչև 60 տարեկանները կազմել են գավառների բնակչության 10 %-ը, բացառությամբ Երևանի և Սուրմալուի գավառների՝ 11 %: 61 և բարձր տարիքային խմբերը Երևանի, Սուրմալուի և Շարուր-Դարալագյազի գավառներում կազմել են բնակչության 2 %-ը, իսկ մնացյալ չորս գավառներում՝ 3 %-ը¹:

Հետագա տարիներին նահանգի բնակչության տարիքային կազմը զգալի փոփոխություններ է կրել տարիքային կազմի երիտասարդացման շարժընթացի առումով: 1897 թ. համառուսական մարդահամարի տվյալներով Երևանի նահանգի բնակչության (829.556) կազմում 0–19 տարիքային խմբերում հաշվվում էր 428.897 մարդ կամ ամբողջ բնակչության 51,7 % (սեռային կազմով. ար.՝ 53 %, իգ.՝ 47 %), օգավառներում կազմում էին 388.304 (սեռային կազմով. ար.՝ 52,9 %, իգ.՝ 47,1 %) մարդ, այսինքն՝ գավառային բնակչության 52,6 %, քաղաքներում համապատասխանաբար՝ 40.593 (սեռային կազմով. ար.՝ 52,8 %, իգ.՝ 47,2 %) մարդ կամ քաղաքների բնակչության 44 %-ը²: Նահանգում 20–39 տարիքային խմբերում հաշվվում էր 252416 (սեռային կազմով. ար.՝ 53 %; իգ.՝ 46,3 %) մարդ, որը կազմում էր ամբողջ բնակչության 30,4 %-ը, գավառներում այդ տարիքային խմբի թիվը եղել է: 217.495 (սեռային կազմով. ար.՝ 51,5 %, իգ.՝ 48,5 %) մարդ կամ գավառների ամբողջ բնակչության 29,5 %-ը, քաղաքներում համապատասխանաբար՝ 34921 (սեռային կազմով. ար.՝ 67,3 %, իգ.՝ 32,7 %) մարդ, այլ խոսքով՝ քաղաքային

¹ Հաշվարկը կատարվել է նույն աղբյուրի տվյալների հիման վրա:

² Հաշվարկը կատարվել է ըստ *Первая всеобщая перепись населения Российской империи, 1897 г.*, էջ 1, 6–8 տվյալների:

բնակչության 37,8 %-ը: Ըստ մարդահամարի տվյալների նահանգում հաշվվում էր 40–59 տարիքային խմբի 108.806 (սեռային կազմով. ար.՝ 54,2 %, իգ.՝ 45,8 %) մարդ, այսինքն՝ ամբողջ բնակչության՝ 13,1 %-ը: Տարիքային այս խումբը՝ 12.877 մարդ (սեռային կազմով. ար.՝ 56,4 %, իգ.՝ 43,6 %) կազմում էր գավառային ամբողջ բնակչության 1,8 %-ը, իսկ քաղաքային բնակչության մեջ համապատասխանաբար՝ 9716 (սեռային կազմով. ար.՝ 49,3 %, իգ.՝ 50,7 %), 10,5 %:

Նահանգի բնակչության կազմում 60 և ավելի տարիքի մարդկանց տեսակարար կշիռը եղել է 8 %¹:

Այսպիսով, նահանգի բնակչության տարիքային կազմի տվյալների համադրությունը ցույց է տալիս, որ նրա կազմում գերակշռում էր ամենակտիվ տարիքային (10–49) խմբերի տեսակարար կշիռը՝ նահանգի կտրվածքով այն կազմել է 38,6 %, գավառային բնակչության կազմում՝ 37,7 %, քաղաքայինում՝ 49,8 %-ը: Անշուշտ, ժամանակի համար սա լավ ցուցանիշ էր ինչպես բնակչության բնական վերարտադրության, այնպես էլ տնտեսության մեջ բարձր ակտիվությամբ աշխատուժ ընդգրկելու համար:

Նահանգի բնակչության ներկայանակն ամբողջական ներկայացնելու շահախնդրությամբ հարկ է անդրադարձ կատարել նաև նրա սոցիալական կառուցվածքին, որը բազմաշերտ է եղել²:

¹ Հաշվարկը կատարվել է նույն աղբյուրի, էջ 1, 6–7 տվյալների հիման վրա:

² Պետական գյուղացիները պետական հողերից օգտվելու համար արքունիքին վճարում էին՝ ծխահարկ, հողահարկ և պետական տուրք: Նրանք կատարում էին պետության օգտին նաև զանազան սլաքիակներ: Կալվածատիրական գյուղացիները իրավաբանորեն նույնպես կոչվում էին պետական կամ արքունական, բայց տերունական հողերում բնակվող գյուղացիներ: Այդ գյուղացիները բաժանվում էին տարբեր խմբերի և կոչվում էին ֆեոդալական հողատիրության անուններով՝ պետական-մուլքադարական (բնակվում էին պետական-մուլքադարական հողերի վրա), մուլքադարական-թիուլդարական (բնակվում էին մուլքադարների և թիուլդարների տիրոջներում), վանքապատական (բնակվում էին հիմնականում Էջմիածնի, մասամբ՝ Մանահիմնի, Հաղպատի և Օձունի հողատարածությունների վրա), աղալարա-

արքունական (պետական), կալվածատիրական, մուլքադարական, թիուլդարական, աղալարական, պետական-մուլքադարական և վանքապատկան գյուղացիներ, քաղաքային դաս, տոհմիկ և անձնապես ազնվականներ¹, առևտրականներ, հոգևորականներ, զինվորական կոչում ունեցողներ և սոցիալական այլ շերտեր: Ըստ 1850 թ. տվյալների՝ նահանգի բնակչության սոցիալական կազմն այսպիսի պատկեր ուներ. տոհմիկ բարձր դասի ներկայացուցիչներ՝ 1.279 մարդ կամ ամբողջ բնակչության (262.662 մարդ) 0,5 %-ը, արքունական (պետական և այլ կարգի) գյուղացիներ՝ 258.671, եկեղեցու սպասավորներ և նրանց ընտանիքի անդամներ՝ 1.188, հոգևորականներ և նրանց ընտանիքի անդամներ՝ 1.179, անձնապես ազնվականներ՝ 219, զինվորականներ և նրանց կանայք՝ 21 մարդ²: Ինչպես կարելի է նկատել ամենաբազմամարդը եղել է գյուղացիությունը. կազմել է ամբողջ բնակչության 98,4 %-ը: Բազմաշերտ գյուղացիության կազմում առանձնապես մեծ էր հողագործության մեջ ընդգրկված գյուղացիության թվաքանակը: Բազմաթիվ օրինակներից վկայաբերենք մեկը: Այսպես, 1870 թ. նահանգում հողագործությամբ զբաղվել է 375.088 մարդ, այսինքն՝ ամբողջ գյուղացիության ավելի քան 76 %-ը³, բարձր դասի ներկայացուցիչների 0,5 %-ի և ազնվականների՝ 0,4 %-դիմաց:

1850 թ. հետո մինչև 1867 թ. նահանգի բնակչության սոցիալական կազմի փոփոխությունների պատկերն այսպիսին էր, գյու-

կան-բեգական և այլն: Գյուղացիության սոցիալական խմբերից պետք է հիշատակել նաև սեփականատերերին: Նրանք խիստ սակավաթիվ էին, դարավերջին կազմում էին 203 տնտեսություն: Տե՛ս Ա. Համբարյան, *Արևելյան Հայաստանի գյուղացիության սոցիալական կազմը XIX դարի կրկրորդ կեսին*, ՊԲՀ, 1984, № 1, էջ 111–114:

¹ Ազնվականների դասի մեջ մտել են խաները, բեգերը, մելիքները, սուլթանները և աղալարները: Տե՛ս ՀԱԱ, ֆ. 94, ց. 9, գ. 8, թթ. 1–2:

² Տե՛ս Н. Тавакалян, *Документы и материалы*, էջ 222–223:

³ Հաշվարկը կատարվել է ըստ *Сборник сведений о Кавказе*, т. 2, Тифлис, 1872, էջ 168–169, т. 7, Тифлис, 1880, էջակալում չունի տվյալների:

ղացիներ՝ 398.673 (ար.՝ 216.466, իգ.՝ 182.207), որը կազմել է նահանգի ամբողջ բնակչության 89,6 %-ը: 398.673 գյուղացիությունից 324.649 (ար.՝ 156.703, իգ.՝ 167.940)-ը կամ 81,4 %-ը պետական գյուղացիներն էին, որոնք բնակվել են պետական հողերի վրա¹:

Գյուղացիության ճնշող մեծամասնությունը բաժին էր ընկնում Երևանի գավառին՝ 73.281 (ար.՝ 39.079, իգ.՝ 34.202) մարդ կամ ամբողջ գյուղացիության 22,6 %-ը, չնչին փոքրամասնությամբ՝ մոտ 0,6 %-ով հետ էր մնում Նոր Բայազետի գավառը՝ 71.415 գյուղացիությամբ: Երկու դասերի՝ տոհմական և անձնապես ազնվականության թիվը հաշվվում էր 827, որից՝ տոհմիկ՝ 175-ը կամ 21,2 %-ը, 652-ը կամ 78,8 %-ը անձնապես ազնվականներ: Ընդ որում՝ տոհմիկ ազնվականներից 141-ը կամ 80,6 %-ը բաժին էր ընկնում Երևան և Ալեքսանդրապոլ քաղաքներին, 3 %-ը՝ Նոր Բայազետ քաղաքին, իսկ 31 %-ը՝ Էջմիածնի գավառին: Ինչ վերաբերում է անձնապես ազնվականությանը, ապա նրանք բնակվում էին նահանգի համարյա բոլոր գավառներում՝ բացառությամբ Օրդուբադի գավառի: Երևանի գավառում, հաշվվում էր 23, քաղաքում՝ 334, Ալեքսանդրապոլի գավառում՝ 229, քաղաքում՝ 23, Նախիջևան և Նոր Բայազետ քաղաքներում համապատասխանաբար՝ 29 և 9, իսկ Էջմիածնի գավառում՝ 28 անձնապես ազնվականներ²:

Բարձր դասին պատկանող սոցիալական մյուս խմբերի՝ բեգերի, մելիքների ու խաների ընդհանուր թիվը եղել է 3.853 կամ ամբողջ նահանգի բնակչության 0,9 %-ը: Հատկանշական է, որ նշված սոցիալական խմբերի կազմում մեծ էր բեգերի տեսակարար կշիռը՝ 3.526 մարդ կամ 91,5 %-ը³: Սոցիալական այս խմբերը տա-

¹ Հաշվարկը կատարվել է ըստ Н. Тавакалян, *Документы и материалы*, էջ 190, 491 տվյալների:

² Հաշվարկը կատարվել է Н. Тавакалян, նշվ. աշխ., էջ 190 տվյալների հիման վրա:

³ Հաշվարկը կատարվել է նույն աղբյուրի տվյալների հիման վրա:

րածված էին նահանգի բոլոր գավառներում, ստանձնապես Օրդուբադի, Նախիջևանի, Էջմիածնի և Երևանի գավառներում:

Երևանի նահանգում հաշվվում էր 6.692 հոգևորական, այդ թվում՝ 5.480-ը կամ 81,9 %-ը հայ առաքելական եկեղեցու, իսկ 1.212-ը կամ 18,1 %-ը մահմեդական կրոնի սպասավորներ: Աղբյուրում տվյալներ կան քաղաքային դասից հարկատու դասին վերաբերող՝ 40.379 մարդ¹:

1867 թ. հետո 30 տարիների ընթացքում (ներառյալ 1897 թ.) Երևանի նահանգի բնակչության սոցիալական կազմի պատկերը ըստ Համառուսական մարդահամարի նյութերի ներկայացված է ներքոհիշյալ աղյուսակում²:

Աղյուսակ 18

Գավառներ և քաղաքներ	Բնակչություն		Տոհմիկ սովնվա կաններ		Հոգևորականներ		Առևտրականներ		Քաղաքային դաս		Գյուղացիներ		Օտար երկրյա հպատակներ		Մնացյալ դասեր	
	Բնակչություն	%	Հոգևորականներ	%	Հոգևորականներ	%	Քաղաքային դաս	%	Քաղաքային դաս	%	Գյուղացիներ	%	Օտար երկրյա հպատակներ	%	Մնացյալ դասեր	%
Երևանի գավառ	150879		3712	2,46	1208	0,8	187	0,1	15059	10	124914	83	4154	2,7	1645	1,1
ք. Երևան	29006		2170	7,5	334	1,1	185	0,6	14927	51,5	8094	28	2122	7,3	1174	4,0
Ալեքսանդրապոլի գավառ	165503		1394	0,8	1572	0,9	381	0,2	20745	12,5	138515	83,7	2296	1,4	600	0,4
ք. Ալեքսանդրապոլ	30616		1111	3,6	302	1	363	1,2	20240	66,1	7999	26,1	462	1,5	139	0,5

¹ Տե՛ս նույն տեղում:

² Տե՛ս *Первая всеобщая перепись населения Российской империи, 1897 г.*, էջ 2:

Այլ բովան ցարգը- ներում	Անյոռը նահանգում	գ. Կաղարշապատ	Էջմիածնի գավառ	գ. Բաշենդաշեն	Շարուր-Ղարապա- գավառի գավառ	գ. Իգրիտ	Սոխումսոի գավառ	Զ. Նոր Բայազետ	Նոր Բայազետի գավառ	Զ. Օրդուբար	Զ. Նախիջևան	Նախիջևանի գավառ
92323	829556	5267	124237	867	76538	4680	89055	8486	122573	4611	8790	100771
4615	10823	196	1263	140	1389	142	1005	65	291	165	626	1769
5,0	1,3	3,7	1,0	16,1	1,8	3,0	1,1	0,8	0,2	3,6	7,1	1,8
1078	6531	194	1478	-	318	61	452	88	786	12	87	717
1,2	0,8	3,7	1,2	-	0,4	1,3	0,5	1,0	0,6	0,3	1	0,7
805	1014	2	2	3	3	31	73	220	225	-	1	143
0,9	0,2	0,04	0,002	0,4	0,004	0,7	0,08	2,6	0,2	-	0,01	0,1
52627	54222	126	322	43	216	18	71	7480	7641	3766	6027	10168
57	6,5	2,4	0,3	5	0,3	0,4	0,08	88,2	6,2	81,7	68,6	10,1
26572	737080	3886	118265	589	72884	3589	84025	413	112840	499	1503	85637
28,7	88,8	74	95,2	68	95,2	76,7	94,4	4,9	92,0	10,8	17,1	85
4521	15488	779	2591	86	1624	399	2626	15	123	147	511	2074
4,9	1,9	15	2,1	10	2,1	8,5	3	0,2	0,1	3,2	5,8	2,0
2105	4398	84	316	6	104	440	803	205	667	22	35	263
2,2	0,5	1,6	0,3	0,7	0,1	9,4	0,9	2,4	0,5	0,5	0,4	0,3

Աղյուսակից առաջինը, որ ուշադրություն է գրավում, նահանգի բնակչության կազմում գյուղացիության ճնշող մեծամասնությունն է: Նրանք կազմել են նահանգի ամբողջ բնակչության 88,8 %-ը, քաղաքային բնակչության մեջ՝ 28,7 %-ը¹: Փաստորեն 1897 թ. 1867 թ. համեմատությամբ նահանգի բնակչության կազմում գյուղացիության տեսակարար կշիռը կրճատվել է 0,8 %-ով: Այդ նվազումը արդյունք էր ինչպես բնական վերարտադրության հետ կապված խնդիրների, այնպես էլ բնակչության գյուղից դեպի քաղաք կամ նահանգից դուրս արտաիհոսքի:

Աղյուսակի տվյալներով նահանգի գյուղացիությունը, ըստ գավառների տեղաբաշխված է եղել այսպես. Երևանի գավառում՝ ամբողջ գյուղացիության՝ 16,9 %, Ալեքսանդրապոլի գավառում՝ 18,8 %, Նախիջևանի գավառում՝ 11,6 %, Նոր Բայազետի գավառում՝ 15,3 %, Սուրմալուի գավառում՝ 11,4 %, Շարուր-Դարալագյազի գավառում՝ 9,9 %, Էջմիածնի գավառում՝ 16 %: Նկատելի է, որ գյուղացիության կտրվածքով ամենաբազմամարդը եղել են Ալեքսանդրապոլի և Երևանի գավառները: Նահանգում քաղաքային դասը հաշվվում էր 54.222 մարդ, այդ թվում 52.627 կամ 97 %-ը քաղաքներում: Փաստորեն նահանգի հինգ քաղաքներում ապրել է քաղաքային դասի 57 %-ը, մնացյալ 43 %-ը՝ նահանգի գավառներում: Նախորդ տարիների համեմատությամբ նահանգում նկատելիորեն ավելացել է տոհմիկ ազնվականների թիվը և հասել է 10.823-ի, որից 4.615 կամ 42,6 %-ը՝ քաղաքներում: Թվական տվյալների համեմատությունը ցույց է տալիս, որ նահանգի բնակչության կազմում տոհմիկ ազնվականության տեսակարար կշիռը հավասար է եղել 1,3 %, գավառային բնակչության մեջ՝ 1,5 %, իսկ քաղաքային բնակչության մեջ՝ 11,7 %: Ներկայացված տվյալներին հավելենք, որ բնակչության

¹ Գյուղացի է կոչվել նաև կիսաբատրակը, կիսաբանվորը, որի գյուղացիական տնտեսությունը նրա գոյատևման օժանդակ աղբյուր է ծառայել:

թվաքանակի հաշվով քաղաքային բնակչության շրջանում 100 մարդուն ընկել է 3,07 տոհմիկ ազնվական, իսկ գավառային բնակչության շրջանում՝ 0,79, ամբողջ նահանգում՝ 1,92 տոհմիկ ազնվական: Նույն ժամանակ նահանգում անձնապես ազատների ցուցանիշը եղել է համապատասխանաբար՝ 1,92, 0,04 և 0,25¹:

Տոհմիկ ազնվականության ազգային կազմի պատկերն այսպիսին էր. թաթարներ՝ 44,1 %, ռուսներ՝ 31,2 %, հայեր՝ 15,3 %, վրացիներ՝ 4,5 %, այլք՝ 4,9 %²:

Աղյուսակի տվյալները փաստում են, որ Երևանի նահանգի բնակչության սոցիալական կազմում ամենացածրը առևտրական դասի տեսակարար կշիռն է եղել. կազմել է նահանգի բնակչության 0,12 %-ը, գավառայինի՝ 0,13 %-ը և քաղաքայինի՝ 1,1 %-ը: Քաղաքաբնակ և գավառաբնակ առևտրականների թվային հարաբերակցությունն այսպիսին էր. 1014 առևտրականներից քաղաքաբնակ էր 805 կամ 79,4 %-ը, իսկ գավառաբնակ՝ 209 կամ 20,6 %-ը: Նահանգում առևտրականների թվով առանձնանում են Ալեքսանդրապոլի գավառը՝ հաշվվում էր 381 առևտրական, որը կազմում էր ամբողջ առևտրականների 36,7 %-ը, Նոր Բայազետի գավառը՝ 225 առևտրական (22,3 %) և Երևանի գավառը՝ 187 առևտրական (18,4 %), ամենասակավաթիվը եղել են Շարուր-Դարալազյազի և Էջմիածնի գավառները համապատասխանաբար՝ 3 առևտրական (0,3 %) և 2 առևտրական (0,2 %):

Այս ամենը վկայում են, որ Երևանի նահանգում առևտրաարդյունաբերական հարաբերությունների թույլ զարգացման մասին:

Նահանգի բնակչության սոցիալական շերտերի ուսումնասիրության տեսանկյունից հետաքրիիր են հոգևոր դասին վերաբերող տվյալները: 1897 թ. տվյալներով նրանց ընդհանուր թիվը կազ-

¹ Տե՛ս *ՈՒՅՄ* *ու 1906 շ.* էջ 154:

² Տե՛ս նույն տեղում:

մում էր 6.531, որից 24 %-ը բնակվում էր Ալեքսանդրապոլի գավառում, 18,5 %-ը՝ Երևանի գավառում, 12 %-ը՝ Նոր Բայազետի գավառում, մնացյալ 45,5 %-ը՝ մյուս գավառներում: 6.531 հոգևորականներից 1.078 կամ 16,5 %-ը բաժին էր ընկնում քաղաքներին: Երևան քաղաքում հաշվվում էր 334 հոգևորական, Ալեքսանդրապոլ քաղաքում՝ 302, Նոր Բայազետ քաղաքում՝ 88, այսինքն՝ ընդհանուր հաշվով քաղաքաբնակ հոգևորականների 67,2 %-ը:

Այսպիսով, 1897 թ. Երևանի նահանգում հոգևոր գործունեությանը զբաղվել է բնակչության մոտ 0,8 %-ը:

Բնակչության թվաքանակի աճն ուղղակի կապի մեջ է դրվում նրա տեղաբաշխվածության հարցի ուսումնասիրության հետ: Նահանգի սակավահողության և աշխարհագրական ռելիեֆի (մակերևույթի կազմության) բազմազանության (լեռնային, նախալեռնային և ցածրադիր) հետևանքով բնակչության տեղաբաշխվածությունը ընթացել է այդ պայմաններին ու հնարավորություններին համապատասխան, այսինքն՝ անհամաչափ: Հասկանալի պատճառներով բնակեցումն ակնառու էր ցածրադիր գոտում:

Այսպես, 1850 թ. Երևանի նահանգի ցածրադիր գոտու բնակտարածքում 1 քառ. վերստի վրա միջին խտությունը կազմել է 5 ½ մարդ, լեռնային գոտում՝ 4, միջին գոտում՝ 1 1/3 մարդ¹: Այս տվյալները վկայում են բնակչության հիմնական զբաղմունքների մասին, որոնք էին հողագործությունը և անասնապահությունը: Հողագործը դառնում էր ցածրադիր գոտու, իսկ անասնապահը՝ լեռնային գոտու գլխավոր դեմքը:

Դա բնականաբար հանգեցնում էր աշխատուժի և բնական պաշարների արդյունավետ օգտագործման: Պետք է նշել, որ բնա-

¹ Տե՛ս II. Тавякалян, *Документы и материалы*, էջ 334:

կավայրերի խիտ կամ նոսր բնակեցվածությունը մշտապես կախված է եղել մարդկանց տնտեսական-մշակութային կյանքից:

Նկատի ունենալով այն իրողությունը, որ ուսումնասիրվող տարիներին Երևանի նահանգը հաճախ ենթարկվել է վարչատարածքային վերաձևումների՝ նրանից տարածքներ են կցվել Վրաստանի և Ելիզավետպոլի գավառներին, ինչպես նաև կրել է ներկառուցվածքային փոփոխություններ, որոնք, անշուշտ, ազդել են նահանգի բնակեցվածության միջին խտության վրա: Ասվածից ենթադրելի է, որ նշված հարցը պետք է դիտարկել ըստ առանձին ժամանակահատվածների: Պաշտոնական վիճակագրությունը հավաստում է, որ 1864 թ. 1850 թ. համեմատությամբ Երևանի նահանգում բնակչության միջին խտությունը ավելացել է 4,6 մարդով կամ աճել է 27,3 %-ով և 12,2-ից հասել է 16,8-ի¹: 1886 թ. 1864 թ. համեմատությամբ նահանգում բնակչության միջին խտությունը աճել է 42 %-ով կամ 12,2 մարդով և 16,8-ից հասել է 29-ի: Առավելագույն ցուցանիշներ արձանագրվել են Երևանի և Ալեքսանդրապոլի գավառներում: 1864 թ. տվյալներով Երևանի գավառում միջին խտությունը 1 քառ. վերստի հաշվով եղել է 17, իսկ արդեն 22 տարի անց՝ 1886 թ., ավելացել է 26,6 մարդով և կազմել է 43,6, այսինքն՝ աճել է 50,4 %-ով կամ մոտ 2,6 անգամ: Ալեքսանդրապոլի գավառում այդ ցուցանիշը 19,7-ից կազմել է 40,5 մարդ, ավելացել է 20,9 մարդով կամ ավելի քան 1,9 անգամ (51,6 %): Նույն թվականների կտրվածքով ամենանոսր բնակեցվածը եղել է Նախիջևանի գավառը, որտեղ միջին խտությունը 1886 թ. նշվում է 21,2 մարդ, 1864 թ. 9,3-ի դիմաց²:

¹ Հաշվարկը կատարվել է Н. Тавякалян, *Документы и материалы*, էջ 239. 322 տվյալների հիման վրա:

² Հաշվարկը կատարվել է *КК на 1867 г.*, էջ 312–313: *Первая всеобщая перепись населения Российской империи, 1897 г.*, էջակալում չունի: Н. Тавякалян, *Документы и материалы*, էջ 239, 322 տվյալների հիման վրա:

Ճիշտ է դա մեծ ցուցանիշ չէր, սակայն պետք է նկատի ունենալ, որ աճի տեմպերը ցածր չէին:

Հետագա տարիներին էլ ավելի է բյուրեղացել նահանգի բնակչության միջին խտությունը 1 քառ. վերստի վրա 1915 թ. հասնելով 48,3 մարդու, 1897 թ. 35,71 մարդու դիմաց, աճելով ավելի քան 1,3 անգամ կամ 26 %-ով: Նախորդ տարիների նման ամենախիտը բնակեցված էին Երևանի՝ 56,7 մարդ, Ալեքսանդրապոլի՝ 51,4 Ըարդ և Էջմիածնի՝ 51,8 մարդ գավառները: Ի տարբերություն նշված գավառների՝ մնացյալ՝ Նոր Բայազետի, Նախիջևանի, Սուրմալուի և Շարուր Դարալագյազի գավառներն իրենց ցուցանիշներով զիջում էին նահանգի միջին ցուցանիշին համապատասխանաբար՝ 6,1, 17,3, 14,9 և 14,1 մարդով:

Քաղաքների բնակեցվածության միջին խտությունն ամբողջության մեջ ներկայացնել հնարավոր չէ, քանի որ նշված տարիների համար, բացառությամբ 1886 թ., քաղաքների զբաղեցրած տարածքների վերաբերյալ համապատասխան տվյալներ չունենք: Ըստ այդմ, բավարարվենք 1886 թ. քաղաքային բնակչության միջին խտությունը արտահայտող տվյալների վերլուծությամբ:

1886 թ. մարդահամարի տվյալներով ամենախիտ բնակեցվածը եղել է Ալեքսանդրապոլ քաղաքը (բնակչությունը՝ 24.230, տարածքը՝ 45,60 քառ. վերստ)՝ 531 մարդ, որից հետո Նոր Բայազետ քաղաքը (բնակչությունը՝ 7.488, տարածքը՝ 19,60 քառ. վերստ)՝ 382 մարդ: Ամենանոսրը բնակեցված էին Նախիջևան քաղաքը (բնակչությունը՝ 6.939, տարածքը՝ 87,58 քառ. վերստ)՝ 79,2 մարդ և Օրդուբադ քաղաքը (բնակչությունը՝ 4.199, տարածքը՝ 45,30 քառ.

¹ Հաշվարկը կատարվել է *Первая всеобщая перепись населения Российской империи, 1897 г.*, էջ 1: *КК на 1899 г.*, Тифлис, 1898, էջ 34–37: *Сборник сведений о Кавказе*, т. 2, Тифлис, 1872, էջ 191: *ЛКЭГ на 1906 г.*, էջ 169: *КК на 1917 г.*, էջ 218–221 տվյալների հիման վրա:

վերստ)՝ 92,7 մարդ¹: Այս հանգամանքը կարելի է բացատրել երկու հանգամանքով: ա) Մահմեդական բնակչության տնտեսամշակութային կեցությամբ, այն է՝ ավանդական զբաղմունքը՝ անասնապահությունը և մասամբ հողագործությունը: բ) Դարավոր հետամնացությունն ու խավարը նրանց վարժեցրել էր քուչվոր ու կիսաքուչվոր կյանքին:

Քննարկվող հարցի տեսանկյունից հետաքրքիր է դիտարկել նահանգի բնակավայրերի, ծխերի, տնտեսությունների և շնչերի թիվը ըստ գավառների և քաղաքների: Այսպես, 1865 թ. վիճակագրությամբ նահանգի հինգ քաղաքներում և 1.115 գյուղերում (416 հայկական, 606 մահմեդական, 83 խառը և 10 ռուսական) բնակվելիս է եղել ընդամենը 437.719 (ար.՝ 237.868, իգ.՝ 199.851) մարդ²:

1873 թ. կամերալ ցուցակագրության մի քանի տվյալները կօգնեն մոտավոր գաղափար կազմել 1870-ական թվականների սկզբներին Երևանի նահանգի քաղաքներում և գավառներում մարդկանց բնակեցվածության հետ կապված որոշ հարցերի պատասխանելու համար: 1873 թ. Երևանի նահանգում բնակչության թիվը եղել է 535.040 մարդ³, տների քանակը՝ 71.630, որից գավառներում՝ 62.557 (87,3 %), իսկ քաղաքներում՝ 9.073 (12,7 %): Հիմնական բնակիչները հայերն ու մահմեդական ժողովուրդներն են եղել: Քանակական տեսակետից քրիստոնեաբնակ տների քանակը եղել է 6.118, մահմեդական և եզդիաբնակներին՝ 2.953, գավառներում համապատասխանաբար՝ 32.664 և 140.211 տուն, իսկ նահանգում՝ 38.782 և 157.343 տուն: Վիճակագրությունը ցույց է տալիս, որ տները հիմնականում կենտրոնացված էին քաղաքներից Ալեքսանդ-

¹ Հաշվարկը կատարվել է ըստ *КК на 1899 г.*, Тифлис, 1898, էջ 34–37 տվյալների:

² Տե՛ս Հ. Սարգսյան, նշվ. աշխ., էջ 117: *КК на 1867 г.*, էջ 312–313:

³ Այլ աղբյուրներում նշված է 547.693: Տե՛ս *Сборник сведений о Кавказе*, т. 7, Тифлис, 1880. էջակալում չունի:

րապուլում՝ 3.526 և Երևանում՝ 2.556 տուն, իսկ գավառներից Երևանի՝ 11.269, Էջմիածնի՝ 10.964 և Ալեքսանդրապոլի՝ 10.000 տուն:

Եթե գավառների ընդհանուր բնակչության թիվը բաժանենք տների քանակի վրա, ապա կստացվի, որ յուրաքանչյուր տանը ընկել է միջինը մոտ 7,8 մարդ, քաղաքներում՝ 5,2, ամբողջ նահանգում՝ 7,8: Նույն աղբյուրի տվյալներով բնակչության թվի համեմատությամբ ընտանիքի անդամների միջին խտությամբ առաջին տեղում գտնվել է Նոր Բայազետ քաղաքը (բնակչությունը՝ 5.530, տները՝ 795), քաղաքները համապատասխանաբար՝ մոտ 4,5 և 4,6 մարդ: Գավառներից ծխերի անդամների թվաքանակով դարձյալ առանձնացել է Նոր Բայազետի (բնակչությունը՝ 87.072, տները՝ 10.000)՝ 8,7 մարդ և Շարուր-Դարալագյազի (բնակչությունը՝ 51.199, տները՝ 10.964)՝ 7,9 մարդ գավառները¹:

1886 թ. նահանգի 670.405 բնակչությունն ապրում էր 1.267 գյուղերում և հինգ քաղաքներում, որից Երևանի գավառում՝ 1 քաղաք, 205 գյուղ, Ալեքսանդրապոլի գավառում՝ 1 քաղաք, 161 գյուղ, Նախիջևանի գավառում՝ 2 քաղաք, 169 գյուղ, Նոր Բայազետի գավառում՝ 1 քաղաք, 128 գյուղ, Աուրմալուի գավառում՝ 228 գյուղ, Շարուր-Դարալագյազի գավառում՝ 161 գյուղ և Էջմիածնի գավառում՝ 215 գյուղ²: Ըստ 1886 թ. մարդահամարի Երևանի նահանգում 100-ից մինչև 200 ծուխ ունեցող գյուղերի թիվը եղել է 201, իսկ 200-ից ավելի՝ 43: Անշուշտ, ժամանակի համար սա վատ ցուցանիշ չէր, սակայն պետք է նկատի ունենալ, որ գերակշռում էին փոքրաթիվ ծխերից բաղկացած գյուղերը: Օրինակ, նահանգում 346 գյուղ ունե-

¹ Հաշվարկը կատարվել է *ՕՅԴ za 1886 z.*, էջակալում չունի տվյալների հիման վրա:

² Տե՛ս *KK na 1889 z.*, էջ 35–37: *KK na 1901 z.*, էջ 40–43:.

ցել է մինչև 50 տուն, իսկ 201-ը՝ 50-ից մինչև 100 տուն: Նահանգում տների քանակը նույն տարում հաշվվում էր 90.918, որից քաղաքներում՝ 10.269 կամ 11,3 %-ը: 1886 թ. վիճակագրական տվյալները ներկայացնում են ծխերի ազգային պատկանելիության պատկերը: Երևան քաղաքում՝ ռուսական՝ 88, հայկական՝ 1.481, թաթարական՝ 1.386, այլը՝ 14, Ալեքսանդրապոլում՝ ռուսական՝ 14, հունական՝ 61, հայկական՝ 3.651, թաթարական՝ 89, այլը՝ 10, Նախիջևանում՝ ռուսական՝ 9, հայկական՝ 483, թաթարական՝ 992, այլը՝ 10, Օրդուբադում՝ 854 տնից հայկական՝ 84, թաթարական՝ 769 և Նոր Բայազետում՝ 1.128 տուն, որից՝ քրդական՝ 6, հայկական՝ 1.117, այլը՝ 5²:

Այսպիսով, եթե ամփոփելու լինենք հինգ քաղաքների հաշվով, կստանանք. Երևան՝ 2.968 ծուխ, Ալեքսանդրապոլ՝ 3.825 ծուխ, Նախիջևան՝ 1.494 ծուխ, Օրդուբադ՝ 854 ծուխ, Նոր Բայազետ՝ 1.128 ծուխ, ընդհանուր գումարով՝ 10.269 ծուխ, չհաշված այլազգի 39 ծուխը: Երևան քաղաքում յուրաքանչյուր ծուխ կազմված էր միջինը հինգ շնչից, Ալեքսանդրապոլում՝ 6,3, Նախիջևանում՝ 4,6, Օրդուբադում՝ մոտ 5, Նոր Բայազետում՝ ավելի քան 6,6 շնչից: 10.269 տներից հայերն ապրել են 6.816 տներում, որը կազմում էր ընդհանուրի 67 %-ը, թաթարների 3.235 տների (31,5 %) դիմաց³:

1886 թ. Երևանի նահանգի գավառների 80.649 տներից հայերը բնակվում էին 48.283-ում, որը կազմում էր ընդհանուրի մոտ 60 %-ը, թաթարների՝ 33.489 (41,5 %) տների դիմաց: Երևանի գավառում յուրաքանչյուր ծուխ կազմված է եղել միջինը 7 մարդուց, Ալեքսանդրապոլին՝ 8,5, Նախիջևանին՝ 7,3, Նոր Բայազետին՝ 8,

¹ Стів КК на 1889 г., էջ 35–37:

² Հաշվարկը կատարվել է ըստ *Свод статистических данных Закавказского края*, Тифлис, 1893, էջակալում չունի տվյալների:

³ Հաշվարկը կատարվել է նույն աղբյուրի տվյալների հիման վրա:

Սուրմալուին՝ 7,3, Շարուր-Դարալագյազին՝ 7,3, Էջմիածնի գավառին՝ 7,5: Ամբողջ գավառի կտրվածքով կազմել է 8,2, իսկ նահանգին՝ 7,4 մարդ¹:

1886 թ. մարդահամարից երեք տարի անց՝ 1889 թ. նկատելի փոփոխություններ են դիտվել նահանգի բնակավայրերի և ծխերի քանակական կազմում: Այսպես, 1889 թ. 1886 թ. համեմատությամբ նահանգում գյուղերի քանակը պակասել է 55-ով, որը կազմում էր բոլոր գյուղերի 4,3 %-ը: Երևանի գավառից պակասել է 4, Էջմիածնի գավառից՝ 52 և Նախիջևանի գավառից՝ 5 գյուղ²: Հատկանշական է, որ կրճատվել են հիմնականում սովոր թվով մահմեդական բնակչություն ունեցող գավառների գյուղերը: Բանն այն է, որ ինչպես ճիշտ նկատել է Հ. Սարգսյանը. «բացատրվում է այդ բնակչության շրջանում միգրացիոն բարձր արդյունքներով, կախված նրանց տնտեսական-մշակութային և քաղաքացիական կյանքից»³: Ասվածին հավելենք, որ նահանգում մշտական բնակվող մահմեդական բնակչության միգրացիան ի տարբերություն քոչվորների, կատարվում էր հիմնականում նահանգի ներսում:

Նշենք, որ նույն տարում նահանգի թվով 1.212 գյուղերում և հինգ քաղաքներում հաշվվում էր 9.3471 տուն, որից՝ 10.435 կամ ընդհանուրի 11,2 %-ը՝ քաղաքներում, իսկ՝ 83.036 կամ 88 %-ը՝ գավառներում: Աղբյուրը ցույց է տալիս, որ ամենախիտ բնակեցվածը եղել է Ալեքսանդրապոլի գավառը՝ միջին խտությունը մեկ քաղաքում կազմել է 41,3 մարդ, որից հետո գալիս է նահանգի ամենամարդաշատ Երևանի գավառը՝ 40,5 մարդ: Ամենից նոսր բնակեցված էին Նախիջևանի և Սուրմալուի գավառները համասլատասխանաբար՝ 21,6 և 22,8 մարդ: Նահանգի բնակչության մի-

¹ Հաշվարկը կատարվել է նույն տեղում:

² Տե՛ս ՕՅԴ Յձ 1889 շ., էջ 46:

³ Տե՛ս Հ. Սարգսյան, նշվ. աշխ., էջ 46-47:

ջին խտությունը մեկ քառ. վերստում կազմել է 29, որից՝ 15,6 տղամարդ և 13,4 կին¹: Միջանկյալ նշենք, որ Անդրկովկասի երկրամասում ամենախիտ բնակեցվածը Երևանի նահանգն էր:

Այսպիսով, Երևանի նահանգի բնակչության ժողովրդագրական շարժընթացի ուսումնասիրությունը հանգեցնում է հետևյալ եզրակացությունների: ա) 1850–1915 թթ. նահանգի բնակչության թիվն էականորեն ավելացել է: Բնակչության սեռային կազմում գերակշռել են տղամարդիկ: 1850–1870-ական թթ. նահանգի բնակչության թվաքանակի աճի հիմնական աղբյուրը սեփական վերարտադրությունն էր: 1870-ական թթ. երկրորդ կեսերից սկսած արտերկրներից և հարևան նահանգներից հայ և այլազգի ժողովուրդների կողմից դեպի Երևանի նահանգ զանգվածային ներհոսքով պայմանավորված բնական վերարտադրությունն իր տեղը զիջեց զանգվածային տեղաշարժերին: բ) Նահանգի էթնիկ կազմը չափազանց խայտաբղետ էր: Բնակչության քանակական աճին զուգընթաց նրա էթնիկական կազմում տեղի ունեցող փոփոխություններում հայերը շարունակում էին մեծ թիվ կազմել: 1850–1916 թթ. հայ բնակչության թիվն ավելացել է, իսկ մահմեդական բնակչության թիվը կրճատվել: գ) Աճել է երիտասարդ տարիքի բնակչության տեսակարար կշիռը ընդհանուր բնակչության կազմում: Այս հանգամանքը մեծապես ազդում էր բնական վերարտադրության վրա՝ էապես բարձրացնելով բնակչության ծնելիության և բնական աճի գործակիցները: դ) Բնակչության սոցիալական կազմում մեծ էր գյուղացիության բաժինը: Հատկանշական է, որ գնալով գյուղացիության տեսակարար կշիռը կրճատվում էր, իսկ սոցիալական մյուս խմբերինը՝ քաղաքային դասինը, ազնվականությանը, բարձր դասի մյուս շերտերինն ու առևտրականներինն աճել է:

¹ Տե՛ս ՕՅԴ Յձ 1889 շ., էջ 46–47:

ԳԼՈՒԽ ԵՐՐՈՐԴ

ԱՐՀԵՍՏՆԵՐԸ, ԱՐԴՅՈՒՆԱԳՈՐԾՈՒԹՅՈՒՆԸ ԵՎ ԱՌԵՎՏՈՒՐԸ

Գյուղատնտեսության, առհասարակ տնտեսության նշանակալի առաջընթացն անհրաժեշտ տնտեսական և սոցիալական պայմաններ ստեղծեց նաև արհեստների զարգացման համար: Հատկանշական է, որ պարսկական տիրապետության օրոք տնտեսության այս ճյուղը գտնվում էր, մեղմ ասած, աննախանձելի վիճակում: Արհեստավորական տեխնիկան պարզունակ էր, իշխում էր ձեռքի աշխատանքը, աշխատադրողականությունը շատ ցածր էր: Ի. Շոպենն իր աշխատության համապատասխան բաժնում խոսելով պարսից տիրապետության վերջին տարիներին Արևելյան Հայաստանում արհեստների մասին, նշում է. «... այստեղի արհեստավորն առանց դազգահի, գործիքների, ձեռքերով ու ոտքերով է աշխատում իր անհարմար շինվածքի վրա՝ աննկարագրելի ջանքերով...»¹:

Ռուսական տիրապետության ներքո բարենպաստ պայմաններ են ստեղծվում արհեստագործության զարգացման համար: Կայունացող արհեստագործությունը աստիճանաբար դուրս է մղում տնայնագործությանը: Գոյություն ունեցող սակավաթիվ արհեստանոցների կողքին 1850-ական թվականների սկզբներին հիմնվում են նորերը: Արհեստագործության նկատելի առաջընթացը բնութագրվում

¹ И. Шопен, նշվ. աշխ., էջ 842:

է արհեստագործական բնույթի զբաղմունքներում բնակչության ընդգրկվածության զգալի աճով:

Ծաղկում էին արհեստի ավանդական ճյուղերից կաշեգործությունը, դարբնությունը, բրուտագործությունը, մանածագործությունը, քարեգործությունը, ջուլիակությունը, գորգագործությունը և արհեստի այլ տեսակները, այսինքն՝ արհեստի այն ճյուղերը, որոնք կենսական և առօրեական նշանակություն ունեին բնակչության սոցիալ-տնտեսական կյանքում: Ասվածին հավելենք մի ոչ անկարևոր հանգամանք ևս: Խոսքը վերաբերում է արհեստագործությամբ զբաղվելու համար տեղական հումքի առկայությանը՝ այսինքն՝ այս հանգամանքը նույնպես կողմնորոշիչ նշանակություն ուներ արհեստի այս կամ այն ճյուղով զբաղվելու համար:

Երևանի նահանգում արհեստագործությունը նկատելի առաջընթաց ապրեց հատկապես 1850–1860-ական թթ.: Ներքաշվելով շուկայական հարաբերությունների մեջ, արհեստագործությունը դառնում էր բնակչության արտադրական գործունեության կարևոր ճյուղերից մեկը: Նահանգի քաղաքներն աստիճանաբար վերածվում են արհեստագործության կենտրոնների: Տեղին ենք համարում նշել, որ նահանգի գյուղական բնակչության զբաղմունքներում արհեստագործությունը ևս շոշափելի մասնաբաժին ուներ: Գյուղական բնակչությունը զբաղվում էր տնայնագործական բնույթի արտադրությամբ: Այլ կերպ ասած՝ գյուղական բնակավայրերում արհեստի շատ ճյուղեր տակավին չէին բաժանվել գյուղատնտեսությունից: Գյուղական արհեստավորներն իրենց արհեստով զբաղվում էին ձմռանը, տարվա մյուս եղանակներին պարապում էին գյուղատնտեսությամբ¹: Բացառություն էին կազմում գավառակների (շրջանների) վարչական կենտրոնները: Օրինակ, Էջմիածնի շրջանի վարչական կենտրոն Վաղարշապատում 1852 թ. դրությամբ

¹ Տե՛ս Մշակ, 16 մարտի, 1887:

հաշվվում էր 66 արհեստավոր, որից՝ 10՝ ջուլիակ, 7՝ կոշկակար, 6՝ դերձակ, 3՝ քարագործ, 5՝ ներկարար և այլն: Հատկանշական է, որ Վաղարշապատում գործում էին 19 գործարաններ, այդ թվում՝ 3 բուսական յուղի, 5 ներկարարական, 4 ալյուղաց, 2 կավագործական, 2 կաշվի և 1 մետաղագործական¹:

Երևանի նահանգի արհեստագործական կենտրոնը հանդիսանում էր Ալեքսանդրապոլի գավառը, մասնավորապես նրա վարչական կենտրոն Ալեքսանդրապոլ քաղաքը²: 1851 թ. Ալեքսանդրապոլ քաղաքում հաշվվում էր տալիքեր մասնագիտությունների 220 արհեստավորներ, այդ թվում՝ 50 (22,7 %)՝ դերձակներ, 50 (22,7 %)՝ կոշկակարներ, 20 (10 %)՝ ատաղձագործներ, 25 (11,3 %)՝ դարբիններ, 15 (6,8 %)՝ սղոճագործներ և այլ զբաղմունքի³: Նույն տարում Ալեքսանդրապոլ քաղաքում կային մանր ու միջին 36 ձեռնարկություններ՝ «Ֆաբրիկագործարաններ», որից 12՝ օճառի, 9՝ օղեգործական, 5՝ մանաճագործական, 3՝ կաշվի, 5՝ ձիթհան, 1՝ այլուրի և 1՝ կավագործակա՛ն⁴: Ինչպես կարելի է նկատել, գործարանների շարքում մեծ թիվ են կազմել օճառի և օղեգործական գործարանները: Օճառի արտադրության զարգացումը Ալեքսանդրապոլում հիմնավորված էր, քանի որ քաղաքից ոչ շատ հեռավորության վրա, Էջմիածնի գավառի սահմանի հարևանությամբ աճում էր հատուկ տեսակի խոտ, որի այրված մոխիրն օգտագործվում էր օճառի արտադրության մեջ: Հումքը պատրաստում և Ալեքսանդրապոլ էին բերելափոխում քոչվոր քրդերը՝ 150-ից մինչև 200 և ավելի հակ (մեծ պարկ) գրաստաբեռ և վաճառում արդյունաբերողներին⁵: Օճառը հիմնականում սպառվում էր ներքին շուկայում:

¹ Տե՛ս Н. Тавакалян, *Документы и материалы*, էջ 356:

² Քաղաքի շրջագիծը կազմում էր ավելի քան 20 վերստ (առանց ամրոցի)՝ 7 վերստ): Տե՛ս նույն տեղում, էջ 434:

³ Հաշվարկը կատարվել է նույն տեղում էջ 344-ի տվյալների հիման վրա:

⁴ Տե՛ս նույն տեղում, էջ 439

⁵ Տե՛ս նույն տեղում:

Օղու արտադրության համար որպես հումք օգտագործվում էր քիշմիշը (խաղողի չամիչ), որը բերվում էր Թուրքիայից: Օղին առավելապես վաճառվում էր գավառի ներսում, իսկ որոշ մասն էլ արտահանվում էր Նոր Բայազետի գավառ: Արհեստագործության և արդյունաբերության առաջընթացը խթանում էր քաղաքի ներքին և արտաքին առևտրի զարգացմանը, ապրանքադրամական և ապրանքաշուկայական հարաբերությունների ծավալմանը: Ալեքսանդրապոլի արտաքին առևտուրը մեծամասամբ կապված էր Թիֆլիս², Էրզրում, Կարս և Ախալցխա քաղաքների հետ: Այդ քաղաքներ արտահանվում էր զանազան տեսակի կոշիկներ, օճառ, բազմերանգ ներկեր, աղ, պղինձ և արդյունաբերական այլ ապրանքներ: Օրինակ, միայն օճառի վաճառքից տարեկան միջինը ստացվում էր 2.500 ռ. արծաթ գումար³: Յուրաքանչյուր տարի Ալեքսանդրապոլ քաղաքից արտահանվում էր Ախալցխա շուրջ 10 հազ. ռ. արժողության ապրանք: Թուրքիայից, Թիֆլիսից և Ախալցխայից ներկրում էին մեաքսյա, կիսամետաքսյա և բամբակյա կտորեղեն, հագուստ, հնոտիք (քուրջ ու փալաս), ծխախոտ, անտառափայտ, փայտյա և երկաթյա զանազան ապրանքներ⁴:

Ալեքսանդրապոլ քաղաքը համակողմանի առևտրական հարաբերությունների մեջ էր եվրոպական և գաղութային երկրների հետ: 1850 թ. այդ երկրներից ներկրվել է 4311 ռ. (1849 թ. 1431 ռ. 60 կոպ. դիմաց) շաքար, ըմպելիք, սուրճ, բամբակյա և մետաքսյա կտորեղեն¹: Ուշագրավ է, որ արտաքին առևտրի ոլորտում Ալեքսանդրապոլն ապրանքների արտահանման ծավալով ու շահութա-

² Ալեքսանդրապոլից դեպի Թիֆլիս փոստային ճանապարհով հեռավորությունը կազմում էր 265 վերստ, իսկ սայլագնա ճանապարհով՝ 200 վերստ, իսկ Կարսից՝ 80 վերստ: Տե՛ս Н. Тавакалян, *Документы и материалы*, էջ 434:

³ Տե՛ս նույն տեղում:

⁴ Տե՛ս նույն տեղում, էջ 344–345:

¹ Տե՛ս նույն տեղում, էջ 345:

բերությամբ գերազանցել է ներկրման համապատասխան ցուցանիշներին:

Այսպես, 1849 թ. արտասահմանի հետ առևտրի շրջանառությունը ներկրման գծով եղել է 151.483 ռ., իսկ 1850 թ. կազմել է 124.748 ռ., այսինքն՝ 26.735 ռ. կամ 17,6 %-ով պակաս: Նույն ժամանակամիջոցում արտահանումը կազմել է համապատասխանաբար՝ 92.955 ռ. և 111.008 ռ. 70 կոպ., ավելանալով 18.053 ռ. 70 կոպ. կամ 16,3 %-ով²: Դա, անշուշտ, զգալի գումար էր մանավանդ եթե նկատի ունենանք, որ քաղաքի ներքին առևտրի³ տարեկան միջին շրջանառությունը կազմում էր 200 հազ. ռ.⁴:

Թույլ արդյունաբերություն ունեցող քաղաքների թվին կարելի է դասել նաև Երևանը⁵: Որպես նահանգի քաղաքներին բնորոշ երևույթ Երևանում նույնպես արդյունաբերական արտադրության շարժիչ ուժերը հանդիսանում էին տեխնիկապես թույլ հագեցված մի քանի տասնյակի հասնող գործարանները և արհեստագործական արհեստանոցները: Այդ են վկայում վիճակագրական տվյալները:

1851 թ. Երևան քաղաքի 12.603 (ար.՝ 6.463, իգ.՝ 6.140) բնակչից արհեստագործական արտադրության մեջ ընդգրկված էր մոտ 450 մարդ, որից՝ 40 տակառագործ, 22՝ դարբին, 20՝ կաշեգործ, 33՝ ներկարար, 10՝ փականագործ, 20՝ արծաթագործ, 30՝ գլխարկ կարող, 18՝ մետաքսագործ, 68՝ կոշկակար: Այսինքն՝ յուրաքանչյուր

² Հաշվարկը կատարվել է նույն տեղում, էջ 345 տվյալների հիման վրա:

³ Ալեքսանդրապոլ քաղաքում բացվեց առևտրի շուկա Տրոիցկո (Երրորդություն) անունով, որը գործեց ընդամենը երկու շաբաթ: Բացի այդ քաղաքում կազմակերպվում էր ամենօրյա բաց առևտուր, որտեղ վաճառվում էին՝ կենսական նշանակության բազմատեսակ ապրանքներ՝ մրելոքներ, վառելիք, աշխատանքային գործիքներ, անասուններ և այլ ապրանքներ: Տե՛ս *KK* *на 1852 г.*, էջ 277–280, 441, 446–447:

⁴ Տե՛ս *Н. Тавакалян*, նշվ. աշխ., էջ 436:

⁵ Քաղաքը բաղկացած էր 4 գլխավոր մասերից – *шычарскую* (հին քաղաք), *та-пабашиинскую* (վերին քաղաք), *демирбулачскую* և *чолмакчинскую*: Առաջինը զբաղեցնում էր քաղաքի հյուսիսարևելյան կողմը, երկրորդը՝ արևմտյան, երրորդը՝ հարավարևելյան և վերջինը՝ հյուսիսային: Տե՛ս *Н. Тавакалян*, նշվ. աշխ., էջ 425:

հազար բնակչից արհեստագործությամբ զբաղվում էր 35,7 մարդ¹: Հայտնի է, որ նույն մասնագիտությամբ զբաղվող արհեստավորները ստեղծում էին իրենց հատուկ համքարությունները²: 1863 թ. Երևան քաղաքում հաշվվում էր հայ արհեստավորների 26 համքարություններ, ինչպես օրինակ, կաշեգործների, պղնձագործների, հացագործների, կոշկակարների, եվրոպական և ասիական հագուստների դերձակների և ուրիշ այլ համքարություններ³, որոնցում ընդգրկված էր 2.200 մարդ, որից՝ 745 (33 %) վարպետ, 692 (31,5

¹ Հաշվարկը կատարվել է նույն տեղում, էջ 347–348 տվյալների հիման վրա:

² Արհեստագործության զարգացման գործում կարևոր նշանակություն էր տրվում արհեստագործական հատուկ համքարությունների ստեղծմանը: Այս հարցի լուծման մեծ յոթնամյա լուծումը ոչ միայն նույն մասնագիտությամբ արհեստավորների սակավաթիվ լինելն էր, այլև նահանգապետից անհրաժեշտ թույլտվություն ստանալը: Բանն այն է, որ նոր համքարություն բանալու թույլտվություն տրվում էր նահանգապետի կողմից: Օրինակ, 1914 թ. փետրվարի 23-ին Ալեքսանդրապոլ քաղաքի մի խումբ քարագործներ ղյմում են Երևանի նահանգապետին հետևյալ խնդրանքով. «վաղուց քաղաքում անհրաժեշտություն է զգացվում հիմնելու քարագործների արհեստագործական ընկերություն, քանի որ քաղաքում հաշվվում է 123 քարագործ»: Տե՛ս ՀԱԱ, ֆ. 94, ց. 1, գ. 3269. թթ. 2–4:

³ Ուշագրավ ընթացակարգով էր կատարվում նորահատ արհեստավորներին վարպետ օրհնելու, իրենց ներքին գործերը կառավարելու համար յուզբաշի (ավագ վարպետ) ընտրելու արարողությունը: Ահա այդպիսի մի ցայտուն օրինակ: «Մեր արհեստավորների դասը,՝ Մեծ Ղարաքիլիսայից գրում են «Մշակ» թերթին,՝ հունիսյան նախօրեակի օրերում, երբ գարունը կարելի է ասել իր փառահեղություն գագաթնակետին է հասնում, սովորություն ունի մի անգամ համախմբված դուրս գալ անտառի հրաշագեղ ծոցում, սառնորակ աղբյուրի մոտ, զուարճանալ քնութան բարիքներով, խորհրդակցել իր գործերի մասին. ընկերության հաշիւները տեսնել, նորահաս արհեստաւորներին օրհնել տալ և մի պարզ ճաշով համեստ տեսարանը վերջացնել: Այս սովորութիւնը սկսված է 70 թից, երբ բոլոր արհեստաւորները միացած առանձին կանոնադրութեամբ ընկերութիւն են կազմում, իրենց ներքին գործերը կառավարելու համար ուստաբաշի են ընտրում: Այս տարի ևս այդ գեղեցիկ սովորութիւնը կրկնեցաւ, հարիւրից ավելի արհեստաւորներ ժողոված էին մերձակա անտառում, ինչպես միշտ՝ այս անգամ ևս հրաւիրված էր և հոգևորականութիւնը ... ընտրվեցան վարպետացս արհեստաւորներ և ասյա սկսվեցաւ օրհնութեան հանդէսը: Հայր Արսէնը կարևոր համարեց սկզբում մի քանի խօսք ասել արհեստի նշանակութեան մասին, յորդորեց երիտասարդ վարպետացներին անխարդախ լինել, բարեխղճութեամբ վերաբերվել դէպի իրենց արհեստը, միշտ ձգտել կատարելագործման, որից կախված է մասնաւորապէս արհեստաւորի կյանքի ապահովութիւնը և ընդհանրապէս հասարակութեան բարիքը: Հոգևոր հանդէսին յաջորդեց համեստ ճաշը դալար խոտի վրա... Այդ բազմութեան մեջ հազիւ 10 շիշ գինի և 2 շիշ օղի գործածվեցաւ»: Տե՛ս Մշակ, 4 հուլիսի, 1887:

%) ենթավարպետ և 763 (34,7 %) աշակերտ: Տեղին է նշել, որ ի տարբերություն համքարություններում ընդգրկվածների կային նաև այնպիսիք, որոնք գործում էին անկախ համքարություններից: Նույն տարում, օրինակ Երևան քաղաքում արհեստագործությամբ զբաղվում էին այդպիսի 230 արհեստավորներ, այդ տվում՝ 193 (53 %)՝ վարպետ, 84 (31 %)՝ ենթավարպետ և 43 (15,9 %)՝ աշակերտ¹:

1851 թ. Երևան քաղաքում գործում էր 93 ֆաբրիկա գործարան, այդ թվում՝ 68 ներկարարական, 12 կաշեգործական, 13 բրուտագործական և աղյուսի²: Հատկանշական է, որ Երևան քաղաքի բնակիչներից մեկը ծրագրել էր՝ կառուցել ապակու գործարան: Բանն է, որ ապակին ներքին և արտաքին շուկաներում ուներ մեծ պահանջարկ, բացի այդ կային հումքի մեծ պաշարներ Երևանի մերձակայքում, Չանգու գետի ժայռոտ ափերին, սակայն դրա արդյունահանումը չիրականացվեց վառելիքի թանկ լինելու պատճառով³:

Նորից անդրադառնալով գործարանների հարցին նշենք, որ մասնավոր սեփականություն հանդիսացող այս գործարանները մասնագիտացած էին բացառապես շինանյութերի արտադրության համար: Այս ապրանքների արտադրությունը սկզբունքային նշանակություն ուներ թե՛ ամբողջ նահանգի և թե՛ Երևան քաղաքի համար: Նախ՝ հումքը չէր ներկրվում, այսինքն՝ հենվում էին տեղական բազայի վրա, մյուս կողմից էլ այդ ապրանքների նկատմամբ մեծ հետաքրքրություն կար արտաքին շուկաներում: Կար մի հանգամանք ևս. նահանգում լայնորեն ծավալվող շինարարությունը նորանոր պահանջներ էր ներկայացնում շինանյութերի արտադրությունն ավելացնելու նկատմամբ: Այդուհանդերձ նոր կատարելագործումներ չէին իրականացվում գործարանների արտադրական գործըն-

¹ Տե՛ս Ի. Тавакалян, *Документы и материалы*, էջ 438:

² Տե՛ս նույն տեղում, էջ 346–347:

³ Տե՛ս նույն տեղում:

թացներում: Անհրաժեշտ ներդրումներ չէին կատարվում ձեռնարկությունների տեխնիկական վերակառուցման նպատակով, որի հետևանքով դրանք, ըստ էության, տնայնագործական տեխնիկայով զինված ձեռնարկություններ էին, որոնցում մեծ էր ձեռքի աշխատանքի տեսակարար կշիռը: Պարզ ասած, գործարաններում ցածր էր աշխատանքի արտադրողականությունը և արդյունավետությունը: Այդ են ցույց տալիս նաև համապատասխան վիճակագրական տվյալները:

Այսպես, 68 ներկարարական գործարանների տարեկան միջին եկամուտը կազմում էր մինչև 1290 ռ., կաշեգործականներինը՝ մինչև 3 հազ., իսկ բրուտագործականներինը՝ մինչև 2 հազ. ռ. արծաթ¹: Մեծ ծավալներով արտադրվում էր նաև ոգելից խմիչքներ:

Հետագա տարիներին նույնպես Երևան քաղաքի գործարանային արդյունաբերությունը մնում էր չափազանց թույլ զարգացած: 12 տարի անց՝ 1863 թ., Երևան քաղաքում հաշվվում էր 85 ֆաբրիկա-գործարան, որից՝ 29՝ կաշեգործական, 46՝ ներկարարական, 3՝ զինեգործական, 3՝ աղյուսի, 3՝ ճարպահալման և 1՝ բրուտագործական²: Պետք է նշել, որ այս գործարանները կառուցման չափերով, շենքային հարմարություններով, տեխնիկական զինվածությամբ, աշխատուժի որակական մակարդակով, արտադրողականությամբ և արդյունավետությամբ շարունակում էին մնալ ծայրաստիճան հետամնաց վիճակում: Օրինակ, կաշվի մշակման գործարաններից յուրաքանչյուրի տարեկան միջին եկամուտը կազմում էր ընդամենը 700 ռ., իսկ քիչ ավելի պակաս եղել է կավագործականներինը³:

Գործարանների անվանացանկից նկատելի է, որ դրանք առավելապես սնունդ, կենցաղային ապրանքներ և շինանյութ արտադրող ձեռնարկություններ էին: Պետք է նշել, որ ինչպես արհեստագ-

¹ Տե՛ս նույն տեղում:

² Տե՛ս նույն տեղում, էջ 346–347:

³ Տե՛ս նույն տեղում, էջ 427:



ISBN 978-9939-860-95-4



9 789939 860954